

ANALYSIS FIDEI CA-

8.8.8. CATHOLICAE,

HOC EST,

RATIO METHODICA
EAM IN UNIVERSVM FIDEM
EX CERTIS PRINCIPIIS PROBANDI, QUAM
sancta Romana Ecclesia, aduersus multipli-
ces Sectariorum errores,
profitetur.

Cum triplici INDICE, Scripturarum, Rerum, Et peculiari-
ter eorum argumentorum, quæ euidentius ostendunt,
omnes, quotquot fidei Romanæ Ecclesiæ repugnant, ab-
errare à vera & Catholica Religione.

AUCTORE

GREGORIO DE VALENTIA,
SOCIETATIS IESV.



Aug:

Cum Gratia & Priuilegio Cæsareæ Maiestatis,

INGOLSTADII,

Ex Officina Typographica DAVIDIS SARTORII

Anno clb. lb. xxcv. +

Col. Rom. Soc. Ies. Cat. Inaug. B.C. 1695



١٥٠٠



SERENISSIMO
PRINCIPI AC DO-
MINO, DOMINO GVILHELMO,
COMITI PALATINO RHENI, ET
vtriusq; Bauariæ Duci, &c. GREGORIUS de VALEN-
TIA, Societatis IESV, æternam à DEO Optimo
Max. felicitatem precatur.



AM multa sunt, Princeps
Serenissime, pro veritate
Catholicę fidei, aduersus
impia & sacrilega Secta-
riorum placita, nostris
hisce temporibus ab hominibus doctissi-
mis explicata; vt si veritas ipsa solùm, & nō
etiam magis modus quidam quærendi ve-
ritatem (quod Diuus Augustinus sibi per-
suadebat) in quæstionibus de Religione la-
teret; omnis in eo genere scribendi præterea
labor videri non immeritò posset superua-
caneus. Siue enim rerum in differendo co-
piam,

Lib. de utilitate
crendi,
cap. 8.

piam, siue vim ac multitudinem argumen-
 torum, siue testimoniorum pondera, siue
 quæuis alia veritatis ipsius firmamēta quæ-
 rimus, quid est, obsecro, quod in omnibus
 saltem, aut certè in pluribus horum tempo-
 rum Scriptoribus, magnoperè desiderari
 queat? Et tamen complures indies sunt ho-
 mines eruditi, qui iisdem de rebus, non mo-
 dò sine iusta vituperatione, sed etiam cum
 laude & commendatione multorum, ali-
 quid sibi esse identidem scribendum pu-
 tant, vt cum non noua planè, sed nouè quæ-
 dam dicuntur (quod magnæ apud omnes
 existimationis, idemque vetus auctor, Vin-
 centius Lyrinensis fieri præcipit) magis ac
 magis veritatis inueniendæ modus mon-
 stretur, tandemque intelligatur aliquando
 illustrius (vt ille auctor inquit) quod antea
 obscurius credebatur, & posteritas intelle-
 ctum gratuletur, quod antè vetustas non
 satis perspicuè planeque perceptum vene-
 rabatur. Quo quidē in genere, cum omnes
 benè institutæ de religione disputationes,
 vtilēs sint, tum illæ, omnium iudicio, maxi-
 mē

In lib. aduer-
 sus hæreses.

mè sunt necessariæ, quæ non vnum modò aut alterum quæstionis genus tractant, sed rei summam continent, eaq; principia doctrinæ ostendunt & confirmant, ex quibus est ab errore veritas in quauis controuersia discernenda. Etenim vt ij, qui Sectariorum fraude à Christi Ecclesia sunt abducti, rursus ad eam, hoc est, ad veritatis domicilium, relicto mendacio, reuertantur; doctrinam illis Ecclesiæ vniuersam aliqua demum ratione probari posse necesse est: cuius vniuersæ doctrinæ disceptatio, nisi verissimo aliquo compendio demonstrationis, certisq; principiis comprehendatur, quando tandem in tanta quæstionum tum multitudi-
ne, tum varietate terminari poterit? Nam quòd ipsius veritatis hostes Sectarij, horū quoq; principiorum, veritatis compendio concludendæ, inimicissimi sunt, nec nisi infinitam illam rationem, de singulis sigillatim doctrinæ partibus ex solis Scripturis disputandi, vtrò citroque vsurpari volunt; quid mirum? Nempe homines astuti, nec magnoperè disputandi cupidi, non eo con-

filio idagunt, vt ipsi multum disputent, sed vt nunquam satis constare possit, aberrare eos in vniuersum à vera doctrina, si nunquā (quod euenire est necesse) immensa illa de singulis doctrinæ partib⁹ ex Scripturis solis disputatio absoluat^r. Ergo, quoniam ab omnibus, quoquomodo possunt, pia cautāque vigilantia, vt D. Augustinus inquit, aduersus fraudulentas hereticorum calliditates, fides munienda atque confirmanda est; mihi etiam, Princeps Serenissime, post tam multos, tamque fructuosos aliorum labores, tentandum existimaui, vtrum modo quodam probatio vniuersæ fidei Catholicæ ita succinctè & aptè colligi tradiq; posset, vt & locus omnis tergiuersandi Sectariis obstruatur, & rectâ, sine impedimentis, in sola Ecclesia Catholica Romana sincerissimam veritatem Christianæ religionis reperiri, facilè possit concludi. Animaduerto enim, cū multa, quæ ad hoc etiam institutum pertinent, variè & copiosè scripta sint, tamen à plerisque adhuc certam rationem desiderari, quæ & initium & progressum & termi-

terminum disputationis de tota summa
 veræ fidei rectè, breuiter, ac perspicuè con-
 tineat, ne, quod vsu sæpe venire solet, de ipso
 in primis modo probationis tum delibera-
 re opus sit, cùm est doctrina Ecclesiæ Catho-
 licæ aut in priuato congressu, aut etiam pu-
 blicè confirmanda. Quod si minus id, quod
 mihi ad Dei gloriam proposui, præstare vi-
 debor; illud saltem nemini futurum ingra-
 tum spero, quòd admonebit certè Lecto-
 rem hæc nostra methodus, quo loco & ordi-
 ne, quæ sunt ab aliis etiam de fidei princi-
 piis prolixè & accuratè mandata literis, op-
 portuniissimè, in disputatione de vera fide,
 vsurpari possint. Huncautē Librum meum,
 vt in Ser.^m V.^a nomine apparere vellem, ra-
 tiones aliquot magnæ & illustres apud me
 effecerunt. Primùm enim haud scio, Prin-
 ceptis Ser.^m, an non in ipsam etiā rationem,
 legemque bonæ fidei à me quodam modo
 peccatum esse videri posset, si Librum & in
 Germania, & Ingolstadij, & in hoc Societa-
 tis IESV Collegio, à me pro fide Catholica
 elaboratū, alteri præterquam ei, qui & fidei

Catholicæ in Germania columen est clarissimum, & Academia Ingolstadiensis à progenitoribus suis magnificè institutæ conservator parensque optimus, & huius Collegij fundator munificentissimus, & Societatis IESV patronus singularis ac fautor, dicaui sem. Deinde, cuinam potius inscriptionem huius probationis fidei vel convenire magis, vel gratiorem esse futuram, existimare potui, quàm ei, qui & colit ipse mirificè, atque aliis etiam probat, præstantissimarum videlicet quarumcumque virtutum assidua exercitatio, fidem atq; religionem Catholicam, & ab omnibus eam coli similiter atque probari, incensissimo diuinæ gloriæ studio exoptat. Cæterum ipse etiā sentio & intelligo, Ser.^m Princeps, quanto perè mihi iam verendū sit, ne, si rationes reliquas consilij huius mei reddere ita verè, uti possem accœpi, pergam, non tam ego munus gratum Ser.^m V.^s offerā, quàm illius singularem animi moderationem & mihi & omnibus perspectam, offendam, dum ea videlicet de præclarissimis suis in omni genere

DEDICATORIA.

nere virtutibus speciatiim dicam, quæ licet
S.^m V.^m ista ipsa ratione vitæ suæ necessariò
prædicat, ab aliis tamen, vt oratione item
prædicentur, non æquo animo pati solet.
Quare comprimam hoc loco me, & tacitus
diuinam Maiestatem precabor, vt quæ tot,
tamque illustribus suæ sanctissimæ gratiæ
donis, ad Ecclesiæ Catholicæ in his locis fir-
missimum præsidium, S.^m V.^m hæctenus
ornauit, eandem etiam sua benedictione è
cœlo in rebus omnibus semper protegere,
indiesq; magis ac magis ad diuini Nominis
gloriam sempiternam augere, clementer
dignetur. Ingolstadij, 30. Martij.


Anno Domini

1585.




* 5

Hac



Hæc Catholica fidei Analysis Catholica est, & erudita, hisq; præsertim temporibus pernecessaria; ut, quam sequuntur Catholici certissimam credendi regulam, eam etiam ij agnoscant, qui sectarum impliciti erroribus, in ipsis fidei principiis, adeoq; in ipso Christiana Religionis limine tam turpiter, tamq; perniciosè aberrant. Ita testor ego

ALBERTVS HVNGERVS, SS. Theol. D. Professor & Procancellarius in Academia Ingolstadiana.



Maximo cum religionis Christiana fructu atque utilitate hæc R. P. GREGORII de VALENTIA fidei Catholica Analysis typis mandari & publicari potest, cum veritatis Orthodoxa principia aduersus Sectariorum errores orthodoxè solideq; confirmet.

PETRVS STEVARTIUS LEODIVS, SS. Theol. D. & Professor, ac eiusdem facultatis Theologicæ Ingolstadij, pro tempore Decanus.



PHILIPPI MENZELII

MED. DOCTORIS, ET IN ACADEMIA INGOLSTADIENSI ORDINARIJ

Professoris, de huius Libri argumento, Carmen.



*Emporibus summis, mundo minitante ruinam,
Pramonet illa DEI vox indubitata loquentis;
Affore falsidicos passim denso agmine Vases,
Qui CHRISTVM foris atque domi, per tecta, per agros,
Sacrilego simul ore fremant, monstrentq; crepantes,
Seducantq; ipsos (paterentur Numina) iustos.*

*Atque ea multiuiis erroribus amplior inde
Quippe fenestra patet, quod nec rationis ad unguem
Exploranda venit, sensusq; supra euolat omnes
Dia Fides, argumentum mirabile, & ad res
Non apparentes mortalia pectora tollens.*

*At non interea mundi pater optimus ille;
Quum saluos homines, nullo discrimine, cunctos
Esse velit: non ille viam, filumq; negauit,
Quod regat ambiguos per res diuorsia grassus,
Et Fidei solidam ducat nos usque sub arcem.*

*Sunt rata dicta, manet nunquam violabile verbum
CHRISTE supreme, tuum; falli, & fallere nescis.
Auspice te, sacri si ius accepit ouilis
Clauger omne senex, bis terq; vocatus; & idem
Est Fidei rupes, qua cætus ubique piorum
Nititur in terris, contra flammantis Auerni
Insidias, & portarum infelicia claustra,*

Præsidio

*Præsidio sanctorum, ignansq; per orbem:
Qua mala mens ea sit, quis memini lubricus error
Auferat in tantum, recta ut regione viarum
Excedens, ultra ambages, atque auiæ sceler?
Me verò & veterum vestigia fida parentum,
Quæ proavorum atavi, mundi melioribus annis,
Impressere, tenent angusto hoc tramite cuntem.
Ne retinet concors pietas: miracula rerum
Alliciunt: sancti rutilantia signa cruoris,
Insequor, hac CHRISTI pro religione cadentium,
Quomadmodum tellus, rubuerunt aquora Ponti.
Cætera quid memorem? Tu, quisquis ad æthera rectam
Nescius ire viam, cunctaris, & anxius hæres,
Huc oculos; animumq; refer mihi, candide Lector:
En liber hic facili certum te tramite sistet,
(Ni refugis) claramq; faciem per mille salebras
Præferet, ut meta victor potiari cupita.*

*Vos quoque, deserta quos PETRI nunc volentes
Pontus habet, saevusq; freti circumsonat æstus,
Si mens laua sinis, si quis modo corde rigenti
Sensus adhuc superest, hunc, agmina naufraga, portum
Arripite: hæc tabulas manibus prensate fideles.
Aut hinc certa salus manet, aut spes omnis adempta est.*

FINIS.

PRÆFA.



PRAEFATIO AD PIVM LECTOREM.

Ut tam insipientes sunt, & usque adeò ratione carent, ut quod naturali ratione notum atque evidens est, diffiteantur, in cordeq; suo dicant, non esse ullum Deum: ij nihil esse arbitrantur cur sit de religione satagendum. Quibus autem & species rerum omnium, quam perfectò ex aliquo verissima pulchritudinis fonte manare credendum est, & interior nescio qua conscientia (qua, ut Divus Augustinus inquit, meliores quosq; animos quasi publicè privatimq; adhortatur) Deum querendum, Deoq; servandum esse persuasit; hi de vera fide, sine qua placere Deo non potest, aut invenienda, aut conservanda, necesse est sint cum primis solliciti. Porro in negotio fidei duæ in primis res humanae rationi, praesertim solertis hominis, generatim deliberanda occurrunt. Prima, sit ne ad consequendam salutem necessario fides adhibenda Christiana doctrina? Secunda, si assentiri ei

Plalm. 13.

Lib. de utilitate credendi, cap. 16.

Hebra. 11.

Dua res à ratione humana di fide cogitantur.

I.

II.

A

opor-

oportet, qua vel nota vel regula utendum sit ad discernendum, utra potius sit ei doctrina sententia subiecta, cum ea de re questio incidit. Et prior quidem deliberatio ad eos propriè spectat, qui libros sacros non habent pro diuinis oraculis. Nam apud quos hi libri in auctoritate sunt, ij ut de Christiana doctrina veritate non dubitant, ita nec ambigunt de eiusdem necessitate. Hoc enim ipsum ea doctrina multis in locis tradit, fore ut qui non crediderint, sempiterna morte mulctentur. Posterior aut cogitatio est cura de nota est regula genuinā est veram sententiam doctrina Christiana à falsa est adulterina discernendi, eiusmodi certè est quam etiam atque etiam ij quoque versare animo debeant, qui fidem Christiana doctrina accommodauerunt. Nam qui Christiano nomine censeri volunt, est tamen à fide vera doctrinaque Christi aberrant, idcirco aberrant, quia regulam nesciunt ex qua oporteret existimare de veritate doctrina. Neque aliam ob causam de fide atque adeò de religione tam multe controuersie hisce præsertim temporibus, cum tristissima pernicie multorum, sine ullo fine agitantur, nisi

Marci 16.
Ioan. 3.
Ad Rom. 10.
1. Cotint. 1.
2. Thessal. 2.
Ad Hebr. 11.
&c.

nisi quia de regula ad fidei controuersias omnes
 dirimendas non conuenit. *Qua* si constiterit,
 uno eodemq; modo de veritate in vniuersis lo-
 cis controuersis facillimè constare poterit, si ad
 quaestiones omnes ea regula videlicet applicabi-
 tur. Igitur quod iam dudum, stimulante, ut
 ego confido, Domino, prestare ad eius gloriam
 proximorumq; utilitatem cupiui, id modò per-
 ficere aggredior, nō meis viribus, sed illius tan-
 tū auxilio fretus, qui dedit etiam optare &
 velle; ut scilicet iis, qui de vera fide vel reputa-
 re ipsi secum, vel cum aliis tractare velint, qua-
 si viam ab initio ad finem vsq; rectam demon-
 strent, qua ad certissimam regulam, & velut
 indicem verae fidei: atque adeò ad fidem veram,
 sine errore perducant. Non polliceor me de iis re-
 bus, quas tractaturus cum ad finem necessariò
 sum, inaudita prorsus allaturum, quod mini-
 mè in hoc genere desideratur; Sed rebus ipsis
 modum adhibere, commodamq; ex iisdem ac
 planam ad veritatem, ut dixi, viam sternere,
 eamq; argumentis bonis communire, & me-
 thodica doctrina explicatione, propitio Domi-
 no, illustrare conabor. Atq; ut studiosi vera fi-

Scopus huius
 operis.

Distributio eorum qua tractanda sunt.

dei rectius & ingredi eam viam, quam illis ostensurus sum, & in ea progredi possint, visum est ab initio hic statim tanquam ad oculum ipsis indicare sententias eas, quibus ordine, velut quibusdam intelligentia gradibus, hoc libro ad destinatum terminum veritatis eos dirigere decreui.

- I. **N**Ecesse omnino ad salutem est, firma fide credere, doctrinam, supra rationis etiam naturalis captum à Christo traditam esse diuinam, adeoq; certissimam.

Ubi isdem etiam ex argumentis, quibus olim sanctissimi Patres veritatem Christianæ religionis asseruerunt, nos colligimus, doctrinam Sectariorum non re, sed nomine tantum esse Christianam.

- II. **N**on satis autem ad salutē est credere in genere vniuersam doctrinam Christianam esse veram; nec etiam omnino sufficit aliqua eius doctrinæ capita in specie tenere: sed simul quoque necesse est, nihil falsi determinatē, quod in aliqua fidei quæstione cum vera sententia Christianæ doctrinæ pugnet, pertinaciter credere.

Atq; hic quidem eorum perniciosissimus error ex instituto redarguetur, qui apud Sectarios, ex quadam inuenienda veritatis (cū in Ecclesia eam quarere nolint) desperatione, sibi persuadent, quemlibet secundum suam qualemcunque fidem, modo ex præscripto conscientia sua viuat, salutem consequenturum.

Nec

NEc dubitandum est, quin aliqua exstet III.
auctoritas, ad iudicandum de fidei controuersis omnibus, infallibilis, per quā in omni determinata quæstione cognoscere fideles omnes commodè possint, quæ sit Christi verissima sententia & doctrina. IV

Quo loco certissima quadam fundamenta iacentur, ex quibus postea facile intelligi poteris, nullam à Sæctariis agnoscî auctoritatem talem, quæ ad omnes omnino fidei quæstiones determinandas sit ipsa satîs.

Auctoritas hæc infallibilis non est tantùm diuina, neq; tantùm humana, sed humana diuinitùs inspirata. IIII.

Quæ assertio aduersus insanum etiam quorundam Sæctariorum errorem confirmanda erit, qui somniârunt, à Deo ipso propriè unumquemque fidelem, sine alicuius humana auctoritatis magisterio, de fide doceri.

Auctoritas hæc humana inspirata diuinitùs, quæ de controuersis fidei omnibus iudicare valeat, nō vnus tantùm vel alterius hominis quondam vita defuncti, aut etiam aliquorum propria est, qui olim vel scripto, vel voce sententiam diuinam explicauerint, posteritatiq; commendârint, sed omnibus sæculis apud fideles ipsos viget præsens, & pronunciare perspicuè ac palam de fidei controuersis omnibus potest. V. IIIV

Hoc autem in loco evidentibus argumentis error ille principalis Sæctariorum redarguetur, quod Scripturam solam indicem omnium fidei controuersiarum esse velint. Itemque questio de Scriptura difficultatibus atque obscuritate ita tractabitur, ut planè appareat, Sæctarios hætenus statum eius questionis minimè intellexisse; nec repugnare illos amplius (si rem ipsam perceperint) ullo modo posse.

VI. **C**VM hæc auctoritas apud Christi fideles vigeat, non alibi aut quæri debet, aut inueniri potest, nisi apud veram Christi Ecclesiam, hoc est, apud congregationem verè fidelium. Ea verò congregatio non alia est quàm cœtus eorum qui Romano Pontifici pro tempore esistenti parent.

Potissimam igitur illam questionem de vera Christi Ecclesia, de qua ratione eam certissimè dignoscendi, ita hoc in loco explicabimus, ut planè etiam constet, ne tractatam quidem hætenus propriè à Sæctariis, sed declinatam ab his prorsus, cuiusdam tergiversationis artificio, eiusmodi questionem fuisse: ne, si propriis argumentis (quemadmodum oportet) de ea disputetur, nemo dubitare possit, ipsos à vera Christi Ecclesia defecisse. Id autem nos demonstrabimus: atque simul etiam planum faciemus, illis ipsis cauillationibus, quas recentiores Sæctarij, ut defendant, se non esse extra Ecclesiam, singulariter excogitauisse videntur, multò etiam magis eos reuinci.

VII. **I**S ipse Pontifex Romanus est, in quo, tantquam in Ecclesiæ totius capite, auctoritas illa residet.

Ad hanc autem rem confirmandam, Dini Petri & Romani Pontificis in Ecclesia Primatus cōmoda methodo à nobis probabitur: itemque, redarguetur aliquantò evidentius pertinacia Sæctariorum in hac tota questione.

Quo-

Quotiescunq; igitur Romanus Pontifex in fidei quæstionibus definiendis auctoritate istiusmodi vtitur; ab omnibus fidelibus tanquam doctrina fidei recipi diuino præcepto debet ea sententia quam ille decernit esse sententiam fidei. Toties autem ea ipsum auctoritate vti credendum est, quoties in controuersia fidei sic alterutram sententiã determinat, vt ad eam recipiendã obligare velit yniuersam Ecclesiam.

Vt autem hic locus plenè explicetur, multa de vi ac vsu eius auctoritatis, qua est Romanus Pontifex ad definiendum res fidei prædictas, necessariò explicanda erunt: itaq; exponemus quatenus etiam oporteat in determinandis fidei controuersis quasdam adhibere quasi regulas, cuiusmodi sunt in primis Scriptura sacra, Traditio, Concilia, concors sententia Doctorum Ecclesie, &c. De quarum etiam regularum auctoritate & vsu summam dicendum erit, ac tum ad extremum Analysis tota concludetur.

Has ordine sententias ubi totidem libri nostri partibus, adiuvante Deo, confirmauerimus, tam facile vera fidei studiosis erit, repudiatis erroribus, vel inuenire, vel conseruare doctrina sana in legitima Christi Ecclesia veritatem, quàm est facile cognoscere, quid Romanus Pontifex de vnaquaque fidei controuersia credendum proponat. Et nihilominus tamen graues causse sunt, cur præterea homines eruditi non modò utiliter, sed necessariò et i-

*Fructus huius
tractationis.*

*In quæstionib.
fidei non san-
ctum communi
fidei regula, sed
etiam propriis
cuiusq; loci ar-
gumentis, idè
videndum est.
Sed hæreticorū
pertinacia ma-
gius retinatur.*

am faciant, cū aduersus refractarios obstinatosq; fidei hostes ex pluribus aliis etiā Theologicis locis argumenta ad singulas controuersias accommodata pro veritate ducunt, remq; tractant ex propriis. Quoniam verò series & ratio rerum à me propositarum ea est, ut nisi multa simul disputentur, ad quorum intelligentiam doctrina & eruditione aliqua opus est, explicari commodè nō possit, adiiciam sub libri finem pro minus etiam eruditis (omnibus enim prodesse vellem, si Dominus etiam vellet) peculiarem indicem rationum faciliorem quæ passim in hoc volumine pro cuiusq; loci instituto à me proponuntur, quarum ea erit vis, ut & mediocri prudentia sola sine exquisita doctrina comprehendipossint, & id ipsum tamen manifestò efficiant quod maximè rem continet; videlicet in Ecclesia tantum Romana veritatem reperiri, & Sectarios omnes, quotquot Romana Ecclesia, atq; adeò Pontificis Romani, sunt hostes, in errore versari. Sed aggrediar id quod institui, atq; ut disputatio sit planior, formabo ubicunq; potero veritatis probationem rectis ac firmis argumentandi modis.



ANALYSIS

FIDEI CATHO-

LICAE, &c.

PARS PRIMA.

NECESSARIUM
OMNINO AD SALVTEM

*esse firma fide credere, doctrinam supra ra-
tionis naturalis captum à Christo traditam, esse
diuinam adeoq; verissimam.*



Væ causæ sunt, quam ob rem
arbitratissimus ab hac sententia nobis
exordichendum esse. Vna est: quoniam ab
eiusmodi assertionem, tanquam à capite,
reliqua pendent, quæ ex instituto nostro
tractanda sunt; nec sine illa plenè satisfat inquisitioni ra-
tionis humanæ, quæ in fidei negotio ante omnia secum
reputare posset, vtrum omnino sit necesse Christianæ
doctrinæ fidem adhibere. Altera: quoniam vt hunc eti-
am locum confirmemus, ipsa ratio horum temporum
nonnihil postulare videtur. Etenim qui se variis sectis,
deserta veritate, tradiderunt; si suæ quidem perfidiæ con-
uenienter ratiocinati fuerint; facillimè possunt ethnici
tandem (quod plerisque iam illorum contigit) euadere;
ita vt præcipuum hunc etiam articulum fidei, de verita-
te in vniuersum necessitateque doctrinæ Christianæ, vnâ

B

cum

*Cui nonnun-
quam Sectarj
tandem ena-
dant ethnici.*

cum aliis vel vocent in dubium vel reiiciant penitus. Quod sanè si faciant, mirum videri nō debet. Quid enim ij credant, qui Ecclesiæ magisterium cōtemnunt? Certè si vllus articulus fidei est, qui auctoritate atque magisterio Ecclesiæ, (Ecclesiæ, inquam, Catholicæ Romanæ, quæ sola Ecclesia vera est, vt infrà ostendemus, quæque sola pro Ecclesia in orbe semper est habita) vt credatur, indigeat, hic maximè est, de veritate Scripturæ sacræ adeoque de necessitate Christianæ doctrinæ. Si enim singuli quique fidei articuli, qui naturalis rationis captum excedunt, per se difficiles ad credendum sunt, ideoque oportet eos Ecclesiæ certissima auctoritate hominibus commendari: quantò magis ipsa veritas vniuersæ Scripturæ, qua non vnus tantum, aut alter, sed omnes fermè eiusmodi fidei articuli continentur, quæque tam varia & multa in omni genere, rerum etiam quandoque minutissimarum, tradit, eiusdem Ecclesiæ testimonio atque approbatione indigebit, vt ab ipso Spiritu sancto dictata esse credatur? Equidem hoc ego cum attentius perpendo, rem esse potius maximè admirabilem iudico, si quisquam ex Sectarjjs est, qui repudiata Ecclesiæ auctoritate, à qua & Scripturas ipsas accepimus, aliquid omnino credat. Firma certè fide nihil credunt.

Sed vt ad sententiam propositam redeamus, hic vnus locus, ex omnibus quos in hoc libro tractandos suscepi, est, in quo Scripturæ sacræ auctoritatem ad probandum quidem vsurpare minimè licet. Nam confirmandum primo loco est, necessariò credi debere, doctrinam Christi, atque adeò Scripturam sacram (qua eiusmodi doctrina magna ex parte continetur) esse diuinam atque certissimam. Ita fit, vt si Scripturæ auctoritatem tanquam certam hoc loco ad probandum sumerem, id in proba-

probatione virtuosè sumerem quod est iam mihi probatione efficiendum. Quod quamuis ita sit, non idè tamen in hac prima disputationis nostræ parte Scriptura penitus muta esse debet. Quin & hic quoque opportunas inde sententias inducere possumus, si non rem confirmandi, certè illustrandi causâ.

Sed quamam igitur ratione hoc quod inprimis ponimus, Christianam doctrinam necessariò vt veram atque diuinam recipi debere, probari oportet? Sanè cùm necessitas credendi doctrinam Christianam vnus quidam articulus eiusdem Christianæ doctrinæ sit; nec euidenti aliqua ratione constet; iisdem argumentis probari debet, quibus veritas in vniuersum Christianæ doctrinæ confirmatur. Et verò Deus ipse inprimis est, qui Christianam doctrinam, atque adeò Scripturam sacram veram esse, voce reuelationis suæ, & interno quodam instinctu atque impulsu humanis mentibus contestatur atque persuadet, vt in ea ipsa Scriptura multis in locis est expressum. Sed quia rationi humanæ reuelatio ipsa diuina non euidenter patet: aliis quibusdam præter diuinam reuelationem argumentis opus est, quibus homines etiam inducti prudenter sibi persuadeant doctrinam Christianam veram esse. Nec verò eiusmodi argumenta ad eam rem requiruntur, vt propter illa propriè, certò ac firmiter homines credant (certitudo enim & firmitas fidei, atq; adeò ipsius assensio per se, diuinæ reuelationi soli, tanquam fundamento quidem, innititur) sed vt clariora quædam habeant motiua, quibus prudenter animus inducant velle certò ac firmiter propter diuinam reuelationem, adiuuante Deo, credere.

Etenim acuratè sunt animi motus duo in iis qui fidem amplectuntur discernèdi. Nam & prudentia etiam

Necessitas Christiana fides, qua ratione probari debeat.

Diuina reuelatio est causa atq; ratio credendi.

Psal. 93. & 118. Isai. 50. Matth. 16. Ioan. 6. 1. Ad Thess. 2. &c. Lege Diuini Prosperi A. quitan. lib. 2. de vocal. gentium, ca. 9. Quomodo præter diuinam reuelationem alia quadam argumenta necessaria sint ad credendum.

Duplex animi motus in eo qui credit, distinguendus, quo.

*rum Gregorij
sua quadam
ratione nititur.*

*¶ Parte VI.
VII. & VIII.*

*Marci ultimo.
Ioan. 15. Rom.
10. Idq; cōfir-
matur exem-
plo eorū qui
crediderūt, vt
videte est Luc.
23. Act. 2. 3. 4.
13. &c.
Lib. de vera
relig. cap. 24.*

dictante iudicant dignam esse Christi doctrinam, quæ certò ac firmiter credatur; & demum credunt assensione fidei, adiuti diuinitus, eam veram esse. Quod assensione fidei certa, atque firma, adiuti diuinitus, credunt doctrinam Christi veram esse: id in solum diuinum testimonium, quod reuelatione continetur, tanquam in causam quidem rationemq; credendi, referri debet; itemq; in Ecclesiæ propositionem, tanquam in quandam sanè conditionem, sine qua Christiana quidem fide minimè crederetur, vt infrà^a suis locis magis intelligitur. Quod autem prudenter in primis deliberant, atq; statuant, meritò eam à se doctrinam, tanquam diuinā ac veram, certò ac firmiter credi posse: id verò prudentiæ quoddam iudicium est, quod propriè argumentis aliis præter diuinam reuelationem nititur. Quæ sanè argumenta incitamenta quædam ad prudenter credendum necessaria (vt & Scriptura indicat, & experientia ipsa cōstat) dici possunt; sed ratio propriè causāq; credendi censeri non debent. Non enim propter illa propriè, sed propter diuinæ reuelationis auctoritatem demum creditur, vt dictum est. Itaque præclare D. August: *Ratio, inquit, auctoritatem non deserit, cum consideratur cur sit credendum.*] Nempe quia vbi de fide agitur, cò propriè pertinet ratio, vt intelligatur, prudenter animum induci, vt propter auctoritatem diuinæ reuelationis, licet alioqui obscuræ, Christi doctrinæ fide adhibeat.

Quæ cùm ita explico, minimè sanè nego, quin in re ipsa tamen, & prudentiæ quoq; illud consilium, in eo qui credit, diuina item reuelatione nitatur, sitq; proinde certissimum; & viciissim etiam assensus ipse fidei argumentis illis fulciatur, quæ præter diuinam reuelationem adducuntur. Sed expono tantum quodnam sit certè cuiusq; actus

actus fundamentum proprium, cum affirmo, assensum ipsum fidei, diuina reuelatione; prudentiæ autem illud cōsilium credendi, argumentis aliis, præter diuinam reuelationem, niti. Et loquor sanè in hac explicatione de assensu ipso fidei, non qualiscunque, sed Christianæ & supernaturalis, cuius nimirum instituitur à me Analysis. Nam assensum alioquî humanæ cuiusdam fidei (quam, acquisitam Theologi nominant) de eadem veritate Christianæ doctrinæ, illis etiam argumentis, quæ præter diuinam reuelationem adhibentur, tanquam fundamento, niti posse, explorata res est. Sed ipsum tandem assensum Christianæ supernaturalisque fidei negamus eiusmodi argumentis propriè niti.

Atque hanc videlicet explicationem idcirco adhibendam hoc loco existimaui, vt ex ea intelligatur, non illico fore vel nostram fidem infirmam, vel cōsilium nostrum in credēdo imprudens ac leue, si vt velimus credere, eiusmodi etiam aliquibus argumentis moueamur, quæ non sint ex suo genere prorsus infallibilia; vt antiquitate, vt multitudine, vt consensione hominum, & id genus aliis. Nam (quod sæpe dico) non his argumentis propriè fides nostra innititur, sed prudentiæ quoddam cōsilium, quo ad credendum *cum iudicio*, (vt Clemens etiam Romanus loquitur) impellimur. Non est autem à maturo & graui prudentiæ cōsilio alienum, vbi euidētia rei non est, argumentis etiam bonis, licet non penitus per se infallibilibus, commoueri.

Ergo, argumentis, Christianæ fidei veritas atq; adeò necessitas, iis qui aut dubitant, aut non credunt, suaderi debet, non vt propter illa credant, sed vt animum inducant propter diuinam reuelationem credere; id quod Deo mentem illustrante & liberum adiuuante arbitri-

Lib. 8. Constit.
tut. Apostolicæ
cap. 1.

um, facere possunt. Ea verò argumenta cùm pro cuiusque ingenio & naturæ perspicacitate multiplicia variis ex locis proferri possint: ego maximi ponderis illa esse duco, quæ non recenter excogitata, sed auctoritate iam pridem sunt confirmata communi, & summis etiam ingeniis eruditissimorum Patrum iam olim persuasæ sunt. Quæ sic à me nunc, propter doctrinæ ordinem initio propositum, breuiter repetetur, ut & lucem aliquam, Christo propitio, his addam, & modum, ex quo simul illud ipsum appareat quod antè docuimus; nempe argumentis eiusmodi, quæ præter diuinam reuelationem adducuntur, non ipsam fidem nostram, sed prudentiæ consilium deliberationemque credendi tanquam fundamento inniti. Atque ut rationes omnes, ordinis causa, certos ad locos & veluti ad sedes suas reuocemus, considerandum est, eas ab aliquo ferè ex quinque locis duci posse ac solere.

*Locis quinque
ex quibus duci
possunt argu-
menta pro ne-
cessitate Chris-
tiana fidei.*

I. ab eorum conditione & auctoritate, qui fidem Christianam olim receperunt. II. à modo, quo in orbe recepta illa est. III. ab iis etiam, eorumque exitu, qui illam non receperunt, aut hostiliter etiam infectati sunt. IIII. ab ipsa per se ratione Christianæ doctrinæ. V. denique à dignitate virtuteque Doctoris eius, qui est Dominus noster Iesus Christus. Ex his igitur locis argumenta varia iam olim pro Christiana fide veteres Patres deprompserunt. Quæ quidem, ut confirmare plurimum, atque consolari verè Christianos, hoc est, Catholicos debent: ita quoque Sectarios pudore summo afficere: quòd ex eiusmodi etiam communibus argumentis Christianæ doctrinæ perspicere liceat, eos à vera doctrina Christiana (in iis quidem dogmatibus quæ propria ipsorum sunt) turpissimè desciuisse, quemadmodum sub cuiusque argu-
mentis

menti finem à nobis breuiter indicabitur, magisque postea confirmabimus toto progressu huius operis.

I. Ac primò quidem præclarissimum Ecclesiæ lumen Diuus Aurelius Augustinus, licet ipse incredibili esset ad iudicandum de re ingenio præditus, tamen vt ille sæpè significat, huiusmodi quodam argumento ab auctoritate ducto maximè mouebatur. Prudentissimè creditur, quod omnes pene gentium nationes, & in his innumera- biles viri summa auctoritate, summo ingenio, & excel- lenti virtute, atque eximia variaque doctrina præditi, ita crediderunt, vt & rationem disciplinæ suæ reddere omni poscenti se pulchrè possent, & contrarios errores religio- num aliarum (quod alia nulla disciplina ita præstitit) manifestè refellerent. Talis autem Christiana doctrina est. Illi igitur prudentissimè fides adhibetur. *Ego, inquit is, quem dico, Augustinus, nullis me video credidisse, nisi popu- lorum atque gentium confirmata opinioni ac fama admodum celeberrima.*] Et alio in loco: *Tenet me in Ecclesia* (inquit inter cætera) *consensus populorum atque gentium, tenet aucto- ritas miraculis inchoata, spe nutrita, caritate aucta, vetustate firmata.*] Atque hæc & similia tum quidem Augustinus, cum ipse sanè neque Augustinum, neque reliquos, qui post ipsum in Ecclesia floruerunt, haberet, quorum eti- am auctoritate moueretur. Nos, qui & Augustinum ipsum, & alios è fidelium numero innumera- biles Eccle- siæ Doctores eruditissimos (quorum etiam Catalogi prolixissimi exstant) duces sequimur, quantò vehementi- us exemplo maiorum commoueri par est, ad Christia- nam fidem toto pectore complectendam? Habuerunt quoque superstitionarum religionum cultores, maiores suos quos sequerentur: sed tanta præditos auctoritate, tanta doctrina, tanta probitate vitæ, tanta constantia,

tanta

A conditione eorum qui fide-
dem Christi-
nam olim re-
ceperunt, ar-
gumentum
primum, quo
potissimum
vsus est, D. Au-
gust. lib. de vri.
lit. credendi,
cap. 14. & 16.
& lib. de vera
relig. ca. 24. &
contra epist.
fundam. cap.
4. Virtus etiā
eodem argu-
mento elegā-
ter Lactanti-
us lib. 5. diuin.
institut. cap.
13. & alij pas-
sim.
Lib. de vtilit.
creden. ca. 14.
Contra epist.
fundam. ca. 4.

¶ Vrsi hoc etiam argumētum maximè D. Iust. Mart. Apolog. 2. pro Christ. ad Antonin. Pium Imperat. ante medium.

Id Commemorat Tertul. in Apolog. aduers. Gent. c. 46. sub finē.

Meminit eius rei Cicero, lib. 2. de legibus.

Prouerb. 22. v. 28.
Astor. 3. & c.

tanta luce, tam deinde paratos instructosque tum ad suam disciplinam tuendam, tum ad alienas omnes religiones confutandas & euertendas, quàm nostri fuere maiores, quinam vnquam populi habuerunt? Neque verò cogitari potest, aliquod humanum^a commodum, aut diuitiarum, aut voluptatis, aut mundanæ gloriæ, quod mentem in deligenda religione excæcaret, propositum sibi habuisse eos, qui primis illis temporibus, reiecta vanitate patriæ superstitionis, Christiana sacra susceperunt. Quis enim nescit, quàm tunc acerbè cum Christianis hominibus agebatur? Ita nimirum, vt qui Christiani fierent, præter salutem animi & vitam æternam in cœlis, aliud ex ea re nihil in hoc mundo nisi ignominiam, & crucem, ac ipsam adeò mortem polliceri sibi potuerint. Quod vel ex vna illa appellatione, qua ethnici homines Christianis conuiciari erant soliti, luculenter intelligere licet. Sarmenticios enim (vt de cæteris ludibriis nihil dicam) vulgò appellabant à vitæ discrimine, in quo perpetuò versabantur: quòd scilicet ad palum deligati, sarmentisque suppositis passim comburerentur. Apollinem ferunt Pithium percunctantibus de legitima religione Atheniensibus, oraculo respondisse, patriam religionem, & quam coluissent maiores, retinendam esse. Hoc consilium cum sequebantur Athenienses, quia in maioribus suis non nisi religionis errorem, quem imitarentur, habebant, miserè fallebantur. Nos autem, cum tam sincerè salutem animi solam, vt dictum est, maiores nostri in Christiana complectenda fide quæsiuerint; ac tales præterea, tamque in omni genere præstantes fuerint; consilium illud, non dico ab Appolline, sed à Deo, in Scripturis sanctis datum iure optimo sequemur, *Deoq. patrum nostrorum* (vt eiusdem Scripturæ vtar phrasi) *at-*
tissimo.

Altissimo Christianæ religionis ac fidei vinculo adhærebimus.

CONTRA verò ex hoc ipso argumento, ad probandum doctrinam Sectariorum non re, sed nomine tantum esse Christianam, ita licet rationem ducere: Quæ verè Christiana doctrina est, ea maiorum etiam auctoritate, hoc est, consensu doctorum atque populorum, & fama (vt Augustinus loquitur) admodum celeberrima nititur. His autem Sectariorum doctrina minimè nititur. Non est igitur doctrina Sectariorum verè Christiana. Obsecro enim, quos populos? quos maiores? quamq; Christiani nominis existimatione atque fama celebres sequuntur? Ipsos, inquiunt, Prophetas & Apostolos sequimur. Equidem non requiro antiquiores. Sed cum questio omnis sit, vtrum Catholici, an Sectarij, Prophetas & Apostolos doctrine duces sequantur: habuerintq; etiam eiusmodi antiquissimi Patres, suos sine controuersia discipulos fidelissimos, famaque celeberrimos, quos ipsos quoque tanquam maiores sequi necesse sit eos qui nunc Apostolicam & Propheticam doctrinam verè complectuntur; querimus sanè, quosnam etiã ex eo numero sequantur Sectarij? Num Augustinos, Hieronymos, Ambrosios, Gregorios? Num vel doctores, vel fideles reliquos, qui per oēs Ecclesiæ ætates, cum Augustino, Hieronymo, Ambrosio, Gregorio, in doctrina Christiana Prophetica & Apostolica consentientes fuerunt? Non magis certè quàm ipsos Concilij Tridentini Patres, à quibus isti nuper ex consensu omnium temporum superiorum condemnati sunt. Etenim doctrinam Diui Augustini (vt vtar compendio) Catholicam doctrinam maiorum esse, ne ipsi quidem audent diffiteri Sectarij. Num verò aliud D. Augustinus, aliud Concilij Tridentini Patres, de questio-

*Accommodatio
huius argumē-
ti ad probandū
doctrinam Se-
ctariorum non
esse verè Chris-
tianam.*

In Confessione
ne Augustini-
ana.

Lege Iacobū
Billium in-
epistola nun-
cupatoria o-
peris D. Ioan-
nis Damasc-
postremū ex-
cusi Parisijs,
anno 1577.

nibus fidei controuersis docuerunt? Quid? Nōne iam ipse Augustinus in ea confessione, quæ cum ingenti istorum fremitu ab omnibus recitur, definitiones illas Tridentini Concilij, ad verbum ex ipso Concilij codice recitatas, doctrina sua comprobauit, iisque quasi propria manu subscripsit? Nam quid ego de diligentia Catholicorum auctorum in singulis locis controuersis ex sententia tum Augustini, tum aliorum Ecclesiæ doctorum, aduersus istorum pertinaciam tractandis dicam? An aliquis est vel mediocriter in eo genere disputationum scriptisque tum Sectariorum, tum ipsorum Patrum versatus, qui non videat, toto cœlo, ab erudita illa Orthodoxaque antiquitate distare faciem istam omnem Lutherana, Calvinianaque doctrinæ? Quod nisi ita sit, cur (vt proditum est) de iis discipulis penitus desperare solitus erat Lutherus, qui veterum Patrum monumenta paulò diligentius in causa religionis consulere cœpissent? Cur toties à Patrum sententia ad Scripturam, hoc est, à certa antiquitatis interpretatione, quam sibi aduersari vident, ad sua commenta vanissimè prouocant? At citant & ipsi testimonia Patrum. Deus bone, qua fide! Equidem (vt de me ipso hoc in loco profitear) nullam hos totos annos duodecim vel docendo publicè in schola, vel scribendo, pertractaui controuersam de fide quaestionem, in qua non aliquot insignes istorum corruptelas in allegandis veterum testimoniis manifestissimè deprehenderim. Quo in fraudis genere, cum illi omnes exercitatissimi sunt, tunc examinatore ille Concilij Tridentini Kemniti-
us maximè excellit. Qui quàm multa & magna mihi semper exempla, ad hanc istorum improbitatem in ordinatio ipso cursu prælectionum mearum exagitandam suppeditauerit, omnes aliquando, si Dominus voluerit,
clarissi-

clarissimè intelligent. Sed quoniam de antiquitate Catholicae atque Apostolicae doctrinae Ecclesiae Romanae, à qua isti desciverunt, infra quoque certo loco dicendum est, illos ego nunc (ut ad alia argumenta pergam) rursus interrogo; si non Augustinum, non doctores & fideles alios populos, cum Augustino consentientes, doctrinae duces habent, quosnam alios doctores & populos Christianos fama admodum celeberrimos (ut Augustinus loquitur) tanquam maiores suos sequantur? Nempe (ut vno verbo expediam) illos omnes populos ac doctores Lutheranos & Calvinianos isti sequuntur, qui multis ante Lutheri & Calvini nomen auditum seculis in orbe illustres & notifuerunt: id est, nullos penitus. Nam de consensu cum priscis haeticis in Ecclesia olim notis & proscriptis, quorum isti (ut infra certo loco docebimus) opinioniones instaurarunt, opinor, minimè gloriari volunt.

II. Alterum argumentum duci solet à constantia martyrum hoc pacto: Nullo modo verisimile est, falsam eam esse doctrinam quam innumerabiles omnis ordinis, sexus, & ætatis homines, qui & Deo placendi veræque religionis agnoscendæ colendæque cupidissimi erant, & singulari vitæ probitate atque sanctimonia conspicui, sic amplexi sunt, ut illi res omnes ac vitam ipsam, exquisitissimis tormentorum generibus admiranda patientia tolerandis, postponere non dubitauerint. Talis autem, ut constat, est Christiana doctrina. Non est igitur verisimile eam falsam esse. Id probatur ex providentia, ex bonitate Dei, ex eiusdem erga hominum genus multis modis restata caritate. Ex Dei providentia: quia cum homines ad eum finem ipse creaverit, ut sibi vera religione atque cultu servirent; aut nullis omnino (quod incredibile est) aut illis maximè, secundum rectissimam suæ providentiæ ra-

Parte VI.

Parte VI. cum ostendetur solam Ecclesiam Romanam esse Apostolicam.

Argumentum secundum, ab eodem loco ductum, quod D. Iust. Marr. testatur, apol. 1. ad Senatum Rom. se maximè fuisse motum ad suscipiendam fidem. Vfus etiam illo est Lactantius, lib. 5. diuin. instit. cap. 13. & 14. & alij antiqui scriptores passim.

tionem, opitulari ad eam rem putandus est, qui tam ar-
 denter ipsi seruire cupiuerunt, vt quò placerent illi, non
 modò sanctissimè, ex ipsa lege naturæ, vixerint, verùm
 etiam (quod omnium maximum est) constantissimè
 mortem pro illo oppetiuerint. Ex Dei bonitate & cari-
 tate erga homines: nam quàm esset ab illa alienum; imò
 verò quàm crudele esset, permittere atque pati, vt homi-
 nes ea voluntate, eo studio religionis, eo desiderio salu-
 tis, ea vitæ innocentia, in negotio summo quod ad salu-
 tem æternam spectat, fallerentur, ac vitam etiam sine
 vtilitate prodigerent? Hoc certè nemo qui modò con-
 uenienter rationi iudicet persuadere sibi possit de Deo:
 siquidem eum & sapientem, & prouidum, & clemen-
 tem, & nostri amantissimum esse, illa cognitionis luce,
 quæ mentibus nostris est innata, compertum omnes ha-
 bemus. Quod si iam ipsius etiam diuinæ doctrinæ testi-
 moniis probare nobis liceret, Deum inquirentes se non
 deferere, in promptu plurima eaque luculenta habere-
 mus. *Quæretis me*, inquit ipse Deus per Hieremiam, *& in-
 uenietis, cum quaesieritis me in toto corde vestro, inueniar à vo-
 bis.* Et per Amos: *Quærite me & uinietis.* Quod, vt cætera
 loca præteream, adeò certum & constitutum in diuinis
 libris est, vt Apostolus id inprimis, tanquam immotum
 quoddam principium fidei, credi oportere docuerit. *Ac-
 cedentem ad Deum*, inquit, *oportet credere quia est, & quia in-
 quirentibus se remunerator est.* Sed initio istius primi capi-
 tis præfati sumus, non licere iam nobis, cum veritatem
 Christianæ doctrinæ probare instituimus, ex Christianæ
 doctrinæ testimoniis probationem ducere. Quanquam,
 vt etiam monuimus, vtiliter ex illa quoque sententiæ
 proponuntur hoc loco gratia explicationis, atq; etiam
 vt appareat, eam cum iis, quæ ratione naturali nota sunt,
 pulchrè

Hieremix 29.

Amos 5.

Hebr. II.


pulchrè consentire. Quoniam igitur compertum est, innumerabiles eiusmodi martyres, quales iam descripsimus, veræ religionis inueniendæ, & Deo placendi cupidissimos, &c. fidem Christianam complexos fuisse: Et incredibile est, vt ostendimus, tales esse in re tanta deceptos; certò certius concludimus, doctrinam Christianam prorsus dignissimam esse, quæ pro vera atque certa habeatur. Sed nōne, dicet aliquis, proditum est, ethnicos etiam quosdam, specie religionis falsa deceptos, dæmonibus deuouere se esse solitos? Negari non potest. Verùm ij profectò res aut credunt alioqui aut faciunt tam pugnātes cum ipsa etiam ratione & lege naturæ; vt faciliè appareat, illos ea re non à diuina prouidentia in vera religione dirigi, sed secundum æquissimam diuinæ prouidentię rationem pœnas meritas vel stultitiæ vel improbitatis dare. Nostri verò plerique martyres, ex Christianæ religionis instituto priusquam mortem opterent, innocentissimè vixerunt: nihilque contrā, quamuis quædam, vt post dicemus, supra rationem, crediderint. Quam obrem & Diuus Ambrosius, eorum esse illam vocem in Psalmis, non incommodè interpretatur: *Principes persecuti sunt me gratis. Quia cū nihil malè fecerint* (ait Ambrosius) *peiora latronibus subire tormenta suis coacti*. Non igitur Deo vindice ob aliqua scelera (vt quidam ethnici) sed adiutore Deo vitam pro veritate profudisse Christiani martyres existimari debent.

NVM VERÒ etiam & hoc argumento doctrinam quoq; suam confirmare Sectarij poterunt? Nihil profectò minus: quin imò vt probemus ipsi, eorum doctrinam non esse reuera Christianam, iure optimo possumus ex eo argumento ita rationem deducere: Vera Christi doctrina sanguine etiam innumerabilium sine controuer-

Ita ferè occurrit huic objectioni Diu^s Chryso^{st.} homel. 4. in 1. ep. ad Corinth.

In expositiōe Psalm. 118.

Accommodatio huius argumenti in Sectariorum.



lia martyrum mundo testata est, vt hætenus est ostensum. Non habet autem id testimonium Sectariorum doctrina. Non est eaigitur verè Christiana doctrina. Quì enim pro eà doctrina mortem oppetere potuerunt martyres, quam vel in veteribus hæreticis martyres ipsi execrati sunt, vel multis seculis post martyrum tempora (sicut præcedenti argumento vidimus) Martinus Lutherus & id genus nouatores excirauerunt? Quid quod præcipui ac maximi quiq; martyres contrariam istorum erroribus doctrinam, hoc est, doctrinam quam hodie proficitur Ecclesia Catholica, disertis verbis asseruerunt? Martyres fuerunt Dionysius, Ignatius, Martialis, Iustinus, Irenæus, Cyprianus, Hypolitus, & amplius triginta Romani Pontifices ex primis, atq; plures alij. Horum verò, quis nesciat, nos aduersum Sectarios passim pugnare testimoniis? Quid? An non hoc ipso nomine Sectarij Centuriatores in cælum ponunt os suum, impudentissimeq; sanctos eiusmodi martyres reprehendunt, quòd senserint nobiscum, atque adeò (ipforum quidem iudicio) à pura atque Apostolica doctrina (scilicet) degenerauerint? Sic enim de discipulis ipsis Apostolorum sanctissimisq; martyribus Ignatio, Policarpo, Irenæo, Iustino, &c. censent: "Deploratione (inquiunt) dignum est, quòd tam citò magnæ obscuraciones magnorum articulorum fidei sensim inciderunt. Summi enim in Ecclesia Doctores (nempe illi quos tam nominaui, quosque ipsi Centuriatores ex illo seculo solos commemorant) suas quasdam opinionèsparum commodas, suosq; natiòs habuerunt, quibus sequentibus temporibus Ecclesia quassata & turbata est. Nam doctrina de libero arbitrio statim hoc seculo cœpit viciari, nimiumq; viribus humanis tributum est, &c. Operibus iustificatorum plusquam debe-

• In præfatione Centuriarum
1. ad Duce[m]
Saxonie.

bant

bant ascripserunt: quod fortè (inquiunt) ex errore de necessitate operum ad salutem promanauit. Martyria Sanctorum sentire cœperūt esse peccatorum expiationes.] Item: ^b Videas (inquiunt) in doctorum huius seculi (ante annum videlicet trecentesium) non obscura (hoc est, clara) vestigia inuocationis Sanctorum.] Item inquiunt: ^c Ex Ignatii epistolis apparet, homines iam tum paulò impensius cœpisse amare & venerari Virginitatis statum. Nam in epistola ad Antiochenos inquit: *Virgines videant cui se consecrârint.* Et ad Heronem: *Virgines custodi tanquam Sacraia Christi.* Item ad Tharsenses: *Eas quæ in Virginitate sunt honorate, sicut sacras Christi.* Rursus Centuriatores impetum propterea faciunt in eundem Christi martyrem Ignatium, quòd ad Philippen- ses in hæc verba scripserit: *Dies festos nolite inhonorare: Quadragesimam verò nolite pro nihilo habere. Imitationem enim continet Dei conuersationis: Hebdomadam etiam passionis nolite despiciere.* Quid hîc Centuriatores? Nimirum ^d affirmant, Ignatium contra doctrinam Pauli (*Nemo vos iudicet in cibo aut parte diei festi*) ita scripsisse. Quid autem de Dionysio? ^e Non sentit (inquiunt) Apostolicè quòd monachus, cum ordinem, vt sublimiorem & excellentiorem reliquis, commendat.] Quod ipsum superstitiosè admodum ab eodem Dionysio traditum esse, pluribus etiam verbis ^f Philippus Melanchthon asseuerat. Porro ^g censent isti fidesolarij, perperam Iustinum martyrem scripsisse, totam legis iustitiam esse diligere Deum plusquàm seipsum, & proximum vt seipsum.] Quæ tamen sententia non tam est Iustini, quàm ipsius Christi. ^h Sic & martyrem Irenæum de oblatione, hoc est, de sacrosancto Missæ sacrificio, satis loqui incommodè, cum ait: *Novi Testamenti nouam docuit Christus oblationem, quam Ecclesia ab Apostolis accipiens in vniuerso mundo Deo of-*

^b Cent. 3. c. 4. pag. 83.

^c Centuria 2. ca. 4. pag. 64.

^d Cent. 2. c. 8. pag. 167.

^e Cent. 1. li. 2. cap. 10. pag. 625.

^f In libello de Ecclesia.

^g Cent. 2. ca. 4. pag. 58.

Matth. 22.

^h Cent. 2. c. 4. pag. 63.

Irenæus lib. 4. cap. 32.

fert.]

i Cent. 2. ca. 4.
pagin. 58. &
cap. 10. pag.
221.
k Cent. 3. ca. 4.
pag 83.
l Lib. 2. ep. 3.
ad Cæcil.

m Cent. 3. c. 4.
pag 84.
n Lib. 4. ep. 8.
ad Corn.

o Cent. 2. ca.
4. & in aliis
passim.

Argumentum
tertium ab
eodem loco
ductum, quo
vli sunt Iusti-
nus Martyr,
Apolog. 2. pro
Christian. ad
Antonin. Piū
Imperat.
Tertull. libro
ad Scapulam,
Cartagin. Pre-
fidem.
Lactantius li-
bro 3. diuin.
instit. cap. 16.
&c.

Apocal. 2.

fert.] Itemque eundem martyrem Irenæumⁱ reprehendunt, quod liberum arbitrium, etiam in spiritualibus, passim defendat. ^k Item de martyre Cypriano: Superstiosè (inquiunt isti) ait, ^l Eucharistiā in Altari sanctificari, & sacerdotes sanctificare calicem, & vice Christi fungi ac Deo Patri sacrificium offerre.] Atque etiam in eodem vehementer ^m ipsis displicet, quod asseruerit, "Romanā Ecclesiam ab omnibus aliis pro matrice & radice Catholicæ Ecclesiæ agnoscendam esse.] Quid multa? Hæc & id genus Catholica dogmata (ne alia plurima nominatim à Sectariis eodem modo reprehensa persequar) quæ primis etiam illis seculis martyrum, sanctissimè à nostris maioribus iuxta Apostolicam traditionem defensa sunt, non aliud isti, quàm peculiare, incommodas, mōstruosas opiniones, stipulas, nēuos, & errores, quia nunc etiam à Papistis videlicet, similiter retinentur, contumeliosè ^o appellant. Quod cū ita sit, quid habet obsecro commune doctrina Sectariorum cum doctrina Martyrum?

II I. Est etiam pro fide nostra magnum argumentum illud, quod ex admirabili quadam animi mutatione eorum, qui eam cōplectuntur & colunt, sumitur. Primum enim, si ex Christianæ religionis instituto viuant, singulare quoddam animi robur, magnamq; facultatem (vt illorum vita testatur) ad grauiora peccata omnia contra naturæ legem vitanda obtinent. Qua facultate cū careant ij, qui Christianæ religionis sunt expertes, apparet profectò, illam naturalem non esse, sed à Deo tributam, tanquam testimonium etiam quoddam veritatis Christianæ doctrinæ. Deinde cuiusmodi luce, & quibus interdum spiritualibus delitiis animo perfundantur ij, qui secundum Christianam religionem sanctè ac piè viuunt; id verò *neg, nonis aliquis nisi qui accipit, neq; illi ipsi qui no-*
runt

runt & experti sunt, vlla possunt oratione explicare. Certè ex illorum rectissimis factis, & tranquillitate atq; constantia vitæ, perspicuum est, in eorum animis aliquid verari atque inesse diuinum, quod nec humanitùs soleat contingere, & veritatem, sine qua rectè se habere aut requiescere mens nostra nullo modo potest, necessariò sociam habeat. Hoc argumento Malachias Propheta, vel potius ipse Deus per Malachiam, ad probandam hominibus Christianam religionem, quæ veteri legi successura erat, tanquam validissimo, vsus etiam fuisse videtur. *Erunt, inquit, mihi in die quam ego facio, in peculium, & parcam eis, sicut parcat vir filio suo seruienti sibi. Et conuertimini & videbitis quid sit inter iustum & impium, inter seruientem Deo, & non seruientem ei.* Vides, quibus verbis, futura in melius animorum mutationem, quæ experimento etiam probari possit, proponit, vt homines ad legitimum Dei in Ecclesia cultum spe quoq; experiundi alliciantur? Ducebat item ab eadem mutatione rationem Apostolus Paulus, qua persuaderet Ephesiis studium virtutum. *Eratis enim, inquit, aliquando tenebra, nunc autem lux in Domino: ut filij lucis ambulate, fructus enim lucis est in omni bonitate & iustitia & veritate, &c.* Deniq; non nisi dextera excellenti mutationem hanc in his, qui Christianam religionem susceperunt, fuisse, vel inde colligi potest, quòd ipsis etiam ethnicis, quibus Christus fuit lapis offensionis, maxime admirabilis exstitit. Nemo est enim, qui falsum existimet narrauisse Diuum Petrum in illo loco, vbi recens Christianos adhortatus inter cætera dicit: *Sufficit præteritum tempus ad voluntatem gentium consumandam, iis qui ambulauerunt in luxuriis, desideriis, vinolentiis, commessationibus, potationibus, & illicitis idolorum cultibus.* In quo inquit,

Malach 3.

Ad Ephes.

1. Petri 3.

D

admi-

admirantur (vel obstupeſcunt, vt habet alia litera) non concurrentibus vobis in eandem luxuria confuſionem.

*Retorquetur
argumentum
hoc in Sectario-
rum doctrinā
Pſeudochriſti-
anā.*

QVO EX argumento doctrinam Sectariorum verè Christianam non eſſe ita certiffimè oſtenditur: Qui ex doctrinæ Christianæ instituto viuunt, ij & magnam in ſe experiuntur ad euitanda grauiora peccata facultatem, & reliquis ſerè ſunt innocentiae atque omnis probitatis exemplum. At non eadem vis ac ratio doctrinæ Sectariorum eſt; quinimò hæc facillimè ipſa mores peruer- tit, & ad omnem vitæ licentiam homines facit procliuēs. Doctrina igitur Sectariorum nihil præter nomen habet commune cum vera Chriſti doctrina. Etenim, ſi non alio tremore & labore præterquam ſola fide ſalutem quiſque ſuam operari debet; ſi conſcientiæ ratio, ad ob- tinendam remiſſionem peccatorum, reddenda Dei mi- niſtris non eſt; ſi ieiuniis nullis caro domari & coërceri debet; ſi denique conuenienter reliquis Sectariorum pla- citis, ad libertatem carnis excogitatis, vita inſtituitur; quid mirum erit, ſi eius alumni doctrinæ, nullo certo diſciplinæ freno cohibiti, ſed habenis potius ad omnem carnis cupiditatem laxatis, deſideria carnis in omni ge- nere perficiant? Exierunt ex Eccleſia (vt de hæreticis Di- uus Ioannes inquit) & tranſierunt ad iſtorum caſtra ma- gno ſuo malo quandoque nonnulli. An hi vnquam me- liores apud iſtos ſunt facti, poſteaquam ex Lutheranæ doctrinæ ratione viuere cœperunt? An mutatio in eo- rum vita dexteræ excelsi, aliis admirantibus (vt D. Pe- trus de recens Chriſtianis dicit) notari potuit? Num ex- emplis illuſtribus & frequentibus, caritatis, orationis, pœnitentiæ, patientiæ, modeſtiæ, humilitatis, omniſque continentiae vitæ, quæ apud Sectarum prædicantes viderint,

*An qui deſerta
religionis Ca-
tholica, ad Se-
ctarios tranſe-
runt, ſiant apud
illos meliores?*

rint, ad pietatis studium vehementius inflammati sunt? Quis nescit, apud istos fermè iacere hæc omnia, præter suum illud Verbum, & nimis solam suam (vel potius nullam) fidem? Sed ne ego in istorum vita, quibuscum parum ipse versor, curiosius fortè inquirere videar, domesticos eorum testes vnum aut alterum de fructu sui Evangelij profitentes audiamus. Bucerus igitur de eiusmodi hominibus Evangelicis loquens: Maxima, inquit, eorum pars visa est id tantum ex Euangelio Christi petiisse, ut iugum qualiscunq; disciplinæ, poenitentiæ, & religionis vniuersæ, quæ in Papatu reliqua fuit, abicerent, proq; carnis suæ arbitrio ac libidine instituerent agerentq; omnia. Tum non ingratum eis fuit audire, iustificari nos fide in Christum, non bonis operibus, quorum nullo tenebantur studio. Nec pauci eorum qualemcunq; Evangelij prædicationem eo tantum receperunt, ut in opes inuaderent Ecclesiasticas.] Hactenus Bucerus. Tum etiam de laxatione disciplinæ pluribus verbis conqueri VVigandus: Rapere, inquit, Ecclesiastica bona, scortari, inebriari, aliaque id genus innumera peccata, eo magis inualescunt quotidie quia libertatem crescendi habet. Et vnde nam potius crescendi libertatem, VVigande, innumera, ut inquis, peccata nunc habet, quam ex relaxata apud vos (quemadmodum antè diximus) Christianæ religionis sanctissima disciplina? Cuius profectò rei & aliud quoddam illustre admodum testimonium, Idemq; publicum, primariæ ciuitatis Lutheranae, Dominicus^a Sotus, auctor imprimis grauis, & ob summam doctrinam atq; prudentiæ existimationem, Inuictissimi Imperatoris Caroli V. in ipsa etiam Germania à sacris confessionibus, ita ad verbum commemorat: *Veretundia*, inquit, *confitendi vehementissimè homines à peruersis moribus arces*. Id quod me

Testimonia Scriptorum de peccatis Evangelij sui fructibus.

Bucerus lib. 1. de regno Christi, cap. 4.

VVigandus in Admonitione de bonis & malis Germaniæ, præsertim ab anno 1517. cum recenset malum II.

^a Lib. 4. sententiarum, distinctione 18. q. 1. art. 1.

(inquit) teste Germani ipsi publicè dum inter eos agebam fatabantur. Qua de re ex inclyta Norinberga ciuitate missa est ad Casarem legatio, per quam ciues illi petebant, vt Caesar Imperatorio iure confessionem auricularem induceret. Aiebant enim se vsu & more intellexisse, Rempublicam suam, postquam confessio cessauerat, vitiis contra iustitiam & alias virtutes scaturire, quæ illis antea fuerant incognita. Risum autem (inquit Sotus) ea legatio mouit. Nam cùm fateri omnino renuerent, per absolutionem sacerdotis culpas remitti, & diuino iussu teneri homines ad confessionem: quomodo plebs induci posset Casarea lege occultæ suæ scelera secretò confiteri. Ergo à fructibus etià eorum doctrinæ, falsi isti Prophetæ, iuxta præceptum Christi, cognosci debent.

Matth. 7.

A modo, quo fides olim recepta est, arguementū quartum, quo est vsus Diuus Iustinus Martyr Apolog. 2. ad Antoninum Pium, paulò post medium.

Chrysostomus homel. 34. in Matth. & homel. 4 & 5. in ep. 1. ad Corinthios. D. Augustinus lib. 12. de ciuitate Dei, cap. 5.

Damascenus lib. 4. fidei Orthodoxæ, cap. 4. & c.

Marci 16.

Matth. 10.

III. Præterea: quæ doctrina diuinitus est hominibus probata, ea sine dubitatione est vera. Atqui doctrinam Christianam esse probatam diuinitus, modus certè, quo in orbem est introducta, declarat. Nam à paucissimis hominibus, nulla neq; humana eruditione eloquētiæue instructis, neq; potētia & vi armatis, neq; nobilitate claris, neq; opulentia præstātib; & præterea eiusmodi res docentibus, quæ magna ex parte hominum voluntatibus, atq; ad eò ipsi carni repugnant; plurimi sapientissimi, eloquentissimi, potentissimi, nobilissimi, opulentissimi, vna vi veritatis, Domino cooperante, & sermonem eorum admirabiliter confirmante, victi ac superati sunt, coq; demum adducti, vt desertis patriis religionibus, quæ vel ipsa diuturnitate valde confirmatæ erant, Christianam disciplinam amplecterentur. Quod profectò naturaliter, id est, absq; aliqua maiore virtute planeq; diuina, non magis fieri potuit, quàm vt ferocissimi lupi, à māsuetissimis agnis superarētur. Itaq; cùm Apostoli, qui, vt agni inter lupos sunt missi, lupos vicerint: id est, cùm absq; vllis humanis præsidis

sidiis orbem Christo subdiderint; nemo prudens dubitare debet, quin insit in Christiana doctrina vis veritatis, quam ipse Deus sanctissimorum illorum hominum ministerio atque opera mundo probauerit. Quod ipsum pulcherrima sanè ratione confirmat Diuus Augustinus. Si enim priusquam Christianam fidem mundus completetur, sapientium philosophorum aliquis interrogatus fuisset, *utrum censeret, sine virtute diuina per vnum vel per paucos homines nulla neque potentia excellentes, neque humana doctrina claros persuaderi mundo illa posse, quæ Christum & Apostolos persuasisse iam cer-* nimus: Respondisset credo ille (inquit Augustinus) non posse hoc ab hominibus fieri, nisi quos ipsa Dei virtus atque sapientia commendasset, ut omnia contemnendo quæ pravi homines cupiunt, & omnia perpetiendo quæ horrescunt, genus humanum ad tam salubrem fidem summo amore atque auctoritate converteretur. Hoc igitur cum iam factum videamus; non nisi diuina planè ope esse factum, confitendum est. Huius argumenti vim, quæ est sanè maxima, intelligi à Corinthiis voluit Apostolus, quos ideo illis verbis commonefaciebat: *Videte, inquit, fratres vocationem vestram. Quia non multi sapientes secundum carnem, non multi potentes, non multi nobiles; sed quæ stulta sunt mundi elegit Deus, ut confundat sapientes, & infirma mundi elegit Deus, ut confundat fortia, & ignobilia mundi & contempnibilia elegit Deus, & ea quæ non sunt, ut ea quæ sunt destrueres.* Ac rursus ad eosdem: *Non secundum carnem, inquit, militamus. Nam arma militiæ nostræ, non carnalia sunt, sed potentia Deo ad destructionem munitionum, consilia destruentes, & omnem altitudinem extollemtem se aduersus scientiam Dei, & in captiuitatem redigentes omnem intellectum in obsequium Christi.* Certè vel hæc ipsa Diui Pauli verba suapte

Lib. de vera relig. cap. 3.

2. Cor. 1.

2. Cor. 10.

grauitate declarant, Apostolos in persuadenda Christiana doctrina, quemadmodum diximus, maiori vi fuisse usos, quàm sit vlla humana. Quo & illud eiusdem Apostoli pertinet: *Sermo meus, inquit, non in persuasibilibus humana sapientia verbis, sed in ostensione spiritus, & virtutis, ut fides vestra non sit in sapientia hominum, sed in virtute Dei.*

Iam verò, si Sectariorum doctrina, illa ipsa doctrina Apostolica est, quam duodecim illi viri sine humanæ sapientiæ verbis, mundo vniuerso persuaferunt: quî nunc fit tandem, ut eam tam multi Sectarij prædicâtes, iidemque verborum etiam artifices non admodum imperiti, ne diuturno quidem multorum iam annorum spatio, probare orbi potuerint? Nempe quia militant prorsus secundum carnem, non autem, ut Apostoli, in virtute Dei & potentia spiritus. Verùm, quia non istos propugnare, sed oppugnare planè doctrinam Apostolicam, atque adeò Ecclesiam ipsam Christi infrà suis locis accuratè probandum est; satis nunc erit, si Lector notet, posse istorum doctrinam ita redargui ex hoc loco: Quæ doctrina ab his nouatoribus propriè ac singulariter defenditur, qui & vita, & moribus, & virtute atque efficacia in docendo, plurimùm distant ab Apostolis; eam nullo modo verisimile est doctrinam esse verè Christianam & Apostolicam, qualis olim orbi ab ipsis Apostolis probata est, duratura secundum Christi promissiones in Catholica Ecclesia perpetuò. At doctrina Lutherana & Calviniana à talibus nouatoribus ita defenditur. Quare minimè verisimile videri debet, eam esse doctrinam verè Christianam & Apostolicam.

V. Pertinent & ad hunc locum miracula: quæ vel ob eam rem maximè, quasi antonomasticos, nominari solent signa, quia cum primis significant atque declarant,

eam

1. Cor. 2.

*Renuncit & hoc
argumentum
pseudoapostolos
& Sectarios.*

Parte præfata
tim VI. vbi
probabitur so-
lam Ecclesiã
Romanam le-
gitimam Ec-
clesiam esse &
Apostolicam
doctrinam se-
qui.

¶ Marci ult.
Quintum ar-
gumentum ab
eodem loco;
quod & vrget

eam doctrinam diuinitus probari, atque adeò veram esse, cuius ad confirmationem edantur. Quo quidem ex loco ita licet formare rationem. Non dubium est, quin ea doctrina prudentissimè existimetur vera esse, quæ miraculis diuina planè virtute editis, confirmata atque probata orbi est. Eiusmodi est autem Christiana doctrina. Quare dubium nullum est, quin vera planeque diuina esse prudentissimè puretur. Sed vnde, dicet aliquis, intelligi potest, eiusmodi miracula & diuinitus facta esse, & etiam fuisse facta ad confirmationem Christi doctrinæ? Ego verò ad huius argumenti conclusionem, quæ est, doctrinam Christi dignissimam esse fide, primùm non necesse esse puto, vt ista duo simul, prorsus euidenter constent. Nam si sic constarent; euidenti etiam consequentia rationis nobis esset nota Christianæ doctrinæ veritas. Et tamen illam sola fide, in qua non est euidentia, tenemus. Vt igitur propter miracula etiam, prudenter animum inducamus ad assentiendum Christianæ doctrinæ, satis erit, si alia quadam, sed tamen magna illa quoque, certitudine, quam moralem nominant, nobis constet, ea & diuinitus esse facta, & simul ad eam rem facta fuisse, vt Christi doctrina confirmaretur.

Deinde quin sint pleraque miracula ex illis patrata non al' cuius creaturæ virtute naturali, sed planè potentia diuina, plusquam morali certitudine perspicuum est. Nam à seculo non est auditum, quòd naturaliter aperti sint oculi cæci nati, aut mortui planè ad vitam resurrexerint. Quæ ac plura eiusdem generis admirabilia à Christo eiusque ministris præternaturæ consuetudinem fuisse gesta, si quis neget, hic omnem omnino historiam eadem ratione in dubium reuocare possit, vt egregiè conuincit sanctus Augustinus. Commemorantur quidem

D. Chryso-
stom. 3. in 1. ad
Corinth. & D.
August. lib. 22.
de ciuit. Dei,
cap. 8. & lib. de
uit. cred. ca.
16. & passim
alij. quin etiã
ipse D. Paul. ad
Hebr. 2.

Ioan. 9.

Lib. 10. de ci-
uit. cap. 18.

apud

Lib. 10. de ci-
uitate Dei, ca. 16.

Ioan. 15.

Lib. 2. cap. 7.

apud veteres Scriptores profanos aliqua prodigia, quæ aliarum religionum hominibus acciderunt, quæ persequitur diligenter Diuus Augustinus: Sed non talia, nec tanta, nec tam testata ac illa, quæ sunt à Christo & eius ministris pro nostra religione facta. Itaque nemo profectò similia aliqua mirabilium operum exempla opponi posse existimabat, cum Christus ipse non minus fidenter illud quàm verè affirmaret: Si opera, inquit, non fecissem quæ nemo alius fecit, peccatum non haberent. Quod ipsum eruditè sanè ac copiosè Michael Medina, auctor valdè diligens, in suo opere de recta in Deum fide persequutus est.

Sed & omnia eiusmodi opera fide Christi admirabilia, in vniuersum gesta fuisse diuina virtute, ita compertum est, ut nemo ea dè re prudenter dubitare possit. Hoc patet tum ex illorum operum magnitudine; tum ex singulari innocentia & perfectissima sanctimonia vitæ eius, per quem fiebant, nempe Christi Domini; tum ex modo quo idem admirandas eiusmodi res operabatur. Nam neque vllius rei naturalis, quæ ad illos effectus natura sua valeret, adminiculo, sed solo verbo atque imperio, vel certè precatione utebatur; neque malignorum spirituum præstigiis atque opera credibile est, adiutum cum fuisse, cui tantum, tamque apertum fuit cum illis nequam spiritibus bellum, ut non modò sanctissimis studiis in omni vita eorū conatibus aduersaretur, verum etiam reluctantes ipsos atque inuitos è corporibus humanis summa vi pelleret. Qua ratione ad hanc ipsam rem ille vtens: Si *Satanas*, inquit, *Satanam eiicit, quomodo stabit regnum eius?* Itaque reliquum est, ut Dei ope supra humanas suas, & omnium etiam creaturarum vires ad eas res peragendas usus fuerit. Huc accedit, illum vno & eodem serè modo

Matth. 12.

do miracula, quæ fecit, omnia patrauisse, nempe admirabili imperio. Quare, ut opera quædam maiore virtute, quam sine dubitatione sit aliqua vis creata, fecit (nempe illuminandis cæcis à natiuitate, & mortuis excitandis) ita & reliqua omnia fecisse purè aduse est, quæ similiter fecit.

Quod autem in argumento quoque sumebamus, miracula hæc ad eam rem diuinitus facta per Christum fuisse, ut Christiana confirmaretur doctrina: id verò, si non euidenter (quis enim, præsertim citra lumen fidei, ut iam loquimur, cognouit penitus atque vidit sensum & consilium Domini?) at ita certè compertum est, ut non nisi imprudenter ac temerè in dubium reuocari possit. Primum, quoniam ipse Christus Dominus id testabatur: in cuius spectatissima virtute, quid obsecro iure desiderari potuit, quominus eius auctoritati ac testimonio in ea re à prudentibus fides haberetur? Magnus vir ac sapientissimus erat Ioannes Baptista, neque indoctos aut imprudentes habebat & ipse discipulos. Anne igitur hi temerè fidem Christo adhibuerunt, cum is, ut suam illis auctoritatem probaret; opera eiusmodi mirabilia ad dignitatem doctrinamque suam comprobandam pertinere significauit? *Euntes, inquit, renunciate Ioanni quæ audistis & vidistis, cæci vident, claudi ambulant, surdi audiunt, mortui resurgunt, leprosi mundantur, pauperes euangelizantur, & beati qui non fuerint scandalizati in me.* Certè operum Christi tam admirabilium ea quoque vis fuit, ut credere oporteat sapientes non modò per se esse vera, quæ ille docuit, sed hoc ipsum etiam verissimum esse, quod asseuerauit, opera quæ ipse faceret testimonium de se præbere, id est, ad ipsius confirmandam doctrinam diuinitus fuisse parata.

Matth. 11.

Ioan. 10.

Sed & valde præterea hoc idem diuinę erga homines prouidentię suauissima, atque ad eorum salutem aptissima ratio confirmat. Nam si Deus ad confirmandam aliquam doctrinam veram (non enim ad falsam potuit) aut omnino ad alium finem, quàm ad cõciliandam auctoritatem Christo, miracula illa tam stupenda edidit, cur non vllum hominibus dedit eius finis indicium, ne in re tanta vsq; adeò verisimiliter falli possent? Quid enim ipsi aliud cogitare poterant, nisi in eius gratiam miracula illa fieri, per quem omnino fiebant? aut quomodo diuinassent aliò illa referri, cùm nihil ipsis ostenderetur vllò modo quò alioquì pertinerent? Aut igitur miraculorum illorum finis non alter fuit, quàm vt Christi doctrina probaretur, aut Deus cum finem non monstrans, in re maximè necessaria defuit hominibus. At Dei prouidentia hominũ salutem non deest. Non igitur nisi ad eam rem diuina illa miracula fuerunt, vt Christianę doctrinę fides adhiberetur. Quę ratio docet, prudenter admodum illos omnes fecisse, qui propter miracula, quę à Christo fieri cernebant, inducebãtur, vt ei fidem accommodarent. Sic Regulus cum domo sua tota, sic Centurio, sic alij, de quibus passim legimus, ad fidem adducti sunt.

Sed perspicitur nescio quo pacto magis huius argumenti vis, si proponitur illã formã & modo: quo est à D. Augustino propositum. Is igitur pro religione nostrã contendens contra ethnicos, hunc ferè in modum à miraculis argumentatur. Aut Christiana religio diuinis miraculis orbi probata est, aut nullis miraculis est confirmata. Si aliquibus miraculis probata est, diuina est igitur & digna quę recipiatur: sin autem nullis; multò etiam magis est fide digna. Quod enim maius miraculum ad il-

lius

Ioan. 4.
Lucæ 23.
Act 3 & 4. &c.

Lib. 22. de ci-
uit Dei, cap. 5.

lius veritatem auctoritatemque persuadendam proferri potest, quàm si nullis testata miraculis, eam tamen vim per se habuerit, ut ab uniuerso orbe sit suscepta?

Sed ut hunc locum magis firmemus, ad extremum breuiter dicendum est, quæ sit illarum sententiarum vis, in quibus Christus nihilominus significat non esse miraculis in negotio fidei innitendum. Faciet enim signa & prodigia magna Antichristus, facient etiam & fecerunt sæpenumerò alij seductores, quibus tamen non est credendum. Hoc si ita est, qui potest pro fide nostra tam firmum argumentum à miraculis duci, quàm hactenus contendimus? Hoc ita expeditur. Non prohibet Christus, seductorum miraculis credere, quia nullis miraculis sit credendum. Nam ad confirmandam doctrinam suam & ipse miracula fecit, & ut à suis etiam discipulis fierent, omnino voluit. Quod ipsum esse alioqui consilium Dei, quando cunq; opus fuit auctoritatem hominibus aliquibus in negotio religionis diuinitus addi, ex sacris quidem literis non est obscurum. Quid ergo commune factio illa Christi significat? Nimirum, ut seductorum miraculis ne commoueamur, quia eiusmodi sunt, ut si illorum ratio dispiciatur, haud difficulter intelligi possit, non vera miracula ea esse per virtutem Dei facta, sed signa, ut Apostolus loquitur, planè mendacia in virtute Satanae. Primum quoniam ex eorum aliis fructibus, hoc est, ex vita, ex consiliis, ex actionibus denique cæteris apparet quò pertineant & cuius adminiculo edantur ab illis ea signa. Referunt enim ea vel ad ambitionem plerunq; & gloriam vanam, vel certè ad oppugnandam doctrinam veram, quæ sit aliis multis ac magnis argumentis probata: Quod est in primis studium dæmonis. Quæ autem opera verè admirabilia sunt diuinæque virtute edita, non nisi ad opti-

Matth. 7. & 14

2. Thessal. 1.

Marci 16.

2. Thess. 2.

Qua ratione
falsa miracula
à veris discer-
nenda sint.
Matth. 7.

August. lib. 10.
de ciuit. Dei,
cap. 12.

mun sanctissimumque finem spectant, vt docet etiam præclarè Diuus Augustinus. Itaque miracula, quæ primò pro religione Christiana verissimè à Deo (aliis argumentis id contestantibus) facta sunt; meritò quibusque aliis impostorum Christi que hostium signis auctoritatem atque fidem derogant. Deinde pleraque istorum facinora aut meræ præstigiæ sunt, aut res certè non prorsus per se admirabiles, sed potius eiusmodi, quæ in causam aliquam naturalem, tametsi occultam & abditam referri à peritioribus possint. Atque inde porro fit, vt minimè seductores isti quidquid admirabiliter diuina virtute, pro confirmanda veritate religionis Christianæ, aut etiam olim Mosaicæ, factum est, similiter facere possint. Quod Magi Pharaonis ostenderunt, cùm nequuerunt similiter vt Moyse efficere ciniphe. Multò minus valent aut cæcis oculorum lumen, aut mortuis veram atque solidam vitam restituere. Quamquam commemorantur quoque in his generibus multæ apud ethnicos præstigiæ, quas redarguit Michael Medina diligenter, quem auctorem antea nominaui. Nec verò, quod Apostolus Paulus scripsit, futurum aduentum Antichristi *in omni virtute*, ita intellexit, quasi facturus sit aut facere possit ille homo nequissimus omnia quæcunque fieri possunt admirabilia: Sed quia in omni genere miraculorum enitetur operâ diaboli, cuius erit præcipuum organum, homines ludificari. Quare non absolutè dicit, venturum illum in omni virtute: sed addit etiam, *secundum operationem Satana & signis & prodigiis mendacibus*. Quam ob rem igitur iis miraculis, quæ pro religione Christiana adduci solent, moueri debeamus, aliis autem non item, ita breuiter explicasse ad institutum nostrum satis nunc erit.

Exod. 8.
Legede hoc
D. August. l. 10
de ciuit. Dei,
cap. 8.

Lib. 2. de recta
in Deum fide,
cap. 7. & de in-
ccps.
2. Thess. 2.

Quo ipso argumento à miraculis, tantum abest, ut Sectarij ad confirmationem doctrinæ suæ uti possint, ut ex eo etiam rationem petere facillimum sit, quæ planum fiat, non esse reuera Christianam illorum doctrinā. Sic enim licet argumentari: Si quam doctrinam singularem (hoc est, abhorrentem à recepta communiq; sententia orbis) Deus aliquando eorum hominum ministerio persuaderi voluit, qui auctoritate, secundum humanum iudicium, impares cæteris viderentur; eam doctrinam necesse fuit supernaturalibus aliquibus miraculis diuinitus comprobari, ut verissimè Dñus Augustinus disputat, & exemplum prædicationis Apostolorum & Prophetarum, & ratio ipsa docet: Non enim alioqui posset eiusmodi doctrina prudenter recipi, ab his præsertim, qui rationem ipsam per se doctrinæ diiudicare satis non possunt, sed auctoritatē potissimum docentis commoueri debent. At singularem illam doctrinam, quam orbe vniuerso reclamante profiteri isti cœperunt, nullis Deus miraculis mundo comprobauit. Neque vult igitur, neque voluit Deus, ut eam sibi homines istorum ministerio persuadeant; ac proinde neque Apostolica neque verè Christiana doctrina est. Quam rationem, quoniam infra sumus vberiùs confirmaturi, nihil attinet hîc dilatare.

VI. Splendescit præterea maximè doctrinæ atque fidei nostræ veritas ex eo, quòd vel illorum etiam, qui ipsius lumen non receperunt, testimonia luculentissima exstāt de dignitate huius doctrinæ auctoris, qui est Christus Dominus ac magister noster. Quo in genere nescio quid aut verius aut grauius dici potuit, quàm illud quod est scriptum à Iosepho Iudæo, magnæ existimationis auctore. Is cùm in historia gentis suæ ad id seculum felicis-

Argumenti huius accommodatio contra Sectarios.

Lib. 12. de ciuitate Dei, cap. 8.

Parte VI. vbi os edetur, neque ordinariè neq; extraordinariè Sectarios esse legitimos ministros Euangelij.

Ab eorum testimonio, qui fidem Christianam non receperunt, argumentū sextum, quod maximum ad religionē confirmandā habere pondus

docet D. August. lib. 18. de ciuitate Dei, cap. 47.

Lib. 18. anti-quit, ca. 9.

simum peruenisset, quo Christus vnigenitus Dei Filius in terris visus & cum hominibus conuersatus est, de ipso hunc in modum (proculdubio ex communi valdeque celebri hominum opinione) scripsit: *Fuit autem, inquit, his temporibus Iesus sapiens vir. Si tamen virum eum nominare fas est. Erat enim mirabilium operum effector, & doctor omnium eorum, qui libenter audiunt, quæ vera sunt. Et multos quidem Iudeorum, multos etiam ex gentibus sibi adiunxit. Christus hic erat. Hunc accusatione primorum nostra gentis virorum, cum Pilatus in crucem agendum decreuisset, non deseruerunt hi, qui ab initio eum dilexerunt. Apparuit enim eis terra die iterum viuus: secundum quod diuinitus inspirati Prophetæ vel hæc vel alia innumera miracula futura prädixerant. Sed & in hodiernum diem Christianorum qui ab ipso nuncupati sunt & nomen perseuerat & genus.* Huc & alia Imperatorum veterum Romanorum spectant testimonia præclara, quæ illi pro Christianis, quos alioquin crudelissime persequabantur, ab ipsa veritate sunt coacti ferre; ex quibus Christianæ vitæ atque doctrinæ institutum, optimum sanctissimumque esse, omnino intelligitur. Sed quia breuitas in hoc mihi præsertim argumento maximè propostita est, omiſſa non necessaria recitatione, moneo tantum Lectorem, vt ea de re, si libuerit, legat epistolas varias eiusmodi Imperatorum apud Eusebium. Omnia certè externorum hæc hominum testimonia eiusmodi sunt, vt non temerè proinde postulare possimus, vt in negotio & causa Christianæ religionis contra inimicos nostros, vel ipsi etiam inimici nostri sint iudices.

Lib. 4. hist. Ecclesiast. ca. 13. & lib. 9. cap. 9. Lege etiã Apolog. 1. Iustini ad Antoninum Pium in fine.

Confutari etiã hoc argumento posse doctrinã Sectariorum.

TALE VERÒ aliquod testimonium inimicorum Christianæ religionis, vel veterum vel recentiorum, omnino pro suis opinionibus Sectarij non habent: nisi intestinos hostes, hoc est, hæreticos veteres, quorum isti discipuli

puli sunt, intelligas. Etenim, vt veteribus Christianis (quod & suprâ argumento primo vidimus, & infrâ etiam docebimus) Lutherana atque Calviniana doctrina incognita fuit, sic & veteribus Christianæ religionis hostibus externis. Qui autem modò supersunt Ecclesiæ hostes, seu Turcæ, seu Ethnici, si modò rationis aliquam habent scintillam, ne possunt quidem sine summa execratione de istorum proteruita atque rebellionem erga Ecclesiæ Dei Præpositos (cùm Christiani illi se profiteantur) audire. Nam quod fuerit nuper Ecclesiæ Græcæ de istorum opinionibus iudicium, quamq; ipsis acerba & ignominiosa censura, cùm res iam vulgo notissima sit, quid attinet hoc in loco commemorare?

VII. Sedenim, cùm illustria & verbis & scriptis testimonia inimici Christianæ doctrinæ pro eadem ipsa doctrina præbuerint; haud scio tamen an nō illud testimonij genus multò luculentius esse existimari debeat, quod illi ferè grauissimas & iustissimas acerbissimæ suæ ac odij in Christum & homines Christianos pœnas Deo dederrunt. Velut impij & Christicidæ Iudæi. Qui maximas calamitates, eò quod tempus non cognouerunt visitationis suæ, patiuntur in hanc vsque diem, vt prædixerat illis futurum Christus Dominus. Nam, si non ita est, quam obsecro aliam ob causam suspicari possumus, illos vsq; adeò grauiter à Deo mulctari? Cerrè cùm & grauissimè, & iam inde à Christo per ipsos interfecto, & omnes communiter, & continenter, puniantur; necesse omnino est, crimen illud, propter quod ita acerbè puniuntur, & grauissimum esse, & in illa Christi tempora incidisse, & id omnibus illis aliqua ratione esse commune, & illius eos nunquam omnino pœnitere. Has verò peccati conditiones omnes, in nullo alio facinore gentis istius, præterquam

Parte VI. cùm redargueretur quod isti dicunt, propugnant se doctrinā Apostolicam, à qua Ecclesiā Romana defecit.

Ab eorundem cladibus argum. VII. quo maximè Tertull. in lib. ad Scapul. est vsus. Itemq; D. Chryl. orat. 3. aduersus Iudæos.

Luc 19. Vide D. Aug. lib. 5. de ciuit. Dei, cap. 18. & lib. 1. de consens. Euangel. cap. 13. Calamitates, quas patiuntur Iudæi, pœnam esse eius peccati, quod in Christi summi commiserant, ostendunt.

quam

A Cor. 3.

Ioan. 8.

Oratione 3.
aduersus Iu-
dzos.Oratione 11.
Li 3.

Psal. 105.

quàm in eo quo Christum occiderunt, apparet esse coniunctas: In illo verò maximè. Etenim in ea re, si peccatum ab illis est, vt omnino est, grauissimè peccatum est; (quippe qui auctorem interfecerint vitæ) & id illorum peccatum calamitates eas, quas tolerant, non ita multum antecessit; & commune illis omnibus, saltem consensu ac voluntate est; & eius nunquam ipsos pœnitet, imò de illo nefariè gloriantur. Quibus ex rebus colligitur, homines istos infelicissimos, non nisi illius sceletis, tam diuturno acerboque supplicio, pœnas dare, quòd impiè conati sint opprimere veritatem, hominemque Deum interfecerint, qui vera, vt ipse verissimè aiebat, loqueretur illis.

Quò & illa etiam Diui Chrysostomi accedit haud exigui ponderis ratio. Fingamus enim animo, id quod existimare nefas est, Christum, verum Deum, vt dicebat ipse, non fuisse, neque veram ad eò atq; diuinam, vt profitebatur, doctrinam tradidisse. Dubium ita non est, quin in interficiendo eo, qui vsque ad eò impiè gloriam diuinam ad se transtulisset, magnum tunc fuisset à Iudæis gratissimumq; obsequium præstitum Deo. Hoc autem posito, nequaquam certè esset diuinæ bonitati consentaneum, quòd post id facinus illa gens, tam multis, tã diuturnis, tam magnis ærumnis vexaretur. At in ea re diuinam bonitatem accusare nullo modo possumus. Non igitur illo facto diuinam illi gloriam propugnârunt, sed grauissimè offenderunt, cum qui verissimè erat Filius Dei occidendo. Si Phinees (inquit Diuus Chrysostomus) vnico perempto homine totam numinis iram aduersus populum placauit (Stetit enim Phinees & placauit, & cessauit quassatio) tamq. multos homines eripuit ab ira diuina vnus hominis cades: multò magis hac vobis oportuit accidere, si legis transgressor

for erat quem vos crucifixistis. Cur igitur, quæso, Phinees, viro legis transgressore perempto, iustus habitus est, & sacerdotio honoratus; vos autem cum in crucem egeritis virum impio-rem, ut dicitis, non modo non inde fertis laudem & honorem, verum etiam acerbiora patimini, quam tum cum filios vestros mactaretis? An non istud perspicuum est, etiam vehementer tardis & hebetibus, quod posteaquam aduersus seruatorem ac principem orbis impiè egistis, talis sit de vobis sumpta vindicta?] Iam verò supplicia & horribiles exitus aliorum, qui religionis Christianæ præcipui hostes extiterunt, non prolixum modò, sed etiam superuacaneum esset repetere, cum in promptu unicuique sint iis de rebus historiæ. Legat, si quis velit, Tertullianum saltem & Eusebium & Nicephorum.

NEQUE conmittere possum, quin hoc etiam in loco Sæctarios interrogem, quæ tandem fiat, quòd res Ecclesiæ Catholicæ Romanæ, tam habeant in omni genere faustum progressum, si ipsi (quod iactitare solent) velut alij quidam Apostoli, doctrinæ sanæ propugnatores sunt: Ecclesia verò Romana, non secus atque Iudæorum olim Synagoga, à doctrina vera, sinceraque religione desciiuit? Cur templa? cur sacerdotes? cur sacrificium? cur cærimoniarum atque ritus? cur certa descriptio formæque religionis in Ecclesia Romana magis, quam in reliquiis ac sæce Iudæorum, durauit? Ita ne verò? portas inferorū aduersus sanam incorruptamque doctrinā, quam Sæctarij (scilicet) tuentur, tam diu Christus, contra promissiones suas, præualere pmissit? Tam diu etiā patitur doctrinæ lumen ministerio doctoris Lutheri (ut isti loquuntur) accensum, intra insolentem tantum partiunculam (ut Paciani verbis utar) *tuberq̃, collectū, & à reliquo corpore separatum*, tanquam sub modio inclusum contineri? Mitto, quòd

Tertull. li. ad Scapulam.

Euseb. lib. 2. c.

4. & 7. & lib. 7.

c. 20. & lib. 9.

cap. 8. & 9.

Niceph. lib. 2.

c. 10. & 11. & c.

Huic argumē-

to accommoda-

to contra Sæ-

ctarios.

In epistola
ad Sympro-
nium.

F

non

non minus horribiles multorum Sectariorum exitus fuerunt, qui doctrinam Ecclesiæ Romanæ his temporibus oppugnârunt, quàm eorum qui olim hostiliter eandem insectati sunt, vt nominatim etiam ab Erasmo Albero est literis proditum. Quod ipsum profectò argumento minimè leui est, non magis istorum doctrinam, quàm veterum illorum Ecclesiæ hostium, esse reuera Christianam.

Lib. 2. contra
Caroloſtadia-
nos.

Ab hostium
item testimo-
nio argumen-
tum octauum,
quo vsus est
præfatum D.
Aug. lib. 18. de
ciuitate Dei,
cap. 47.

Li. 1. de con-
sensu Euang.
cap. 14. & li. 18.
de ciuit. Dei,
ca. 46. & epist.
59 ad Paulin.
in solutione
2. quæst.

b Deut. 32.
c Li. 18. de ciui.
Dei, cap. 46. &
ep. 59. ad Pau-
lin.

d Psal. 58.
Argumenti hu-
ius accommo-
datio contra
Sectarios.

VIII. Denique & illud nobis minimè leue argumen-
tum inimici nostri, Iudæi, suppeditant, quòd Scripturam
veteris Testamenti ipsi probant ac retinent, vnde clarif-
simè nostræ fidei mysteria confirmantur. Quare diuini-
tus magnoque nostro commodo factum esse censuit D.
Augustinus, vt Iudæi in illa vastatiõe Hierosolymitana
non omnes funditus deleti fuerint, sed aliqui etiam in
varias mundi partes dispersi. Sic enim consecuti sumus,
vt testimonia nostræ fidei secum ipsi, contra se & pro no-
bis, circumferant, nosque optimo iure vsurpare possi-
mus illud: *Et inimici nostri sint Iudices.* Quod & idẽ Augustinus indicat, à Deo postulatum fuisse voce illa Chri-
sti in Psalmis: *Deus, inquit, ostēdit mihi super inimicos meos.*
Ne occidas eos, ne quando obliuiscantur populi mei. Disperge
illos in virtute tua, & depone eos protector meus Domine.

QVOD cū ita sit; profectò non est, cur sibi Sectarij
tantoperè de Scripturarum solâ professione blandian-
tur. Quid enim illæ nunc prosunt Iudæis? Aut quare ipsis
non prosunt, nisi quia eas illi ex proprio suo sensu (quod
faciunt æquè pertinaciter Sectarij) interpretantur? Nam
quod ex collatione Scripturarum dicunt verissimam se
colligere sententiam, an non idem & Iudæorum & om-
nium qui vnquam fuerunt hæreticorum prætextus est?
Quemadmodum igitur Iudæi, ita & Sectarij (quod in-
fieriūs

Parte præfatum
V. & VI.

feriùs abundè probabitur) *Scripturas tenent ad speciem, non ad salutem*, inquit præclare D. Augustinus.

I X. Sed operæ precium est considerare deinceps, quàm multa quoque & magna pro se argumenta contineat ipsa ratio, atque conditio Christianæ doctrinæ. Primum enim, cùm mysteriis magna ex parte contineatur planè contingentibus, quæ præsciri certò futura, nisi diuinitus non potuerunt; multa tamen ex illis ita planè prædicta sunt, vti postea euenisse constat. Id apparet maximè in rebus, quæ pertinet ad vitam & passionem ac mortem Christi. Rursus alia mysteria nostræ fidei, itè contingentia, quæ vel futura adhuc sunt, vel iam quidè præterita, sed per se tamen occultiora, quàm vt ex historis etiam humanis sine controuersia ea iam euenisse constet; similiter atque illa, quæ sine controuersia iam acciderunt, sunt olim prædicta. Prorsus, vt ex simili prædictionum modo^a appareat, illa æquè certò atque ad eò perinde diuinitus prædicta esse, atque illa alia, quæ in æterno euentu, de quo nulla iam controuersia est, sunt posita. Iam verò cùm huiusmodi omnia mysteria sic prædicta diuinitus & certò sint, vt eadem ipsa prædictione fuerint quoque per se asserta: sit necessariò, vt omnino sint vera; siquidem sunt asserta ab ipso Deo, qui nec falli potest, nec fallere.

Hoc argumentum, quod ex prædictione fidei nostræ prophetica duci solet, hac forma & modo proponi debere, vt pro veritate doctrinæ Christianæ vim habeat; sicut habet sanè maximam; explicabo vno exemplo. Cùm Isaias dixit: *Eccæ virgo concipiet*; asseueratio ipsius futuri mysterij cum prædictione coniuncta est. Non enim tantum dixit, fore, vt virginem concepisse ab aliquibus crederetur: quo modo etiam hæreses & falsa dogmata præ-

F 2

dicta

August. lib. 3. de bapt. c. 68. et Donat. c. 19. Ab ipsa cōditione Christianæ doctrinæ argum. I X. ex prophetiis ductum, quovis sunt Iulianus Apol. 2. ad Antonin. Pium. Tertull. in Apolog. ca. 20. Clemēs Alex. lib. 6. Strom. Aug. lib. de catech. rud. c. 26. & lib. 17. de ciuit. Dei, c. 15. & deinceps. & lib. 13. contra Faustum, cap. 8. & seq. Lactan. lib. 4. diuin. insti. ca. 9. & seq. & alij Patres passim.

^a Simili modo argumētatur D. Aug. lib. de catechi. rudibus ca. 24. & 27. & lib. 22. de ciuit. Dei, c. 5. ad persuadendam mysteria fidei futura. Itè etiā ante Aug. Terrull. in Apolog., cap. 20. sub finem.

Quaratiō pro fide nostra duci debeat à prophetiis argumentum. - Mai. 7.

Matth. 7. &
alias.

dicta diuinitus à Christo fuerunt, neque tamen idè sunt ipsa vera: Sed prædicendo illud mysterium, simul etiam ipsum per se asseueravit. *Virgo*, inquit, *concipiet*. Cùm ergo eiusmodi asseueratio mysterij contingentis, quæ prædictione illa cõtinetur, fuerit, vt antè ostensum est, planè diuina; verum prorsus id mysterium est. Atque hæc quidem argumentandi ex hoc loco forma, eodem modo ad probandum alia Christianæ fidei mysteria, quæ similiter sunt diuinitus prædicta, accommodari debet. Vt ad salutem humani generis per Christum partam; ad eius resurrectionem; ad ascensionem in cœlum; ad Spiritus sancti admirabilem aduentum; ad assistentem opem diuinam in operibus mirabilibus, quæ vel à Christo, vel ab illius discipulis in confirmationem Christianæ doctrinæ patrata sunt; ad iudicium futurum; ad resurrectionem carnis quam speramus; ad alia huius generis, quæ partim à Prophetis in Scripturis, partim etiam à Sybillis, foeminis è populo gentilium prophetissis, de Christianæ religionis mysteriis prænunciata fuerunt.

Hinc Christus ipse, vt vel hoc argumento auctoritatem doctrinæ suæ Iudæis probaret, Prophetarum de se vaticinia, quibus illi fidem habebant, obiicere eis erat solitus. *Scrutamini*, inquit, *Scripturas, in quibus vos dicitis vitam æternam contineri, quoniam illa testimonium perhibent de me*. Et; *Si crederetis Moysi, crederetis vsiq; & mihi, quoniam de me ille scripsit*. Ab eodem argumento & sanctus Apostolus, vt auctoritatem Euangelio conciliaret, exorsus in epistola ad Romanos est: *Segregatus*, inquit, *in Euangelium Dei, quod antè promiserat per Prophetas suos in Scripturis sanctis de filio suo, qui natus est ei ex semine David, secundum carnem*.

De Sybillarū
vaticinijs lege
D. Clementē
Rom. lib. 5. cõ-
stit. Apostolic.
ca. 6. & D. Iu-
stinū in orat.
parænetica ad
Gent. & La-
ctantiū lib. 1.
iustit. diuin.
ca. 6. & D. Au-
gust. lib. 18. de
ciuitate Dei,
cap. 13.

Ioan. 5.
Ibidem.

Roman. 1.

OBSECO verò, vbinam Lutheri Euangelium, hoc est, Euangelicæ doctrinæ (vt Sectarij dici malunt) Lutheranam institutionem, per Prophetas suos, aut per Apostolos, promiserat Deus? Equidem nullum Scripturæ locum video qui ad eam rem pertineat præterquam illos:

^a Oportet hæreses esse. ^b Surgent pseudoprophetae. ^c Spiritus manifestè dicit, quia in nouissimis temporibus discedent quidam à fide, attendentes spiritibus erroris & doctrinis demoniorum, in hypocrisis loquentium mendacia, & cauteriat am habentium conscientiam, &c. Hæ nimirum Euangelij Sectariorum sunt prophetiæ: nō aliæ. Nam vbi perpetuò sonare oportuit vocem veri Euangelij, Deus ipse clarissimè significauit cum Ecclesia loquens per Esaïam. Spiritus, inquit, meus,

qui est in te, & verba mea quæ posui in ore tuo, non recedent de ore tuo & de ore seminis tui, & de ore seminis seminis tui a modo & usque in sempiternum. Cum quamam verò Ecclesia hîc loquitur? Nempe cum ea, quæ sit congregatio eorum, de quibus per eundem Prophetam dicit: Scietur in gentibus

semen eorum, omnes qui viderint eos, cognoscent illos, quoniam isti sunt semen cui benedixit Dominus. Hi verò & visi semper & cogniti ab omnibus, quinam alij sunt, nisi qui omnibus illis seculis ante Lutherum, Ecclesiæ sanctæ Romanæ membra fuerunt? Ab huius igitur Ecclesiæ ore si iuxta illustrem illam Dei promissionem) nunquam recessit aut recedet Euangelij Verbum: quî potuit Deus velle ac promittere, vt Lutheri aliorumq; Sectariorum opera in eam Ecclesiam Verbum Euangelij (tanquam si recessisset) denuò reduceretur? Redarguamus igitur ex prophetiæ ratione Sectarios hoc modo: Verum Christi Euangelium, hoc est, veram Christi doctrinam, multò antè per Prophetas suos tanquam perpetuò in Ecclesia duraturam promiserat Deus. Lutheri autem aliorumque

Accommodatio
huius argumē-
ti contra Se-
ctariorum do-
ctrinam pseu-
doeuangelicam.

a 1. Cor. 11.

b Matth. 24.

c 1. Tim. 4.

Isa. 58.

Isa. 61.

Sectariorum Euangelium nunquam Deus promissit: quin imò id planè priorem illam Dei promissionem euacuat, vt est ostensum. Non est igitur illud verum Christi Euangelium, sed hæresum potius sentina quædam, quales & fuisse in Ecclesia futuras diuinitus prædictum est, & cæteri quoque hæretici (teste D. Irenæo) Euangelij nomine similiter palliare iam olim consueuerunt.

X. Deinde sanctitas & rectitudo Christianæ doctrinæ ex omni parte ea profectò est, vt facillè appareat, illam omnino veram ac salutarem hominibus esse. Nam primum contra rationem docet nihil. Quanquam docet quidem supra rationem non pauca: sed quæ sunt tamen eiusmodi, vt ab argumentis omnibus eiusdem humanæ rationis quæcunque contra fiant, defendi haud difficulter possint, sintque luculenter defensa à Christianis auctoribus. Sed neque iubet aliquid, quod sit improbum; Imò verò naturæ leges vniuersas sanctissimè tuerur confirmatque, tum alia porro nonnulla præcepta addit, quibus modum religionis & per se optimum & ipsi rationi Christianæ doctrinæ hominumque naturæ valdè conuenientem præscribit. Quæ res quantam vim habere debeat, vt & qui nondum Christianam religionem susceperunt, animum ad eam applicent, & qui receperunt, constanter eandem teneant; Psalmista etiam indicasse videtur. *Lex enim, inquit, Domini immaculata, conuertens animas, testimonium Domini fidele sapientiam præstans paruulis, illuminans oculos.* Quasi diceret: Quia & immaculata prorsus est, & præclara docet: conuertendi vim habet animas. Quam etiam ob causam; *Iudicia item Domini vera & iustificata in semetipsa esse dixit.* Quia videlicet, cum diuina doctrina, non nisi optima quæque doceat, satis se ipsa probat. Contra verò nulla secta fuit, aut est hominum infidelium, quam

Lib 3 aduers.
hæres. capit.
in fine.

Argumentum
decimum ab
eodē loco du-
ctum, quo est
vſus Tertul.in
Apolog. ad-
uers. Gent. ca.
39. Iustinus in
Apolog. 2. ad
Antonin. Piū
non longè ab
initio, &c.

Pſal. 12.

Ibidem.

quam nostri non conuicerint aliqua vel docere absurda, vel sancire atque approbare planè impia.

TALE verò illud est, non minus sceleratum, quàm peruulgatum, doctrinæ Lutheri decretum: ^a Si non vult vxor, veniat ancilla. Itemq; illa eiusdem aduersus ^b Christi sanctissimum consilium blasphemia, quam scripsit, præter morem suum, Græcè, vt regeret aliquo modo turpissimæ sententiæ improbitatem; ἀγαμέ (celebs) planè ἀδύνατα τῆς (impossibilia sectatur) ἢ ὅλας θεομαχῆ (& omnino cum Deo pugnat.) Vt præteream nunc alia istorum dissolutissima placita, quæ eum fructum suapte vi proferunt, de quo ipsos suprà argumento tertio testificantes audiuius. Quamobrem non hæc Sectariorum doctrina, lex Domini sancta & immaculata, sed legis atq; doctrinæ Dominicæ præuaricatio, multis erroribus contaminata, reputari debet.

XI. Et verò cùm Christiana doctrina ferè doceat, quæ sunt hominum deprauatis voluntatibus atque studiis aduersa; cumq; à tot, tamq; diuersi generis hostibus oppugnata omnibus temporibus sit; nisi in ea inesset, magna vis veritatis, & patrocinio diuino prorsus niteretur; non potuisset vlllo modo vel initio persuaderi, vel postea consistere. Nunc verò non modò oppugnationibus tum hæreticorum, tum tyrannorum firmior reddita est, verùm etiam hac inprimis ratione mirabiliter aucta. Ita neque verendum est, ne vlllo vnquam tempore opprimatur. Nam si hostes illi sunt commodo, à quibusnam ei periculum interitus impendere potest? Quod si & steterit hætenus, sicut alia religio nulla, & perpetuò consistet, neq; ab vllis hostibus delebitur; auctoritate illam firma & stabili, id est, planè diuina, niti necesse est.

CONTRA verò, aduersus Sectariorum doctrinam hunc in modum & istud argumentum retorquere licet; Christia-

Argumentis huius accommodatio aduersus impiam Sectariorum doctrinam.

^a In concione quadam quæ habuit de eo ipso argumento obsecransissimè.

^b Matth. 19.

^c In epistola ad VVolfgangum Reilembuchs.

Ab eodem loco argumentum vndecimū, quo est vsus Clemens Alexand. lib. 6. Stromatum in fine, & D. Augusti lib. de vera relig. cap. 3. & 4. & c.

Argumentis huius contra Sectariorum doctrinam.

*Arimam mini-
mè Christianam,
accommodatio.*

Christiana doctrina, vel ea ratione maximè commenda-
tur, quòd cùm disciplinam cōrineat repugnantem alio-
quì propensis hominum cupiditatibus, tamen mirabili-
ter iisdem hominibus probata est. Atqui doctrina Secta-
riorum prurit carni & auribus, congruitque his planè qui
ex sanguinibus, & ex voluntate carnis, & ex voluntate vi-
ri, non ex Deo, nati sunt; & vix tamen paucis nationibus
hactenus persuaderi potuit. Nihil igitur doctrina Secta-
riorum est minus reuera, quàm Christiana doctrina.

Ab eodem lo-
co argumen-
tum duodeci-
mum, ex ordi-
ne quem Chri-
stiana discipli-
na continer
ductū, de quo
multa præcla-
rè D. Gregor.
Nazian. in o-
rat. de mode-
rat in disput.
servanda.
3. Reg. 10.

*Huius argu-
menti accom-
modatio contra
Sectarios.*

Parte VI. cùm
ostendetur so-
lam Ecclesiā
Romanam ef-
se rectè ordi-
natam.

Ab eodem lo-
co argumentū
decimum ter-
tium, quo vsus
est Clemens

XII. His accedit in magna differentia officiorum &
graduum pulcherrimus ordo religionis, quem tenet
Christiana disciplina. Qui profectò est indicium ab eo il-
lam constitutam esse, à quo omnia, quæ sunt, ordinatissi-
ma sunt. Nam si Regina Saba ex ordine atque ratione
familix Salomonis rectè colligebat, res illius regis singu-
lari Dei providentia atque ope contineri: Quid nos de
Ecclesia Christi censere debemus? in qua tanto admira-
bilio est ordo atque consensus, quanto latius illa, per
cunctum orbem diffusa, quàm domus Salomonis pater.

Hic verò de Babylonica confusione, quæ est in cœ-
tibus Sectariorum, quoniam inferiùs commodiori loco
de eadem dicturus sum, aliud nihil dicam, nisi non esse
mirum, si nullus apud illos vel in differentia vitæ statu-
um, vel in hierarchicis Ecclesiæ veris atque legitimis mi-
nisteriis ordo emineat, postquam omnem istam varieta-
tem, ex qua ordo ipse existit, quoque est Christi Ecclesia
pulcherrimè circumdata, suis ex Synagogis procul eiie-
cerunt.

XIII. Sed cùm multa sint in ipsa Christiana doctrina,
quæ ipsa per se fidem illi atque auctoritatem conciliare
possunt: tamen mihi maximum illud esse videtur, quod
sua nescio qua admirabili vi, diuinè prorsus hominum
animos

animos afficit, atque ad virtutem impellit. Est scripta verbis simplicibus, & caret ferè artificio orationis & ornamentis. Nihilominus ita vehementer Lectoris mentem commouet, vt alia nulla doctrina. Quod argumento est, illius auctoritatem omnino diuinam esse, non humanam: hæc enim sine verborum arte & lenociniis ad efficiendum animorum motum non valet. Neque verò in vno aliquo vel altero genere, sed in omni prorsus, hæc doctrina hominibus *utilis est, vt perfectus sit homo Dei ad omne opus bonum instructus*. Docet ignorantes: solatur tristes: torpentes excitat: confirmat atque erigit afflictos. Denique nulla animorum ægritudo est, cui mederi non possit. Nam verissimè Sapiens: *Omnis, inquit, sermo Dei ignitus clypeus est sperantibus in se*. Quam Scripturæ sanctæ virtutem cum essent Machabæi experti; licet hostibus vndique sæpti essent, magnisque difficultatibus premerentur; nulla re tamen indigere se aiebant, *habentes solatio sanctos libros, qui sunt, inquit, in manibus nostris*. Mihi quidem Machabæorum hoc testimonium sæpenuerò eiusmodi visum est, vt vel eo audito, qui non omnino sit malæ mentis, salutare hanc & diuinam Scripturæ sacræ virtutem, etiam sine alia experientia, sentire possit. Vnde etiam Apostolus: *Quacunque, inquit, scripta sunt, ad nostram doctrinam scripta sunt, vt per patientiam & consolationem Scripturarum spem habeamus*.

Hanc consolationem & hunc fructum ex Scriptura, si Sectarij perciperent, proculdubio Ecclesiam Catholicam, *quam sine ulla dubitatione* (vt Augustinus inquit) *Scriptura commendat*, & ad quam nos illa sæpe remittit, minimè vel insectarentur, vel contemnerent. Quod cum faciant; rursus hîc repeto ex eodem D. Augustino, *tenere illos Scripturam ad speciem non ad salutem*, neque

G

magis,

Alexand. lib.
6. Stromat. n.º
longè à fine.
Et Lactan. lib.
3. diuin. instit.
cap. 26. &c.

2. Tim. 3.

Prouerb. 30.

1. Machab. 12.

Rom. 15.

Accommodatio
huius argumē-
ti contra Secta-
rios.

August. lib. 1.
contra Cres-
coniu Gram.
cap. 23.
Lib. 3. de bapt.
contra Dona-
tist. cap. 19.

magis, vt probent suam doctrinam verè Christianam esse, Scripturam ipsiis suffragari, quàm Iudæis, itidem Scripturæ tenacissimis, vt comprobent perfidiam suam.

Ab eodem loco argumentū decimū quartum, ex antiquitate sacræ doctrinæ, quā omnium esse vetustissimam, ostendit. Ioseph. lib. 1. cōtra Appionem. Iustinus Apolog. 2. ad Antonin. Pius. Clemens Alexand. lib. 1. Strommat. Tertul. in Apolog. ca. 19.

XIII. Huc accedit sanctarum etiam Scripturarum summa antiquitas, quæ bona sui parte longè antecesserunt omnia alia profanorum hominum monumenta. Itemque consensus eorum maximus. Tum etiam in illis seruādis, ac ex Hebraico sermone in Græcum per^a interpretes illos septuaginta admirabiliter transferendis, singularis prouidentia diuina. Denique tanta in eisdem sapientiæ vbertas, vt etiam profanarum scientiarum vetustissimi doctores ex hoc fonte^b hauserint, quidquid melius & verius tradiderūt. Quæ omnia procul dubio pondus auctoritatis doctrinæ nostræ addunt maximum.

August. lib. 18. de ciuit. Dei, ca. 37. & seq. ^a Lege de hac re Tertul. in Apolog. cap. 19. & D. August. lib. 18. de ciuit. Dei, cap. 43. & lib. 2. de doctr. Christi, ca. 15. ^b Ita testatur Iustinus, vbi supra, & alij.

Huius argumenti accommodatio contra Sectarios.

Id maxime Herbrandus passim inculcare solet, præsertim in Disputatione quam edidit de antiquissima religione. Genes. 3.

Christus, sententia Sectariorum, non contrarius caput serpentis.

Quod si antiquitas ipsa per se ad commedationem doctrinæ valet; certè doctrinæ nouitas, præsertim cum antiquitate è diametro pugnans, auctoritatem Sectariorum doctrinæ (ne habeatur pro verè Christiana) meritò apud omnes detrahet. Nam quod dictitant, se omnium primam & antiquissimam doctrinam profiteri ab ipso Deo in paradiso illis verbis traditam: *Ipsè* (sic enim malunt, quàm, Ipsa; licet eodem res recidat) *conteret caput suum*, nōne valdè est ridiculum? Etenim quod vnigenitus Dei atque Mariæ virginis filius contriuerit passione sua caput, hoc est, vim diabolici serpentis, non ipsorum propria, imò non reuera ipsorum, sed Ecclesiæ Catholicæ, cuius ipsi quasi calcaneo insidiantur, doctrina est. Ipsorum autem doctrina propria est, reliquisse potius Christum integrum caput serpenti, imò nescio quo illud inuolucro mollissimè quasi confouisse; hoc est, nō dele-

re penitus illum sua gratia in Baptismo peccatum originis (quod quasi caput operum diaboli in homine est) sed tanquam velo quodam tegere. Hoc commentum & reliqua absurdissima, quæ de iustificatione, aliisque locis isti propriè defendunt, quæro, quonam in loco paradisi Deus docuit?

XV. Iam ipse etiam Christianæ doctrinæ, auctor, Christus multis certè de causis, quæ præter argumenta facta, ab ipso etiam persona peti possunt, fidem atque auctoritatem obtinere debet. Nam ut nihil nunc repetam de illius absoluta sapientia, de singulari innocentia vitæ, de patientia admiranda, de signis stupendis quæ illius & vitam & mortem & resurrectionem admirabilem mundo reddiderunt; de virtutibus denique omnibus, quæ conciliare doctrinæ alicuius apud homines auctoritatem possunt: nonne etiam veritatis se doctorem esse, multarum rerum prophetica prædictione, quas euenisse iam constat, luculentissimè probauit? Nonne Hierosolymitanæ urbis^a excidium; futuram in Ecclesia^b perfidiam hæreticorum; ^c conuersionem Gentium; ^d prædicationem Euangelij vbique; ^e peccatum Petri; Iudæ^f proditorem; Apostolorum^g martyrium, &c. prædixit? Aut non hæc omnia quemadmodum prædixit, euenerunt? Quid quod intimas hominū cogitationes diuinitus sape^h vidit, ad easque mirabiliter responsum accommodauit? Hæc certè tam insignis virtus argumento nobis esse debet, in omnibus eum doctrinæ partibus tradendis verissimi diuiniq; magistri munus expleuisse.

Hic verò mihi venit in mentem admirati, cum toties audiunt Sectarij, à Christo Domino inter cetera verissimè esse prædictum, hæreticos Christiano nomine palliatos, fuisse futuros; cur non aliquando tandem intel-

Ab ipsa Christi persona & prophetis eiusdem prædictionis argumentum decimumquintū, quod viget D. Chrysost. orat. 2. & 3. aduers. Iudæos. August. lib. de catechi. rud. ca. 24. &c.

^a Lucæ 19.
^b Matth. 7.
^c Ioan. 12. & 17. &c.
^d Matth. 24.
^e Matth. 26.
^f Ioan. 13. &c.
^g Matth. 24.
^h Matth. 9. & 12. & Ioan. 16. &c.

Huius argumenti accommodatio: mira doctrinam Sectariorum.

Formula probandi evidentissimè, Sectarios ex illorum hæreticorum numero esse quos Christus futuros fuisse prædixit.

ligant, ex eorum omnino se esse numero, atque adeò nihil minus quàm doctrinam retinere verè Christianam? Neque enim difficile est hunc in modum ratiocinari: Hæretici, quos Christus Dominus prædixit futuros, illi homines omnino sunt, qui cùm opinione quidem sua existiment, atque iactent, se propugnare veram atque Apostolicam doctrinam; se sequi prorsus sententiam Scripturæ; se in hoc non errare; se esse Christi veram Ecclesiam; alios qui ipsis contradicunt in errore versari, nec Ecclesiam veram esse, &c. hæretici, inquam, sunt ij qui cùm hæc & similia opinione quidem sua ita de se iactent: eius tamen cœtus auctoritate & sententia qui pro Ecclesia Christi vera in orbe vniuerso ante natam controuersiam habitus fuerit & postea etiam à cæteris omnibus habeatur, hæretici iudicantur. Tales autem prorsus sunt omnes Sectarij, tum Lutherani, tum Calviniani. Igitur omnes illi ex eorum hæreticorum sunt numero (cogor ita loqui propter argumenti consequentiam) quos Christus verè prædixit fuisse futuros. Obsecro, quid in vllò quæstionis genere certius concludi potest? Vtrum enim Maiorem, an Minorem, an Consequentiam negabunt? Quid? Diffiteri ne possunt, quin sententia eius cœtus fidelium, qui pro vera Ecclesia ante Lutherum in vniuerso orbe habebantur, & postea etiā à reliquis præter ipsos habentur, hæretici sint iudicati? At hoc & sciunt ipsi plus satis, & animo iniquissimo (quod est etiam hæreticorum ingenium) ferunt. An verò negabunt iudicium reliquæ orbis terrarum satis esse vt iure habeantur hæretici? Quorum nam igitur præterea iudicium requiritur, si non sufficit iudicium aliorum omnium præter ipsos? Certè nulum superest nisi iudicium etiam ipsorum. Quid igitur? Hæretici merito non habebuntur, nisi qui sua etiam sententia

tentia propria sint hæretici? Nulli igitur omnino hæretici in Ecclesia Christi vel fuerunt vel erunt aliquando; falsoque Christus hæreticos aliquos fuisse futuros prophetauit. Quis enim vnquam aut fuit aut erit hæreticus, qui se ipse etiam hæreticum esse profiteatur? An non etiam Manichæi, Ariani, Pelagiani & reliqui omnes sine controuersia hæretici, errare se aut hæreticos esse pernegabant? Nonne, vt meritò haberentur hæretici, iudicium satis fuit reliquorum fidelium cœtus, qui ante cōtrouersiam communiter ab omnibus pro vera Ecclesia agnoscebatur? Sed de hoc aduersus istos inuictissimo argumento * infra nobis redibit oportunè sermo.

XVI. Porro doctrinam omnem à Christo traditam (vt argumento præcedenti concludebamus) esse diuinam atque verissimam, vel ipse profectò in docendo admirabilis modus, atque energia, qua ille ad stuporem vsque maximum auditorum, vri solitus erat, persuadere possit. Quis enim hominum vnquam ita ⁱ locutus est, vt ille homo? Aut de quo legimus tantum dicendo potuisse, vt ^k turbæ maximæ relictis domibus, ad agros & ad montes desertos audiendi caussa toto triduo, atque etiam oblitæ necessarij cibi, sequerentur? An hoc efficere potuit humana vis, præsertim vani alicuius & mēdacis magistri? Negemus, hæc ita vt narrantur accidisse; & planè barbari tum erimus, qui pari ratione historiis aliarum rerum, quas ipsi non vidimus; nullam debeamus adhibere fidem; vt argumentatur rectissimè D. Augustinus. Sed loquebatur ille fortassis humanæ sapientiæ verbis. Nihil minus. Imò simplicissima oratione, & planissimis sententiis, ac vulgaribus similitudinibus vfusest. Quo magis est perspicuum illius in dicendo vim fuisse planè diuinam. *Beati* (inquit in eo sermone quem ad multas vn-

* Parte VIII. sub finem loci, de Conciliis, cum redarguimus vanissimos p̄textus Kemnitij, qui frustra probare nititur, se si uenota hæresis examinandū suscepisse Cōcilium Trid.

Ab eodē loco argumentum XVI. ex modo & efficacia sermonū Christi, de qua re pulchrè D. Chrysost. homilia. 26. in Matt. & Hieron. li. 1. com. in Matt. circa cap. 9. & Ioan. 7. & Matth. 23. & Marci 8.

Lib. 10. de ciuitate Dei cap. 18.

Matth. 5.

dique turbas concurrentes in monte habuit) *Pauperes spiritu: quoniam ipsorum est regnum celorum. Beati mites, &c.* Quid hac & sequenti oratione tota lenius esse potest? Et tamen, cum cōsummāset Iesus omnia verba hac, admirabantur turba super doctrina eius. Erat enim docens eos sicut potestatem habens, & non sicut Scribæ eorum & Pharisei. Nempe homo erat non tantum homo, sed idem Deus. Vnde & illud etiam, quod proditum est, eueniebat, ut quos ipse discipulos deligeret; ad vnam statim eius vocem diuina vi attracti, confestim sequerentur, ut Matthæus & alij Apostoli. Quod cum Iulianus, & alij Christianæ religionis hostes, velut leuiter à discipulis Christi factum impiè deriserunt; validius etiam nobis hoc argumentum pro fide nostra reddiderunt: si quidem eo ipso agnouerunt tamen, id factum esse, quod nisi diuina Christi docentis atque vocantis virtute accidisse, non est verisimile.

Ita refert Diuus Hierony. lib. 1. cōment. in Matth. circa cap. 9.

Accōmodatio
huius argumē-
ti contra Se-
ctarios.

IAM VERÒ, qui cum illa Christi in docendo moderatione summa atque puritate, arrogātiā, superbiam, obscœnitatem, & procacissimā maledicētiā, quæ est passim in Lutheri aliorumque Sectariorum scriptis, contulerit; sibi ne persuadere poterit, istorum doctrinam *desursum* esse, & non potius (ut ait Diuus Iacobus) *terrenam, animalem, diabolicam*? Quæ enim *desursum* est sapientia (inquit idem Apostolus) *primū quidem pudica est, deinde pacifica, modesta, suadibilis, bonis consentiens, plena misericordia & fructibus bonis, non iudicans, sine simulatione.* Quibus profectò verbis, quid nominatim desuturum esset in huius temporis Sectariorum doctrina, videri non iniuria posset sanctissimus hic Apostolus voluisse describere.

Iacob 3.

Ab eodē loco
argumentum
XVII. quod à
Diuo etiā Bo-

XVII. Omnino autem ex dignitate, atque præstantia Christi, magna mihi videtur pro illius doctrinæ auctoritate

Autoritate ratio duci posse isto modo: Si Christus eiusmodi homo fuit, qui falsò contenderet se Filium Dei naturalem esse, veramque adeò doctrinam diuinitus tradere, necesse prorsus est, cum aut singulari, imò portentosa superbia & ambitione, aut stultitia & stupiditate mentis maxima præditum fuisse; qui videlicet dignitatem tantam vel nequiter, vel ignoranter atque stolidè sibi falsò arrogaret. Rursus verò, tam improbus vel tam stupidus si fuisset, facere aliter non poterat, quin aliquo vel in vita & conuersatione peccato, vel in doctrina manifesto errore, nonnullum indicium improbitatis aut stultitiæ suæ aliquando daret. Ostendit enim impietas atque insipientia sese; neque latere penitus diu potest. At nemo fuit vnquam, etiam ex inuidiosissimis & ad omnem cauillandi occasionem intentissimis hostibus, qui aliquod illius aut dictum aut factum posset probabiliter ^aarguere *de illo peccato* vel errore: tamen si ^bmulti falsi testes ad eam rem diligentissimè quæsit fuerint. Neque ambitione igitur improbus, neque verò insipiens homo fuit. Quod si talis non fuit: non falsò igitur contendit se Dei Filium naturalem esse veramque doctrinam diuinitus tradere.

CÆTERVM, *quomodo* (inquit præclare Diuus Augustinus) *confidimus, ex diuinis literis accepisse nos Christum manifestum, si non inde accepimus & Ecclesiam manifestam?* Atqui Sectarij ex diuinis literis nondum didicerunt, Ecclesiam Christi manifestam, omniumq; oculis perpetuò expositam esse (vt infra suo loco videbimus.) Non igitur (auctore Diuo Augustino) confidere possunt, ex diuinis se literis didicisse Christum manifestum. Quod si hac fiducia freti esse nequeunt: certè non re, sed nomine tenus Christiani sunt.

XVIII. Et hætenus quidem eiusmodi argumēta pro aucto.

nauet, tractatur in stimulo diuinismo. p. 1. cap. 6.

^a Ioan. 8.

^b Matth. 16.

Accommodatio huius argumēti contra Sectarios.

Diuus Aug., epist. 48. ad Vincentium Rogatianum. Parte VI. circa 6. Eccl. proprietatem,

Ab ipsa dispositione animi eorum, qui ve-

rè fideles sunt,
argumentum.
XVIII.

auctoritate Christianæ doctrinæ fecimus, quæ per se ipsa satis esse prudentibus debeant, ut animum inducant vel le credere. Illud autem nescio an sit argumentum iis omnibus maius, quod qui verè Christiani sunt, ita se animo diuinitus affectos esse, quod ad fidem attinet, sentiunt, ut præcipuè quidem propter nullum argumentum quod vel hætenus fecimus, vel ratione similiter excogitari possit, sed propter aliud nescio quid, quod alio quodam modo, & longè fortiùs quàm vlla argumenta, animis nostris persuadet (est autè id reuera diuinum ipsum testimonium) ad firmiter credendum moueri se intelligant. Hanc experientiam diuini testimonij & sensum, licet per se quidem non satis sit euident; tamen quoniam ab iis, qui credunt, propemodum clarè percipitur, & ab aliis etiam (indicio quodam & significatione) in credentibus ipsis animaduerti potest: dico pro multis argumentis esse debere, ad fidem vel constantissimè retinendam, vel etiam de nouo suscipiendam. Etenim quod minimè vanus hic sensus sit, sed diuinus & solidus, & ex natura ortus supernaturalis fidei, quæ mentem ipsa per se in diuina reuelatione faciat ita firmiter acquiescere: fructus optimæ atque sanctissimæ vitæ ostendit eorum, qui ad normam Christianæ fidei actiones suas studiose instituunt. Accedit eodem, quod etsi quandoque contingat, ut Angelus Satanæ in Angelum lucis sese transfiguret, hoc est, ut ij qui errant, lucem nihilominus veritatis sibi percipere videantur aliqua ex parte similes (nam prorsus similiter eos atque fideles affici non mihi persuadeo) ei quam persentiunt qui vera credunt: tamen non est vlllo modo diuinæ prouidentiae consentaneum, ut tot Christi fideles, ac tales, & tam ordinariè, in orbe toto sic illudantur.

Qvo.

QVO IPSO argumento & Lutherus ipse aliquando, quasi clarissima voce, à conscientia propria in viam reuocabatur, monebaturq; verissimè (si voluisset audire) quantoperè à recto itinere veræ, Christianæq; doctrinæ declinare inciperet. Quoties (inquit ipse Lutherus) mihi palpitauit tremulum cor, & reprehendens obiecit fortissimum illud argumentum? Tu solus sapias? tot ne errant vniuersi? Tanta secula ignorauerunt? Quid si tu erres & tot tecum in errorem trahas damnandos æternaliter? Infelicissimum verò te mortalium omnium, Luthere, quòd non tunc audieris, quid Dominus, secundum magnam misericordiam suam (cùm nondum es cōsumptus) in te loqueretur. Quid enim ad fortissimum illud argumentum (vt ipse appellas) quo & sanctissimi olim Ecclesiæ Patres ad sese & alios confirmandos (vt infrà videbimus) vti solebant, respondere poteras? Tandem, inquit, confirmauit me verbis suis Christus, vt iam non tremat nec palpitet, sed insultet cor meum his Papisticis argumentis. At qui ab Angelo potius Satanae in ista tua obstinatione, Luthere, obfirmatum fuisse te, illud ipsum fortissimum argumentum, à tanta aliorum auctoritate & fāma Catholici nominis (vt Augustinus inquit) admodum celeberrima, certissimè concludebat. Sed scriptum est: *Impius cū in profundum peccatorum venerit, contemnit.* Ad eos verò omnes, qui Lutheri, aliorumque Sectariorum fraudibus irretiti tenentur, clamat adhuc Dominus, & vel hoc ipso horribili exemplo obstinationis Lutheri monet, vt ^a *magnum ipsi* (sicut in simili causa Diuus Cyrillus ait) *profectum faciant à peccatis altorum,* ^b *quarantq;* vt Augustinus grauissimè inquit, *Christianam religionem in Ecclesia Catholica communionē, quæ Ca-*

H

tholica.

*Finis argu-
menti accom-
modato contra
Sectarior.*

In præfat. libri
de abroganda
Missâ priuata
ad Fratres Au-
gustiniani or-
dinis, in Cœ-
nobio VVit-
tembergenſi.
*Quomodo re-
pugnauerit Lu-
therus ſcriptis
conſcientia.*

Parte VI. cū
ostendemus
non Ecclesiā
Romanā, sed
Sectariorum de-
fecisse à doctri-
na Apostolica.

Proverb. 18.

^a Lib. 4. in Io-
an, cap. 13.

^b Lib. de vera
relig. cap. 7.

iholica est, & Catholica nominatur, non solum à suis, verum etiam ab omnibus inimicis.

Postremum argumentum ab omnibus, quæ hactenus proposita sunt deductum.

XIX. Concludam ad extremum hunc locum, si de ratione vna brevissimè dixerò, quæ iure etiam optimo ad consolationem vsurpari ac repeti memoria potest. Vt maximè enim argumenta singula, quæ fecimus, tantam vim non haberent, ut vnumquodque per se mouere debeat (quanquam nullum est omnino quod non sit maximum) certè in omnibus simul ingensest pondus: si non ut constet euidenter Christianam doctrinam esse veram; certè ut euidenter intelligamus, eam quamuis per se non sit euident, esse tamen fide & assensione prudentum dignissimam: quod si ne hoc quidem, certè ut error atque ignorantia, si quæ in assentiendo Christianæ doctrinæ esset (est autem in ea re potius summa verissimaque sapientia) omni culpa & reprehensione vacaret. Quid enim vnquam de rebus non euidentibus sine culpa creditum est, si credere quæ Christiana doctrina tot tantisque argumentis confirmata docet, culpa non vacat? Aut quomodo in extremo illo iudicio Deus propter studium, professionemque Christianæ religionis condemnare nos poterit, quam tot modis vel ipse probauit, vel certè probari sic permisit, ut nisi planè desipimus, nulla religio alia, ac multò minùs contemptus omnis religionis vel gratus Deo ipsi, vel rectæ rationi conueniens esse videri nobis possit? Nunquam igitur laudari satis illa cuiusdam oratio ad Deum poterit: Domine, si decepti sumus, tu nos decepisti. Quæ mihi vox & verissima, & consolationis plenissima, & prorsus eiusmodi videtur quam omnibus portis inferorum in negotio fidei confidentissimè opponere possimus. Neque enim
videp,

video, vt assentiamur Christianæ doctrinæ, quid vehementius mouere nos possit, quàm quod intelligimus, vt explicatum est, eam aut omnino esse veram, aut sine culpa prorsus veram à nobis iudicari.

HÆC VERÒ consolatione, cùm (vt argumentis etiam ipsis, hætenus pro Christiana doctrina factis) destituantur omnes Sæctarij; nihil eis, dum ad regiam viam Ecclesiæ Catholicæ nō redeunt, nisi vt planè desperent, superesse video.

*Conclusio in
Sæctariis.*

Quæ cùm ita sint, apparet eos, qui Christianam doctrinam complectuntur, nequaquam indoctas ^a fabulas sequi, sed testimoniis eiusmodi niti, quæ verè sunt, vt Psalmista loquitur, *credibilia nimis*. Deinde intelligitur, quancunque aliam religionem à Christiana differentem, indignam esse prorsus cui adhibeant fidem prudentes. Iisdem enim argumentis vtrunque conuincitur: videlicet & nostrā fidem credi prudenter, & quæ cum ea pugnant, prudenter credi non posse. Primum, quoniam id ipsum inter cætera docet nostra fides, quæ in vniuersum, vt probatum est, vera docet. Tum etiam, quoniam vt repugnantes doctrinæ prudenter credantur, fieri per se quidem non potest: id est, si vtriusque partis argumenta satis cognita sint, & inter se benè conferantur. Quod ob eam rem ita dico; quoniam propter ignorantiam fieri ex accidenti potest, vt quis, antequam rationes & argumenta nostræ fidei percipiat, haud imprudenter assentiat doctrinæ pugnantem cum iis fidei nostræ articulis, qui sunt supra caput naturalis rationis. Itaque hoc euincunt euidenter argumenta nostræ fidei, qui argumenta hæc percipiat, hunc neque posse prudenter credere quod pugnet cum nostra fide, & prudentissimè facturum si complectatur illam, quoniam omnino nulla

a 1. Petri 1.

Psalm. 92.

Quamlibet aliam religionis sectam à disciplina Christiana differentem esse incredibilem.

*Præceptū cre-
dēdi quare in-
sum sit.*

religio est, aut fuit vnquam ita probata sicut est nostra. Ex qua re etiam illud intelligi debet, iure hominibus impositum esse diuinitus præceptum credendi; siquidem prudenter, ob argumenta iam explicata, possunt hoc facere, quamuis fidei doctrina non sit ipsa euidens. Quod erat igitur nobis primo loco argumentis docendum, id satis, vt arbitror, ostensum est: nempe necesse omnino ad salutem esse firma fide credere doctrinam à Christo traditam esse veram. Quoniam id ipsum hæc doctrina tradit, quam probauimus esse in vniuersum fide dignam & veram. Quod ipsum tamen, vt initio etiam monui, potius propter diuina testimonia & reuelationem quæ latet, quàm propter vlla argumenta, persuasum habemus. Sed argumenta efficiunt tamen, vt animum inducamus propter diuinam reuelationem atq; testimonium, velle, adiuuante Deo, credere: vt initio declaratum à nobis est. Deinceps in confirmatione earum assertionum, quæ sequuntur, auctoritate, quoque Christianæ doctrinæ, atq; adeò Scripturæ sanctæ, quam argumentis hæctenus asseruimus, ad probandum vti licebit.





ANALYSIS

FIDEI CATHO-

LICAE, &c.

PARS SECUNDA

NON SATIS AD SALUTEM EST CREDERE IN

genere uniuersam doctrinam Christianam esse veram, nec etiam omnino sufficit aliqua doctrina præcipua capta in specie tenere, sed simul quoque necesse est, nihil falsi determinatè quod in aliqua fidei questione cum vera sententia doctrina Christiana pugnet, pertinaciter credere.



Vnt, vt intelligo, non pauci, qui posteaquam Sectariorum fraude ab Ecclesia Catholica abducti, nullo se firmo fundamento ad veritatem in tanta doctrinarum varietate cognoscendam niti posse, nisi ad Ecclesiam redeant, animaduertunt: perniciosissima opinione conscientijs exulceratis mederi, & desperationi, à qua non longè absunt, obistere student. Sibi enim persuadent, modò aliquis Deum & Christum & præcipua fidei capita fateatur, nihil interesse præterea quid credat, aut quorum disciplinam sequatur, vt adipiscatur salutem. Aduersus quem errorem, assertio iam

H 3

posita

Non posse hominem secun-

dum quamli-
bet fidem sal-
mati.

PROBATIO I.

posita confirmanda est, ut ordinem etiam, quem initio nobis proposuimus, persequamur.

AC primū quidem demonstrari hæc assertio potest hoc modo. Si de aliquibus omnino fidei capitibus cōtra sententiam veram aliorū Christianorum, quod velis credas; non vna & eadem fides erit apud te, quæ est apud verē Christianos omnes, sed alia diuersa: non enim id ipsum quod alij sapiēs, nec in eadem permanebis regula, sicut ad vnitatem fidei requiritur ^a Apostolus. Si autem non vna & eadem fides est apud te, quæ sit etiam apud verē Christianos omnes; non habebis fidem Christianam; hæc enim vbiq; est ^b vna, sicut vnum Baptisma. Si autem fidem Christianam non habebis; Deo gratus esse non poteris. *Sine fide enim* (vtique Christiana) inquit Apostolus, *impossibile est placere Deo.* Quod si Deo gratus non eris; certē nec poteris saluus esse. Igitur, ut hoc vltimum ex primo concludamus, si quod velis credas, nequaquam poteris consequi salutem. Hoc certē probationis filum omni ex parte ferreum est, neque potest dirumpi vllō modo.

^a Philip. 3.

^b Eph. 4.

Hebr. II.

PROBATIO
II.

DEINDE. Nemo hæreticus, nemo Sectaris, nemo infidelis, nemo incredulus, nemo falsus propheta, aut magister mendax, aut lupo rapax, docēs peruersa, &c. nisi ante mortem resipuerit, salutem consequi poterit. Hoc enim manifestē Scriptura declarat, cum vniuersē de iis omnibus absq; vlla vel personarum vel erroris (qui quidem cum doctrina fidei pugnet) exceptione hunc modum pronunciat: ^a *Docete omnes gentes. Qui non crediderit* (non dicit, hoc aut illud, sed absolute, *Qui non crediderit*) *condemnabitur.* ^c *Attendite à falsis Prophetis, qui sunt lupi rapaces, &c.* ^d *Obseruetis eos, qui dissensiones, præter doctrinam quam vos accepistis faciunt, & declinate ab illis. Huiusmodi*

^a Matth. 28.

^b Mat. 16.

^c Matth. 7.

^d Rom. 16.

enim

enim Christo Domino nostro non seruiunt.] ^a Doctrinis variis ^e Hebr. 13.
 & peregrinis nolite abduci.] ⁱ Hæreticum hominem post unam ^f Titum. 3.
 aut alteram admonitionem denita, quoniam est proprio iudicio
 condemnatus. Si quis vobis euangelizauerit, ^g prater id quod ac- ^g Galat. 1.
 cepistis, anathema sit.] Si quis venit ad vos & ^h hanc doctrinam ^h 1. Ioan. 7. 10.
 non affert, nolite recipere, nec aue ei dixeritis.] Manifesta sunt
 opera carnis, fornicatio, inuidia, dissensiones, ⁱ secta, &c. Qui ta- ⁱ Galat. 5.
 lia agunt, regnum Dei non possidebunt.] Erunt in vobis magi-
 stri mendaces qui introducent sectas ^k perditionis, superindu- ^k 1. Petri. 2.
 centes sibi celerem perditionem.] Nunc ne sim sententiis si-
 milibus recensendis prolixior, ita rationem concludo:
 Omnis qui obstinatè & contumaciter contra veram fi-
 dei sententiam arbitrato suo aliquid omnino credit, est
 hæreticus, infidelis, incredulus, sectarius; atque etiam, si
 alios quidem doceat, falsus propheta, magister mendax,
 lupus rapax, &c. Igitur cum nemo qui est talis salutem
 consequi possit, vt probatum est; nemo quoque poterit
 consequi salutem, qui pro libito contra sententiam fidei
 aliquid obstinatè & contumaciter credat.

SED & contra eos etiam, qui arbitrentur vnum- ^{PROBATIO}
 quemque non prorsus Arheum (siue is Christi doctri- ^{III}
 nam recipiat siue non recipiat) secundum sectam viuendo
 suam, modò nihil contra conscientiam admitteret,
 saluari posse: licet nobis etiam, absque testimonio Scri-
 pturæ, huiusmodi sanè firma rectæ rationis argumen-
 tatione uti. Si qui libet secundum sectam suam salutem cõ-
 sequi potest; caussa necessariò erit, quia vel omnes omni-
 no sectæ, quæ possint esse, placent atque probantur per se
 ipsæ Deo: vel quia omnes qui sectis addicti sint, excusari
 per inuincibilem ignorantiam poterunt: vel certè quia
 ipsa opinio, quantumcunque vincibilis, omnes excusabit
 qui secundum conscientiam suam, id est, congruenter

Non posse om-
 nemque, secun-
 dum quamlibet
 sectam saluari
 ratione quocum-
 que euidenti de-
 monstratur.

cum

cum eo quod ipsi putant, viuant, & sentiant. Sed neque omnes sectæ per se placent Deo: neque omnes qui sectis addicti sint, excusari per inuincibilem ignorantiam poterunt: ac multò etiam minus opinio qualiscunque, si sit vincibilis, excusabit. Igitur non omnes secundum quamlibet sectam salutem consequi poterunt.

*Non posse oēs
sectas placere
Deo.*

Iam confirmo singula. Ac primùm, non omnes certè sectas per seipsas probari Deo, planissimum est. Nam cum plerasque opiniones differentium sectarum, atque adèò etiam nata ex opinionibus actionum studia, oporteat inter se pugnare: fieri nequit, ut quælibet sectæ per se sint diuinæ voluntati consentaneæ. Inde enim (quod est per absurdum) sequeretur, eundem ipsum Deum auersari quod approbat, & id vetare, quod sibi tamen placet. Etenim ex omnibus contrariis ac repugnantibus actionibus necesse est quasdam esse, cum recta ratione cōgruentes, ac proinde probari, ve etiam imperari à Deo: eas autem quæ ex contrario his repugnant, necesse est item esse hoc ipso à recta ratione auersas, ideoque peccata, Deo inuisa, ab eoq; prohibita. Ita si opiniones omnes & actiones quarumlibet sectarum Diuinæ voluntati consentaneæ sunt: cum quædam ex illis, ut ostensum est, Deo sint exosæ & ab eo prohibite: consequetur, ut dicebamus, aliquid auersari Deum, quod ipse tamen approbet, & id ipsum vetare, quod sibi tamen placet. Accedit quod si proprius etiam disciplinas inspicimus earum sectarum quarum notitiam tenemus, ut Gentilium, Iudæorum, Turcarum, hæreticorum; in singulis prauos errores, atq; adèò actionum instituta peruersissima facile animaduertimus, quæ esse quidem media salutis consequendæ, ipsi grata Deo, neque cogitari sine summo scelere, neque dici sine atroci blasphemia potest.

Iam

Iam verò quòd per inuincibilem ignorantiam aliqui quandoque excusentur, fieri quidem potest: vt autem ita excusentur omnes, non est vllò modo probabile. Quis enim credat, omnino nullos esse ex omnibus Sectariis, qui & idoneo iudicio præditi sint, & opportunitatem aliquando habeant, ad cognoscendum veritatem? Quod si multis (vt sanè sit) facultas hæc suppetit: multi profectò possunt vera scientia comparanda vincere ignorantie errorem. Quare non omnes Sectarij ignorantia inuincibili excusabuntur.

Multò etiam minus ipsa opinio falsa excusabit (nam hoc erat in partitione nostra postremum) si voluntaria sit, hoc est, si in ea peruicaciter persistas, cùm veritatem cognoscere bene possis. Inest enim vel maximè in ipsis etiam prauis opinionibus, cùm alioquì deponi possunt, turpitudinè à qua proinde non magis honestari opus aliquod improbum potest, quàm illustrari (v. g.) obscurus locus à tenebris. Itaque & hæresis, cùm error ipse sit peruersæ de rebus diuinis opinionis, peccatum est maximum: nec ipsis etiam priscis Philosophis, qui modo rationem sequerentur, ignotum fuit, summam esse impietatem in falsis atque improbabilibus sententiis de Deo. Denique nullum omnino esset peccatum in falsi cultus superstitione, si opinio ipsa falsa per se, tum etiam cùm deponi potest, à peccato excusaret. Quis enim in eo genere delinquit, qui non falsò arbitretur obsequium se præstare Deo? Ergo falsa opinio, cùm est quidem voluntaria & vincibilis, non modò nō omnes Sectarios, sed ne vllum quidem à peccato excusare ipsa potest. Quod quidem non modò ratio recta, vt ostensum est, docet, sed etiam ^a Scriptura diuina confirmat multis in locis.

Per ignorantiam inuincibilem non possunt Sectarij omnes excusari.

Vincibilis ignorantia quare neminem Sectarium excuset.

^a Vbiunque significatur esse aliqua peccata ex ignorantia, vt Psal. 18. Ioan. 16. v. 1. & 1 ad Cor. 13. &c.

*Confirmatur
adhuc magis il-
la eadem pro-
batio.*

*Etiā si Secta-
rij omnes per
ignorantiā ex-
cusarentur: ta-
men non pos-
sent illi omnes
saluari.*

Huc accedit, quod si maximè vel inuincibilis igno-
rantia, vel opinio qualicumque eos omnes (quod fieri
non potest) à peccato excusaret, qui sectis quibuscunque
dediti sunt: tamen inde non statim consequitur, ut quis-
que possit secundum sectam quamlibet adipisci salutem.
Namque ut salutem consequaris, satis tibi non est, ut à
peccato in prauis alioquì actionibus excuseris: sed præ-
terea etiam necesse est, ut aliquibus mediis consequen-
dæ salutis, per se rectis, & diuina prouidentia ad eam rem
institutis, utare. Cuiusmodi sunt, fides, poenitentia, &c.
Ut enim Deus ipse hominibus præstituit finem vltimum,
id est, summam beatitudinem: sic etiam ad ipsum perti-
nuit media etiam aliqua & bona & necessaria constitue-
re ad perueniendum in eum finem. Quod si terminum
tantum & non etiam viam hominibus ostendisset, non
illius esset prouidentia perfecta. Non est autem conse-
quens, si per ignorantiam aut opinionem in prauis actio-
nibus à peccato excusaris, ut etiam utaris eiusmodi me-
diis, quæ per se sunt bona & necessaria ad salutem. Quo-
niam igitur (ut demonstratum est) neque omnes sectæ
per se placent Deo: neque omnes Sectarij per ignorantiam
inuincibilem aut opinionem excusabuntur; nec, si
maximè excusarentur, ideò futurum esset, ut omnes ad-
hiberent media per se necessaria ad salutem: perspicuum
est, eos desipere, qui in vniuersum omnibus, secundum
quamlibet sectæ disciplinam, salutem pollicentur.

PROBATIO
III. ab au-
thoritat. Patrum.

Id est, de
quodammodo
non potest ut
non sit falsum.

LONGE verò secus sanctissimi & eruditissimi Patres ar-
bitrati sunt, qui vel si minimum aliquid cōtra fidem
credatur, eo ipso fidem atque salutem amitti constanter
tradiderunt. Ita enim scriptum reliquit B. Gregorius Na-
zianzenus: Nihil, inquit, periculosius his hæreticis esse
potest, qui cū integrè per omnia decurrant, vno tamen
verbo,

verbo, tanquam veneni gutta, veram illam ac simplicem fidem Dominicam, & exinde Apostolica traditionis, inficiunt.] Ac D. Hieronymus, ubi de Origenis erroribus agit, disertis verbis affirmat, *propter unum etiam verbum aut duo, quæ contraria essent fidei, multas hæreses eiectas esse ab Ecclesia.*] Hinc quoque D. Basilii apud Theodoretum: *Qui sunt, inquit, in sacris literis educati, ne unā quidem syllabam diuinorum dogmatum prodi sinunt, sed pro istius defensione, si opus sit, nullum non mortis genus libenter amplectuntur.*] Atque idem etiam D. Augustinus hæreticum hominem & ab Ecclesia alienum ita describit: *Qui in Ecclesia, inquit, Christi, morbidum aliquid prauumq; sapiunt* (non dicit, qui de omnibus doctrinæ partibus prauè sentiunt; sed: *Qui morbidum ALIQUID,*) *si correpti ut sanum rectumq; sapiant resistunt contumaciter: hæretici fiunt, & foras exeuntes habentur in inimicis.*] Et præclare hoc idem ante Augustinum ita confirmauit Diuus Cyprianus: *Neque enim, inquit, Dominus noster Iesus Christus, cum in Euangelio suo testaretur, Aduersarios suos esse eos, qui secum non essent, aliquam speciem hæreseos designauit; sed omnes omnino hæreticos, qui secum non essent, & secum non colligentes gregem suum spargerent, Aduersarios suos esse ostendit, dicens: Qui non est mecum, aduersum me est, & qui mecum non colligit, spargit. Item Beatus Ioannes Apostolus, nec ipse ullam hæresim aut schisma discreuit, sed vniuersos qui de Ecclesia exissent Antichristos appellauit, dicens: Audistis, quia Antichristus venit, nunc autem Antichristi multi facti sunt. Ex nobis exierunt, sed non fuerunt ex nobis. Si enim fuissent ex nobis, mansissent utique nobiscum. Vnde apparet, Aduersarios Domini Antichristos omnes esse, quos conslet, à caritate atque ab unitate Ecclesia Catholica recessisse.] Nec quidquam potest ad hanc rem illa D. Athanasij sententia proferri clarius: *Quicumque vult, inquit, saluus esse, ante omnia**

Lib. 3. Apolog. aduers. Ruffin. non multo post med.

Apud Theodoret. l. b. 4. lib. Ecclesiast. c. p. 17.

Lib. 18. de ciuit. Dei, ca. 51.

Cyprian. lib. 1. epist. 6. ad Magnum.

Luc. 11.

1 Ioan. 2.

In Symb.

oper est, ut teneat fidem Catholicam, quam nisi quisque INTE-
GUA inuolutamq; seruauerit, absque dubio in aeternum per-
ibit.] Sic ille in fidei symbolo, quod apud Aduersarios
etiam obtinuit auctoritatem. Quod enim ibidem Atha-
nasius subiungit: *Fides autem Catholica hæc est, &c.* nō signifi-
cat, illos dūtaxat articulos, quos de mysterio sanctissimæ
Trinitatis atque incarnationis commemorat, continere
in vniuersum ipsam fidem integram: sed eos certè vel ma-
ximè etiam ad fidem integram pertinere: id quod ibi Di-
uus Athanasius ex instituto agebat. Itaque si quis nega-
ret (v.g.) Baptismum esse Sacramentum, vel aliam eius-
modi sententiam fidei sine controuersia certam, neque
tamen ab Athanasio propositam in eo symbolo; in æ-
ternum profectò, ex mente quoque sententiaque Atha-
nasij, esset periturus, eò quòd fidem integram non ser-
uaret.

Quæ cum ita sint, non est profectò cur sine illa fide
vnde quaque incorrupta atque integra, quam Apostolus
sperandarum substantiam rerum (hoc est, quasi basim
atque fundamentum spei vitæ æternæ) esse, verissimè de-
finiuit, salutem sibi quisquam apud Sectarios pollicea-
tur. Neque enim aliquis vllam excusationem perfidiæ
sue ob difficultatem inueniendæ sincerissimæ veritatis
prætendere poterit, cum facile aliqui sit (inquit præcla-
rè Diuus Irenæus) veritatem ab Ecclesia sumere, nempe in
quam, tanquam in depositarium diues, plenissimè Apostoli con-
tulerunt omnia quacumque sunt veritatis, ut omnis, QUI CUM-
QUE VELIT, summat ex ea potum vitæ. Hæc est enim (inquit)
vitæ introitus, omnes autem reliqui, fures sunt & latrones: pro-
pter quod oportet deuitare quidem illos. Quæ autem sunt Eccle-
siæ, cum magna diligentia diligere, ab eaq; accipere veritatis tra-
ditionem. Ac sanè mihi Diuus Augustinus non modò Ho-
noratum

Hæc. II.

Lib. 3. cap. 4.

Lib. de uell.
cap. 2.

noratum Manichæum (cui ille scribebat) sed etiā vnum-
quemq; eorum, qui in indaganda nunc veritate extra Ec-
clesiam Catholicam inani labore se defatigant, saluber-
rimis illis verbis adhortari videtur: *Si iam, inquit, satis tibi*
isctatus videris, finemq; huiusmodi laboribus vis imponere, se-
quere viam CATHOLICÆ disciplina, quæ ab ipso Christo per Apo-
stolos ad nos usq; manauit, & ab hinc ad posteros manatura est.
Sed quemadmodum sola Ecclesia Catholica Romana,
legitima sit Christi Ecclesia, in qua veritas incorrupta
doctrinæ, iuxta istorum sanctissimorū Patrum, vel potius
ipsius Christi præceptum, quærenda sit, suo loco postea Parte VI.
demonstrabitur. Nunc ad ea, quæ sunt nobis deinceps
proposita, progrediendum est.



A N A L Y S I S

FIDEI CATHO-
L I C A E, &c.

P A R T E T E R T I A.

DVBITANDVM NON
EST, QVIN ALIQUA EX-
stet auctoritas ad iudicandum de fidei contro-
uersis omnibus, infallibilis, per quam in omni determinata qua-
stione cognoscere fideles omnes commodè possint, quæ
sit Christi verissima sententia &
doctrina.



HÆC etiam assertio præcipuè propter rem ipsam, & vt ex ordine proposito in veritate indaganda progrediamur, breuiter admodum confirmari debet. Et quidẽ putare quis posset, de hac assertione, sic generatim posita, nullam nobiscum vllis Sæctariis esse controuersiam: Sed cùm ab omnibus, qui volunt haberi Christiani, constitutum sit (& certè verbis nemo id apertè negat) esse aliquam auctoritatem, à qua possimus in omni quæstione discere Christi sententiam; illud tantummodò, de quo in sequentibus agemus, controuerti; cuiusmodi omnino & qualis sit hæc auctoritas. Cæterùm talem hanc auctoritatem esse contendunt Sæctarij, vt nullam re vera (quemadmodum infra videbimus) eiusmodi asserāt, quæ ad omnes omnino fidei quæstiones satis fidelibus esse possit. Itaque vt id firmemus, quod non tam illi verbis fatentur quàm re ipsa negant; & quia per se quoque id proderit ad confirmandum animos; non alienum ab instituto erit monstrare hîc breuiter earum rationum capita, quæ cum primis docent, eiusmodi auctoritatem aliquam, ad omnes fidei quæstiones sufficientem, esse oportere: maximè cùm ex iisdem ipsis rationibus firma deinde argumenta ducturi simus ad demonstrandum præterea contra Sæctarios, quæ etiam & qualis eiusmodi auctoritas esse debeat.

PROBATIO I.

ERG o prima eius rei ratio hunc in modũ à diuina prouidentia ducitur; Nisi talis aliqua exstaret auctoritas, magistra doctrinæ fidei, non satis esset à Deo prospectum hominibus de necessariis rebus ad salutẽ æternam comparandam. At satis in eo genere illis prospectum est. Exstat igitur talis aliqua auctoritas. Et quidem quod satis
superq;

superq; Deus hominum salutē prouideat; vsque ad eō
Scriptura sacra euidenter tradit, vt ab ea etiam erga ho-
mines prouidentia, quasi cognomen quoddam Deum
accepisse significet. Nam id eō vocatur *Deus saluos facien-*
di; quia quæ præsidia ad salutem necessaria sunt, affatim
suppeditat hominibus. Quod autem minimè satis pro-
spectum hominibus esset nisi exstaret aliqua certa aucto-
ritas magistra fidei, inde patet, quod Scriptura diuina
multis in locis docet, ^a rectā ex omni parte fidem de di-
uinis rebus ad salutem nobis necessariam esse. Hanc au-
tem fidem *animalis homo per se non percipit*, id est, nequit ra-
tionis humanæ viribus allequi ipse per se, sed eam neces-
se est, discat. ^b *Stultitia enim est illi doctrina fidei, & non po-*
test intelligere. Quod si discere quæ sunt fidei oportet,
alicundè discere profectò oportet. Quare aliquam ex-
stare auctoritatem magistræ doctrinæ fidei, quæ de re-
bus in eo genere dubiis omnibus, docere verum possit,
necesse est.

Psal. 67.

Ex diuina pro-
uidentia conse-
quuntur aliquā
exstare debere
sufficientē fidei
regulam pro o-
mnibus contro-
uersis.

^a Vide locos ci-
tatos parte p.
ced. probat.
^b 1. Cor. 1.

Itaque præclare ob hanc rationem D. Augustinus:
Si Dei, inquit, prouidentia non præsidet rebus humanis, nihil
est de religione satagandum. Sin autē præsidet (quod pulchrè
Augustinus ibi ostendit) *non est, inquit, desperandum ab eo-*
dem ipso Deo auctoritatem aliquam constitutam esse, qua velut
graducerto nitentes, attollamur in Deum.] Id confirmat e-
tiam verissima illa sententia, quam ibi paulò antè posue-
rat Augustinus. *Sola est, inquit, auctoritas qua commouere*
possit stultos (hoc est, adhuc ipsius rei ignaros) *vt ad sapientiam*
festinent. Quod Augustini dictum, si in vlllo genere locum
habet, maximè certe in fidei religionisq; negotio, in quo
vel ipsa mundi ^b *sapientia stultitia est*, si auctoritate negle-
cta inuestigare ratione velit diuina mysteria.

Lib. de utilit.
cred. cap. 16.

1. Cor. 1.

PROBATIO
II.*Cur humana
ratio tam faci-
le abeiret à Ge-
ra doctrina fi-
dei.*

L. COE. II.

PROBATIO
III.*e Ad Hebr. II.
d Rom. IO.*PROBATIO
IIII.*Veram fidem
cum obedientia
quandam debe-
re consuetudinem
esse.*

SECUNDÒ. Mens nostra non modò natura sua imbecilla est, & omnino impar viribus, vt ipsa per se necessariam doctrinam fidei peruestigare possit; sed in ea ipsa doctrina, tum etiam cùm reuelata nobis diuinitus est, quàm facillimè hallucinatur, & aberrat. Cuius rei partim causa est exiguitas nostri luminis, partim maiestas doctrinæ fidei, nempe quam, eo quòd supra naturam est, nunquam satis ratione ac mente complecti possumus. Quæ ratio est, quam ob rem in ipsa etià Ecclesia, vbi lucet splendidissimè fides, necesse tamen sit, oriri quãdoq; hæreses, vt & Apostolus dixit, & plus satis experiëntia docet. Id cùm ita sit, auctoritatem aliquam exstare oportuit, cuius magisterio singuli, nisi velint esse nimum cæci, in vera doctrina retineri aut ad eam reuocari possint.

TERTIÒ. Hæc est fidei ratio, vt ^e *argumentum sit rerum non apparentium*; id est, cognitio non euidens, sed quæ nitatur testimonio & pariat ex ^d auditu. Quæ autè res obscurè isto modo sciuntur, eas necesse est, alicuius auctoritatis indicio atque asseueratione discere. Quia igitur cuncti fideles possunt atque debent in omni quæstione fidei falsum repudiare, & quod verum est, Christi quæ doctrinæ consentaneum credere: consequitur, aliquam auctoritatem exstare, per quam fideles vniuersi in quacunq; controuersia fidei possint ita doceri, vt falsum respuant, verum amplectantur.

QUARTÒ. Cognitio quæ cum obedientia quadã mētis in assentiendo coniuncta est, aliqua nititur auctoritate magistra, cui sit in hoc genere obediendum. Talis autem est omnis cognitio fidei. Exstat igitur aliqua talis auctoritas, quæ fidei veritatem in omni quæstione doceat. Maior probatione nulla indiget. Minor occurrit passim

passim in Scriptura Apostoli. Nam non alia caussa est, quam ob rem ipsa etiam fides obedientia quædam nominari soleat; contrà verò hæresis aut obstinatio aduersus fidem, inobedientia; nisi quia necesse est in credendo obedire. ^e *Gratias autem Deo, inquit Apostolus, quod fuistis* ^e Roman. 6, *serui peccati, obedistis autem ex corde in eam formam doctrinæ in qua traditi estis.] Sed non omnes, inquit alibi, obediunt* ^f *E-* ^f Roman. 10, *uangelio, id est, non omnes credunt. Ideo enim subiungit:* ^g *Isaias enim dicit; Domine, Quis credidit auditui nostro?]* ^g Isai. 53. *Idem rursus: Quis, inquit, vos fascinavit non* ^h *obedire veritati?]* Atq; etiam de hæreticis commonefaciens Titum, ob eam rem affirmat, *Episcopum amplecti oportere sermonem fidelem: quoniam sunt, inquit, multi* ⁱ *inobediētes, vanilo-* ⁱ Ad Tit. l. vi-
qui & seductores, &c.] Hæ sententiæ & aliæ, quæ sunt simili-
les, perspicuè indicant, aliquam eiusmodi auctoritatem
esse, cui velut magistræ in omnibus fidei quæstionibus o-
porteat in assentiendo obedire; vti dictum est.

QUINTÒ. Nulla potest oriri de aliqua fidei quæstione hæresis, quæ non possit ac debeat in Ecclesia damnari & reiici, dicto anathemate eius auctoribus. Absolutè enim pronunciat Apostolus: *Siquis vobis euangelizauerit: (quidquid illud sit) præter id quod accepistis, anathema sit.]* At hoc minimè fieri posset, nisi auctoritas exstaret aliqua, quæ in omni quæstione de rebus fidei excitata certò doceret, quid rectæ fidei consentaneum sit, & quid eidem repugnans. Sed nihil necesse est amplius dilatare hoc loco probationem, quare ad alia progrediamur.

^e Roman. 6,

^f Roman. 10,

^g Isai. 53.


^h Galat. 3, vide etiam cap. 5.

ⁱ Ad Tit. l. vi-
de etiam ad
Rom. 1. 15. &
16. & 2 ad Cor.
9. & 10. & ad
Philip. 2. & 1.
ad Thessal. 1.

PROBATIO
V.

Ad Galat. 1.





ANALYSIS

FIDEI CATHOLICAE, &c.

PARTS QUARTA.

AVCTORITAS ILLA,
*QVÆ EXSTAT AD IVDI-
 candum de fidei controuersis omnibus, infalli-
 bilis, non est tantum diuina, neq; tantum humana, sed hu-
 mana diuinitus inspirata.*



On esse purè humanam cam au-
 ctoritatem, cuius magisterio in omni fidei
 quæstione sententia Christi cognoscenda
 sit, satis liquet ex demonstratione præce-
 dentis assertionis. Nam planum fecimus,
 humani vires ingenij esse minores, quàm vt quisquam
 valeat perse doctrinam fidei sine errore percipere aliisq;
 tradere. Quod verò neque purè diuina sit eiusmodi au-
 ctoritas, id est, quod non absque alicuius humanæ aucto-
 ritatis ministerio Deus ordinariè doceat per sese (vt non-
 nulli Sectarij ex * Anabaptistarū factione somniauerūt)
 facile quoq; probatur his argumentis.

PRIMÒ. Scriptura docet, fidem oportere primùm cõ-
 cipi ex ^a auditu: Deinde fouendam atque conseruan-
 dam cam esse ^b obedientia erga Præpositos, qui nos docuerunt
verbum

* Præsertim
 Schvæckfel-
 dianī & Mûr-
 zetiani.

*Deū non ipsum
 per se solum
 docere.*

PROBATIO I.

^a Rom. 10.

^b Hebr. 13.

verbum Dei: petendam ex ore sacerdotis; discendam à Pastoribus & Doctoribus, quos posuit in Ecclesia Deus, ut non circumferamur omni vento doctrina, &c. His autem & aliis externis adminiculis quid opus erat, si Deus per se ipse, quæ sit in omni quæstione recta fides, docere voluisset?

SECUNDO. Deus non eo modo docet nos ordinariè veram fidem, quo modo de rebus fidei ordinariè nobis non loquitur. Etenim docet utiq; loquendo. At nobis de doctrina fidei per se ipse ordinariè non loquitur, sed per os Sanctorum, qui à seculo sunt, Prophetarum eius; atq; etiam per os Ecclesiæ, in quo posuit ipse & manere perpetuò voluit suum verbum. Non igitur per se se ipse de eiusmodi rebus ordinariè nos docet.

TERTIÒ. Si singulos ipse per se solus docet; quam obsecro ratione hoc facit? Docet ne illos, ita ut nequeant omnino ipsi falli dum putant se aliquid didicisse ex Deo? An verò permittit eos in eiusmodi iudicio quædoq; decipi? Primum dici nullo modo potest. Nam extra controuersiam est, omnibus temporibus fuisse & iam etiam esse permultos hæreticos, qui falso sibi persuadeant eam esse diuinam doctrinam, quæ pugnat cum sententia diuina. Quod si Deum illo altero modo docere omnes dicas, scilicet ita, ut nihilominus quiuis decipi possit existimando id se discere ex Deo, quod ipse fingit errore proprio: certè nōdum erit ea ratione satis hominibus prouisum, ut veram in omnibus controuersis fidem primū dignoscere, deinde complecti ac retinere possint. Quid enim procliuus, quàm in illo iudicio falli, si in eo falli possumus? Spiritus est Deus, ideoq; spiritaliter ac latenter ipse mentibus humanis loquitur (loquitureis autem, cum vult efficaciter, ut hoc aut illud intelligant ac sibi persuadeant) nec oculis euidenter cer-

e Malach. 2.

d Ephes. 4.

PROBATIO
II.e Luc. 1.
Hebr. 1.
f Isai. 59. v. 21.PROBATIO
III.*Deum non docere per se fideles ratione, quoz demonstratur.*

g Ioan. 4.

b 2. Cor. 11.

nitur, vt facile animaduertere possis vtrū id audias, quod ille in te loquatur, an quod dicit tibi spiritus tuus, vel certe spiritus *Satanae*, qui se in ^h *Angelum lucis persape transfiguratur*. Huc accedit, quod nihil interest, vtrum fidem dicas vnicuique ex proprio ingenio cognoscendam esse; vel ex magisterio solius Dei, qui tamen vtrum aliquid ipse doceat necne, vnusquisque ingenio proprio & fallibiliter diiudicare debeat. Nam ex ea parte singulis erit æquè facile in doctrina fidei errare, atque si fallibiliter ipsos, sine magisterio peculiari Dei, diiudicare oporteret doctrinā fidei. Quibus igitur rationibus constat, homines præter vim ingenij sui, aliqua auctoritate externa infallibili indigere, vt vera fide salutem consequi possint; iisdem efficitur, eam auctoritatem non esse solius Dei per se ita docentis, vt homines in doctrina diuina percipiēda (quemadmodum fit) falli possint.

PROBATIO
IIIL.

i Ezech. 13.

t Ibid. v. 7.

i Hierem. 23.

m Ierem. 14.

n Matth. 7.

QVARTO. Cū ab ipso Deo in Scriptura sacra ij reprehenduntur, qui de rebus diuinis ea & sentiunt, & docent, quæ ipsis propriè ac singulariter veniunt in mentem: nunquid aliquid ad excusationem eos iuuat, quod id faciant prætextu diuinæ doctrinæ, quam ipsi singulariter ac propriè diuinitus se accepisse iactent? Minimè verò. Hic enim ipse prætextus est, qui cum primis in Scriptura sacra redarguitur. Nam, *Vt*, inquit, ¹ *Prophetis insipientibus, qui sequuntur spiritum suum & nihil vident. Dicunt: Ait Dominus: cū ego non sim locutus.] Et rursus: ¹ Nolite audire verba Prophetarum, qui prophetant vobis & decipiunt vos. Visionem cordis sui loquuntur; non de ore Domini.] Et: ^m *Falsò Propheta vaticinantur in nomine meo. Non loquutus sum adeos. Visionem mendacem, & diuinationem fraudulentam, & seductionem cordis sui prophetant vobis.] Item ipse magister noster Chrtistus: ⁿ *Attendite à falsis Prophetis.] Et:***

Et:

Et: ° *Si quis vobis dixerit, Ecce hic est Christus* (id est, hæc est diuina Christi doctrina) *ecce illic, nolite credere.*] Iam verò cum duplex causa esse possit, cur tam seriò ac grauiter moncamur priuatos huiusmodi prætextus diuinæ doctrinæ fugere; vna, quia per se, quod ad rem ipsam attinet, sint falsi; altera, quòd priuati & singulares sint, eoque ipso abhorreant à consilio Dei, qui ordinariè non priuatim singulos, sed per communem aliquam regulam oēs docere soleat: profectò causa hæc posterior, est eius admonitionis ratio præcipua. Pauci enim admodum sunt, qui diiudicare de re ipsi possint, vtrum ea doctrina, quæ tanquam diuina proponitur, vera sit an falsa. Et tamen omnes communiter eiusmodi priuatos spiritus atque doctrinas iubentur auersari: quoniam nemo est, qui non facilè vel per se vel alieno auxilio discernere queat num dogma quod proponitur sit proprium ac singulare alicuius, an verò per communem aliquam auctoritatem & regulam in Ecclesia traditum.

Quod igitur ordinariè Deus per se solus ac priuatim vnumquemque non doceat, ex dictis satis perspicuum esse videtur. Itaque præclare D. Augustinus: *Veritas*, inquit, *tua Domine, nec mea est, nec illius, aut illius; sed omnium, quos ad eius communionem publicè vocas: terribiliter admonens nos, vt nolimus eam habere priuatam, ne priuemur ea. Nam quisquis id, quod tu faciendum omnibus proponis, sibi propriè vendicat, & suum esse vult quod omnium est, à communi propellitur ad sua: id est, à veritate ad mendacium.*] Sic Diuus Augustinus. Ac ob id etiam B. Irenæus iure in hæreticos est inuectus sui temporis, quod *singularitate dogmatum se ipsos prædicerent, ac veritatis deprauarent regulam.*] Tum illud à Tertuliano rectè hæreticis exprobratum est, *Idem*, inquit, *licuit Valentinianis quod Valentino, idem Marcionitis quod Marcio-*

• Matth. 24.

Eadem assertio confirmatur auctoris. Patr. Lib. 12. Confess. cap. 25.

Lib. 3. aduers. hæres. cap. 1.

Lib. de præscript. hæret.

ni: de suo ingenio fidem innouare.] Et à veritate ipsa dictum est, diabolum etiam, cum mendacium loquitur, *P ex propriis loqui:* qui tamen diuinæ doctrinæ prætextu & ipse usus est: inquiens, *scriptum est enim, &c.* Ergo qui de fidei rebus quocunque prætextu ex propriis sibi loquendum putant, ij ex patre sunt diabolo.

Quod si neque purè diuina, sine communi alio medio, est illa auctoritas infallibilis, quæ in omni quæstione nos doceat, ut ostendimus hactenus; neque etiam purè humana, ut præcedente capite probatum est; non est nobis opus alia propriâ probatione, ut quod in hoc loco agimus, persuadeamus; esse scilicet illam auctoritatem quasi ex utraque compositam atq; mediani; nempe humanam diuinitus inspiratam. Bonus enim ac firmus est hic syllogismus. Oportet auctoritatem illam, in determinandis omnibus fidei quæstionibus infallibilem, aut purè diuinam, aut purè humanam, aut humanam diuinitus inspiratam esse. (Nemo enim est cui probare nunc oporteat, non esse Angelicam.) Non est autem vel purè diuina, vel purè humana, ut probatum est. Est igitur humana inspirata diuinitus.

Et sanè cum omnes penè Sectarij eam auctoritatem sola Scriptura sacra contineri contendunt, fateri eos necesse est, humanam, diuinitus inspiratam, illam esse. Homines enim ij sunt, qui Spiritu sancto inspirati, sunt nobis in Scripturis loquuti. Sed an rectè Scriptura sola eam auctoritatem isti definiant, videbimus in Capite sequenti. Nunc tantum hîc restat, ut Scripturæ quosdam locos explicemus, quibus contra assertionem positam videtur confirmari posse, Deum per seipsum singulos docere rectam fidem, sine vlllo prorsus humano ministerio. Quod eò quoque faciendum est, quia eiusmodi locis illi etiam

Sectarij

p Ioan. 8.

q Matth. 4.

*Quomodo con-
cludatur, regu-
lam fidei debe-
re esse humanā
diuinitus in-
spiratam.*

Seſtarij imprudentes ad errorem ſuum abutuntur, qui volunt tamen Deum non docere ſine omni medio, ſed per Scripturam ſacram, quæ ipſa, vt dictum eſt, continetur humana auctoritate diuinitus inſpirata.

Eius generis ſunt ij loci: ^a *Erunt omnes docibiles Dei.* ^a Iſai. 54.
Et: ^b *Si quis indiget ſapientia poſtulet à Deo, qui dat omnibus* ^b Ioan. 6.
affluenter. Et: ^c *Si quis voluerit voluntatem eius facere, cognos-* ^c Iacob. 1.
cet de doctrina eius, utrum ex Deo ſit. Item: ^d *Oves meæ vo-* ^d Ioan. 7.
cem meam audiunt. Item: ^e *Cum venerit ille ſpiritus veritatis, do-* ^e Ioan. 10.
cebit vos omnem veritatem. Atque in iis quidem & aliis ei-
uſdem generis testimoniis, ſimpliciter ſignificari videtur
futurum, vt omnes de rebus fidei ab ipſomet Deo eru-
diantur. Sunt autem & alij loci quidam, in quibus item
negari videtur, opus alicui fore alio magiſtro præter De-
um. Vt in prima Canonica Ioannis: ^f *Non neceſſe habebitis* ^f 1. Ioan. 2.
vt aliquis doceat vos: ſed ipſa vnctio docet vos de omnibus. Et
apud Ieremiam: ^g *Non docebit amplius vnusquisque proxi-* ^g Ierem. 31.
mu ſuum. Et in Euangelio ipſe Chriſtus: ^h *Ego, inquit, te-* ^h Ioan. 5.
ſtimonium hominibus non accipio. Acciperet autem, ſi oport-
teret ab hominibus veritatis Chriſtianæ fidei proponi.
Quare & alibi ſcriptum eſt: ⁱ *Qui credit in filium Dei, habet* ⁱ 1. Ioan. 5.
teſtimonium Dei in ſe.

Reſpondendum eſt, ad locos priores, vt rumque ve-
rum eſſe: & à Deo doceri fideles (ſicut in illis testimoniis
diuinitus eſt promiſſum) & doceri tamen ab illo ordina-
riè non niſi per miniſterium humanum. Sed eſt conſue-
tudo ſacræ Scripturæ, vt quæ Deus principaliter facit, ea
illi ſic tribuat, ac ſi ſolus omnino ſine aliquo inſtrumēto
faceret: idq; etiam propterea, quod ipſe quoque ſuppe-
ditat vim inſtrumentis ad operandum. Hanc ob cauſam
ſimpliciter ab Apoſtolo illud ſcriptum eſt: *Neq; qui plan-*
tat eſt aliquid, neque qui rigat, ſed qui incrementum dat Deus.

Quomodo De-
us & ſolus doce-
re dicitur, &
tamen doceat
per hominum
miniſterium.
Lege Ioan.
Dried. lib. 2. de
via inueſtigā-
di ſenſ. ſcript.
cap. 3. ad ſe-
cundū argu-
mentum.
1. Cor. 3.

Et

Matth. 10.

4 Psal. 105.

1 Act. 9.

m Act. 8.

n Act. 10.

• Psal. 39.

Tract. 3. in 1.
epist. Ioan.

p 1. Ioan. 2.

Et Christus ipse: *Non estis vos qui loquimini, sed spiritus Patris vestri qui loquitur in vobis.* Nec sanè dicer aliquis (vt hoc quoque vtamur exemplo) producere Deum absque concursu aliarum causarum *in montibus fœnum*: quamuis Psalmista illi soli videatur hunc effectum, sicut & alios permultos, attribuere. Ergo pari ratione, cum in Scripturis citatis legimus, Deum esse qui nos docet: intelligere debemus, hoc cum facere per ministerium auctoritatis humanæ, cuius etiam per os loquitur & auditur. Itaque non ipse solus per se docuit Paulum, sed ad ¹ Ananiam adire illum voluit à quo erudiretur, & ^m Philippum misit, vt ad curram accedens doceret Eunuchum, & ⁿ Petro traditur in disciplinam Cornelius.

Quæ explicatio ad eos locos etiam qui sunt posterius obiecti, pertinere potest. Nam quod negat Scriptura, necesse esse, vt alius alium doceat; eodem modo intelligi debet, quo illud: *Neque qui plantat est aliquid neque qui rigat*: Et illud etiam, quod similiter explicauimus: *Non estis vos qui loquimini.* Quid enim hoc significat? An, qui inspirante Deo loquitur, prorsus ipsum non loqui? Minimè verò: sed Deum esse quidem, qui eius ore tanquam instrumento quodam præcipuè loquitur. Ita non doceri fideles ab homine, minimè idem est quod nullo modo per humanum ministerium doceri: sed est, doceri præcipuè à Deo: qui cum omnibus temporibus *docuerit ipse*, vt Psalmista loquitur, *o hominem scientiam*; longè id vberius in hoc tempore gratiæ facit. Quod si nullo modo doctrinam hanc Deus per humanum ministerium traderet; responderi profectò satis Augustino non posset, hunc in modum cum ipso Ioanne Apostolo hac de re colloquenti: *Vnctionem, inquit, habebant quibus loquebaris. Tu dixisti: p quia vnctio ipsius docet vos de omnibus. Vt quid igitur*
salem.

salem epistolam fecisti? Quid illos tu docebas? Quid instituebas? Quid edificabas? Sed responderet facillè pro ipso Apostolo conuenienter iis, quæ iam à nobis explicata sunt, idem ipse Augustinus: Iam hic videte fratres magnum Sacramentum. Sonus verborum nostrorum aures percutit. Magister intus est. Nolite putare quemquam hominem aliquid discere ab homine. Admonere possumus per strepitum vocis nostra. Si non sit intus qui doceat, inanis fit strepitus noster. Ac paucis in eandem sententiam interpositis, Cathedram, inquit, in celo habet qui corda docet. Propheta ait, & ipse in Euangelio; Nolite vobis dicere Magistrum in terra, unus est Magister vester Christus. Hæc Augustinus. Qui pulchrè hac oratione docet idèò fidei doctrinam ipsi Deo acceptam ferri debere, quoniam etsi per se ipse sine ministerio auctoritatis humanæ non doceat; tamen ipse est magister huius disciplinæ principalis.

Matth. 23.

Quod verò ait Christus: *Ego non ab homine testimonium accipio*, sic intelligendum est. Non indiguit Christi doctrina humano testimonio vt ipsa ab illo robur acciperet; Sed opus habuit eo tamen vt secundum consilium Dei, & rationem constitutam eius prouidentie propagaretur, id est, vt ei homines fidem haberent. Nam & illud etiam ob eam rationem à Christo Domino dictum est: *Eritis mihi testes in Hierusalem & in omni Iudæa, &c.* Tum illud eodem pertinuit: *Hic venit in testimonium, vt testimonium perhiberet de lumine.* Ac subiungit Euangelista rationem à nobis assignatam: *Vt omnes, inquit, crederent per illum.* Hinc est, quod in eo ipso loco vbi negat Christus ab homine testimonium accipere: vtitur tamen aduersus Iudæos testimonio Ioannis. Dixerat enim: *Vos misistis ad Ioannem: & ille testimonium perhibuit veritati.* Tum subiungit; *Ego autem non ab homine testimonium accipio. Sed hæc,*

Qua ratione Christi doctrina inuiguetur & non indiguerit humano testimonio.
Act. 1.

Ioan. 1.

Ion. 5.

Ibidem.

L

inquit,

inquit, *dico et vos salui sitis.* Quasi diceret: Ego quidem testimonium, quod mihi perhibuit Ioannes, non adfero tanquam illo nitatur mea doctrina: sed ut illam eo vobis probem, id est, ut Ioannis auctoritate, qui magnus est apud vos, commoti, mihi credatis & salui sitis.

Ex his arbitror satis confirmatam ac defensam terram nostram assertionem esse, nempe, non purè diuinam, neque purè humanam, sed humanam diuinitus inspiratam esse oportere auctoritatem illam, quæ de fidei questionibus omnibus certò doceat fideles.



A N A L Y S I S

FIDEI CATHO-
L I C A E, &c.

P A R S Q V I N T A.

HVMANA-ILLA AV-
CTORITAS, INSPIRATA DIVI-
nitus, quæ de controuersis fidei omnibus iudicare valeat, non vnius tantum vel alterius hominis quondam vita defuncti, aut etiam aliquorum propria est, qui olim vel scripto, vel voce sententiam diuinam explicauerint, posteritatiq; commendauerint, sed omnibus seculis apud fideles ipsos viget præsens, & pronuntiare perspicuè ac palam de fidei controuersis omnibus potest.

NON absolutè hîc negamus, alius cuius hominis vel aliquorum vita defunctorum auctoritatem diuinitus infallibilem esse in quæstionibus fidei. Sed cum in iudicio, & quasi causâ fidei, duobus modis intelligi possit, aliquam auctoritatem esse infallibilem; videlicet aut tanquam magistrâ & iudicem, cuius sit sufficienter pronunciare & statuere quæ sit in omni quæstione doctrina fidei; aut certè tanquam testem, qui licet in eo iudicio definire satis ipse, ita ut est necesse, quæstionem omnem non possit, tamen ab auctoritate magistrâ & iudice consuli debeat: affirmamus sanè, auctoritatem illam infallibilem, à qua oportet (ut hactenus ostensum est) in omnibus quæstionibus, quæ de fide moueri possint, tanquam à iudice ac magistrâ, fideles cunctos omni tempore sufficienter de fide doceri, non esse propriam alicuius vel aliquorum hominum vita defunctorum. Quanquam & talis quidem auctoritas aliquorum qui superstites non sunt, & olim diuinam sententiam aut verbo aut scripto infallibiliter explicârunt, tanquam testis in fidei causis certa ratione & modo (id est, ut vel rem ipsam dicat, vel aliquid rei consentaneum, ex quo res deduci possit) consuli debeat, ut à nobis suo loco pòst explicabitur.

Nunc explicatione hac adhibita, probanda nostra assertio est. Quod fiet commodilimè si utamur huiusmodi partitione. Auctoritas humana eorû qui vita functi sunt, & olim diuinam sententiam, aut verbo aut scripto infallibiliter declarârunt, partim Scriptura ipsa sacra, partim traditionibus Apostolicis (id est sententia per Apostolos viua primùm voce tradita, & deinceps ab eorum successoribus retenta & custodita, & continua suc-

Auctoritas infallibilis in quæstione fidei testè patet. alia enim est iudicis, alia testis.

Infal. b. e. auctoritas in qua sit ind. a. om. s. controversiâ fides non esse propriâ aliquorum qui olim aut verbo aut scripto dicauerunt, sed præsentis in perpetuum in Ecclesia vigere: & quomodo id probandum.

cessorum serie ad posteros transmissa) continetur, ut infra quoque suis locis docebimus. Sed neque Scriptura sacra, neque etiam sola traditio (si ab ea separet presentem in Ecclesia auctoritatem infallibilem; sic enim de traditione nunc loquimur) est illa auctoritas infallibilis magistra fidei & iudex in omnibus questionibus. Talis igitur auctoritas non est propria alicuius vel aliquorum hominum vita defunctorum. Quod si exstat tamen aliqua talis humana auctoritas, ut probatum est; neque vero ea est illorum hominum propria, qui iam præterierunt; restat, ut vivat semper inter fideles præsens, quem admodum in assertione nostra positum est. Confirmemus singula. Ac primùm eiusmodi auctoritatem sola Scriptura sacra, ut hæretici perperam sentiunt, non contineri, sequentia argumenta persuadere debent.

Supra parte
III. & IIII.

*SCRIPTURAM SACRAM NON ESSE IV-
dicem omnium controuersiarum fidei.*

PROBATIO I.

Parte III.

PRIMÒ. Sententia eius auctoritatis, cuius de rebus omnibus fidei iudicium est, apertam oportet esse, ut ab omnibus fidelibus commodè possit intelligi. Nam si non ita perspicuè & planè auctoritas illa doceat, non ad eam rem valebit, cuius causa (ut suprà probauimus) diuinitus instituta est; nempe ut omnes, nisi nimium velint esse cæci, faciliè cognoscere possint, quid ex fide credere debeant, & quid tanquam fidei contrarium repudiare. Quomodo enim conscientia acquiescet, aut in animum aliquis inducet certò & absque vlla hæsitacione id credere, quod scire clarè ipse non possit ab aliqua auctoritate proponi & tradi quam sibi persuadeat esse infallibilem? Iam verò sententia Scripturæ de maximis etiam fidei questionibus, ita obscura & difficilis ad intelligendum est,

est, ut homines etiam bene literati, nedum vulgares fideles, in eiusinquisitione facillimè hallucinentur ab eaque aberrant.

Id, quia hæretici omnes pertinaciter negant, demonstrandum iam diligenter est. Quod rectius fiet, si primum cõstiterit, quo sensu & quare Scripturam obscuram esse affirmemus. Ita enim, & ipsas vias quasi obstruemus Aduersariis, quibus illi in hac re arbitrantur, se posse subterfugere. Cum enim Scripturam obscuram esse dicimus, non vitium aliquod in doctrina ipsa diuinitus tradita inesse sentimus, sed maiestatem atque *altritudinem* potius eiusmodi ^a *sapientia & scientia Dei*, & imbecillitatem ingenij nostri profitemur. Nam hoc significat, eam obscuram esse, difficulterà nobis illam intelligi posse; quoniã & ipsa diuino ac singulari suo quodam modo conscripta est, & nos multis rebus atque adminiculis indigemus, ut eius sententiam assequamur; atque ad eò multis etiam modis in ea re impedimur. *Quod totum*, inquit præclare D. Augustinus, *diuinitus prouisum esse non dubito ad edendam laborem superbiam, & intellectum à fastidio reuocandum, cui facile inuestigata plerumq. vilescunt.* Nec dissimilem rationem, cur Scriptura sit obscura, reddidit Clemens Alexandrinus.

Fatemur igitur ante omnia, & concedimus aduersariis, hominum vel infirmitate, vel etiam vitio accidere, ut Scriptura non intelligatur. Sed vicissim ab ipsis postulamus, ut, quia tolli hac in vita nequit illa infirmitas, & difficillimè vitari hoc vitium ab hominibus potest; nobiscum etiam agnoscant & fateantur, Scripturam solam quæ vix à paucis rectè intelligi potest, non esse communem illam fidelium omnium regulam & magistram, à qua in quæstionibus fidei doceri posse infallibiliter oēs

Scriptura esse obscura, et quomodo id à Catholicis assertum: nec à selectis, sed intellegendis, negari posse.

a Roman. 16

Lib. 2. de doct. Christi. cap. 6.

Lib. 6. Strom. non admodum longè à fine.

Cognitur Scriptura, & ipsi confiteri Scripturam obscuram esse.

oportet. Quæ enim fidei regula communis hominibus ipsis est propolita: eam prorsus oportet ex parte in primis ipsorum hominum esse cognitu facilem, atque adeò perspicuam: Siquidem tota eorum ad vsum accommodata esse debet. At Scripturam, ex parte saltem conditionis hominum, obscuram & difficilem esse, ita certum est, ut sint etiam impudentes Sectarij si negent. I. Etenim ipsi etiam intelligunt, vim dictionis cognosci debere, qua vel primùm est ipsa doctrina sacra mandata literis, vel certè deinde in aliam linguam benè versa. Hoc, quod minimum est: tamen non omnes fideles rectè nouerunt.

II. Scientiam quoque rerum ipsarum, & sensus in Scripturis exercitatos, ad Scripturarum intelligentiam requiri, negari non potest. Ideò enim fit, ut etiam inter eos, qui verborum cuiusq; linguæ, omnisq; Grammaticæ benè periti sint, difficillimè tamen de Scripturarum sensu in maximis rebus conueniat. Cui rei ipsi sunt argumento Sectarij. Sunt enim ex Calvinistis & Lutheranis non pauci Calvinistæ & Lutherani bilingues imò trilingues Grammatici. Et tamen quæ de maximis fidei rebus, Lutheranis cum Calvinistis, imò ipsis etiam tum Lutheranis, tum Calvinistis inter se (dum omnes sola Scriptura niti volunt) conueniat, nouit iam satis orbis Christianus, quin etiam norunt Turcæ & Ethnici. Non igitur Grammaticæ tantùm, sed rerum in primis doctore ad Scripturam intelligendam opus est. Quod profectò censuit Augustinus, cum ita scripsit ad Honoratum: *Terentianum Maurum, sine magistro attingere non auderes: Asper, Cornutus, Donatus, & alij innumerabiles requiruntur, ut quilibet Poëta possit intelligi: Tu in eos libros, qui sancti diuinarumq; rerum pleni propè totius generis humani confessione diffusamatur, sine duce irruis, & de his sine præceptore audes ferre sensu.*

*Ad Scripturam
intelligendam
quàm multa
requirantur:
videlicet, illius in-
telligenda dis-
ficultatem exi-
stere.*

*Scientiam rerum
magis quàm
linguarum ad
Scripturarum
intelligentiam
requiri.*

*Lib. de utilit.
cred. cap. 7.*

sententiam? Nec dissimilis Diui Hieronymi oratio est, quam, quia notissima est, breuitatis causâ præterco. Iam quousquisque idoneum Scripturarum præceptorem vel quærît, vel inuenit, vel rectè intelligit, vt Scripturæ genuinam sententiam assequatur? III. Sed neq; historiam multarum rerum artesq; liberales quasdam ignorare oportet; quarum ignoratione fit sæpe, vt aberrer aliquis à vero Scripturæ sensu, quemadmodum D. Augustinus diligenter notat, & res ipsa docet. IIII. Ratio quoque omnis tenenda rectæ fidei est, vt eius vbique analogiam videre, & ad eam exigere Scripturæ sententias difficiliores possis. In qua re magno sanè iudicio, quod paucis contingit, & dexteritate magna opus est. V. Et quoniam *in maleuolam animam non intrabit sapientia*, purgandus etiam est animus, ne coeno vitiorum obruta atque excæcata mens videre in Scriptura non possit lumen veritatis. Quod Diuo etiam Augustino, quantumuis magno & perspicaci ingenio esset præditus, tum accidebat, cum adhuc erat inquinatus peccatis. *Institui*, inquit, *animum intendere in Scripturas sanctas, vt viderem quales essent. Et ecce video rem non compertam superbis, neq; nudatam pueris: sed incessu humilem, successu excelsam, & velatam mysteriis. Et non eram ego talis, vt intrare ad eam possem. Nam illa erat, qua cresceret cum paruulis. Sed ego indignabar esse paruulus, & fastus surgidus mihi grandis esse videbar. An verò nullius difficultatis res est, ab hoc tumore vitiorum vacuum esse, eorumque fuligine velatum cor, instar Iudæorum, non habere, sed humilem fieri ac docilem discipulum, ad huiusmodi Spiritus sancti disciplinam capessendam?* VI. Quid autem precatio ad Deum pro sapientiæ interpretationisq; Scripturæ dono? An exigua difficultas est, & piè & perseueranter illud cum eodem

In epist. ad Paulin.

Vide potissimum lib. 2. de doctr. Christi. cap. 1. 6. & 29. & 31. & 36. & 37. & 40.

Sap. 1.

Lib. 3. confess. cap. 5.

Augu.

Lib. II confell.
cap. 2.
Pia D. Augu-
stini promtel-
ligentia Scri-
pturarum ad
Deum prece-
110.

Augustino orare : *Domine attende, & miserere mei. Domine Deus meus, lux cecorum, & virtus infirmorum. Largire spacium meditationibus nostris in abdita legis tue, neq; aduersus pulsantes claudas eam. Neq; enim frustra scribere voluisti tot paginarum opaca secreta. Et aliquibus interpositis. Vide,* inquit, *Pater, & aspice, & vide, & approba, & placeat in conspectu misericordiae tuae inuenire me gratiam ante te; ut aperiantur pulsanti mihi interiora sermonum tuorum. Obsecro per Dominum nostrum Iesum Christum Filium tuum, in quo sunt omnes thesauri sapientiae & scientiae absconditi. Ipsum quero in libris tuis, &c.* VII. Sed ex omnibus, quae ad intelligentiam Scripturarum necessaria sunt, illud est difficillimum, quod tamen magno sanè errore Aduersarij putant omnè remouere Scripturae obscuritatem. Aiunt enim, difficiliores Scripturae locos ex aliis clarioribus, qui sunt eadem dere, interpretandos esse. Quod & nos fatemur. Sic enim & Augustinus praecipit, & passim praeter Augustinum alij Patres docent, ac vsu exemploque suo confirmant. Sed difficillimum tamen esse asserimus, huiusmodi locorum collationem ita instituire, ut quem locum tu putas clariorem esse, ideoq; ex eo alium locum interpretandum, is reuera sit clarior, & non cōtra potius obscurior: ex quo idcirco nō alterum interpretari, sed cum ex altero sit necesse. Ut enim quis in Scriptura ipsa, & in cognitione locorum Theologicorum, magis aut minus versatus est, atque etiam ut magis aut minus perspicax, & in indagando diligens, sic magis aut minus rationes videt, cur hic sensus potius quàm alius huic loco subici debeat. Ita fit, ut qui locus in vno sensu alteri clarus videtur, alteri videatur obscurus: eaque varietas facit, ut facillimum sit, quemadmodum diximus, in huiusmodi collatione locorum Scripturae falli atque errare: dum

non

Lib. 2 de doct.
Christia. cap.
25. & 26.

Scripturarum
collationem nō
penitus remo-
uere difficulta-
tem in illis in-
telligendis.

non obscurus reuera locus ex claro, sed clarus (si rationes omnes latentes & circumstantes considerantur) ex obscuro peruersè exponitur.

Cuius rei, cum multa & vetera, & recentia etiam exempla ex nostrorum temporum controuersis proferti possint, ego breuitatis causa vnum aut alterum ponam, vt Lector contempletur Labyrinthum errorum, in quo, propter hanc suam Scripturæ collationem, versantur Sectarij, & versabuntur perpetuò, nisi redeant ad sanio-rem mentem. Quæstio est, vtrum concupiscentia in iis qui gratiam sunt adepti in Baptismo, sit peccatum veri nominis, damnatione etiam dignum. Affirmant omnes Sectarij. Quia quod in persona iustificati hominis Paulus ait, ^a *Habitare in se peccatum*; putant habere illum sensum clarum; quem illico verba superficietenus exhibēt, nempe concupiscendi facultatem seu appetitum esse peccatum. Itaque ex hoc loco interpretantur alios eiusdem Apostoli, vbi contrà negat, vllum remanere peccatum, in iis, quos affirmat ^b *ablutos* & ^c *sanctificatos* esse in Baptismo. Dicunt enim sensum esse, non quòd ij mundi prorsus facti sint & immunes à peccato; sed quòd peccatum quo aliqui inquinati sunt, non imputetur ipsis ad poenam. Falluntur autem in hac Scripturarum collatione. Quoniam locos clariore malè interpretantur ex obscuro. Demòstrant enim certissimè Catholici, sensum eius, quod Apostolus inquit, habitare in se peccatum, nō esse illum prima facie clarum, quem falsò putant Aduersarij, nempe reuera concupiscentiam peccatum esse. Hoc enim & naturæ ipsi diuinæ gratiæ repugnat, quæ cum peccato mortali stare nullo modo potest, & aliis etiā innumeris Scripturæ locis, ex quibus constat per gratiam ita aboleri penitus peccata, vt nihil in ipso homine insit

M damna-

*Exemplū ostē-
ditur in Scri-
pturarum col-
latione facillimè
errari posse, atque adeo
errare ipsos Se-
ctarios.*

Exempl. I.

^a Roman. 7.

^b 1. Cor. 6.
^c Ibidem. Idē
ad Rom. 6. &
8. & alijs sæ-
pe.

d Roman. 8.

^d damnationis, id est, damnatione dignum. Docent igitur iidem Catholici alium quendam illi Apostoli loco subici sensum obscurum, videlicet, concupiscentiam & ex peccato prouenisse, & ad peccatum inclinare, ideoque appellari ibi ab Apostolo peccatum: sicut etiam ipsum Christum ^e peccatum alibi improprie appellat, quia fuit hostia pro peccato: & Adam ^f Euam similiter *os* appellauit, quia ex osse exstitisset. Proinde non ex eo Apostoli loco, tanquam ex claro, illi alij loci, qui gratia emundari penitus hominem à peccatis manifestissimè docent, exponendi perperam erant: Sed ex iis potius locis, tãquam claris, illius alterius loci sensus obscurior (quem indicauimus) colligi ab Aduersariis debuit.

e 2. Cor. 5.

f Gen. 2.

Exempl. II.

Item quæstio est, vtrum quilibet possit ac debeat certò credere se iam esse receptum in gratiam diuinam. Affirmant etiam cuncti Sectarij: quamuis ego quidem nunquam mihi persuadere potero, vllum esse cordatum hominem inter illos, qui sibi omnino ita certò persuadeat: cuius rei alio in loco manifestissimas rationes reddidi. Sed affirmant tamen ita credendum esse, licet minimè ipsi credant. Cùm autem obiicitur illis testimonium Apostoli clarum in persona hominis iustificati, dicentis: *Nil mihi ^g conscius sum, sed non in hoc iustificatus sum*: conferunt hunc locum cum illo alio eiusdem Apostoli: *Ideò ex fide (iustificatio) vt secundum gratiam firma ^h sit promissio*. Quoniam autem putant significasse hunc Apostolum, gratiam per fidem solam ideò apprehendi, vt quilibet, non ex bonis animi sui motibus aut recta conscientia, sed ex promissione diuina per fidem certò possit sibi persuadere quòd gratiam sit consequutus; interpretantur, non negauisse Apostolum in illo alio loco, quin sciret omnino atque adeò, quin sciat quini iustus, in cuius persona tunc loque-

In disputat. de
gratia, & de
differètia vet.
& nouæ legis.

g 1. Cor. 4.

h Roman. 4.

loquebatur, se esse iustificatum: Sed negauisse tantum, id se scire ex bona sua conscientia. Decepti verò sunt in ea collatione turpissimè. Nam vt aliud non esset, tamen antithesis certè, quæ continuò sequitur in verbis Apostoli, declarat, eum (in persona quidem hominis iustificati) omnino negauisse se vel ex promissione diuina, vel aliunde, secundum legem Dei ordinariam, scire in præsentia num esset iustificatus. Subiungit enim: *Qui autem iudicat me, Dominus est. Itaq. nolite ante tempus iudicare, quoadusq. veniat Dominus, qui & illuminabit abscondita tenebrarum & manifestabit occulta cordium, & tunc laus erit unicuique à Domino.* Cùm Dominum solum esse affirmat, qui num aliquis iustificatus sit, sciat; de eaque re ante tempus illud extremum, à nobis certò iudicium fieri vetat; nōne omnino negat, in præsentia quemquam hoc de se certò scire aliqua ordinaria via? Aliter igitur debuissent hîc instituire collationem Sectarij; & vel ex hoc loco potius intelligere, sensum illius alterius loci, vbi Apostolus ait; ideò ex fide hominem iustificari, vt secundum gratiam firma sit promissio, non esse, quòd per fidem iustificemur, vt ex promissione sola possimus certò scire nos esse iustificatos. Negat enim absolurè Apostolus, hoc à nobis sciri ante nouissimum tempus ordinario illo modo posse. Sed docet, ideò nos gratis, absque merito nostrorum operum, per fidem, & alios nimirum animi rectos motus, caritatis & pœnitentiæ (qui cum fide viua coniuncti sunt) iustitiam & gratiam consequi, quoniam oportet certò diuinam promissionem impleri, quæ fuit prorsus talis; scilicet vt eo modo gratis iustificaremur absque nostro merito; quemadmodum sic etiam Abraham iustificatus est coram Deo. Hæc ibi tantum Apostoli sententia est, neque quidquam de vana

In disputat. de
vera & falsa
differētia ver.
& nou. legis.

illa istorum persuasione hīc agit: vt ex disputatione & instituto Apostoli in ea epistola, alibi quoque probauimus.

Matth. 26.

Notum etiam est, Sacramentarios hæreticos idcirco errare, quoniam Scripturæ locos, qui sunt de Christi discessu ex hoc mundo, non ex hoc claro loco; *Hoc est corpus meum*, sicut oportet, interpretantur (ita scilicet, vt de discessu tantum & absentia Christi secundum modum ordinarium atque visibilem eos locos intelligi necesse sit) sed hunc peruersè ex illis malè intellectis. Vnde fit, vt dum prauè tum illi tum etiam Lutherani panistæ collationem instituunt, plures quàm octoginta interpretationes differentes plenasque vanitatis paucissimis illis Christi verbis; *Hoc est corpus meum*, adhibeant, ne vel præsentiam corporis Christi in Eucharistia, vel conuersionem panis in illud fateantur. Quæ profectò varietas clarissimo argumento est, hos omnes, quantumlibet Scripturæ collationem iactitent, à proprio illorum Christi verborum sensu longissimè aberrare.

Quomodo Scri-
pturarum col-
latio potius,
quandocūq; in-
telligenda Scri-
ptura difficul-
tatem augeat.

Atque vt vno verbo dicam, in omni fidei quæstione, quæ in vtramque partem ex Scripturis agitur; proposita quacūq; collatione Scripturæ, semper porro quæstio esse poterit, vter potius locus ad sensum alterius accommodandus sit ex eoq; interpretandus? Ita fit, vt collatio non finiat ipsa & absoluat difficultatem quæstionis de sensu Scripturæ, sed plerumque etiam augeat. Huc accedit, quod non modò facillimè contingit error in iudicando, an hic locus per illum exponi debeat; cū vtrumque constet de eadem re loqui; sed etiam in discernendo, an id ipsum, quod in collatione sumitur, verum sit, scilicet vtrumque locum de vna eademq; re loqui. Quandoque enim idem in Scriptura verbum & eadem

dem serè phrasis ad significandas res diuerfas accommo-
datur, vt admonuit etiam Diuus Augustinus. Quod quia
nuper quidam Sectarius, Lutheri discipulus, non ani-
maduertit; ineptè voluit per Scripturæ scilicet collatio-
nem ostendere, *oblationem mundam*, de qua vaticinatus
est Malachias, non aliud sacrificij genus in Ecclesia esse,
nisi Euangelij prædicationem, quam etiam Apostolus
per similitudinem *oblationem* vocat. Rectè autem Diuus
Augustinus: *Non putemus*, inquit, *esse præscriptum, vt quod in*
aliquo loco res aliqua per similitudinem significauerit, hoc eam
semper significare credamus. Sed errorem istiusmodi colla-
tionis in alio^b loco redarguimus. Et omnes disputatio-
nes, quæ nobis intercedunt cum istis, plenissimæ sunt e-
xemplis similibus, in quibus appareat variis vbiq; errorib;
Aduersarios esse implicatos, propter Scripturæ col-
lationes à se sinistrè institutas.

Nunc quæ exempla huius rei adduximus, non tam
adduximus, vt in illis quæstionibus eos errasse ostende-
remus, id enim aliorum est locorum, quàm vt (quod iam
agimus) euinceremus, eos facillimè certè, dum sola Scri-
pturarum collatione niti volunt, sic errare potuisse. Ex
quo intelligi debet, non quidem eorum esse leuiorem
culpam in errando (quis enim eos Scripturis solis quæ-
stiones fidei velle definire cogit?) sed Scripturam profe-
ctò esse ad intelligendum difficilem: quandoquidem in
eius interpretatione collatio locorum, in qua facillimè
erratur, negligenda non est, & alia multa adminicula an-
tè enumerata ad eam rem requiruntur, ex quibus aliqua
in plerisque hominibus sæpe desiderantur. Neq; sanè ab
hoc proposito aliena observatio est, quod cùm præter
ea, quæ diximus, quasdam etiam peculiare regulas ad
Scripturam intelligendā vriles, Augustinus ex quodam

Lib. 2. de doct.
Christi, cap. 24.
25. 26.

Herbrandus
contra nostrū
de sacrificio
Missæ tractatū
Malach. 3.
Rom. 15.
Lib. 2. de doct.
Christi, cap. 24.

^b In Apolog.
de sacrificio
Missæ, cap. 4.

Lib. 2. de doct.
Christi, cap. 29.
& seq.

Ibid. cap. 30.

Tyconio commemorasset: tamen quosdam dicit tales esse Scripturæ locos, ut ad eorum sensum inueniendum vix vlla eiusmodi regularum satis esse, imò ne scrui-
re quidem possit.

*Scripturam ob-
scuram esse, suo
satis exemplo
confirmant Se-
cund.*

Quod si necdum ista omnia satis Aduersariis probant, difficulter Scripturæ sensum intelligi posse; vel domesti-
cis tandem eius rei argumentis experientiaque propria moueantur. Nam si Scriptura difficilis non est, quid sibi vult inter ipsos, in tam multis tamque grauib. fidei quæstionibus de Scripturæ sensu tanta dissensio? Cur Calviniani Lutheranis, & Lutherani Calvinianis (ut capita tantum ipsa sectarum, variè porro inter se dissecta-
rum, nomen) non persuadent rem claram? An literas nesciunt? An locos nō conferunt? An à Deo, qui dat om-
nibus affluenter, sapientiam non postulant? Eligant igitur hīc quod maluerint, alterutrumque fateantur, aut Scripturam esse difficilem: aut se insanire, quod inter eos de clarissimo minimeque difficili Scripturæ sensu con-
uenire non possit.

*Scripturam i-
psam sui obscu-
ritatem testari,
confirmatur
aduersus Secta-
riorum causi-
lationes.
2. Pet. 3.*

Sed audiamus Scripturam ipsam de se loquentem, num eam facilitatem sibi tribuat quam ei isti quasi per vim obtrudere, contra sensum, contra experientiam, & suam & alienam, conantur. Non autem noua adferam sed vetera hac de re Scripturæ testimonia, cum sint opti-
ma, repetam, ut ea magis confirmem. In quo genere cla-
rissimum certè testimonium est illud D. Petri, qui testa-
tur, *quodam esse in epistolis D. Pauli difficilia intellectu. Quæ,*
*inquit, indocti homines & instabiles, sicut & cæteras Scriptu-
ras, deprauant ad suam ipsorum perditionem. Cum dicit, illa*
D. Pauli, sicut & Scripturas cæteras, deprauari à peruersis;
certè Scripturas etiam cæteras magna ex parte similiter
esse difficiles indicat. Nam propter difficultatem utique

cæteras

cæteræ quoque Scripturæ deprauantur, sicut & illa de Pauli epistolis. Neque verò D. Petrum latebat, quid valere posset ad Scripturæ intelligentiam collatio locorum: & tamen ea re non obstante, pronunciat simpliciter, Scripturam intellectu esse difficilem: ac ideò facilè deprauari posse.

NOTA.

Et planè falsum ac ineptum etiam est, quod quidam Lutheri discipulus, vt hoc testimonium eludat, hîc comminiscitur. Respondeo, inquit, Petrus non dicit, epistolas Pauli ita esse conscriptas, vt difficultate & obscuritate sua Lectoribus præbeant occasionem ad perditionem. Vtitur enim articulo non sceminino sed neutro: significans, res ipsas de quibus Paulus loquitur, quia posite sunt longè supra & extra omnem conspectum rationis, non posse rectè intelligi ab hominibus carnalibus, sed opus esse illuminatione Spiritus sancti.] Hactenus ille Lutheranus. Quem adeò non est Deus passus hac interpretationis vanitate Lectorem decipere, vt ad eam clarissimè refellendam ipsius etiam ore sit vsus. Subiungit enim iste illico: Vtitur autem Petrus (inquit) verbo valde emphatico *σπεῖλα* (id est, detorquent) quod à torturis sumptum est. Sicut enim adhibitis tormentis sæpe de innocentibus habentur quæstiones vt aliquid aliud quàm res habet, pro affectu torquentium, ab illis exprimatur: ita Petrus dicit Scripturæ quasi tormenta adhiberi, quibus à genuina, simplici & aperta sententia distorqueatur, vt illud nobis loquatur quod ante lectionem præsumpsimus intelligendum, vt Hilarius loquitur.] Hactenus etiam iste. Ex cuius hac postrema oratione tale contra commentitiam illam expositionem ipsius conficitur firmum ac euidens argumentum: D. Petrus ea in epistolis D. Pauli dicit esse intellectu difficilia, quorum item ait significacionem

Kernitius in
exam. Sess. 4.
Concil. Trid.

*Dinū Petrum
non ipsas res
tantum quas
trahit Paulus,
sed etiam modū
quo illustra-*

Qui, hoc est, illam
Scripturam
pronunciasset
esse difficilem.

tionem deprauari ab indoctis hominibus: vt scilicet aliud illa nobis loquantur & significant, quàm res habet: sicut iste Lutheranus ex verbi Græci interpretatione non malè colligit, & ex ipsa sententia & oratione D. Petri est perspicuum. Nunc ita subsumo: Illa quæ secundum significationem isto modo deprauantur, non sunt res ipsæ significatæ à Paulo (non enim propriè res ipsæ loquuntur nobis & significant) sed loci & partes scriptarum epistolarum à Paulo. Igitur illa quæ D. Petrus affirmat esse difficilia intellectu in epistolis Pauli, non sunt propriè res ipsæ à Paulo significatæ, sed ipsius Scripturæ Paulinæ loci & partes. Nihil profectò potest euidentius concludi.

1. Cor. 3.

NOTA.

Iam *velamen*, quod ipse Paulus affirmat, *vsque in hodiernum diem, cum legitur Moyses, esse positum supra cor Iudeorum*: profectò textum (vt ita dicam) bona ex parte est ex difficultate Scripturarum illarum. Hoc enim, vt antea monuimus, est, Scripturam esse difficilem, eiusmodi eam esse, & tam multa, vt illa intelligatur, requiri, vt procliuè fuerit Iudæis, & sit aliis omnibus, non percipere veram eius sententiam. Quod quia dare nobis coguntur, velint, nolint, Sectarij: rectè ac necessariò inde concludimus, communem illam regulam & magistram fidei, quam necesse est, esse propositam fidelibus omnibus, non esse Scripturam: cum non sit cognitu facilis ipsis hominibus: vt antè quoque argumentati sumus.

Isai. 29.

Huc & illud Isai. pertinet: *Erit vobis visio omnium, sicut verba libri signati quem cum dederint homini scienti literas, & dicent, lege istum, respondebit non possum. Signatus est enim.* Atque etiam obscuritatem Scripturæ D. Gregorio Magno rectè significauit *liber ille inuolutus*, quem de manu Domini Propheta Ezechiel accepit. *Liber inuolutus*, inquit, *Gregorius, est Scriptura sacra eloquium obscurum, quod profun-*

Ezech. 2.

Homil. 9. in
Ezech.

profunditate sententiarum inuoluitur; ut non facile sensu omnium penetretur. Quocirca & Eunuchus ille, de quo D. Lucas in Actis, cum Scripturam legeret, ab eo quæ Philippus percontaretur, Putas ne intelligis quæ legis? Quomodo possum, inquit, nisi quis doceat me? Tum illud eleganter (ut iam alios Patres præteream) Clemens Alexandrinus: *David, inquit, dicit, Tenebrosa aqua in nubibus aeris; à fulgore coram ipso nubes transierunt grando & carbones ignis, abditos esse docens sanctos sermones.*

Act. 1.

Lib. 6. Strom.
versus finem.
Psal. 17.

Et tamen dicitur Scriptura ^a lucerna pedibus nostris, & ^c lumen nostris semitis, cui benè faciamus attendentes tanquam lucerna lucenti in caliginoso loco, &c. Hæc verissima sunt omnia. Sed est inprimis etiam videndum, ubi nam collocata esse oporteat hanc lucernam doctrinæ diuinæ, ut ipsi lumen eius videre, & eo dirigere gressus nostros possimus. Quid enim si lucernam aliquam ponas sub modio? Certè lucebit ibi nihilominus ipsa & ardebit, & lumen retinebit suum: sed non etiam ibi te illuminabit, nisi eam colloques in idoneo loco. Concedimus igitur pari modo, sacras literas, quæ diuinæ doctrinæ continent lumen, tanquam lucernam esse per se ipsam splendidissimam semper, atque fulgentissimam. Sed nobis tamen considerandum est, quomodo sit hoc lumen non in se modò lucidum, verum etiam (ut regius Propheta dicit) illuminans oculos? Nunquid qua ratione vnusquisque ingenij proprii atque industriæ suæ finibus illud tanquam modio quodam exiguo comprehendit? Minimè verò: sed quatenus est diuinitus in Ecclesiæ Catholicæ auctoritate tanquam in candelabro positum, ut luceat omnibus qui in domo sunt. Hanc enim Ecclesiæ auctoritatem, docebimus postea suo loco, esse in vniuersum iudicem atque magistram fidei dei viam: quæ idcirco necesse est, ut lumen illud fidei,

Qua ratione
Scriptura lumen
sit & lucerna,
& tamen ad in-
telligendum
difficilis.
d. Psal. 118.
c. 2. Pet. 1.
Responsio ad
præcipua casti-
monia quibus
abutuntur Se-
paratim, & probet
Scripturam esse
facilem.

Psal. 18.

Scriptura lucer-
nâ ponunt sub
modio qui illu-
minant sententiam
non ex Ecclesiæ
auctoritate dis-
cere volunt.
Matth. 5.

quod in diuinis literis splendet, præferat ipsa atq; ostendat omnibus qui ad eam aggregantur, in eaque manent, licet ineruditi sint alioqui, nec valeant ipsi per se lumen illud, vt in ipsis literis sanctis tanquam in lucerna continetur, aspicere.

Lib. 7. in Luc.
cap. 51.

Luc. 11.

*Quid sit Seri-
pena a lumine in
abscondito vel
sub modio po-
nere: quod fa-
ciunt Seditij.*

Matth. 24.

Quam rem benè mihi ac subtiliter D. Ambrosius attigisse videtur, cùm docuit, Christum, vt fidem nostram Ecclesiæ Catholicæ accommodaremus, oratione illa hortari. *Nemo, inquit, accendit lucernam & in abscondito ponit, neque sub modio sed super candelabrum, vt qui ingrediuntur, lumen videant.* Quid autem aliud fuisset, Scripturam non alicui communi auctoritati infallibili interpretandam commendare, sed vnicuique priuato ex æquo committere; quid, inquam, hoc aliud fuisset quàm accensam lucernam in abscondito ponere? In abscondito enim, Scripturæ lumen poni est, ea illud ratione ac modo proponi quo non possit neque debeat lucere omnibus qui sunt in Ecclesiæ domo. Non potest autem aut non debet certè Scripturæ fideique lumen sic lucere aliis omnibus, ab iisque recipi, quomodo lucet vni aut alteri priuato, quicumque ille sit tandem & quantumcumque in indaganda Scripturæ sententia laborât. Nam cur aliis non liceat illi anteponeere parem auctoritatem iudicij etiam sui? Cur non possint putare illum ex iis esse, qui priuato spiritu dicunt: *Ecce hic, ecce illic Christus*: à quibus, vt diligentissimè nobis caueremus, Magister noster Christus præcipit? Errant igitur vehementer Aduersarij, cùm Scripturam esse lucidam lucernam, ac illuminare nos, idem esse existimant, quod eam non egere Ecclesiæ communi aliqua atque infallibili auctoritate, vt certos nos faciat de fidei dogmatibus. Lucet enim & illuminat, sed super candelabrum Ecclesiæ constituta, vt est explicarum.

Quod

Quod si eam sub modio ingenij tui tegere atque comprehendere velis; ipsa quidem lucida per se nihilominus est, & simul tamen, vt haecenus est probatum, tibi est obscura: sicut esset alia lucerna quauis sub modio.

Simile.

At, si maximè (inquiunt) de quaestionibus fidei subtilioribus quædam tradat Scriptura obscurius: tamen ex articulis fidei necessariis, quos satis est ad salutem credere, nullus est, qui non alicubi in Scriptura clarissimè doceatur. Hac erroris sui defensione cum vtuntur Aduersarij, profectò declarant se non satis animaduertisse, quibus modis fiat, vt ad salutem necesse sit credere aliquam fidei veritatem. Fit autem hoc bifariam. Vno modo, quoniam absolutè & simpliciter necesse est, vt veritatem hanc aut illam fidei nôris & credas. Altero modo, quia cum omnis infidelitas diuinitus sit prohibita, non licet tibi sine iactura salutis, credere aliquem errorem vlli veritati fidei contrarium: Vnde fit, vt etsi aliquam fidei veritatem absolutè non necesse habeas nosse & credere: sub conditione tamen debeas illam & credere & nosse. Nam si contingat tibi proponi eiusmodi veritatem fidei, atque ei contrarium errorem; & alterutri assensum præbiturus sis: necesse tibi ad salutem est, vt veritati fidei assensaris, non contrario errori.

Nesciunt Scilicet quatenus necessarium ad salutem sit aliquid credere: idq; dupliciter accidere.

1.

2.

Priori modo, scilicet absolutè & simpliciter, paucorum admodum veritatum fides & cognitio omnibus fidelibus ad salutem necessaria est. Posteriori autem modo, scilicet, sub illa conditione, vt contrarij caueantur errores; omnes omnino fidei sententiæ ac veritates, cum quibus pugnare possint aliqui contrarij errores, sunt omnibus hominibus necessario credendæ ad salutem. Nemo enim est, cui liceat amplecti aliquem contrarium fidei errorem: quin (vt suprà probatum est) omnes prorsus

Parte I L

*Confutatur enim quod
Sectarij dicunt
ideo Scripturā
omnibus satis
esse quia in illa
clare et aduim
pauca illi ar-
gumēta quos crede-
re necesse sit ad
fidentem.
Lib. 2 de doct.
Christi cap. 9.*

& singuli mandato diuino iubentur quemuis errorem atque hæresim repudiare eique anteponeere veræ fidei sententiam. Iam quæ fidei veritates priori modo, scilicet absolutè & simpliciter, ab omnibus hominibus necessariò cognoscendæ & credendæ sunt, vt & fide & spe & caritate ad beatitudinem contendere valeant; eas non diffitemur perspicuè ferè in Scripturis ipsis doceri, vt Augustinus etiam notauit. Sunt enim illæ & paucae, & communissimæ, nec notitiam requirunt vsque ad eò distinctam & expressam, modo aliquali ratione non falsa in mente concipiantur. Atque huius quidem generis sententiæ sunt comprehensæ in Apostolorum symbolo. Veritates autem aliæ, propè infinitæ, quæ posteriori modo (scilicet sub conditione, vt contrarij quique errores caueantur) ab omnibus fidelibus credi debent; ipsi Adversarij coguntur fateri, & euidenter hætenus est probatum, maiori ex parte contineri in Scripturis obscurè. Itaque & illos Scripturæ locos, ex quibus oportet hæreses refutare, obscuros esse scripsit D. Augustinus. *Multi, inquit, sensus Scripturarum sanctarum latent: & paucis intelligentioribus noti sunt: nec asseruntur commodius & acceptabilius, nisi cum respondendi hæreticis cura compellit.*

Huiusmodi verò locorum Scripturæ obscuritas, in his rebus difficilioribus, caput est probationis nostræ, qua necessariò euincimus, Scripturam non esse illam communem regulam & quasi magistrā, à qua possint fideles omnes sufficienter doceri; vt in omnibus fidei quæstionibus veritatem amplectantur & errorem repudient. Nam cum omnes mandato diuino debeant quoscunque errores contrarios fidei cauere, & eatenus quibuscunque etiam fidei veritatibus (vt expositum est) assentiri; certè facere hoc, secundum diuinam prouidentiam, omnes possunt:

*illos vel maxime
Scripturæ
locos, ex quibus
sunt hæreses
confutanda, ob-
scuros esse.
In Psal. 67.*

possunt: licet casu contingere possit, interdum aliquos in ea re à peccato excusari. Quomodo verò præstare id omnes poterunt, nisi communis illa regula diuinitus proposita, clarè & perspicuè & accommodatè ad captum omnium de quæstionibus ac rebus fidei quibuscunq; definiat? Hoc autem Scriptura non facit, vt ostensum est, & ipsi etiam inuiti agnoscunt Sectarij. Quare perspicuum est, nihil proficere Aduersarios nec argumentationis nostræ vim vllò modo infirmare, cùm dicunt, Scripturam de iis rebus fidei, quæ sunt necessariae, clarâ doctrinam tradere. Omnes enim res fidei vno quodam modo necessariae sunt, vt exposui: & proinde de omnibus perspicuè Scripturam docere oporteret, si esset ipsa fidei Iudex communisq; illa regula.

Huc accedit quod illos ipsos Scripturæ locos, qui continent articulos fidei simpliciter necessarios, non nisi quadam cum distinctione concedi debet esse omnes perspicuos. Duobus enim modis intelligi, atque dici potest, locum Scripturæ aliquem esse clarum. Vno modo, quia ipse locus certè, si per se spectetur, proprio, plano, & apertò sermone constat, neque vllò genere figuratæ dictionis inuoluitur. Atque hoc quidem pacto illi loci, qui continent fidei articulos absolutè necessarios perspicui ferè sunt, vt ex sententia D. Augustini exposuimus. Quemadmodum contrà, per se etiam obscuri dici possunt illi ferè Scripturæ loci, qui constant ex figurato sermone. Quanquam & horum tamen locorum sententia ferè etiam expolita reperitur in aliis quibusdam Scripturæ locis, qui sunt per se quidem clari, hoc est, plano ac proprio sermone scripti. Quod rectè notauit D. Augustinus cùm dixit: *Nihil ferè de illis obscuritatibus figurati sermonis erui, quod non planissimè dictum alibi reperiatur.* Ibi

*Quod aliqui lo-
ci Scriptura
sunt clari, quo-
modo intelli-
gendum.*

Lib. 2. de doct.
Christia, c. 6.

*Quo sensu D.
Augustinus scri-
pserit, alacubi
in Scriptura
planissimè dici
quod atubade-
esset obsecro.*

Matth. 16.

1. Ioan. 5.

enim ipse Augustinus explicat id dici *planissimis verbis*, quod *sine similitudinis adminiculo dicitur*. Altero modo dici posset locus aliquis Scripturæ clarus, non modò si per se ipse consideretur, sed etiam si consideretur cum relatione ad locos alios, cum quibus & benè & malè cõferri possit. Atque hoc quidem modo quàm paucissimi, imò vix aliqui loci, etiam ex iis, qui & planè scripti sunt, & articulos simpliciter necessarios continent, clari & perspicui censerì possunt: quin propemodum omnes illi, ob humani quidem ingenij vel imbecillitatem, vel peruerstatē (vt suprà exposuimus) sunt obscuri. Et enī, si ad verba ipsa rationemque dicendi spectemus, quis planior & clarior videri possit locus, quàm ille: *Hoc est corpus meum*? Aut quàm ille de diuinitate Christi: *Hic est verus Deus*. Et tamen collatio cum locis aliis quàm plurimas de genuina eius etiam generis locorum sententia parit controuersias. Quæ controuersiæ tam variæ ac multiplices an non euidenti argumentis sunt, esse etiam eiusmodi Scripturæ locos, si cum relatione ad alios considerentur, difficiles ipsis quidem hominibus ad intelligendum atque obscuros? Hæc igitur obscuritas Scripturæ, quæ ex relatione potissimum atque collatione locorum existit, ob quam etiam locis per se quidem planissimis & clarissimis, hæretici facillimè abutuntur (vt ^a postea quoque docebimus ex ^b Augustino) fundamentum est nostræ probationis firmissimum.

Sedenim hoc loco, cùm à Scripturæ difficultatibus probamus, non esse eam sufficientem omnium quæstionum fidei iudicem, admodum impudenter Sectarij nobis obiiciunt, similiter nos facere atque hæreticos illos, quos D. Irenæus his ^c verbis redarguit: *Cùm ex Scripturis, inquit, redarguuntur, in accusationem conuertuntur ipsarum*

Scriptu-

^a Probatione III.

^b Lib. 2. de nuptiis & concup. c. 31.

Responsio ad calumniam Sectariorum, qui obiiciunt Scripturam atanic accusari à Catholicis, sicut olim ab hæreticis accusabatur.

^c Lib. 3. cap. 2.

*Scripturarum, quasi non RECTE habeant, neque sint ex AV-
CTORITATE, & quia variè sint dictæ, & quia non possit ex
his inueniri veritas ab iis qui nesciant traditionem.* Conside-
randum autem est, qua ratione D. Irenæus aduersus eius-
modi hæreticos pugnandum esse, tum putabat, & quo-
modo etiam illi in accusationem conuertebantur Scri-
pturarum: quod in ipsis iure ac merito Diuus Irenæus ac-
cusauit. Nempe Irenæus Scripturæ testimoniis hæreti-
cos illos (Gnosticos) reuincendos arbitrabatur, non vt
quisque Scripturam, per ipsam Scripturam solam, intel-
ligendam autumat, sed vt ab Ecclesia in primis intelli-
gitur, ex viua etiam Apostolorum traditione, quæ fideliter
custoditur ab Apostolorum legitimis successoribus:
quemadmodum statim ex ipsomet Irenæo audiemus.
Contrà verò hæretici illi aduersus Scripturæ sententiam
ex Apostolica traditione ab Ecclesia ipsa certissimè pro-
positam, commentitiis suis tantummodò traditionibus,
nulla Ecclesiarum auctoritate commendatis, niteban-
tur. Atque hîc contendebant, immeritò ac perperam
ipsis Scripturas illas obiici: non enim eas habere aliquâ
certam auctoritatem, & variè esse dictas, neque posse ex
illis elici veritatem sine adminiculo suarum illarum cõ-
mentitiarum traditionum.

Hanc impudentiam quin rectè Diuus Irenæus taxa-
uerit, dubium esse non debet. Etenim posteaquam Ec-
clesia sententiam aliquam ex Scriptura colligit, Scriptu-
ramq; proinde, vt est à se secundum Apostolicam tradi-
tionem intellecta, contrariis erroribus opponit; summa
improbitas est, aliquid præterea in eiusmodi Scripturæ
vel auctoritate, vel interpretatione, quocumq; id fiat si-
ue difficultatis siue obscuritatis prætextu, desiderare.

Quæ enim Scriptura per auctoritatem Ecclesiæ com-
menda-

*Postquã locum
Scriptura ali-
quã ab Ecclesia*

*explicitum est,
fas non esse illius
obscurationē ad
erroris defen-
sionē causari.*

mendatur explicaturq; , ea iam hoc ipso & maximè est authentica , & splendidissimè clarissimeq; lucet, tanquam lucerna videlicet (vt suprā exponebamus) posita super candelabrum. Num verò cum ea, quam Irenæus hîc incusat, hæreticorum veterum in Scripturis ipsis accusandis petulantia, quidquam est commune Catholicis propterea quòd sentiunt, Scripturam, si per se & ex se quidem sola, semoto Ecclesiæ lumine, quo ipsa illustratur, consideretur, difficilem ad intelligendum catenusq; obscuram esse? Nōne eiusmodi alioquî intelligendæ Scripturæ difficultas in causâ est, quam ob rem hæreticis omnibus procliue sit, suis etiam figmentis (vt ^b ostendit luculenter idem Irenæus) Scripturas accommodare, illaq; etiam paliare ipso sacrosancto Euangelij nomine? Quid quod ipsi potius Sectarij eodem planè modo in accusationem hodie conuertuntur Scripturarum, quem in Gnosticis illis hæreticis Irenæus hîc notauit? Etenim quas Scripturas manifestase eorum erroribus opponit Ecclesia, eas dicunt vel non esse *ex auctoritate* (vt quæ afferuntur ex lib. Machab. & ex epistola Iudæ, &c.) *vel non rectè* ita habere sicut ab Ecclesia explicantur, nec posse ex his inueniri veritatem ab iis, qui nesciant Lutheranam traditionem. Quanta igitur Sectariorum impudentia hæc est, cum nobis Irenæi locum obicere, in quo nihil minus quàm nostra de Scripturæ difficultatibus sententia, sed ipsorū potius Sectariorum, in sanctas Scripturas crimen iustissimè vituperatur?

Sed ne hanc à nobis Diui Irenæi sententiæ explicationem pro arbitrio nostro, non ex ipsius mente Irenæi, proponi, Sectarij suo more cauillari possint, age, quæ illi hæreticorum accusationi eodem in loco Diuus Irenæus opponit, audiamus: *Cum autem, inquit, ad eam iterum* (id est,

b Lib. 1. c. 11.

c Lib. 3. c. 11.

*Ab ipsis porius
Sectariis Scri-
pturas hodie
accusari, sicut
olim à Veterib.
hæreticis.*

In illo cap. 1.
lib. 3.

est, præter Scripturam) *traditionem*, quæ est ab *Apostolis*, quæ per *successiones presbyterorum* in Ecclesiis custoditur, *pro-
vocat* eos, *adversantur traditioni*, dicentes, *se non solum pres-
byteris, sed etiã Apostolis existentes sapientiores inuenisse ve-
ritatem; se indubitatè, & incontaminatè, & sincerè* (dicas, Lu-
theranum aliquem, vel Calvinistam, loqui) *absconditum
scire mysterium. Evenit itaq; neq; SCRIPTURIS iam, neque
TRADITIONI consentire eos.* Vides, *SCRIPTURAS*, &
TRADITIONEM in Ecclesiis præter Scripturas, per
successionem presbyterorum custoditam? Vides, quem-
admodum Irenæus ad Scripturam, in disputatione con-
tra hæreticos, traditionem quoque adhibendam, & ex
ea Scripturam interpretandam, atq; ita demum aduer-
sus hæreticos Scripturam vrgendam, existimauerit? Vi-
des denique Irenæum non nisi illos hæreticos accusare,
qui Scripturam, postea quàm est ab Ecclesia (hoc est, ab
eo fidelium cœtu qui solus pro Ecclesia Christi in orbe
sit agnitus) explicata, tanquam dubiam atque incertam
incusant? Sed quia de probatione prima, ab obscuri-
tate Scripturæ sumpta, satis, vt arbitror, ad errorem Ad-
versariorum redarguendum, qui Scripturam solam de
fide iudicare volunt, dictum est, alia etiam argumenta
subiungemus, quibus item assertio nostra confirme-
tur.

SIT IGITUR hæc secunda probatio. Si maximè Scri-
pturæ sententia ubique esset clara: tamen quædam de
fide quæstiones & fuerunt aliquando, & esse possunt, quæ
sola Scriptura definiri nullo modo valent. Non est igitur
Scriptura sola, illa auctoritas, quam inquirimus, diu-
dicandi quæstiones fidei omnes. Id probatur, quoniam
fieri potest, vt in dubium vertatur auctoritas ipsa tota &
doctrina alicuius vel aliquorum librorum sacrę Scriptu-
ræ;

PROBATIO
II. quòd Scri-
ptura nō sit suf-
ficiens fides re-
gula.

Nō omnes quæ-
stiones fides posi-
se terminari
per Scripturā.

ra; an scilicet in vniuersum à Deo reuelata sit. Hæc autem controuersia ex Scriptura aut rarò aut nunquam dirimi poterit. Itaque alia regula opus erit, quæ non modò iudicet de sensu Scripturæ, sed omnino de Scripturæ auctoritate: num sit diuina, quæ proinde contineat sententiam fidei. Scribit Eusebius, Simonidem fuisse quendam hæreticum, qui libros nescio quos prophetarum, præter eos, qui in sacro volumine sunt, comminisceretur. Eorum vnum Barchabam: alterum Barcham nominauisse. Hanc opinionem quomodo Scripturæ tantum testimonio refelleres? Item sanctus Augustinus auctor est, nonnullos omnia reieciisse Euangelia. Neque defuerunt, teste etiam Eusebio, quibus omnes epistolæ Diui Pauli in vniuersum improbarentur. De multis quoque aliis libris sæpe fuit in Ecclesia disputatum, an Canonici essent, cum vel tales aliqui falsò à quibusdam esse negarentur, vel importunè alij, e mentito nomine Apostolorum, fidelibus obtruderentur. Quæ controuersia omnes non potuerunt Scripturæ solius auctoritate defini-ri in Ecclesia.

Itaque non modò falsa, sed admodum etiam frigida atque inepta Caluini sententia est, quum^b scribit, haud difficilius Scripturam Canonicam à non Canonica per se ipsam dignosci discerni; posse, atque album à nigro, frigidum à calido, dulce ab amaro. Hoc si ita est, quomodo magis controuerti posset, an hic liber aut ille sit Scriptura Canonica, quàm vtrum ignis sit calidus, & aqua frigida; aut amarum fel, & mel dulce? Num verò ipsa de se tota nominatim, Scriptura loquitur: aut vllus in ea locus est, vbi Calvinus aut alius quispiam ex Sectariis legerit, singulos illos atq; omnes libros nominatim, qui sine controuersia sacri atq; Canonici sunt, esse à Spiritu

san-

Lib. 4. histo.
cap. 8.

Li. 2. Retract.
cap. 16.

Lib. 3. histo.
cap. 27.
Leg. Ioann.
Dried. lib. 1. de
Script. & Ca-
num lib. 2. de
locis Theo-
log.

6 Lib. 1. instit.
cap. 7.
*Ineptum Cal-
uini commen-
tum de ratione
discernendi Scri-
pturam Cano-
nicam à non Ca-
nonica.*

sancto dictatos? Cur igitur doctrinam illam in eis libris contentam, diuinam esse credunt, si nihil arbitrantur certa fide credi oportere, quod ex ipsa Scriptura non dicerint?

*Non posse secū-
dum Sectarior
certū credi, Scri-
pturam quam
habemus, esse
Canonicam.*

Quod si aliam, præter Scripturam necesse est esse infallibilem fidei regulam, quæ doceat id quod in fide est maximum, nempe Scripturæ ipsam doctrinam esse in vniuersum diuinam: profectò est insania non credere, illam ipsam regulam infallibiliter item docere quæ sit sententia eiusmodi diuinæ doctrinæ. Simile namq; illud est, quod præclare in primisq; sapienter scriptum est à Diuo Augustino; *Cur, inquit, non apud eos potissimum* (loquitur de Ecclesia Catholica) *diligētissimè requiram quid Christus praeceperit, quorum auctoritate commotus, Christum aliquid praecepisse iam credidi? Tū ne mihi melius expositurus es, quid ille dixerit, quem fuisse aut esse non putarem, si abs te mihi hoc commendaretur esse credendum? Qua igitur, inquit, ista tanta dementia est? Illis crede Christo esse credendum: Et à nobis discere quid dixerit? Multò facilius mihi persuaderem Christo non esse credendum, quàm de illo quidquam nisi ab iis per quos ei credidissim, discendum.* Hæc ibi diuinè prorsus Augustinus.

*Pernersit Sectariorū quod ab ea Ecclesia nolint discere, quæ sit sententia Scripturæ, à qua cognuntur discere aliquā omnino esse Scripturam. Id quæ sit ca-
citæ ostēditur ex Augustino.
c. Lib. de utilit. cred. cap. 14.*

Quæ nos similiter Lutheranis & Calvinianis hominibus, ut ille tunc Manichæis, pro Ecclesiæ Catholicæ auctoritate, quam esse fidei magistrā post ostendimus, dicere possumus. Agite enim vos seu Lutherani seu Calviniani Sectarij: Cur non apud Ecclesiam Catholicam potissimum requiremus quid Deus omnino in libris sacris docuerit, cuius auctoritate commoti credidimus, Deum aliquid omnino docuisse in iis libris? Vos ne melius quàm Ecclesia Catholica, exponetis nobis, quid in Scripturis Deus dixerit, quem nec dixisse omnino in Scripturis aliquid, nisi hoc Ecclesia docuisset, crederemus?

NOTA.

Et quæ isthæc insania est: Ecclesiæ crede, Deo in Scripturis loquenti esse credendum, & à nobis potius, qui Scripturam rectius quàm Ecclesia intelligimus, quid in eis Deus dixerit, discere. Ego verò, vt ex Augustini mente atq; sensu loquar, vehementer admiro, cur non multò faciliùs sibi persuadeant, qui Caluino, aut Luthero credunt, Scripturæ diuinæ nihil omnino esse credendum, quàm ex ea quidquam, nisi ab Ecclesia per quam ei crediderunt, esse discendum. Quanquam hic tandem multorum exitus miserrimus est, vt nec Scripturæ ipsi credant, postquam Ecclesiæ quam Scriptura cõmendat, & à qua ipsos etiam Scripturam discere atq; accipere oportuit, non credunt.

Sed Ecclesiæ in fide docenda auctoritatem postea in proprio loco asseremus. Nunc quia Scriptura sola de præcipuis fidei quæstionibus, & in primis ad salutem necessariis, quæ scilicet de auctoritate sunt ipsius Scripturæ, nihil, ne obscure quidem, definit: rectè concludimus, non ipsam esse iudicem sufficientem ac regulam illam generalem in omnibus controuersis fidei, quam inquirimus. Huc accedit, quòd ne de aliis quidem multis fidei dogmatibus peculiaribus, quæ certissimè credi debent, Scriptura ipsa docet. Quod non meis, sed Augustini verbis breuiter indicabo, vt minus possint repugnare Aduersarij; Credo, inquit, *consuetudinem non rebaptizandi hæreticos ex Apostolica auctoritate venire: sicut MULTA non inueniuntur in literis eorum, neq; in Conciliis posterorum: & tamen quia custodiuntur per vniuersam Ecclesiam, nõ nisi ab ipsis tradita & commendata creduntur.* Sic ille. Item alibi: *Patrem, inquit, in sacris libris nusquam ingenitum legimus, & tamen dicendum esse defenditur.* Item: *Da, inquit, testimonia, ubi adoratur Spiritus sanctus. Quasi non ex iis quæ legimus, aliqua*
etiam

*Quadam esse
fides dogmata,
qua Scriptura
ipsa nõ docet.*
Lib. 2. de Bapt.
contra Dona-
tist. cap. 7.

Epist. 174. sub
initium.

Lib. 3. contra
Maximin. Ar-
rian. c. 3.

etiam quæ non legimus intelligamus. Sed ne quarere multa compellar: tu ubi legisti, Patrem Deum ingentum vel innatum? & tamen verum est. Item: Multa sunt, quæ uniuersa tenet Ecclesia, & ob hoc Apostolis præcepta benè creduntur, quanquam scripta non reperiuntur. Hæc ille. Atq; vt alia exempla præteream. Nullus Christianus est, qui perpetuam beatissimæ Dei matris virginitatem contra blasphemiam Heluidij (vt in libro de Ecclesiasticis dogmatibus appellatur) non putet sibi esse credendam. Et tamen ex Scriptura certè non hoc dogma satis probabitur.

Quæ cum ita sint, necesse est vt aliter, atque intelligunt Aduersarij, interpretemur locum illum D. Pauli: *Omnis^d Scriptura diuinitus inspirata utilis est ad docendum, &c. vt perfectus sit homo Dei ad omne opus bonum instructus.* Sententiam enim huius loci esse volunt, Scripturam ipsam solam sine adminiculo alterius regulæ omnia docere, quæ ad rectam fidem, atq; ad absolutam Christiani hominis perfectionem sint necessaria. Qua in re magnopere, vt in aliis omnibus decipiuntur. Nam ibi Apostolus, non Scripturam solam sufficientem esse, vt perfectus sit homo Dei, dicit, sed simpliciter ad eam rem affirmat Scripturam quidem valere. Hoc autem duobus modis intelligi potest. Primò, quasi ipsa Scriptura immediatè omnia tradat. Hoc minimè vult Apostolus. Secundò, quoniam Scriptura, quæ sunt credenda & facienda aut ipsa tradit, aut certè auctoritatem, à qua illa peti debent, nobis monstrat commendatq;. Hoc modo Apostolus vult, & Orthodoxi etiam sentiunt, Scripturam continere, quæ ad salutem sunt necessaria. Ita fit, vt præter Scripturam suus etiam maneat alicui alteri auctoritati in controuersis fidei locus. Quod profectò^a D. Augustinus intellexit, cum ita scripsit: *Scripturarum à nobis tenetur*

Lib. 5. de Bapt. contra Don. cap. 23.

Cap. 67.

Responso ad D. Pauli testimonium, quo possumus suadere Solius Scripturæ solam ad terminandas omnes de religione controuersias sufficere.
d 2. Tim. 3.

Qua ratione dici possit, Scripturam docere omnia quæ sunt ad salutem necessaria.

^a Lib. 1. contra Crescon. Grammaticū, c. 23.

veritas cum id facimus, quod vniuersa iam placuit Ecclesie, quam ipsarum Scripturarum commendat auctoritas: Ut quoniam sancta Scriptura fallere non potest, quisquis falli metuit obscuritate questionis, eandem Ecclesiam de illa consulat, quam sine ulla ambiguitate sancta Scriptura DEMONSTRAT.

Quomodo item Patres sentiunt easolum esse certa, qua probantur ex Scriptura.

Simili modo Patres, cum vni Scripturae omnia tribuere videntur, intelligi debent. Non enim eorum mens est a Scripturae auctoritate, ubi de fide iudicandum est, auctoritatem Ecclesiae, quae item ipsa diuina est, diuellere. Sed quemadmodum, quando vni personae diuinæ aliqua perfectio diuinitatis absoluta tribuitur, intelligunt Theologi, ab eius perfectionis communione creaturantum excludi, non autem personas alias diuinas, quæ sunt eiusdem naturæ: ita sancti Patres; sicubi Scripturae auctoritatem solam ad fidei quæstiones finiendas valere significant; Ecclesiae certè auctoritatem, quam item pro diuina habent, minimè excludunt, sed alia tantum siue testimonia, siue argumenta quæ sint tantum humana. Nam si non ita intelligerent: profectò nunquam illi in controuersis fidei ipsa per se auctoritate Ecclesiasticæ traditionis ad probandum vterentur. At & vtuntur ea ipsi frequentissimè, vt infra quoque suo loco videbimus, & vtendum esse docent. Quo in genere præter Augustini testimonia, quæ paulò antè allegauimus, illustris etiam illa D. Basilij oratio est: *Plurima, inquit, mystica citra Scripturam inter nos versantur: Et Apostolicum arbitror esse, etiam in non scriptis traditionibus perseuerare.* ^b *Laudo enim, inquit Apostolus, vos, quod omnia mea meministis, & quemadmodum tradidi vobis traditiones continetis, &c.* Ita Magnus Basilius.

Lib. de Spiritu sancto, c. 19.

1. Cor. II.

PROBATIO.
III.

TERTIA probatio. Regula quæ ad iudicandas omnes fidei quæstiones diuinitus est instituta, proculdubio accom-

accommodatissima est ad cognoscendos & cauendos errores omnes fidei contrarios. Nam ad eam rem talis aliqua regula diuinitus est proposita: vt homines ad illam iudicium suum conforment, atque ita repudiat erroribus rectam fidem complecti tenereque possint. Neque putandum est, aut voluntatem, aut sapientiam, aut facultatem Deo defuisse, quò minus nobis ad eum finem optimam atque accommodatissimam regulam diuina sua prouidentia pararet. At Scriptura facta sic omnino composita est, vt experientia etiam doceat, eam per se solam non tam regulam accommodatam esse ad declinandos omnes errores, quàm arcano Dei iudicio esse velut lapidem offensionis, & *intentionem* (vt Sapiens de Dei creaturis inquit) *pedibus insipientium*, vt qui velint ea sola niti facillimè impingant & errent. Vnde enim vlli errores existunt nisi de Scripturis malè intellectis? Aut quí fieri potest, vt quæ doctrinæ tam faciliè ab hominibus adulteratur, vt in patrocínium omniù errorum aduocetur, eadem sit accommodatissima appositissimaque regula ad reiiciendum omnes omnino errores? Non magis hoc certè stare potest, quàm si quis diceret, illud esse accommodatissimum remedium ad rectè videndum, ex quo accideret omnes cæcutire quicumque fierent cæci.

Quod enim dicunt Sæctarij, id hominum culpa ac peruerfitate, nō Scripturæ vitio, accidere: nos etiam fate-
mur. Sed considerandum est, hoc ipsum quidem præui-
disse Deum: nempe vitio hominum fuisse futurum, vt
quicumque forent hæretici, ij omnes Scripturæ prætextu
faciliè vterentur ad confirmandum errorem. Ita cùm
non sit vllum dubiũ, quin Deus in negotio fidei de opti-
ma & accommodatissima ad hominum naturam regula
prospectum esse voluerit: profectò est dementia arbitra-
ri,

*Non posse Scri-
pturam esse suffi-
cientem regulam
fidei, cum facili-
timum sit illa
abusi ad erro-
res.*

Sap. 14.

*Ipsius se re-
mouunt Sæcta-
rij cùm respon-
dent hominum
vitio fieri, vt
Scriptura præ-
beat occasionem
errandi.*

Epist. 112. ad
Consentium.

Tract. 18. in
Ioan.

NOTA.

Lib. 2. de nu-
ptiis & concup.
cap. 34.

¶ Circa illius
lib. medium.

Math. 7.

ri, non aliam esse eiusmodi fidei regulam, nisi Scripturam. *Omnes enim hæretici*, inquit D. Augustinus, *qui Scripturas in auctoritate recipiunt, ipsas sibi videntur sectari, cum suos potius sectentur errores.* Et alio in loco: *Neque enim, inquit, nata sunt hæreses, & quadam dogmata peruersitatis illaqueantia animas, nisi dum Scriptura bona intelliguntur non benè: & quod in eis non benè intelligitur etiam temerè & audaciter asseritur.* Hæc ille. Et obseruatione dignum est, quod idem Augustinus alibi verissimè scribit, non modò locos Scripturæ obscuros, sed etiam eos qui sunt aperti & clari corrumpi ab hæreticis. *Non est mirum*, inquit, *si Pelagiani dicta nostra in sensus, quos volunt, detorquere conantur, quandoquidem de Scripturis sanctis, non ubi obscure aliquid dictum est, sed ubi clara & aperta sunt testimonia id facere consueuerunt, more quidem hæreticorum etiam ceterorum.* Quam ob rem & ^a Tertullianus in præscriptionibus aduersus hæreticos ita scriptum reliquit: *Non ergo, inquit, ad Scripturas prouocandum est; nec in his constituendum certamen, quibus aut nulla aut incerta victoria est, aut parum certa.*

Neque Augustini modò, & Tertulliani, aliorumque Patrum ea de hæreticis sententia est, sed Christus etiam facillimè ab illis doctrinam corrumpi subindicauit, cum admonuit, ut ab iis tanquam à falsis Prophetis, cauere-
mus. Nam ideò falsi Prophetæ à Christo sunt dicti, quia cum Prophetæ, id est, interpretes diuinæ sententiæ, propter externam diuinæ doctrinæ quasi speciem, verissimiliter videantur: minimè tamen Prophetæ sunt. Videntur Prophetæ: quoniam Scripturæ verba proferunt, quæ diuinæ doctrinæ sunt caractèr & quasi externa species. Sed Prophetæ non sunt: quoniam sub ea verborum diuinorum externa specie non ostendunt nobis genuinam Spiritus sancti sententiam, sed adulterinas suas peruersasque opinio-

opiniones sacrilegè in verbis sacris à se collocatas *tanquam abominationem* (vt eleganter Origenes notauit) *stantem in loco sancto*. Quod ipsum appellatione quoque *luporum rapacium*, qui *vestimentis* induti sint *onium*, Christus nobis declarauit. Nam *quanam ista sunt pelles onium* (inquit Tertullianus) *nisi nominis Christiani* (& Scripturæ) *extrinsecus superficies*? *Qui lupi rapaces, nisi sensus & spiritus subdoli, ad infestandum gregem Christi intrinsecus delitescerent*? *Qui pseudopropheta nisi falsi predicatorum, &c.* Quem Tertulliani locum pulchrè quoque Vincentius Lyrinensis imitatus & prosequutus est. Atque etiam huc pertinet quod elegantissimè hic ipse Lyrinensis dicit, vbique hæreticos Scripturæ verbis opiniones suas *tanquam quodam aromate aspergere ne fetorem exhalent*. Quæ quidem idè recitauit, vt quoniã vniuersi heretici facillimè Scripturas omnes *in suam perditionem*, sicut D. Petrus inquit, *deprauant*: intelligamus certè, non in Scripturis solis vniuersalem illam & ad hominum salutem accommodatissimam totius fidei regulam, quam inquirimus, diuinitus constitutam esse.

Homil. 19. in Matth.

Matth. 7.

Lib. de præscript. heretic. non longè ab initio.

Lib. contra profanas hæresum nouit.

1 Pet. 2.

QVARTO. Quomodo posset stare ea Respublica in qua scriptis tantum legibus ita causas politicas diiudicari oporteret, vt priuato cui libet atque adè ipsi etiam reo esset integrum ad scriptarum legum normam iudicia quæcunque exigere; nec prius acquiescere, quàm ipse persuaderet sibi cum legum sententia congruere controuersie definitionem? An esset vnquam in illa Respublica controuersiarum exitus aliquis futurus? Quilibet certè in suo sensu abundaret & vim faceret legibus, vt eas ad suam mentem & causam quoquo modo inflecteret. Itaque, vt ea perturbatio & confusio tolleretur, omnes intelligunt necesse fuisse Magistratus tanquam iusti-

PROBATIO
III.

Lib. 5. eth. ca. 5.

Non esset Ecclesia rectè constituta si sola Scriptura quæstiones fidei desinit oportere. Eph. 5.

tiæ normam animatam, ut Aristoteles inquit, in populis exstare, atque etiam aliquam auctoritatem parem ipsis legibus, cuius sit summa potestas iudicandi finemque omnino imponendi litibus. Num verò censebimus, rationem iudicandi fidei causas minus aptè in Ecclesia diuinitus esse constitutam, quàm sit ratio in Rebus publicis dirimendi controuersias politicas? Non est id quidem villo modo credibile. Nam *dilexit Christus Ecclesiam*, nec facultas aut sapientia illi defuit, quo minus optima ratione eius statum constitueret. Quam ob rem, ut finis facillè esse posset controuersiarum de doctrina fidei; præter auctoritatem, quæ est in Scripturis Canonicis infallibilis, aliam aliquam procul dubio infallibilem item auctoritatem eamque animatam in Ecclesia Deus esse voluit, cui debeant omnes in iudicio fidei parere, licet ipsi non penitus etiam videant quemadmodum ea auctoritas conuenienter Scripturæ iudicet.

PROBATIO
V.

2. Pet. 1.

D. Petri testimonio probatur, nullum Scripturæ privatū studium sine magisterio alterius infallibilem regulam sufficere. Si cetera Scripturæ sententia de controuersia fidei cognoscere possit.

QVINTÒ. Cùm tam seriò ac grauitè admonuit Beatus Petrus, ut hoc in primis sciremus, *quod omnis, inquit, prophetia Scripturæ, propria interpretatione non sit*: obsecro, quid significare voluit? An tantum ut non putet aliquis esse sibi vnum aut alterum Scripturæ locum ingenio proprio, non consultis & collatis aliis Scripturæ locis intelligendum? At hoc quis omnino hæreticorum putat? Quid opuserat hoc tam seriò admonere? Item, si vnum aut alterum locum Scripturæ, ingenio sensuque proprio interpretari non licet: quantò minus licebit, interpretari proprio sensu atque auctoritate locos Scripturæ plures, inter quos collatio instituitur? Quid ergo illud est, quod Diuus Petrus vult? Videamus quomodo loquitur. OMNIS, inquit, *prophetia Scripturæ, &c.* Non dicit, Hæc, aut illa tantum: sed absolutè ac sine vlla exceptione,

ptione, *omnis prophetia Scriptura, propria interpretatione non fit.* Hæc igitur vis atque sententia huius Apostolicæ monitionis est: Neminem priuato suo labore atque proprio studio, quacunque demùm ratione, atque adeò etiam ne ex ipsa quidem Scriptura doctrinam Scripturæ certò ac infallibiliter in controuersis quæstionibus intelligere posse: sed opus esse, vt discat ex aliqua alia auctoritate in Ecclesia communi, per quam Spiritus sanctus communiter loquatur ac omnes doceat. Nam, vt ipse Apostolus ibidem subiungit, *quemadmodum non auctoritate humana, sed diuina loquuti in Scripturis sunt sancti Dei homines:* ita etiam non humana ac propria industria huius vel illius hominis, vllò modo, ne ex ipsa quidem Scriptura, sententia Scripturæ certò cognoscenda est, sed ex aliqua auctoritate, item diuina, per quam ipse Spiritus sanctus, qui Scripturæ auctor est, sit etiam certissimus Scripturæ interpres. Ita fit, vt sola Scriptura non sufficiat nobis ad certò diiudicandas fidei quæstiones.

Atque etiam hinc intelligitur, quemadmodum ex mente atque sententia planè ipsius D. Petri, suprà exposuerimus, quod ille hoc in loco dixerat, *Scripturam quasi lucernam quandam esse, cui lucenti in caliginoso loco benè faceremus attendentes.* Docuimus enim, Scripturam quidem lucernam per se esse: sed eam tamen non modio proprii iudicii, comprehensam, sed in auctoritate Ecclesiæ tanquam in candelabro constitutam, illuminare nos posse. Quod, vt D. Petrus doceret; statim ac dixerat Scripturam esse lucernam, subiunxit admonitionem, ne quis hoc ita intelligeret quasi illuminaret ea etiam secundum propriam alicuius interpretationem, valeretque proinde ipsa sola ad terminandas fidei quæstiones sine communi & certa alia regula.

Probatione 1.

PROBATIO
VI.

*Aequè probari
potest Deum non
docere per solā
Scripturam, at-
que non docere
per se ipsum so-
lum sine hu-
mano vllō me-
dio.*

I. COR. II.

SEXTÒ. Potest huc etiam illa forma argumentandi rectissimè accommodari, qua suprà sumus vsi, vt probaremus, Deum per se solum sine vllō alio medio non docere. Nam & iis etiam, qui asserunt, per Scripturam solam Deum omnes ac singulos de rebus fidei sufficiēter docere: quærendum est, vtro modo id Deus faciat? Nunquid ita omnes ac singulos Deus per solam Scripturam docet, vt nequeant omnino ipsi falli dum iudicant se aliquid in fidei quæstionibus didicisse ex Scriptura diuinitus? An verò ita, vt permittat eos in eiusmodi iudicio quandoque falli? Primum dici non potest. Nam, vt suprà quoque ex Apostoli sententia dicebamus, *oportet hæreses esse*, & fuerunt ferè omni seculo ac sunt iam, ob Scripturam falsò intellectam, plures etiam quàm oportet. Quod si Deus illo altero modo per Scripturam solam docet; permittendo videlicet, vt homines falsò putent, se ex Scriptura didicisse id, quod Scripturæ est contrarium: non magis isto modo consulisset saluti hominum, quàm si ipse solus per se sine omni medio doceret. Nam cùm Scriptura nec linguam, vt sese ipsa sonora voce declaret, habeat, & præterea difficilis, vt euidenter suprà ostendimus, atque obscura nobis sit: æquè ferè faciliè decipi possumus in existimando nos aliquid ex Scriptura didicisse, atque in iudicando nos didicisse sine vllō medio ex ipsomet Deo: vt plus etiam satis hæreticorum omnium exemplo, tam faciliè ad errores suos Scriptura abutentium, comprobatur. Quemadmodum igitur propter eiusmodi facilitatem errandi non esset satis hominibus prospectum, si absque medio Deus doceret: ita neque si doceret per solam Scripturam absque alia quadam auctoritate administra, quæ viuat & loqui clarè ipsa possit, ne quis in eius sententia percipiēda faciliè decipiatur.

Atque

NOTA.

Atque iisdem fermè argumentis efficitur, neque solam traditionem viuæ vocis eorum, qui olim vita defuncti sunt, esse regulam sufficientem fidei, quæ valeat per se sine alia aliqua infallibili ac præsentē auctoritate omnes omnino definire fidei quæstiones. Nam primùm, sicut de auctoritate ipsius Scripturæ necesse est per aliquam aliam certam regulam constare, ita etiam de auctoritate traditionis, si ea quoq; reuocetur in dubium. Non enim traditio loquitur etiam ipsa clarè & perspicuè de sese: vt neque ipsa Scriptura. Deinde cùm traditio scriptis ferè doctorum Orthodoxorum in Ecclesia cōseruetur: quæstiones ac dubia moueri possunt defensu illius, sicut dubitatur sæpè de sensu ac mente doctorum: Eiusmodi autem quæstiones, cùm erunt ortæ post traditionem; quæ semel tantùm, vt ita dicam, loquuta est, neque præterea amplius loquitur; certè per eandem ipsam traditionem definiri satis non poterunt. Postremò multæ in Ecclesia variis temporibus definitæ ac declaratæ sunt sententiæ fidei, & deinceps similiter, motis controuersis, definiri possent, de quibus antè non fuerit vsque ad cō expressa traditio.

Quod si igitur aliquam humanam auctoritatem diuina assistentia infallibilem, magistram ac iudicem, in omnibus quæstionibus fidei, existare necesse est, vt superiùs probauimus: neque verò ea est illorum hominum propria, qui olim diuinam doctrinam aut verbo, aut scripto tradiderunt, & vita defuncti sunt, vt iam etiam probatum est; restat, vt viuat hæc auctoritas successione semper inter fideles præsens, quemadmodum in assertione nostra posuimus. Atq; hoc in loco velim, vt ij, qui scætis hodie addicti sunt, incipiant secum perpèdere, quantoperè à recta fide aberrant: si quidem eam discere no-

*Nec præterea
aliquam tradi-
tionē sine præ-
sentis auctori-
tate iudicem esse
sufficientē om-
nium controuer-
siarū fides.
Id probatur 1.*

2.

3.

*Concluditur ex
dicto aliquam
auctoritatem
in Ecclesia præ-
sentem esse in-
dicem fides.*

lunt ex aliqua auctoritate præfente: cuius tamen solius, ut probatum est, absoluta & plena potestas est de omnibus fidei quæstionibus iudicandi. Sed progrediamur ad reliqua.



A N A L Y S I S

FIDEI CATHO

L I C A E, &c.

P A R S S E X T A.

CVM AVCTORITAS

ILLA, MAGISTRA FIDEI, APVD

ipſos Chriſti fideles perpetuò vigeat; non alibi

vel quari debet vel inueniri poteſt, niſi apud veram Chriſti Ec-

cleſiam, hoc eſt, apud congregationem verè fidelium. Ea verò

congregatio non alia eſt quàm cætus eorum, qui Ro-

mano Pontifici pro tempore exi-

ſtenti parent.



UOD illa auctoritas, cuius est omne fidei iudicium, in Ecclesia vera Christi fidelium quærenda sit, nec alibi inueniri poſſit: id verò probatione noua nihil indiget. Nam ſi tota cuiusmodi auctoritas ad vſum & ſalutem Chriſti fidelium eſt diuinitus inſtituta, viuít quæ ut probatum eſt ſemper, ac præſtò in omnibus fidei quæſtionibus a deſt: fruſtrà niſi inter fideles ipſos, atq; ad eò in Eccleſia quæreretur. Sed ut illam de-

mun

mum auctoritatem in Ecclesia Christi vera inueniamus, necesse est primùm inueniri ac ostendi eam ipsam veram Ecclesiam Christi fidelium. Hanc asserimus esse congregationem seu cœtum eorum hominum qui Romano Pontifici pro tempore existenti parent, id est, Romanam Ecclesiam. Hoc nunc probandum est. Quam ad rem necessario dicendum primo loco erit, & de ratione ipsa in genere veræ Christi Ecclesiæ, & de proprietatibus eius; quæ partim ipsi in Scriptura sacra, partim in fidei symbolis tribuuntur. Nam congregationem illam, quæ Romano paret Pontifici, atque ad eam hanc ipsam quæ nunc paret Gregorio XIII. Pontifici Maximo, esse veram Ecclesiam Christi; tum demum probabimus, si ostenderimus ei congregationi convenire prorsus & rationem & proprietates veræ Christi Ecclesiæ. Dicam igitur primùm de his duabus rebus, hoc est, de ratione & proprietatibus veræ Ecclesiæ, & breviter, & meo modo, quæ ad rem pertinebunt. Et quia cōtrouersia est inter nos & Sectarios, non modò quæ sit vera Ecclesia, sed etiam ex quibus notis ac proprietatibus Ecclesia vera probari debeat: istud quoque deinde constituemus. Ita enim aperta demum atque expedita via erit, ut probeamus id quod nunc agimus, Ecclesiam Romanam, id est, congregationem, quæ Romanum Pontificem pro pastore habet, esse veram Ecclesiam. Si quis verò, de ipsa quidem ratione ac forma Ecclesiæ in communi, plura fortasse, quam ego dicenda putem, desiderabit, (quanquam rem ipsam cōplectemur) ea petet ab aliis qui antè de Ecclesia scripserunt. Nam tractatur id argumentum latissimè Thomas VValdensis lib. 2. doctrinalis fidei antiq. c. 9. & deinceps. Ioannes Turre Cremata in summa de Ecclesia. Ioannes Driedo lib. 4. de variis dogmat. c. 2. Albertus Pigius lib. 6.

Vnde & quomodo probandum sit congregationem aliquam esse veram Ecclesiam Christi.

de Ecclesiastica hierarchia. Melchior Canus toto lib. 4. de locis Theologicis. Hosius Cardinalis in Confessione Polonica, super Articulum de Ecclesia. Alfonso à Castro in suo opere aduersus hæreses, verbo, Ecclesia. Franciscus à Victoria in relectione de potestate Ecclesiastica. Franciscus Turrianus & alij quàm plurimi. Nos sanè eò potissimùm tractationem hanc totam dirigemus, vt manifestissimè constet, illam congregationem determinatè, quæ Romano Pontifici, pro tempore existenti parer, esse veram Ecclesiam..

QVÆ SIT ECCLESIAE RATIO.

ERG O, vt remota vocabuli ambiguitate, rem illico aggrediamur, Ecclesia Græcè, Latinè est conuocatio, sicut omnes notant. Inde traductum est hoc nomen. 1. ad significandum locum ipsum, in quem conueniunt plures qui sint conuocati. Sic in libro Iudith ea vox accipitur, vbi scriptum est: *Totam noctem intra Ecclesiam orauerunt.* Hec vocabuli vsurpatio ad præsens institutum non atnet: 2. Accommodatum est id nomen ad significandum cœtum ipsum siue conuentum hominum conuocatorum. Quæ acceptio pertinet ad propositum. Sed animaduertendum est, nomen hoc in ea significatione, vtramq; in partem, nempe in bonam & malam à Scriptura sacra vsurpari. In malam, vt cùm in Psalmo dicitur: *Odiui Ecclesiam malignantium.* In bonam autem, vt vbi legimus: *Laus eius in Ecclesia Sanctorum.* Iam verò Ecclesiastici Doctores in bonam tantum partem ea voce vtuntur: vt Ecclesia dicatur cœtus eorum, qui diuinitus ad virtutis aliquam sanctæq; religionis societatem conuocantur. Et quemadmodum variis modis cœtus aliquis virtute ac religione copulari potest: ita Ecclesiæ nomen in ea ipsa signifi-

Varie vsus vocabuli Ecclesiæ.

Iudith 6.

Psalm. 25.

Psalm. 149.

significatione latè porro patet. Quæ sanè est causâ, quam obrem vbide Ecclesię ratione agitur, nō expediat vnâ tantum aliquam Ecclesię descriptionem ponere, sed satius sit plures magis & minus latè patentes, quæ totum Ecclesię ambitum, illiusq; varias acceptiones exponant, distinguere. Ita enim, semotis verbi controuersis, commodius, quod ad rem ipsam attinet, intelligi poterit. 1. quid Ecclesię conueniat iuxta vnâquamq; acceptionem nominis, in illa vltima significatione, quæ est in vsu Ecclesiastico. 2. qui nam errores circa variâ Ecclesię rationem seu varias eius partes vitari debeant. 3. quæ sit Ecclesię acceptio & descriptio apud Doctores vsitatior, quæ præcipuas huius loci difficultates contineat.

Triâ in Ecclesia ratione cõsideranda.

Secundum postremam igitur nominis acceptionem in bonam partem, quam apud Ecclesiasticos doctores diximus esse vsitatam, potest primò Ecclesia describi latius, vt sit eorum multitudo, quos beneficio vocationis diuinæ verus Dei cultus & vera Dei cognitio indita diuinitus cõiungit: siue ea quidem cognitio sit obscura, qualis est cognitio fidei, siue clara & aperta, cuiusmodi est beatorum. Isto modo latissimè Ecclesia patet. Atq; ita de illa loquuntur doctores, quando tripartito eam diuidunt: nempe in militantem hac in vita cum eius hostibus, mundo, dæmone, & carne; & peccata expiantem in purgatorio; atq; triumphantem in patria cœlesti. Hoc tam amplo modo definita Ecclesia, in ipsa conditione Angelorum suum habuit initium. Nam sunt illi creati cum vera cognitione Dei: imò etiam in gratia, vt verissimè sentiunt grauiores ^a Theologi. Quocirca ad Ecclesiam communi isto modo acceptam pertinent: vt Diuus. ^b Bernardus & D. ^c Thomas notauerunt.

Ecclesia descriptio communis sime sumpta.

^a Lege Diuū Thom. 1. p. 9. 61. art. 3.
^b Sermon. 27. in Cantic.
^c 3. p. 9. 8. art. 4.

Q

2. Alio

*Altera descri-
ptio Ecclesiæ mi-
nus communiter
sumpta.*

Ephes. 2.

*Qua fuerit Ec-
clesia origo, qua
tenetur con-
gregatio homi-
num fidelium.*

*d Lib. 4. de va-
riis dogmat.*

e Cap. 21.

*f Lib. 1. c. 25.
& 27.*

*g Narratio. 1.
in Psalm. 142.
& lib. 15. de ci-
uitate Dei,
cap. 1.*

2. Alio modo definitur angustius Ecclesia, ut sit hominum multitudo, quos verus Dei cultus, veraque cognitio, sed obscura, hinc fidei, hac in vita coniungit. Sic Doctores accipiunt, cum asseuerant, vnam atque eandem esse veris & noui Testamenti Ecclesiam, ob eandem videlicet fidem in eundem Christum Mediatorem: quæ Patribus illis nobiscum fuit communis. Atque idcirco Apostolus lapidem angularem Christum esse dixit, quo sit vtraque Ecclesia cōnexa. De initio Ecclesiæ sic acceptæ, non eodem modo loquuntur recentes scriptores. Aliqui asseuerant, illam ab Adam ducere suam originem, quod sentiunt Ioannes^d Driedo, &^e Hofius in Confess. Polonica. Sed Ioannes^f Turre Cremata in sua summa de Ecclesia affirmat cōmuniorem esse sententiam, quod Abel dederit huic Ecclesiæ initium. Id quod D.^g Augustinus sensit. Quæstio autem hæc non tam est de re, quam de nomine. Nam si Ecclesia illo modo dicatur hominum multitudo, quam coniungit fides & cultus Dei absolute; etiam si nullis externis carimoniis ac signis cultus eiusmodi declaretur: cerium est, ab Adam eam incepisse. Sin verò in ea Ecclesiæ descriptione fides & cultus intelligantur cum carimonia externa; non constat certè Ecclesiam ita incepisse ab Adam: quoniam non constat Adamum carimoniam aliquam cultus externam usurpasse ante Abel: quamquam id fortè non improbabilius suspicari liceat. Ita cum Abel sit primus, de quo certò quidem cōster externam cultus carimoniam rectè adhibuisse Deo, ille ferè dicitur fuisse Ecclesiæ sic acceptæ principium; quod videlicet sciatur.

*Ecclesia descri-
ptio maxime
propria, si est
namque Ecclesia
Christiana.*

3. Postremò pressius definitur Ecclesia ut sit hominum multitudo, quam congregat, non modò verus Dei cultus in hac vita & vera cognitio: sed etiā idem baptismi Sacra-

Sacramentum, eademque professio Christianæ religionis. Sic diuersa est nunc Ecclesia ab ea, quæ fuit olim in lege veteri. Ad huiusmodi enim Ecclesiam propriè quidem atque simpliciter omnes & soli baptizati, ac verè Christiani pertinet, siue p̄destinati sint, siue reprobi, siue iusti, siue iniusti, siue cuiuscūq; alterius cōditionis, dummodò fidē retineant integrā. Quamuis vt sunt in hac Ecclesia diuersi gradus, ita ex iis ipsis, qui ad eam pertinent, alij magis, alij minus arctè in hoc corpore copulantur. Inde enim fit, vt excommunicati certa quadam ratione dicantur non esse membra Ecclesiæ; quamuis, si sint verè fideles, absolutè quidem non sunt extra Ecclesiam: vt paulò pōst dicemus. Catechumeni verò, si per votum Baptismi, gratiam consequuti sint, & fidem ad eam habent; ad Ecclesiam Christianam & ipsi pertinent secundum meritum: quamuis non propriè, & secundum numerum, vt rectè notat ex recepta Theologorum sententia Turrecremata. Hæretici autem ad Ecclesiam Christi non pertinent verè tanquam membra. Nam, vt rectissimè inquit D. Augustinus: *Non quia videntur Ecclesia Christi habere nomen, idcirco pertinent ad eius consecrationem.* Quare & alibi de albatos tantum Christiano nomine eos esse dicit eleganter idem Augustinus. Quod idem asserunt Tertullianus, Cyprianus, Ambrosius, & alij communiter sancti Patres. Et clarum est testimonium Ioannis: *Ex nobis*, inquit, *prodierunt.* Hoc probat etiam inter cæteros diligenter Melchior Canus. Etsi autem hæretici verè ac propriè membra Ecclesiæ non sint, tamen minimè negandum est, quin quadam ratione ad Ecclesiam pertineant. Quia enim & characterem habent Baptismi, & aliquando membra Ecclesiæ fuerunt; illorum quædam cura ad eam pertinet. Vt manus v.g. à corpore

*Varj Ecclesia
Christiana
gradus.*

Lib. 1. summæ
de Ecclesi. c. 8.
ad argum. 8.
*Vtrum hæretici
sint membra
Ecclesiæ?*
Lib. 2. de nupt.
& concup. c. 31.
Li. 1. cōtra ep.
Parmen. c. 7.
Tertul lib. de
præscripti.
Cyprian. lib. 1.
epist. 6.
Ambros lib. 7.
in Luc. c. 11.
1. Ioan 2.
Lib. 4. de locis
Theolog. c. 24.

cuiuspiam abscissa: peculiari quodam iure ac ratione ad eius curam & potestatem attineret, cuius fuisset antea membrum. Ex quo intelligi debet, Ecclesiam, dum hæreticos iure suo punit, minimè facere contra illud Apostoli: *Quid mihi de iis qui foris sunt iudicare?* loquitur enim hoc loco Apostolus de infidelibus, qui nunquam in Ecclesia fuerunt, quos perspicuum est non perinde atq; hæreticos ad Ecclesiæ ius pertinere, nec Ecclesiæ membra esse; nisi fortè membra dicas in potentia: quatenus ad fidem conuerti possunt. Quo pacto ad Ecclesiam eos pertinere, eorumq; caput esse Christum, docet B. Thomas.

Porro hæc Ecclesiæ ratio, quam ita breuiter nunc descripsi & exposui, omnium est frequentissima apud Orthodoxos scriptores. Sic Ecclesia propriè ad nos Christianos pertinet. Sic eam Apostolus vocat *societatem Iesu Christi Filij Dei*, ad quam sumus immenso Dei beneficio vocati. Atque ad eam item pertinent Scripturæ noui Testamenti multæ ac variæ sententiæ, quæ nobis declarant qualis sit Ecclesiæ Christianæ forma & status, quamque varia & multa genera hominum illa cõplectatur: *Attendite*, inquit Apostolus, *vobis & vniuerso gregi: in quo vos posuit Spiritus sanctus regere Ecclesiam Dei*. Hic quosdam esse in Ecclesia qui alios regendi auctoritatem habeant, & quosdam etiam qui aliorum auctoritate & cura regantur, clarè significat. Quam regendi potestatem Christus quoque declarauit inquitens: *Si te non audieris dic Ecclesiæ: si autem Ecclesiam non audieris sit tibi tanquam ethnicus & publicanus*. Atque etiam reprobos cum prædestinatis, malos cum bonis (dum fidem quidem retinent) permistos esse in Ecclesia, vsque ad extremum diem Iudicij, multis similitudinibus in Scriptura significatur. Ideò siquidem, vt Augustinus rectè intellexit, Ecclesia comparatur *arca*,
in qua

1. Cor. 5.

3. p. q. 8. ar. 4.

1. Cor. 1.

Ecclesia Christiana quàm varia hominũ genera complectatur.

Act. 20.

Matth. 18.

Reprobos etiã & malos esse in Ecclesia.

Tract. 6. in Io. an. Vide etiã

in qua triticum est cum palea, donec cribro perpuratum reponatur in horreum: palea autem comburatur igne inextinguibili. Ac eadem ratio comparationis est, cum esse Ecclesiam quasi sagemam dicitur, ex omni genere piscium congregantem, qui primum in littore segregantur. Sic, inquit, erit in consummatione seculi: Exhibunt Angeli, & separabunt malos de medio iustorum, & mittēt eos in caminum ignis. Item, Simile est, inquit, regnum cælorum (id est, Ecclesia, ut rectè D. Gregorius interpretatur) decem virginibus: quarum quinq, erant prudentes & quinq, satue, &c. Idcò etiam Apostolus: In magna, inquit, domo non solum sunt vasa aurea & argentea, sed & lignea & fœtilia, & quadam quidem in honorem, quadam autem in contumeliam. Et illud quoque pulchrè Augustinus: Est in Canticis canticorum quod de sancta Ecclesia dictum omnis Christianus agnoscit: Sicut lilium in medio spinarum, is a proxima mea in medio filiarum. Vnde appellat spinas, nisi propter malignitatem morum? Et easdem vnde filias, nisi propter communionem Sacramentorum? Ac sunt quàm plurima Scripturæ testimonia similia, ex quibus satis apparet, illam Ecclesiæ descriptionem, secundum quam affirmavimus, omnis conditionis homines fideles in Ecclesia contineri, certissima fide niti.

Ex qua doctrina tres errores circa formam Ecclesiæ Christianæ facilè refutantur. Primus Catharorum, Donatistarum, & Anabaptistarum. Qui commenti sunt, Ecclesiam ex iis tantum hominibus constare, qui gratia & caritate perfecti sint, neque vlla sint infecti peccati macula. Secundus error fuit, Ioannis VViclephi, & Ioannis Hufs. Hi contenderunt, ne ex bonis quidem omnibus, sed tantum ex solis prædestinatis Ecclesiam constare. Tertius error est, aliorum quorundam Sectariorum, qui voluerunt constare tantum ex iustis, quantumvis ij sint ali-

de fide ad Pet. cap 43.

Matth. 13.

Matth. 22.

2. Tim. 2.

Lib devnitat. Eccl. cap. 13. Cant. 2.

Errores tres circa Ecclesiæ Christianæ formam confutantur.

Huius erroris meminit D.

Aug. lib. 3 cōtra Parmen. cap 2.

Id apparet ex Concil. Constant. sess. 15.

*Non posset con-
sistere status &
gubernatio Ec-
clesiæ si ex solis
prædestinatis
aut iustis con-
staret.*

Lib. 2. Retract.
cap. 18.

Scilicet.

quibus obstricti peccatis. Aduersus hos omnes illa Scri-
pturæ testimonia, quæ sunt adducta, satis sunt & firma &
perspicua. Deinde etiam illa ratio eosdem reuincit,
quod si Ecclesia tantum ex perfectis, aut ex prædestinatis,
aut ex iustis constaret, omnis gubernatio siue regimen il-
lius funditus tolleretur. Nam neque superiores cognos-
cere possent suos subditos, neque vicissim subditi suos
superiores. Quis enim sciat vtrum sis perfectus, nec ne?
vtrum prædestinatus, an reprobus? vtrum iustus, an impi-
us? Propriè verò contra primum errorem valent illa, ex
quibus in materia de gratia probari solet, perfectam il-
lam iustitiam, quæ peccatum excludat prorsus omne, in
hac vita minimè reperiri. Quare Augustinus: *Vbiunque*,
inquit, *commemoravi Ecclesiam non habentem maculam neque*
rugam: non sic accipiendum est, quasi iam sit. sed quæ preparatur
ut sit: quando apparebit etiam gloriosa. Nunc enim propter
quasdam ignorantias & infirmitates membrorum suorum, ha-
bet vnde quotidie tota dicat: Dimitte nobis debita nostra. Hæc
ille. Est etiam secundus ille error VViclephi damnatus
in Constantiensi Concilio. Quod si quis plura hac de re
videre velit, legat inter ceteros auctorem eruditissimum
Ioannem à Turrecremata, lib. 1. de Ecclesia, cap. 54. & 55.
& Thomam VValdensen, lib. 2. doctrinalis fidei antiq.
cap. 8. & 9. & Melchiorem Canum, lib. 4. de locis Theo-
logicis, cap. 3. Hi etiam scriptores ad argumenta illorum
hæreticorum faciliè respondent.

*Fundamentum
vnicum ex quo
refelluntur o-
mnis argumē-
ta hæreticorum
qui volunt non
etiam constare
Ecclesiæ ex re-
probis & malis.*

Quibus sanè argumentis omnibus ex hoc vnico fun-
damento occurri potest: nempe Ecclesiæ Christianæ,
cū tam latè pateat, plures & eas valdè diuersas esse par-
tes. Nam qui non solum fide inter se & cum Christo ca-
pite coniuncti sunt, sed etiam grātia & caritate: ex iis præ-
stantior Ecclesiæ pars constituitur, quā sit illa quæ con-
stat

stat ex hominibus fide duntaxat præditis: & ea pars Ecclesiæ omnium est præstantissima, quæ hominibus non modò fidelibus & iustis, sed etiam prædestinatis continetur. Si quid igitur interdum vel à Scriptura sacra vel à Patribus tribuitur Ecclesiæ, quod aut iustis tantum, aut prædestinatis tantum conveniat, id nõ ad Ecclesiam totam, sed per Synechdochen ad Ecclesiæ partes illas præstatiores referri debet. Quod si Patres etiam quandoque negant, peccatores esse membra Ecclesiæ; aut certè afferunt membra ipsius esse mortua: sensus est, non eos esse membra sana & perfectà, quæ scilicet vita perfectà spirituali, hoc est, etiam gratia & caritate vigeant. Hoc tamen non obstat quo minus ratione fidei, quam à Christo capite percipiunt, vera alioquì membra simpliciter censeantur. Etenim vel ipsa fides vita est quædam spiritualis imperfecta, qua utcumque moveri possis & contendere in vitam æternam, licet minimè quidem sufficienter absque caritate. Ita vel sola participatione fidei in Ecclesiæ corpore connexus, tanquam membrum, hæret peccator. Velut si pars aliqua v.g. sic esset vnita corpori humano, ut non nihil vitæ participaret ex corpore, videlicet motum & vigorem per nutrimentum, non autem etiam sensum: membrum corporis censeretur, tamen si non sanum & perfectum. Quocirca non est certè ratio cur magno perè recipiamus modum quorundam loquendi, qui aiunt, peccatores quidem Ecclesiæ partes dici posse, membra non posse. Quanquam quæstio est omnis de nomine: cum res ipsa quidem vno & eodem modo sine controuersia ab omnibus Orthodoxis intelligatur.

Ex eodem illo fundamento, quòd sint videlicet Ecclesiæ Christianæ partes multæ ac diuersæ; intelligi potest, qua ratione excommunicati, licet fideles sint, tamen à quibus-

Impi qui ratione sint & nõ sunt membra Ecclesiæ.

Excommunicati quomodo

*sint præcisi ab
Ecclesia.*

*Quomodo item
schismatici Ec-
clesia membra
non sint.*

*a Lib. de fide
& Symb. c. 10.*

b 22. q. 39.

quibusdam dicantur præcisi ab Ecclesia neque membra eius esse. Hoc sanè verissimum est, si intelligatur esse præcisi ab ea parte Ecclesiæ, quæ non modò fide, sed etiam solennium precum atque suffragiorum mutua communicatione coniungitur. Sic etiam illud accipiendum quod verissimè à Theologis docetur, schismaticos, etsi non sint etiam hæretici (contingere namque id potest, ut intellexit quoque ^a D. Augustinus ac rectè ^b D. Thomas declarat) hoc ipso quòd schismatici sunt, non esse membra Ecclesiæ. Huius enim ratio est, quòd cùm subtrahunt sese ab imperio summæ in Ecclesia potestatis (quæ est, ut infrà probabimus, summi Pontificis) eo ipso ab recto desciscunt ordine, quem convenit Ecclesiæ membra habere cum illius in terris capite visibili, Christi vicario: atque ita ad potiorem illam & saniozem Ecclesiæ partem non pertinent quæ non solum inter se & cum Christo fide coniuncta est, sed etiam ordine recto subest atque coniungitur visibili capiti. Atque hæc pro instituto nostro sufficiant, tum ad rationem ipsam Ecclesiæ per se intelligendam, tum ad rectè de quibusdam doctorum disputationibus iudicandum. Quos quidem apparebit ex dictis, etsi in aliquibus videantur circa rationem formamq; Ecclesiæ dissentire, re tamen consentire, tantumque propter varias Ecclesiæ acceptiones loqui diverso modo.

QUÆ SINT ECCLESIAE PROPRIETATES.

NUMERABIMVS hîc breuiter eas Ecclesiæ Christianæ proprietates quas ipsi vel Scriptura sacra, vel etiam fidei symbola sine controuersia tribuunt. Etsi autem varia numerandi ratio esse possit, neque magnoperè intersit, quomodo distinguas ac numeres; modo illa attribu-

*Ecclesia proprie-
tates varia ra-
tione numera-
re posse.*

ta quæ re ipsa conueniunt Ecclesiæ (siue alia illorum ad alia referas, siue ab aliis separes numerando, ac distinguas) cognoscantur: animaduerto tamen Ecclesiæ prærogatiuas, quæ quidem ad propositum attinere possint, esse potissimum octo. Ex quibus quatuor priores recitabimus ex vñtatis etiam fidei symbolis; Posteriores autem quatuor colligemus ex diuina Scriptura. Tum videbimus ex quibus earum, & quomodo, quænam sit vera Ecclesia probari debeat.

PRIMO igitur Ecclesia dicitur, vna. Hæc proprietas in symbolo fidei Nicæno habetur. Ac significatur ex Patrum sententia illis canticorum verbis: *Vna est columba mea.* Quæ verò sit huius vnitatis ratio, exposuit Apostolus. *Solliciti, inquit, seruare unitatem spiritus in vinculo pacis. Sicut vocati estis in vna spe vocationis vestra; Vnum corpus, & vnus spiritus, vna fides, vnum Baptisma, vnus Deus & Pater omnium.* Quo loco Ecclesiæ vnitatem contineri docet tum vnitate principij, videlicet Dei vocantis; tum vnitate finis, nempe vitæ æternæ, quam speramus, & ad quam vocati sumus: tum vnitati mediorum, per quæ nobis ad illam contendendum est, nimirum fidei, Baptismi, & reliquorum Sacramentorum, quorum quasi ianua est Baptismus. Explicat quoque speciatim illam Ecclesiæ vnitatem in alio loco ab vnitate eiusdem cibi cœlestis, id est, Eucharistiæ, qua fideles omnes reficiuntur. *Vnus, inquit, panis & vnum corpus multi sumus omnes qui de vno pane & calice participamus.* Item id declarat ab vnitate caritatis & doctrinæ, quæ sit eadem à fidelibus retinenda. *Vnanimis, inquit, in caritate id ipsum sentientes.* De quo modo vnitatis illud etiam intelligi potest: *Erat multitudo credentium cor vnum & anima vna.* Est etiam, sententiâ Patrum, Ecclesia vna ab vno pastore seu Episcopo, *cui plebs Chri-*

Potissimum numerari possunt octo, si non tantum ex fidei symbolis, sed etiam ex Script. colligantur.

I. PROPRIETAS.
Ecclesia, vna.
Cypri. lib. de vnit. Eccles.
August. tract. 6. in Ioan. &c.
Cant. 6.
Eph. 4.

Ecclesia vnitata quibus rebus contineatur.

I. COL. 10.

Philip. 7.

Act. 4.

Lib. 4. epist. 10.
ad Florentiū
Pupianum.

stiana, vt Cyprianus inquit, *adunata cohaeret*. Cū verò dicimus Ecclesiam sic esse vnam; hoc intelligimus vnitatem totius. Nam ratione diuersi loci aut temporis non dubium est, quin plures Ecclesiae dici possint, vti loquitur etiam sæpè D. Paulus. Sed tamen omnes istiusmodi Ecclesiae sunt partes vnius Ecclesiae Christianae vnitatem totius. Et hoc quidem perspicuum est.

*Quid potissimum
in Ecclesia vni-
tate considerā-
dum sit, vnde
manifestè con-
uincitur vni-
tatem hanc
apud hæreticos
non esse.*

Sed illud deinde circa hanc Ecclesiae proprietatem diligentissimè notari debet, Ecclesiam Christi non ob eam rem solū, ab vnitatem fidei & doctrinae vnam esse ac dici, quoniam omnes qui sunt eius membra in eadem fide atque doctrina, quamdiu quidem sunt eius membra, consentiant actu: Sed ob id in primis ab vnitatem fidei & doctrinae dicitur Ecclesia vna, quoniam modum atque rationem ipsa tenet accommodatissimam ad cōsensu- nem fidei & doctrinae tuendam. Quod erit postea præcipuè ponderandum, cū ex hac Ecclesiae proprietate probabimus, Ecclesiam Christi legitimam, non apud vllos Sectarios, sed apud eos solos esse, qui Romano parent Pontifici. Cur verò hæc Ecclesiae proprietatem ita necessariò debeat intelligi: ratio est in promptu clarissima. Etenim, si Ecclesiae vnitatem in actuali tantū doctrinae fidei cōsensione, & non præcipuè in ratione ad cōsensu- nem accōmodatissima poneremus; nihil omnino magnum Ecclesiae Christi tribueremus, dum illam propter vnam atque eandem fidei doctrinam asserimus vnam esse. Sed neque posset Christi Ecclesia per eam notam ab hæreticorum conuenticulis vllo modo discerni. Quis enim vnquam fuit hæreticorum cœtus tam exiguus in quo qui ad eum pertinuerunt (quandiu pertinuerunt ad eum quidem) non fuerint actu de doctrina consentientes? Etenim vbi primum quis, prudens ac sciens, ab aliis dissen-

NOTA.

dissentit, eo ipso censetur à cœtu aliorum, qui secus sentiunt, alienus. Itaque hodie Lutherani, in publicis etiam suis scriptis, pro alienis ac planè pro hæreticis Caluinianos habent, & vicissim Caluiniani Lutheranos: quia licet in vna & eadem familia, cuius insanū caput extitit Lutherus, omnes principio fuerint: tamen postea inter se de fidei doctrina dissentire cœperunt. Non igitur in actuali tantum consensu: sed in primis in ratione aliqua optimè accommodata ad retinendum consensum vnitas Ecclesiæ Christi consistit. Quod velim diligentissimè considerari ab iis maximè qui sunt Sectariis, vel Lutheranis, vel Caluinianis additi. Sed postea id quoque repetemus.

DE INDE dicitur Ecclesia, Sancta. Ita vtrumq; symbolum; atq; etiam Apostolus: *Templum*, inquit, *sanctum quod estis vos*. Et sunt rationes plures quam ob rem Ecclesia sancta censi debeat. Decem collegit Ioannes à Turcremata in erudito illo suo ac prolixo opere de Ecclesia. Potissimæ sunt hæc. I. Quoniam secundum aliqua præcipua sua membra, nempe secundum iustos inimunis est ab omni peccati macula mortali, quæ sola videlicet cum gratiæ sanctitate stare non potest & eius delet nitorem. Itaque per synecdochē Ecclesia sancta dicitur, propter iustos. Quemadmodum nationem aliquam, fortem dicere solemus: non quòd omnes eius nationis homines, fortes sint, sed quoniam aliquos gignit fortes. Neque verò obstat quod in Canticis de Ecclesia dicitur: *Tota pulchra es amica mea & macula non est in te*. Sensus enim non est, omnes ac singulos fideles in Ecclesia carere macula peccati mortalis, sed aliquos ita carere ea prorsus, ut sint toti mundi: id est, ut neq; secundum intellectum, neque secundum affectum, sint aliquo peccato mortali inquinati. Quam interpretationem doctè explicat ac dilatat

II. PROPRIETAS.
Ecclesia sancta.
1. COL. 3.

Lib. 1. à cap. 9.
vsque ad 17.

Quinq; præcipua cuncta cur
Ecclesia dicatur sancta.

Cant. 4.

Eph. 5.

Lib. contra
Donatist. post
Collat. cap. 7.

1. Cor. 10.

Cant. 6.

Aug. in psal.
103. concione
1.

Psal. 103.

1. Pet. 2.

Psal. 18.

latat Ioannes Turrecremata. Quanquam dici etiam potest, sententiam illam non ad Ecclesiam qualis in hac vita est, sed qualis in patria cœlesti est futura referri debere: *cum exhibebit sibi Christus Ecclesiam gloriosam non habentem maculam neq. rugam.* Vera enim esse illa D. Augustini oratio videtur: *Quæcunque, inquit, testimonia diuinarum Scripturarum commemorari potuerint, quibus ab omni malorum hominum permixtione pura prænunciatur Ecclesia: non qualis nunc est illis testimoniis prænunciatur: sed qualis post istam mortalitatem in vita æterna futura est.* Huc adde, posse quoque in hac vita totam pulchram dici propter Christianam professionem, quæ tota pura est, ut mox dicemus. 2. Item dicitur Ecclesia, Sancta, à sua firmitate. Est enim supra petram, quæ in primis est Christus, fundata, contra quem nulla vis præualebit. Ideò in Canticis, *terribilis dicitur, quasi castrorum acies ordinata.* Atque hac ratione pulchrè D. Augustinus Ecclesiam interpretatur terram esse illam, de qua Dauid in Psalmo: *Fundasti terram super stabilitatem suam: non inclinabitur in seculum seculi.* Hanc rationem sanctitatis rectè explicauit in Confess. Polonica, Cardinalis Hosius. 3. Sancta dicitur, quoniam sanguine est Christi iuncta & acquisita. Ad quod attendisse D. Petrus videtur vbi fideles vocat *gentem sanctam, populum acquisitionis.* 4. Quia tota diuino cultui consecrata est: præceptis, Sacramentis, institutis sanctis continetur: prorsus ut in eam rectissimè conueniat illud Psalmi: *Lex Domini immaculata, &c.* Hac ratione Ecclesia tota sancta dici potest, Quia licet non omnes fideles colant vitæ sanctimoniam: omnes tamen certè illam profitentur. Quemadmodum religiosos aut artifices, propter vitæ institutum & professionem, eos etiam solemus dicere qui religionis aut artis præcepta transgrediuntur, ut ad hoc propositum rectè nota-

notatum est in Cathéchismo Romano. 5. Sancta item dici potest propter sanctissima eademque varia ac multiplicia diuinæ gratiæ carismata, quibus ornata est: atque etiam ob vniuersalia efficacissimaq; remedia sanctitatis, quibus affatim diuino beneficio abundat.

EST præterea Ecclesia Christi, Catholica: vt dicitur in vtroq; symbolo. Cùm autem, Catholica, idem sit quod vniuersalis, variam habet rationem hæc Ecclesiæ proprietates. Nam primùm Catholica dicitur ab vniuersitate eius doctrinæ, quam proficitur. Continet enim materiam vberissimam de Deo & de Creaturis. 2. Ab vniuersitate loci: quia per vniuersum est orbem diffusa. Quam rationem appellationis D. Augustinus diligenter exposuit. Ex eaque sæpe probat hæreticorum conuenticula Ecclesiam Christinon esse, quoniam suis quibusdam tantùm contineantur prouinciis. De qua re postea. Huc autem illa Patris æterni ad Christum promissio pertinet: *Dabo tibi gentes hereditatem tuam, & possessionem tuam terminos terræ.* Ac item illud: *In omnem terram exiuit sonus eorum, & in fines orbis terra verba eorum.* Vt iam præteream multa similia.

3. Dicitur quoque Ecclesia Catholica à temporis vniuersitate. Nam ad finem vsque mundi perseuerabit. Quemadmodum & à mundi exordio constans perpetuò aliqua Dei Ecclesia fuit, vt eruditè inter cæteros Ioannes^a Turrecremata, & Ioannes^b Driedo ostenderunt. Nunc quod Christi Ecclesia ad finem vsque mundi sine interruptione mansura sit, satis constat ex illis Christi promissionibus, in Matthæi Euangelio: *Porta, inquit, inferi non præualebunt aduersus eam.* Et: *Ego vobiscum sum usq; ad consummationem seculi.* Item in Euangelio Lucæ Gabriel Angelus: *Dabit, inquit, ei Dominus sedem David Patris sui, & re-*

III. PROPRIETAS.

Ecclesia, Catholica.

Causa præcipua cur Ecclesia dicatur Catholica.

Super Psalm. 121. & 81.

Psalm. 2.

Psalm. 11.

^a Lib. 1. de Ecclesia. cap. 21. vsq; ad 30.

^b Lib. 4. de variis dogm. cap. 2. f. 1

Matth 16.
Matth 28.

Luc. 1.

Isai. 9.

gnabit in domo Iacob in aeternum. Quod & ab Isaia prædictum erat: *Super solium*, inquit, *David & super regnum eius sedebit, ut confirmet & corroboret in iustitia & in iudicio, à modo & usq; in sempiternum.* Ex qua Ecclesiæ perpetuitate intelligitur, & fidem illius fore perpetuam: ut luculentissimè D. Augustinus ostendit. Nam *desponsabo* (inquit Dominus Ecclesiæ per Oseam) *te mihi in fide*. Huic autem perpetuitati consuluit Deus prospiciendo Ecclesiæ de

In Psal. 101.
conc. 1. & lib.
de vnit. Eccl.
cap. 13.

Osee 2.

Pastoribus & Doctoribus, qui fidē Christianā ac religionem tutarentur. Quos idè Pastores & Doctores Ecclesiæ datos dicit Apostolus *ad consummationem Sanctorum, donec occurramus omnes in unitatem fidei in agnitionem Dei in virum perfectum, &c.* Idq; promiserat Deus Ecclesiæ per Zachariam: *Circundabo*, inquit, *domum meam ex iis, qui militant mihi.* Sic Timotheum Apostolus militare Deo & Ecclesiæ volebat, cui dicebat: *Labora ut bonus miles Christi Iesu.* De iis Deus per Isaïam: *Super muros tuos Hierusalem constitui custodes. &c.* Atq; hi sunt nimirum, illi *fortes, qui custodiunt lectulum Salomonis.*

Ephes. 4.

Zach. 9.

Isai. 62.

Cant. 3.

Dicet aliquis: Cum Apostoli scandalum omnes in Christi passione sunt passi, vbi fuit tunc Christi Ecclesia? Item vbi erit illò tempore, de quo Christus inquit: *Putáſſe filius hominis veniens inueniet fidem in terra?* Quod si aliquando Ecclesia non fuit, & aliquando etiam non erit, quomodo est etiā Catholica ab vniuersitate temporis? Nonnulli sentiunt, Christi passionis tempore, in sola beata Virgine mansisse fidem. Id verum non est. Primum quia si maximè omnes tunc Apostoli fidem abieciſſent, non inde consequitur in nullo præterquam in B. Virgine fidem permāſiſſe: Potuerunt enim alij perseuerare fideles, etsi de illis quidem taceretur. Deinde nego amiſiſſe fidem omnes omnino Apostolos: imò retinuerunt eam aliqui,

Ecclesia ex quibus
constiterit
tempore Christi
passionis.
Luc. 18.

aliqui, vt eruditè ostendit^a Melchior Canus. Et certè id defendit de D. Petro manifestè D. Hilarius. Neque verò aliud ex Scriptura colligi potest, quàm quod omnes Apostoli *scandalum passi sunt in illa nocte*, quod attinet quidem ad externam fidei confessionem. Id autem fieri potuit, licet illorum aliqui fidem ipsam animo retinuerint. Fuit itaq; & tunc aliquis fidelium numerus, ex quorum congregatione, tametsi exigua, constaret Ecclesia. Sic etiam sub mundi finem aliqua omnino Ecclesiæ congregatio erit. Christus enim illo modo dicendi: *Putasne, &c. paucos futuros tunc esse fideles significauit, nullos fore non significauit.* Præclarè enim D. Augustinus: *Hoc, inquit, nos intelligimus à Christo dictum, vel propter ipsam fidei perfectionem, quæ ita difficilis est, vt in ipsis quoq; admirabilibus Sanctis, sicut in ipso Moyse, inueniatur aliquid, ubi trepidauerint, vel trepidare potuerint: vel propter illam iniquorum abundantiam & paucitatem bonorum. Propterea enim, tanquam dubitans, hoc Dominus dixit. Neg, enim ait: Veniens filius hominis non inueniet fidem in terra. Sed, putas inueniet fidem in terra? Hactenus Augustinus.*

4. Dicitur denique Ecclesia Catholica, id est, vniuersalis, quoniam ad eam homines vniuersi, cuiuscunq; sint sexus, aut ætatis, aut conditionis, conuocantur. *Quicumque enim* (ait Apostolus) *baptizati estis, Christum induistis. Non est iudeus, neg, Græcus, non est seruus, neg, liber, non est masculus, neg, fæmina. Omnes enim vos vnum estis in Christo Iesu.* Atque, vt rectè explicauit Ioannes à Turrecremata, ob easdem rationes & fides ipsa, Catholica dicitur, & fideles, Catholici. Quo etiam loquendi modo Apostolus penè est vsus, cùm epistolam scribit *dilecto filio Tito, secundum communem, inquit fidem*, id est, secundum Catholicam, vt exponit Glossa ex D. Augustino.

^a Lib. 4. de locis Theolog. cap. 5.

Matth. 26.

Non deficiet omnino fides sub mundi finem.

Lib. de vnit. Eccles. c. 13.

Lib. 1. summæ de Eccles. c. 13.

Ad Titum 1.

IV. PROPRIETAS.

Ecclesia Apostolica, & quare.

Roman 2.

Ioan. 17.

Lib. 4. de bapt. contra Donatist. c. 24. & ep. 86. & ep. 118. &c.

Apocal. 21.
Ephes. 2.
1. Corinth. 3.
Psalm. 56.

In illū Psalm.

Turr. lib. 1. de Eccles. cap. 18. & 19.

VVald lib. 2. doctrinal. fid. antiqua c. 16.

V. PROPRIETAS.

PRÆTEREA dicitur Ecclesia Christi in Nicæno Symbolo Apostolica. Primò, quoniam in Apostolis habuit initium. Quam rem D. Paulus explicuit illa oratione: *Nos autem, inquit, primitias Spiritus habentes. Vbi Glossa: Et tempore, inquit, prius & ceteris abundantius.* 2. Quoniam ab illis per orbem propagata est. Vnde Christus Dominus, dum pro iis rogat æternum suum Patrem, qui *per Apostolorum verbum erant in se credituri*; pro Ecclesia sanè rogat. 3. Quoniam antiquam proinde fidem, doctrinam, auctoritatem, Apostolorum perpetuò sequitur, vt suprà quoque dictum est. Quod non modò facit, quando scriptis Apostolicis expressam doctrinam retinet: Verùm etiam cùm aliquid ipsa per orbem vniuersum obseruat, neque id tamen scriptum est in Apostolicis libris. Illa enim vniuersalis Ecclesiæ consuetudo (quod infrà suo loco probabimus) argumento certo est, manasse rem ex Apostolica traditione, vt et sæpissimè, & clarissimè, & verissimè affirmat Diuus Augustinus. Huc pertinet, quod idè in libro Apocalypsis, atque etiam à Diuo Paulo, Apostoli vocantur fundamenta Ecclesiæ: tamen si sunt illi quidem non nisi fundamenta secunda; quippe cùm & ipsi niterentur fundamento primo, *quod est Christus Iesus.* Quo etiam spectat illud Dauidis de Ecclesia: *Fundamenta eius in montibus sanctis*, id est, in Apostolis, vt Diuus Augustinus interpretatur. Itaque meritò propter hæc dicitur Ecclesia Apostolica. De qua Ecclesiæ proprietate, plura (si quis volet) videre licet apud Turrecremantam præsertim & apud VValdensem. Atq; hætenus quidem de iis Ecclesiæ proprietatibus, quas etiam confitemur in fidei Symbolis.

EX aliis autem siue prærogatiuis, siue proprietatibus Ecclesiæ, quæ colligi ex Scriptura possunt, non est sanè

sanè postrema, quòd licet multorùm hominum sit congregatio, minimè tamen est, quasi chaos aliquod, confusa, sed quàm rectissimè ordinata. Hoc ex multis potest intelligi nominibus, quibus illa propter eiusmodi ordinem afficitur in sacris literis. Cuiusmodi sunt: ^a *Regnum*, ^b *ciuitas*, ^c *templum*, ^d *domus*, ^e *tabernaculum*, ^f *hortus*, ^g *castrorum acies ordinata*, & id genus alia, quorum rationes ad Ecclesiam pulchrè atque eruditè accommodat Ioannes Turrecremata. Maximè verò optimus Ecclesiæ ordo significatur cùm *corpus* dicitur. Cuius appellationis ea potissimùm ratio est, quia *sicut in vno corpore multa ac varia sunt membra, nec illa omnia tamen eundem actum habent*. Sic in Ecclesia fideles non omnes auctoritate sunt pares, non officio, non gradu dignitatis. Vt perspicuè Apostolus in epistola ad Romanos docuit, & elegantissimè persequitur Diuus Gregorius Nazianz. Sunt enim oculi in Ecclesia, sunt pedes, sunt manus; hoc est, sunt qui aliis obsequi & ab iis doceri debeant; sunt etiam qui alios doceant & regant, *Pastores & Doctores, quos dedit Christus Ecclesiæ* & in ea perpetuò conseruat, *ad consummationem Sanctorum in opus ministerij, donec occurramus omnes in unitatem fidei & agnitionem Filij Dei, in virum perfectum, ut iam non simus paruuli fluctuantes & circumferamur omni vento doctrina, in nequitia hominum in astutia ad circumuentionem erroris*.

In ordine hoc igitur, quo est Christi Ecclesia constituta, illud præcipuum est, quod Pastores & Doctores perpetua sibi successionis serie succedunt, qui legitimè vocentur ad id opus ministerij suslinèdum, sine quo Ecclesiæ Christianæ forma cōsistere nullo modo potest. Nam si Ecclesia est, certè oportet, ut corpus sit Ecclesiæ quoddam; idque totum, ut ait Apostolus, *Compactum & con-*

Ecclesiæ rectè ordinata.

a Matth. 25.
b Matth. 5.
c 1. Cor. 3.
d Hebr. 3.
e Hebr. 8.
f Cantic. 4.
g Cantic. 6.
Lib. 1. de Eccl. cap. 31. & deinceps.
Ephes. 1. & 4.
1. Corinth. 12.
Rom. 12. &c.

Greg. Naz. in orat. de moder. in disput. habenda.

Successio Pastorum & Doctorum præcipuè spectanda in Ecclesiæ ordine.

Ephes. 4.

xum per omnem iuncturam subministrationis secundum operationem in mensuram uniuscuiusq. membri. Et promissiones hac de re diuinas superius indicauimus, cū Ecclesiæ sanctitatem atque firmitatem ministerio perpetuò Doctorum atque Pastorum niti doceremus.

VI. PROPRIETAS.
Ecclesia visibilis.

DICITUR porro ab Orthodoxis Doctoribus, secundum certissima & clarissima sanctarum Scripturarum testimonia, Ecclesia visibilis: id est, sic in luce hominum & conspectu posita, ut quouis seculo euidenter internosci & quasi digito monstrari queat congregatio illa, quam esse Ecclesiam veram determinatè credere possis ac debeas. Hæc autem Ecclesiæ proprietates vniuersos hæreticos pessimè habet. Neque id sanè mirum. Etenim huius proprietatis assertio cogit illos fateri, vel certè intelligere, se non esse de Christi Ecclesia: Cū nullum possint illustrent, hoc est, in orbe præteritis temporibus cognitum, hominum cœtum indicare, in quo fuerit ea religionis atque doctrinæ forma, quam ipsi nuper inuexerunt. Ergo ut se filios esse tenebrarum ostendant, Ecclesiam, quod in ipsis est quidem, priuant sua luce, eamque tanquam in latebris per plura secula delitescere posse putant. Quod euenisse scilicet ante nouatorem Lutherum affeuerant. Ac Brentius quidem & nonnulli alij Sæctarij hoc ad eam rem argumento utebantur. Si quid credi debet: id non etiam oculis cerni potest. At ex fidei articulis ille vnus est: *Credo sanctam Ecclesiam*. Non igitur Ecclesia cerni potest; aut si conspicua esse dicitur, tollendus erit ille de Apostolico symbolo articulus.

Cur Sæctarij non sint Ecclesiam esse visibilem.

Sæctariorum argumentum, cōtra claritatem Ecclesiæ.

Ecclesiam esse visibilem, quomodo intelligendum atque defendendum sit aduersus Sæctarios.

Sed quàm sit hæc istorum argumentatio imperita, & opinio etiam falsa, facile intelligetur, si prius quàm probemus, explicemus etiam, quæ sit nostræ assertionis sententia, cū dicimus Ecclesiam esse conspicuam. Nam & hoc

hoc ipsum animaduerto posse perperā intelligi: Si videlicet aut nimis multum, aut nimis parum clarā atq; visibilem Ecclesiā esse, asseratur. Primum igitur, non vsq; adeo ipsi volumus, Ecclesiam esse conspicuam, vt censeamus aut oculis cerni, aut euidēti ratione intelligi posse ipsam etiam Ecclesiæ quasi essentiam & veritatem, aut etiam proprietates eius omnes. Non enim arbitramur palam aspici aut euidenter cognosci posse, quod vlla congregatio sit reuera cœtus rectè colētium Deum, & sancto Spiritu gubernetur, & sanctitate, vera fide, & doctrina aliisq; donis affecta sit. Imò verò hæc in illa ipsa congregatione hominum inesse, quæ vera est Ecclesia, non nisi obscura fide credimus, quomodo cæteros fidei articulos. Sed neque rursus cū Ecclesiam dicimus visibilem esse, vsque adeo parum dicimus, vt solūm cōtendamus, eam ex hominibus constare, qui per se, cū sint præditi corpore, pateant sensibus. Hoc enim nemo, qui modò sit homo, sciatq; homines, quorum sine controuersia Ecclesia est cœtus, sensili atque aspectabili ex corpore esse constitutos, in dubium reuocare potest. Sententia igitur nostræ assertionis hæc est: euidenter posse omni seculo conspici, & internosci, & quasi digito demonstrari congregationem aliquam hominum, de qua possit ac debeat vnusquisq; firma fide, tametsi alioqui obscura (vt antè dictum est) credere, quòd sit vera Ecclesia (id est, cœtus rectè Christum colentium) quòd vera fide copuletur, quòd Spiritus sancto regatur, quòd aliis muneribus atq; prærogatiuis sit prædita, de quibus partim iam dictum est, partim dicetur. Ita sit, vt, quamuis isto modo Ecclesiam visibilem esse statuamus, suum locum tamen (quod nō videbant Sectarij) in symbolo relinquamus illi articulo, quo credimus Ecclesiam esse, & esse sanctam, &c.

*Duo extrema
circa ad vitan-
da.*

1.

2.

*Vera ratio cla-
ratur Eccle-
sia.*

Esse verò isto modo Ecclesiam conspicuam, fremane licet lucifugæ Sectarij, Scripturæ sanctæ certissimis testimoniis conuincitur.

*Ecclesiam esse
visibilem pro-
bat. 1. ex Scri-
pturis.*

Matth. 5.

Lib. de vit.
Eccl. c. 14.

Psal. 18.

In eundem
Psal.

Psal. 30.

Ibidem.

In Psalm. 18.

NAM primum aperta est illa Christi oratio de Ecclesia: *Vos, inquit, estis lux mundi. Non potest ciuitas abscondi supra montem posita. Item: Nemo accendit lucernam & ponit eam sub modio, sed super candelabrum, ut luceat omnibus, qui in domo sunt.* Quibus duobus testimoniis Augustinus ad eam ipsam rem vsus est contra Donatistas. *Non est, inquit, operata Ecclesia. Quia non est sub modio, sed super candelabrum: Et de illa dictum est: Non potest ciuitas abscondi supra montem posita. Sed Donatistis (intellige etiam Lutheristis & Calvinistis) operata est: quia audiunt tam lucida & manifesta testimonia, qua illam toto orbe esse demonstrant, & malunt clausis oculis offendere in montem, quàm in eum ascendere, quicùm esset lapis precius de monte sine manibus, creuit & factus est mons ingens, & impleuit vniuersam terram.* Haëtenus Diuus Augustinus. Qui etiam illud Dauidis huc pulchrè accommodat: *In sole posuit tabernaculum suum*, id est (inquit Augustinus) *Ecclesiam suam in manifestatione.* Nam & alibi etiam Ecclesiam intelligit Rex Dauid per hoc tabernaculum: *Proteges, inquit, eos in tabernaculo tuo.* Vbi etiam Augustinus: *Quid est, inquit, tabernaculum Dei, nisi Ecclesia presentis temporis, qua tabernaculum idèò dicitur, quoniam adhuc in terra peregrinatur?* Sed recitemus integrè superiorem locum Augustini, qui de Ecclesiæ claritate videtur hodie contra Sectarios loqui: *In manifestatione, inquit Augustinus, posuit Ecclesiam suam non in occulto, non qua lateat, non velut operata, ne fortè fiat sicut operata super greges hæreticorum. Quid tu hæretice fugis in tenebras? Quid latitare conaris?* Haëtenus ibi Augustinus. Nec potuit certè Isaias illustrius significare hanc Ecclesiæ Christi claritatem, quàm cum

cum de fidelibus, ex ipso Dei ore, hunc in modum vaticinatus est: *Fœdus, inquit, perpetuum feriam eis: & sciatur in gentibus semen eorum, & germen eorum in medio populorum. Omnes, qui viderint eos, cognoscent illos quia isti sunt semen, cui benedixit Dominus.* Atque ut alia multa, quæ ad hanc rem ex Scripturis adduci possunt, præteream; ad Ecclesiam ipsam pertinet, auctore Augustino, quod ita vaticinatus est, alius Propheta: *Operuit cælos gloria eius, laudis eius plena est terra: Splendor eius, ut lux erit.*

Isai. 61.

Lib. 18. decl.
uit. Dei, ca. 31.
Abac. 3.

EXTRA controuersiam est, omni tempore aditum ad Christi Ecclesiam iis omnibus patere, qui extra eam sunt, ut possint ac debeant ad eam se aggregare. Sic enim cum ipsa Dominus per Isaïam loquitur: *Aperientur porta tuæ iugiter, die ac nocte non cludentur, ut afferatur ad te fortitudo gentium, & reges earum adducantur. Gens enim & regnum, quod non seruiert tibi, peribit.* At ne intelligi quidem potest, quemadmodum, fores Ecclesiæ pateant omnibus, ut ad eam se adiungere & intrare possint, si non ea hominum congregatio queat internosci, quæ vera est Ecclesia. Est igitur illa prorsus conspicua.

PROBATIO
II.

Isai. 60.

NEQVE verò eorum aliquid, quæ in Ecclesia gerident, si non ipsa pateat, agi posset. Nam si nescias, quam hominum congregationem credere debeas esse veram Ecclesiam; multò minus cognosces, qui sint in Ecclesia tanquam oues, qui verò ut Pastores: id est, quosnam oporteat doctrina & Sacramentis pasci, ac ministrari auctoritate hierarchica ab aliis duci atque regi: qui verò munus sustineant docendi, regendi, pascendi. Quod si ignorent fideles, à quibus quæri, aut quibus impartiri Sacramenta debeant: item cui præcipi possit, aut quibusnam obtemperari oporteat: quænam esse poterit in Ecclesiæ corpore functio membrorum? aut quomodo

PROBATIO
III.

Matth. 18.
1 Pet. 5.
Act. 20.

In orat. demo-
derat. in di-
sp. habenda.

PROBATIO
III. ex Patri-
bus.

Lib. 1. contra
Iul. Petilianu,
cap. 32.
Tractat. 1. in
Epist. Ioan.

Tract. 2. in cō-
dem epist.

In dialog. cō-
tra Lucifer.
Homil. 15. in
Matth.

Lib. 3. commē-
tar. in Isaiam

(quod Christus iubet).^a Ecclesia auditur,^b & pascitur Grex Christi? Tolleitur profectò pulcherrimus ille ordo differentiaque Ecclesiae membrorum, quæ ut D. Gregorius Nazianzenus inquit, diuinitus sic constituta est, ut alijs sint ones, alijs pastores: illi obediant, ij imperent, quò omnia rectè inter se conueniant, commodumq; tam ad praefectos, quàm ad subditos redundet, omnesq; fiant unum in Christo.

HANC etiam esse de Ecclesia sententiam Patrum non dubium est. Ex Augustino quædam iam recitauimus. Qui rectè quidem claritatem Ecclesiae inde ostendere solet, quòd ubique terrarum diffusa est. Nam quomodo possit esse ignota illa hominum congregatio, quæ religionis instituto communicat cum omnibus gentibus? Quia, inquit Augustinus, in omnem terram exiit sonus eorum, & in fines orbis terra verba eorum: hinc fit, ut Ecclesia vera neminem lateat. Et alio loco. Nonne, inquit, aperta est Ecclesia? Nonne obtinuit omnes gentes? Nonne impletur, quòd ante tot annos promissum est Abraha; in semine eius benedicì omnes gentes? Ecce mons implens uniuersam faciem terra. Tum illud rectè: Quid amplius, inquit, dicturus sum, quàm caecos, qui tam magnum montem non vident? qui contra lucernam in candelabro positam oculos claudunt? Hieronymus autem ita conspicuam Ecclesiam esse censuit, ut solem etiam eleganter appellârit. Poteram, inquit, omnes propositio- num tuarum riuulos uno Ecclesiae sole siccare. Item D. Chrysostomus: Sic, inquit, eris manifesti cunctis quemadmodum ciuitas in montis vertice collocata: vel sicut lucerna in domo super candelabrum relucens. Ibi igitur nunc sunt Christi virtutis increduli? Audiant, inquit, ista & prophetia potentiam possè experimenta mirantes, maiestatem Domini adorando reuerentur. His, ne sim prolixus, testimonium vnicum adiungam D. Cyrilli Alexandrini. Qui rationem, cur Christi Ecclesia

Ecclesia Sion atque etiam Hierusalem nominetur, assignavit his verbis: *Excelsa*, inquit, & *specula exponitur Sion; Visio autem pacis, Hierusalem. Est autem utrumque hoc verè Christi Ecclesia: celsa nempe, & illustris, & velut in monte posita.* non longè ab initio.

Iam verò ad varias Sectariorum argutias hoc loco refellendas diligenter animaduerti debet, non sic accipiendum esse, quod dicimus, Ecclesiam esse semper conspicuam, quasi velimus eam omni tempore dignosci posse æquè faciliè. Nouimus enim iis illam aliquando errorum, schismatum, persecutionum fluctibus esse agitatam, ut imperitis quidem, nec satis prudenter rationes temporum rerumque circumstantias æstimantibus, cognitu fuerit difficilis. Quod tùm maximè accidit, cùm Arrianorum perfidia in orbe penè toto dominabatur. Nam & eo tempore, scripsit Hieronymus, Ecclesiæ nauem fuisse fermè obrutam; & Hilarius pluribus admonuit verbis non fuisse Ecclesiam tunc temporis in testis & exteriori pompa quærendam, sed potius in carceribus & speluncis. Non igitur negamus, quin fuerit alio quàm alio tempore difficilior Ecclesiam dignoscere. Hoc tamen asserimus, semper illam potuisse à prudentibus rerum æstimatoribus internosci. Etenim illo ipso tempore, quo videbatur latere, cum præteritis temporibus collato, deprehendi potuit, Ecclesiam non apud multitudinem eorum, qui religionem innouabant, sed apud paucos illos potius fuisse, qui, quod veteres Ecclesiæ Patres, & fideles omnes magno consensu diuturnisque temporibus tenuerunt, consecretabantur. Quod præclare mihi de prouidentia Dei erga Ecclesiam cogitauisse Diuus Augustinus videtur, cùm ita scripsit: *Ipsa est, inquit, Ecclesia, qua aliquando obscuratur & tanquam obnubilatur multitudine scandalorum, quando peccatores intendunt arcum, ut sagittent in obscuro*

Quomodo Sectariorum calliditates contra claritatem Ecclesiæ sint repellenda.

Hieron. cont. Luciferian.

Lib. contra Auxentium, sub finem.

Epist. 48 ad Vincentium.

obscuro rectos corde. Sed etiam tunc in suis firmissimis eminet. Itaque cum Ecclesiam omni tempore esse visibilem, id est, cognitu facilem affirmamus: non ad presentem tantummodo statum, quem habeat illa vno tempore aut altero, sed etiam ad perpetuam eius continuamque successionis seriem respicimus. Hæc series si cogitetur, & diligens adhibeatur temporum atque personarum comparatio: neque latuit Ecclesia, neque vnquam latere poterit, sed *in suis firmissimis*, vt Augustinus inquit, *semper eminebit.* Qua re animaduersa, tenebræ omnes facile discutiuntur, quas offundere lucifugæ Sectarij luci atque claritati Ecclesiæ hoc in loco conantur.

VII. PROPRIETAS.
Ecclesia errare non potest.

ILLA quoque præclara est Ecclesiæ prærogatiua, quod sic à Spiritu sancto sibi assistente veritatem omnem fidei docetur, vt aberrare ab ea minimè possit. Ac notet hoc loco Lector, non ipsam fidei veritatem per se à nobis nominari Ecclesiæ prærogatiuam & quasi proprietatem: hæc enim essentia ipsa potius seu de essentia Ecclesiæ est; quatenus Ecclesia videlicet congregatio verè fidelium esse describitur. Non igitur ipsam per se doctrinæ fidei veritatem, sed assistentiam illam Spiritus sancti, qua fit vt à veritate Ecclesia aberrare non possit, in prærogatiuis & quasi proprietatibus Ecclesiæ numeramus. Quæ quidem explicatio quorsum pertineat, & quantum ad redarguendam Sectariorum obstinatam inscitiam valeat, quod veritatem ipsam doctrinæ fidei pronota Ecclesiæ assignent; suo loco postmodum clarissimè intelligitur. Nunc quod asserimus, Ecclesiæ etiam prærogatiuam esse, quod à veritate fidei desciscere nequeat, Apostolus satis indicauit, cum Ecclesiam idè vocat *columnam atq; firmamentum veritatis.* Et habemus illustres hac de re promissiones, *Ego, inquit Christus, rogabo Patrem & alium pa-*
tracletum.

1. Tim. 3.

Ioan. 14.

paracletum dabit vobis spiritum veritatis: ille vos docebit omnia, & suggeret vobis omnia, quaecunque dixerō vobis. Ac rursus in eodem Euangelio Ioannis: Pater, inquit, sanctifica eos in veritate. Sermo tuus veritas est; & ego pro eis sanctifico me ipsum, ut sint ipsi sanctificati in veritate. Non pro eis autem rogo tantum, sed pro illis etiam, qui credituri sunt per verbum illorum in me.

Ioan. 17.

Ex qua Christi precatione (cū efficax fuerit) sanè perspicitur, ita Ecclesiæ promissum esse Spiritum veritatis sanctum, ut ea promissio non modò ad illos, qui Apostolorum temporibus vixerunt, sed etiam ad omnes posteros pertineat, ex quibus quacumque ætate Ecclesia Christi coalescat. Id ipsum clarissimè Deus per Isaiam est testatus his verbis: *Hoc fœdus meum cum eis: spiritus meus, qui est in te, & verba mea quæ posui in ore tuo, non recedent de ore tuo & de ore seminis tui, & de ore seminis seminis tui à modo & usque in sempiternum. Quam promissionem & Christus ipse confirmavit; Alium, inquit, paracletum dabit vobis Spiritum veritatis, ut maneat vobiscum in æternum. Nec sanè adeest Christus Ecclesiæ suæ, uti promisit, usque ad consummationem sæculi, & non eam in veritate conseruat, cū sit ipse magister veritatis. Quare præclare Augustinus, terram illam, quæ fundata est (ut Rex Dauid inquit) super stabilitatem suam, nec inclinabitur in sæculum sæculi; Ecclesiam esse intelligit supra fundamentum, quod est Christus, fundatam. Ipsa est enim, inquit, prædestinata columna & firmamentum veritatis.*

Isai. 59.

Ioan. 14.

Matth. 28.

Psal. 103.

Conc. 1. in illū Psalm.

Cæterum, quoniam promissiones hæc generale quiddam sonant: explicanda iam vis illarum est speciatim. Summa hæc est. Primò. Si quando oriantur controuersia de fide, Ecclesiam non posse in iis definiendis à veritate aberrare. Hæc autem Ecclesiæ infallibilis auctoritas ad definiendum non est in singulis fidelibus, quippe qui sine controuersia possunt errare singuli. Neque est etiam

Quibus modis intelligendum sit, Ecclesiam errare nō posse.

in omnibus omnino fidelibus. Frustrā enim data illis esset, cū fieri vix possit, in fidei causis vt àb omnibus illis sigillatim sentētia dicatur. Sed residet illa summa Ecclesiæ auctoritas (vt postea sumus ex instituto probaturi) in Christi vicario, summo Pontifice; siue vna cum Episcoporum concilio, siue absque Concilio res fidei definire velit. Secundò, vis etiam illarū promissionum est, omnes fideles non posse deficere à doctrina fidei, neque omnino, neq; quoad aliquam ipsius partem. Nam si deficerent omnes, Ecclesia tota deficeret: Ita falsa esset illa Dei pollicitatio facta Ecclesiæ per Prophetam Oseam:

Osee 1.

Desponsabo, inquit, te mihi in fide vsque in sempiternum. Tertiò, nec posse omnes fideles in vniuersum aliquem articulum fidei ignorare. Id probatur ex illa promissione:

Ioan. 14.

Docebit vos omnem veritatem. Item: *Ille vos docebit omnia & suggeret vobis omnia, quacunque dixerō vobis.* Est enim sensus, Spiritum sanctum minimè passurum, vt cognitio alicuius fidei veritatis penitus in Ecclesia extinguatur.

Lib. 4. de locis
Theolog. c. 4.

Quartò, ostendit rectè Melchior Canus, eam etiam vim prædictarum promissionum esse, vt nequeat Ecclesia tota persuadere sibi sententiam aliquam erroneam, etiam in materia, quæ non pertineat ad fidem. Nam hoc quidem pati, alienum esset ab illo Spiritu veritatis, quo semper Ecclesia regitur. Quintò, quod dictum est, omnes fideles, neque omnino, neq; partim, aut errare in fide, aut ignorare fidei articulum aliquem, aut persuadere sibi quidquam falsi in vllō genere posse; hoc idem de Ecclesiæ Pastoribus atque Doctoribus omnibus dicendum est: vt rectè demonstrat ille idem auctor. Primū quoniam Pastores & Doctores, quum sint in Ecclesia primarij; tota quasi censentur Ecclesia. Itaq; cū Scriptura commemorasset, congregatos esse omnes principes filiorum Is-

rael;

rael: perinde ac si nemo prorsus de Ecclesia defuerit, subiunxit: *Tunc conuersus Rex benedixit vniuersa Ecclesia; Omnis enim Ecclesia*, inquit, *astabat*. Qua etiam ratione Aristoteles scripsit, ciuitatem id esse, quod est in ciuitate præcipuum. Deinde huc accedit, quod si Pastores & Doctores omnes à veritate aberrare possent, consequenter omnes fideles in vniuersum possent errare. Ab illis enim isti erudiuntur in Ecclesia. Quam ob rem hoc ipso quod errare fideles omnes non possunt; necessariò fatendum est, neq; posse Pastores omnes atque Doctores errare. Imò idcirco fideles omnes errare nō possunt, quia Pastores omnes & Doctores omnino errare nequeunt. Ipsos enim ad eam rem esse datos affirmat Apostolus, vt alij *non circumferantur omni vento doctrina in circumuentionem erroris*. Cū verò hoc loco dico Pastores & Doctores omnes: non tantū omnes omnino intelligo, sed etiam ita maiorem aut illustriorem eorum partem, vt reliqui penè nulli sint (id est, nullius auctoritatis,) si cum illis comparentur. Vnde sæpe fit, vt cū aliquis aut etiam aliqui Doctores errant, rectè & infallibiliter possint aliorum Doctorum consentiente auctoritate refelli & premi. Quod magis postea declarabimus, cū regulas quasdam ostendemus, quas oportet ab Ecclesia consuli cū sunt res fidei definiendæ.

Nunc obiiciat aliquis; Cū quilibet fidelis & quilibet Doctor per se, imò quælibet Ecclesia particularis errare possit: consequens videri, vt possint errare in vniuersum omnes Doctores & fideles atque adeò Ecclesia ipsa tota. Respondeo. Vitium est in omni argumenti materia maximum, quod de singulis dicitur, id velle transferre per consequentiā ad omnes. Adest ita Spiritus sanctus Ecclesiæ, vt nō possint quidem errare omnes:

3. Reg. 8.

9. Eth. cap. 9.

Eph. 4.

Parte VIII.

*Explicatio quæ
runtam obie-
ctionum quibus
probari viden-
tur totā Eccle-
siā errare posse.*

*Singuli quidē
Ecclesia Docto-
res atq; fideles*

errare possunt,
non tamen om-
nes.
1. Cor. 11.

3. Reg. 18.

Lucæ 18.

Pſalm. 13.

3. Reg. 19.
Rom. 11.

Exod. 31.

sed (quod singulis certè, non autem ipsi Ecclesiæ, vtilius esset) iustis rationibus non vult sic adesse, vt nequeat errare hic aut ille. *Oportet enim hæreses esse, vt qui probati sint, manifesti fiant.* Rursus obiicies, quod olim Ecclesia Israelitica omnis errauit, cùm adorauit vitulum in deserto. Quod idem euenisse videtur Eliæ temporibus: cùm is relictum se esse solum conquereretur. Cur non igitur & Christi Ecclesia similiter errare possit? Sed & ipse Christus dicit: *Cùm veneris filius hominis, putasne inueniet fidem in terra?* Quasi diceret: Non inueniet. Respondendum est, morem esse Scripturæ interdum, vt quod in paucis reperitur, negetur vniuersim. Sic in Pſalmo dicitur: *Non est, qui faciat bonum, non est vsq; ad vnum.* Quod nemo tamen ita, vt sonat, intelligit. Sic Eliæ temporibus; quia paucissimi rectum cultum retinebāt; omnes quasi damnantur infidelitatis. Et se solum relictum esse Elias queritur: cùm tamen seruasset Deus *septem hominum millia, qui non curruauerant genu ante Baal.* Quod verò attinet ad cultum illum vituli in deserto; constat certè non ab omnibus illum fuisse adoratum. Non enim adorauit Moyses, non Iosua, quibus erat demandata in primis cura illius populi. Sed & alij multi ab illo scelere abstinerunt. Itaque ibidem legimus filios Leui ad vnā Moyſis vocem sese illi adiunxisse, & consecrauisse manus suas Domino, *unumquemq; in fratre suo & in proximo suo.* Quod autem Christus inquit, *Putasne inueniet filius hominis fidem in terra?* Suprà ex Augustino interpretati sumus. Significat enim, paucissimos certè fore postremo illo tempore fideles: Non autem nullos fore. Item indicat, rem esse omnino difficilem, fidem integram conseruare. Quare maneat Ecclesiam vniuersam à veritate aberrare non posse. Quod cùm certissimum sit turpiter errauit Montanus, qui, vt refert

Eusebi-

Eusebius, discipulis suis, vt Ecclesiæ per orbem diffusæ auctoritatem contemnerent, præcipiebat. Item Donatistæ ac Rogatiani, quos similiter contempsisse auctoritatem Ecclesiæ commemorat D. Augustinus.

Lib. 5. histori.
cap 15.

Epist. 48. & 50.

EST & illud in Ecclesiæ Catholicæ prærogatiuis vel maximum, quod, vt ex numeratis hætenus eius proprietatibus est consequens, extra ipsam nemini patet salus. Quæ ratio est cur beatus Petrus Ecclesiam cum Arca Noë rectissimè comparârit. Hinc illa sententia D. Augustini apud omnes vsu trita est: *Non habebit Deum Patrem, qui noluerit Ecclesiam habere matrem.* Quod certè tam verum est, quàm est verum, *sine fide neminem placere Deo posse.* Nam qui extra Ecclesiam est, recta fide caret: cum Ecclesia sit congregatio fidelium. Qui autem infidelis est, hostis est Dei, non adoptiuus filius. Ac præclare D. Augustinus: *Ad ipsam, inquit, salutem ac æternam vitam nemo peruenit, nisi qui habet caput Christum; habere autem caput Christum nemo poterit, nisi qui in corpore eius fuerit, quod est Ecclesia.* Sed cum hæc res apud omnes sit in confessio, non est prolixius hoc loco cõfirmanda. Sed illud ad extremum, quod ad summam hanc Ecclesiæ prærogatiuam attinet, animaduertendum: non eos modò in Ecclesiæ corpore, vt salutem quidem assequi possint, hoc loco censeri, qui actu Baptismum susceperunt, sed etiam eos, qui illum habent in votis. Tales sunt Catechumeni. Qui, si in diuina quidem sint gratia; secundum meritum sanè dici solent ad Ecclesiam pertinere: licet non actu omnino secundum numerum, vti Doctores loqui consueuerunt.

VIII. PROPRIETAS.
Extra Ecclesiã non est salus.

1. Ep. c. 3.

Lib. 4. de symbolo, c. 10.

Hebr. 11.

Lib. de vnità.
Eccl. c. 16.

QUINAM HOMINVM COETVS SIT VERA Ecclesia, & ex quibus notis id discernendum sit.

HÆc cum ita sint, quæstio restat huius loci grauissima, quænam hominum congregatio sit illa, ex qua

Tit. 3.

1. Ioan. 2.

*Questionem de
vera Ecclesia
cuius hæretici
omnes refugiant.*

Lib. 4. instit.
cap. 10.

In episto. ad
Iubaian.

Lib. de vnit.
Eccl. contra
epist. Petil.
c. 2.

*Ex quibus notis
dignoscendum
sit, quæ sit vera
Ecclesia*

constat vera Ecclesia. Hoc enim cum constiterit, etiam constabit, apud quosnam sit verissimum atque infallibile de doctrina iudicium, quod non est (ut supra posuimus) nisi in vera Ecclesia. Item etiam inde perspicuum erit, qui sint hæretici, secundum præceptum Apostolicum *deuitandi*, quorum videlicet proprium est *ex Ecclesia exiisse*. Quæ causa est, ut, quoniam nulli vnquam hæretici pro hæreticis agnosci voluerunt, inuisa illis omnibus hæc quæstio fuerit, sicut iam est maximè vniuersis Sectariis. Eos enim, ne deuicti videantur, hæc controuersia compellit, causam ex desperatione quadam, ut mihi persuadeo, suscipere, quam sentiunt ipsi parum esse probabilem; nimirum ut doceant, se cum à Christi Ecclesia *semetipsos segregauerint*, tamen de Ecclesia Christi non esse egressos, imò se solos esse Christi Ecclesiam. Nam cum sint soli & singulares in ratione doctrine, necesse est, ut demonstrent, se solos Ecclesiam esse, si nobis persuasuri sunt, omnino se esse in Ecclesia. Hoc etiam frustra egisse veteres hæreticos annotauit Lactantius: *Singuli, inquit, hæreticorum cætus se potissimum esse Christianos, & apud se veram Ecclesiam esse contendunt*. Item beatus Cyprianus: *Nonatianus, inquit, Simiarum more, quæ cum homines non sint, homines tamen imitantur; Ecclesiæ auctoritatem sibi vendicauit. Et cum in Ecclesia non esset, sed Ecclesiæ rebellis, reliquos hæreticos faciens, apud se Ecclesiam esse præsumpsit*. Ideo etiam D. Augustinus hac ipsa de re cum suis & Ecclesiæ aduersariis Donatistis acerrimè pugnavit. De hoc, inquit, *inter nos quæstio versatur, utrum apud nos, an apud illos vera Ecclesia sit*. Determinanda nunc est igitur & nobis Ecclesia Christi vera.

¶ Sed importunitas atque etiam astutia quædam Sectariorum nos cogit, ut prius indicemus, ex quibus quasi
notis

notis idipsum discerni. debeat, nempe quæ sit Ecclesia vera. Nam postquam hanc illi de vera Ecclesia quæstionem omnino defugere (quod maximè vellent) non possunt: Saltem facere student, vt nunquam illa finiri possit: dum notas Ecclesiæ constituunt vsq; ad eò non notas, vt multò magis in iis cognoscendis laborandum sit, quàm in ea ipsa vera Ecclesia, quæ quæritur, inuenienda. Has notas ferè dicunt, duas coniunctim esse: Veritatem doctrinæ fidei secundum sacram Scripturam; & legitimum usum Sacramentorum; qui tamen ipse ex doctrina etiam diiudicari debet. Ita cum ad iudicandum quis hominum coetus sit Ecclesia, prius constitui velint, quinam teneant veram doctrinam; consecuturos hac calliditate se putant, vt quæstione proposita de vera Ecclesia; nunquam tamen ad eiusmodi quæstionem propius accedatur, sed de veritate solùm doctrinæ quæstio sit primò infinita. Atque etiam isto modo subdolè id agunt, vt ne in quæstionibus de doctrina ipsis vnquam opponi possit Ecclesiæ veræ auctoritas, cum constare prius de hac nolint, quàm fuerit de veritate doctrinæ constitutum. Qua ratione laxissimum isti sibi faciunt ad pertinaciam locum. Nam cum difficilis per se (vt suprà docuimus) atque obscura disputatio de veritate doctrinæ sit; quis erit finis contendendi, nisi auctoritas Ecclesiæ aliunde cognita, tanquam iudex in doctrinæ quæstionibus interponatur? *Facillimè enim ad imagines phantasmatum suorum, vt præclare inquit D. Augustinus, carnales atq; seductores hæretici conuertunt omnia Sacramenta & verba librorum sanctorum.* Ergo nostri Sectarij à veteribus quidem hæreticis, quorum pertinaciam imitati sunt, hunc etiam astum didicerunt, vt Ecclesiæ veræ notas esse velint doctrinam & Sacramenta. *Omnes enim seductores, vt D. Augustinus eodem in*

*Nota Ecclesia
ab hæreticis af-
signata,*

*Fram Sectario-
rum in assigna-
dis Ecclesia no-
ta.*

NOTA.

*Lib. 3. de Ba-
ptismo contra
Donat. c. 19.*

loco

loconotauit, non aliter populos fefellerunt, nisi prae textu Sacramentorum & Scripturarum, qua tenent, inquit, ad speciem, non ad salutem.

*REFVTANTVR EVIDENTER ECCLESIAE
nota quas Sectarij assignant.*

NOs autem fatemur, neque veritate doctrinae, neque legitimo Sacramentorum vsu Ecclesiam Christicariere posse; & apud quos haec omnino sint salua, ex iis constare veram Ecclesiam. Sed negamus tamen, veritatem doctrinae & legitimum Sacramentorum vsu idoneas notas esse discernendae Ecclesiae. Id probamus hoc modo.

Veritatem doctrinae & legitimum Sacramentorum vsu non esse notas Ecclesiae, quomodo demonstrandum.

Quod neq; vniuersae doctrinae fidei, neq; singulariter alicui parti illius, conuenit; id minimè conuenit doctrinae fidei. Sed neq; vniuersae doctrinae fidei, neq; verò alicui parti singulari illius, etiam accedente legitimo Sacramentorum vsu, conuenit, vt sit sufficiens Ecclesiae discernendae nota. Non est igitur Ecclesiae sufficiens nota fidei doctrina, etiam cum legitimo Sacramentorum vsu. Huius argumentationis partes cum confirmatae fuerint; locus omnino tergiuersandi praecludetur Sectariis. Quod enim dicunt, veram doctrinam fidei esse notam Ecclesiae, necesse est intelligant vel de doctrinae aliqua singulari parte (voco autem hinc doctrinae partem, quidquid dogmatum non sit tota ipsa atq; integra summa doctrinae) vel de doctrina vniuersa, secundum omnem sui partem. Nam ne fingi quidem aliquid tertium potest: vt scilicet doctrinae tribuatur aliquid, neq; tamen tribuatur ipsi vel secundum se totam, vel non secundum se totam, id est, secundum partem.

Veritatem doctrinae non posse secundum al-

Et non esse quidem Ecclesiae notam, fidei doctrinam, secundum aliquam tantum sui partem, probatur evidenti-

dentissimè huiusmodi argumento. Si quid esse possit Ecclesiæ veræ commune cum hæreticis: id non est per se sufficiens nota seu symbolum veræ Ecclesiæ. Potest autem quæuis doctrinæ pars (vnà cum recto Sacramentorum vsu) communis esse Ecclesiæ veræ cum hæreticis, id est, cum iis, qui sine controuersia sunt extra Ecclesiam. Quare nulla doctrinæ pars potest ipsa per se, etiam cum Sacramentorum vsu, sufficiens atq; certa esse nota Ecclesiæ. Id confirmatur. Quoniam ex Scriptura diuina supra ostendimus, hæreticos eos esse, qui vel vnicam fidei sententiam pertinaciter inficiantur. Potest autem euenire, vt retenta quauis singulari parte doctrinæ, & vsu etiam legitimo Sacramentorum, negetur tamen hæreticè atq; pertinaciter vna quædam alia vel altera fidei sententia. Ita fit, vt quæuis doctrinæ pars & vsus Sacramentorum legitimus, possit esse communis Ecclesiæ veræ cum aliquibus hæreticis. Ex quo efficitur, vti conclusimus, non esse id certum ac proprium symbolum veræ Ecclesiæ.

*quam tantum
sua partem po-
ni Ecclesiæ no-
tam.*

Parte II.

Quocirca plenissima vanitatis opinio est quorundam Sectariorum, qui Sectarios alios, quantumvis de maximis hodie rebus à se dissidentes, ab Ecclesia vera, in qua se falsò esse putant, propterea exclusos esse non volunt, quoniam teneant illi, vt isti loquuntur, fidei nescio quod fundamentum, etsi fidei repugnent alioquin nonnullis quasi secundariis rebus. Credo autem (non enim satis ipsi se declarant) hoc fundamentum continere intelligunt ea doctrinæ dogmata, in quibus communiter illi omnes conspirant aduersus Ecclesiam Catholicam. Vt, non comparari (scilicet) ipsis bonis operibus vitam æternam: Fas nobis non esse, quidquam boni ad obsequium Dei vltro facere, præter id quod lege iubeamur:

*Refellitur eorū
seguentium, qui
dicunt Sectarios
hodie omnes
tenere fidei fun-
damentū ideoque
in Ecclesia
esse.*

*Quodnam sit
fundamentum
fidei Sectario-
rum.*

Id si faciamus, idololatriam à nobis committi: Omnia, etiam iustorum, opera, quantumuis bona, esse per se horribilia peccata damnatione digna: Per Christi gratiam non prorsus peccata tolli: Vota castitatis & paupertatis Euangelicæ non esse necessariò seruanda: Et cætera huiusmodi nefaria placita, in quibus arx istorum perfidiæ, tanquam in fundamento est constituta. Sed utcumque nobis istud fundamentum interpretentur, certè statuunt illud non in doctrina fidei vniuersa, sed in aliqua tantùm parte doctrinæ, quæ sit ipsis quasi præcipua. Nam si fundamentum hoc illis esset tota fidei doctrina, non sanè concederent, eos etiam, qui contra doctrinam fidei in aliquibus rebus sentiunt, retinere tamen illud fundamentum, & ob id, ut dicunt, esse in Ecclesia. Atqui iam probatum est, nullam doctrinæ partem sufficere, ut non sishæreticus extra Ecclesiam, si præterea quid aliud pertinaciter contra doctrinam fidei sentias. Quare nec illud istorum, qualecunq; sit, fundamentum sufficiet: cum illud esse ponant partem tantùm doctrinæ.

Accedit quod sanctus Apostolus non fidei aliquam partem, sed ipsam fidem vniuersam nobis descripsit atq; commendauit, cum eam asseruit esse *sperandarum rerum*, id est, salutis nostræ, quasi basim atq; fundamentum. Hoc illud *fundamētum* est, quod ad Ecclesiæ structuram est initio diuinitus *positum*, præter quod nemo potest aliud ponere, ^a *quod est Christus Iesus*, per fidem nimirum nulla ex parte falsam aut fictam, sed vndequaq; integram atq; absolutam & viuam, inhabitans in cordibus nostris. Ab huiusmodi igitur firmissimo fundamento, si vel secundum minimam eius partem quis decidat, etiamsi in aliis doctrinæ partibus persistat, omnium fiet reus (ut D. Iacobus de transgressore legis loquitur) excidetq; hoc ipso à fidei at-

quæ

Hebr. 11.
Fundamētum,
quod oportet
tenere,
Christianā fidem,
ex omni parte integrā,
esse
1. Corint. 3.

que adedò etiam ab Ecclesiæ vnitate. Quam rem præclarè, vt omnia, sancti Patres, Gregor. ^a Nazianzenus, ^b Hieronymus, ^c Basilius, ^d Augustinus, ^e Athanasius, intellexerunt, quorum hæc de reclarissima testimonia superiùs à nobis recitata sunt. Concludo ex iis igitur, nullam doctrinæ singularem partem (quod fuit mihi probandum) certam esse notam veræ Ecclesiæ: siquidem quamlibet teneas doctrinæ partem, aut fundamentum; hæreticus esse potes, si quacunq; alia in parte pertinaciter fidei refrageris. Atque hoc ita esse, ipse etiam Sectariorum omnium pater Lutherus (vt cæterorum erga se mutuo conuitia omittam) apertè confessus est. Quamuis enim Zuingliani & alij Sacramentarij in doctrinæ multis capitibus, & vt hodie quidam istorum loquuntur, in fundamento (perfidix) cum Lutheranis consentiunt: tamen quia nō per omnia cum iis sunt concordēs, ita scriptum reliquit Lutherus: *Hæreticos, inquit, seriò censemus & alienos ab Ecclesia Dei esse Zuinglianos & Sacramentarios omnes.* Tum etiam Petrus Martyr, non ignobilis Sacramentarius: *Improbamus, inquit, nouam quorundam opinionem, qui affirmant, de controuersia Sacramentaria quemlibet posse absq; fidei atq; salutis periculo, quam velit, amplecti sententiam.* Vel ipsorum igitur Sectariorum testimonio constat, vnicum etiam in fide errorem, si pertinacia accesserit, obstare, quominus salutem aliquis rāquam Ecclesiæ membrum adipiscatur, atque adedò nullam singularem partem doctrinæ, sufficientem ac propriam notam esse Ecclesiæ dignoscendæ.

Deinceps probo, neque eiusmodi notam esse doctrinam fidei vniuersam, id est, omni ex parte incorruptam: id quod etiam in argumētatione nostra paulò antè sumpsimus, vt euinceremus, veritatem doctrinæ fidei nullo

^a In tract. de fide, Ruffino interprete.

^b Lib. 3. Apolog. contra Ruffin.

^c Apud Theodoret. li. 4. hist. Ecclesiast.

cap. 17.

^d Lib. 18. de ciuit. Dei, c. 56.

^e In symbol. fidei.

Tom. 7. operū Luth. in defens. verbor. cœnæ.

Sectarij se vicissim hæreticos damnant, licet conueniant in suo fundamento.

In præfat. libri contra Steph. Vintonienl.

Neq; vniuersam doctrinam fidei vniuersam esse Ecclesiānotam, probatur euidentibus argumentis.

modo, sicut Sæctarij contendunt, proprium atque sufficiens symbolum esse ad dignoscendam Christi Ecclesiam. Id verò cum multis argumentis ostendi possit, ego tantum subiungam, quæ mihi maxima clarissimaque videntur.

PROBATIO. PRIMÒ. Nota sufficiens ac propria ad dignoscendam Ecclesiam omnino necesse est, ut sit omni hominum generi atque conditioni accommodata. Omnes enim, ut ex Scriptura sacra planissimum est, ad Ecclesiam diuinitus euocantur, neque ullus est, qui non diuina lege debeat, atque adeò qui non etiam prudenter possit vel ad eam aggregare se, si est extra, vel in ea permanere constanter, si ipsius iam est membrum. Quam ad rem procul dubio opus est, ut propriam atque sufficientem Ecclesiæ dignoscendæ notam omnes possint dispicere, quò inter veram Ecclesiam Christi & hæreticorum aliorumque infidelium cœtus discernere valeant. At vniuersa fidei doctrina minimè quidē eiusmodi nota est, quæ omnium hominum conditioni, id est, ad omnium captum, sit accommodata. Non est igitur ipsa idonea atque propria Ecclesiæ dignoscendæ nota. Quid enim? An in Ecclesia Christi *omnes sunt* aut etiam esse possunt, oculi, qui veritatis lumen in omnibus doctrinæ partibus ipsi peruideant? Anne omnes Doctores? Non certè. *Sed quosdam*, inquit, *dedisti Doctores*. Neque quisquam omnino potest satis prudenter de doctrinæ ipsius veritate in tam multis quæstionibus hodie controuersis iudicium ferre, nisi errore penitus animaduerso contrariorum argumentorum sciuerit quemadmodum fides saluberrima, quæ ad beatitudinem ducit, defendatur? Atqui *hac scientia*, inquit verissimè D. Augustinus, *non pollent fideles plurimi, quamuis polleant ipsa fide plurimum*. Aliud enim, inquit, est, *scire tantummodo quid homo*

1. Corinth. 12.

Ephes. 4.

Lib. 14. de Trinitate. cap. 1.

homo credere debeat, propter adipiscendam vitam aternam: aliud autem, quemadmodum hoc ipsum & piis opituletur, & contra impios defendatur: quam proprio appellare vocabulo scientiam videtur Apostolus.

Quid quod benè cum ipsis etiam huius scientiæ Doctõribus agitur, si non aliqua in parte doctrinæ hallucinantur, à veritateque aberrant? Quod si illis tamen quandoque id accidit, qui professione Doctores aut certè Theologi sunt, & vitam in sacræ doctrinæ studio consumpserunt, quis tam demens est, vt omnibus hominum ordinibus, id est, rudibus etiam, illiteratis, agricolis, opificibus & id genus, tantum cognitionis atque intelligentiæ tribuat, vt eos censeat vniuersam fidei doctrinā non aliorum tantum auctoritate commotos veram esse sibi persuadere possẽ, sed intelligere quoque & diiudicare ac videre in omnibus illam suis partibus esse veram? Cogitet tantum hinc Lector, ea doctrinæ capita, de quibus hodie Sectarij partim nobiscum, partim etiam inter se contendunt: Nempe de originis peccato, de iustificatione hominis, de operibus, de cultu, de Sacramentis, de quæ aliis omnibus locis hodie controuersis, qui continent porro singuli varias admodum atque multiplices fidei quæstiones. Profectò desipiat, qui à vulgo putet lucem ipsam veritatis in his omnibus doctrinæ partibus controuersis discerni ipsam per se satis atque videri posse. Et tamen non dubium est, quin aliæ etiam sint ac esse possint innumerabiles de fide quæstiones, cum pateat vniuersa doctrina fidei multò latius quàm illi loci qui sunt his temporibus controuersi.

Ac sanè mihi venit in mentem hoc loco admirari vehementer, cur non timeant Sectarij futurum, vt illicò populi, quos seduxerunt, deceptos se esse animaduertant,

*Cuiusmodi ratiocinatione possit vir qui-
nus prudens à
Sectariis dece-
ptus, euidenter
cognoscere se
planè deceptū
ab illis esse.*

cū ab illis audiunt, veritatē incorruptam doctrinæ, de capitibus controuersis, notam esse propriam & quasi tesseram, cuius indicio necesse sit ad Ecclesiam se adiungere eos, qui prudenter salutē suæ voluerint esse consultum. Ratiocinabitur enim hīc secum facillimē homo Lutheranus vel Sacramentarius illiteratus, seu Princeps ille sit, seu nobilis, seu mercator, seu aliquis opifex, seu etiam rusticus, in hunc modum: Qui consultē ac prudenter in Ecclesia Christi sunt, ij notitia veræ doctrinæ de locis cōtrouersis ad Ecclesiam sunt adducti; vti me docent mei Prædicantes. At ego mihi euidenter conscius sum, non intelligere me, neq; satis diiudicare ac videre ipsam fidei veritatem, in illis omnibus doctrinæ partibus; non enim studui literis, neque Theologus sum, neque adeo res ipsas (licet nomina quidem audiam) ita mente comprehendo, vt ad iudicandum de veritate doctrinæ controuersæ oporteret: non, inquam, comprehendo satis; quid omnino sit peccatum naturæ, siue originis, quid redemptio generis humani, quid vnio personalis duarum naturarum in Christo, quid transsubstantiatio, quid s s s circumscriptum vel incircumscriptum corporis Christi, quid iustificatio formalis, quid opus operatum, quid meritum, aliaque sexcenta, de quibus hodie maxima contentione disceptatur. Sed neque disputationes & argumenta dissentientium partium conferre atque momenti suis ponderare mihi facillē est, vt necesse haberem ad iudicandum in tot controuersis, de veritate ipsa doctrinæ. Non igitur ego sum consultē atque prudenter in Christi Ecclesia. Sed aut sum extra illam, aut sum in ea non nisi temerē, nempe motus humana auctoritate (sicut in rei veritate sum) meorum Prædicantium, quos puto, licet ipse non intelligam, habere veram ac consentaneam

taneam Scripturæ sacræ doctrinam. Quod si ita est, certè decipiunt me, cùm eiusmodi viam ad Ecclesiam, nempe cognitionem veræ doctrinæ, mihi ostendunt, per quam sum mihi sat conscius, & ipsi etiam sciunt, incedere me non posse. Hic quomodo, quæso, expedient se Prædicantes?

SECVNDÒ. Non modò, vt dictum est, omnibus facilis ad cognoscendum esse debet nota ipsa Ecclesiæ, sed cognitu etiam faciliior, quàm id ipsum quod quæritur, nempe vtrum hic aut ille cœtus hominum vera sit Ecclesia. Idèd enim alicuius rei notam appellamus, quod facilius ipsa in hominum notitiam incurrat, atque adèd perspicuum indicium sit rei magis abditæ, quàm inquirimus. At omnium iudicio æquè difficile, imò difficilior esse putatur, statuere, vtrum homines hi vel illi complectantur sanam omnino doctrinam, quàm vtrum ex his aut illis vera Christi Ecclesia, in Scripturis sanctis descripta, constet? Quare sana atque incorrupta omnino fidei doctrina non potest idonea esse nota dignoscendæ Ecclesiæ. Nam, si Ecclesiam ex aliquo alio indicio cognoscere, facilius quàm ipsam per se doctrinæ veritatem intelligere, non esset, non ipsa tanquam magistra & custos ipsius veritatis omnibus ac præsertim cognitione paruulis proponeretur, vt illi tanquam firmamento & columnæ innitentes non circumferantur omni vento doctrinæ. Quod præclarè intelligens D. Augustinus Cathecumenum de ratione cauendo doctrinæ errores his verbis non frustra interrogantem alicubi facit: *Quo ergo, inquit, signo manifesto adhuc paruulus & nondum valens liquidam à tot erroribus discernere veritatem; quo manifesto indicio tenebo Ecclesiam Christi, in quem iam credere tanta rerum antea prædictarum manifestatione compellor?* Hic certè minimè dubium

PROBATIO
II.

Veritatem doctrinæ difficultiorem cognoscere, quàm Ecclesiam.

Lib. 13. contra
Faust. cap. 13.

NOTA.

dubium est, quin Augustinus persuasus fuerit, facilius à rudi Cathecumeno, quæ sit Ecclesia Christi, in qua doctrinæ errores debeant vitari, cognosci posse, quàm ipsam per se liquidam veritatem à tot erroribus segregatam.

Catechizandi ratio ab Augustino ostensa, quàm differat à modo quo alius quis erudendus de fide esset, secundum Sectarios.

Itaque longè aliud Cathecumeno. sic percontanti Augustinus respondit, quàm opinione Sectariorum debuisset respondere. Interroganti enim Christiano Cathecumeno, *quo manifesto indicio* (vt. Augustinus inquit) ad euitandum errores *Ecclesiam possit tenere*, cùm alioqui paruulus ipse non valeat *liquidam veritatem discernere à tot erroribus*, respondendum Sectarij putant, non alio indicio Ecclesiam ab eo esse dignoscendam, nisi illo ipso quod se non posse discernere verissimè ille asseuerat; nempe liquida, neque vllis erroribus contaminata, doctrinæ veritate. Augustinus verò id responsum, quoniam est stultissimum, Cathecumeno dandum non censuit: Sed ex Propheta Hieremia ei respondet, *Ecclesiam Christi ipsam esse prædictam, qua omnibus eminet & apparet. Ipsa est enim* (vt ait Propheta) *sedes gloria: de qua Apostolus dicit: Templum enim Dei quod estis vos. Vnde iste Propheta dicit: Sedes autem gloriæ exaltata est.* Sed quemadmodum ex claritate, & aliis (eiusdem Augustini quoque sententia) manifestis indiciis Ecclesia dignosci possit, postea dicemus. Nunc non eam esse notam Ecclesiæ, quam Sectarij volunt, scilicet doctrinæ veritatem, ea ratione probamus, quia non est notior hominibus, quàm ipsa Ecclesia.

Antonius Sa-deelin refutatione Thesiū Posuaniensiu, de Ecclesia. Ecclesia notam non solum se, quòdum se, sed

Cui argumento non satis fecit nuper quidam Sectarius, cùm respondit indoctè, vt doctrinæ veritas sit Ecclesiæ nota, satis esse quòd natura sua sit notior quàm Ecclesia, et si non sit eà notior secundum nos. Hoc imperitissimè dici nemo dubitare poterit, qui rationem teneat Notioris secundum naturam, & item Notioris secundum nos.

Natura.

Natura enim notius id dicimus, quod habet in se plus rei atque perfectionis. Nam cum intelligentia nostra, in re ipsa atque rei perfectione perspicienda versetur, illud, naturam quidem suam, notius seu magis cognoscibile est, quod naturam plus habet perfectionis intelligibilis. Notius autem secundum nos illud dicitur, quod spectata nostrae intelligentiae imbecillitate, humanaeque conditione, facilius a nobis cognosci potest. Vnde fit, ut quia rebus perfectissimis perspicendis, ob exiguum mentis nostrae lumen, impares sumus; illa secundum nos minus nota sint, quae sunt notissima sua natura. Quod appositè Philosophus declaravit, ubi breuiter dixit: ita se habere intellectum nostrum ad ea, quae sunt manifestissima natura, ut oculus noctuae se habet ad lumen solis: quod etsi natura sua maximè omnium visibile sit, à noctua tamen vix videri potest. Iam verò cum rei notam appellemus non id, quod in se plus habet unde cognosci possit, sed quod nobis in primis ad rem obscuriorem facilius ex nostra parte cognoscendam adiumento est; profectò non est satis, ut rei nota sit notior naturam suam, sed oportet, ut in primis nobis ipsis, seu secundum nos, sit notior. Quare si doctrinae veritas non secundum nos, ut isti fatentur, sed naturam tantum notior quam Ecclesia est; nequaquam Ecclesiae nota esse ipsa potest. Si enim, naturae atque intelligentiae nostrae modo & conditione spectata, notior nobis ad cognoscendum veritas doctrinae non sit, ut eius tanquam lumine, in videndo ubi sit Ecclesia, iuuemur; quid, obsecro, nobis ad Ecclesiae cognitionem ea nota valebit? Non plus certè (ut exemplum vrgeam Aristotelis) quam lumen solis ad cernendum adiuuat oculos noctuae. Verum hi homines lynces in Scripturis videri volunt; cum tamen repudiata Ecclesiae luce, quae ad intelligentiam Scri-

*etiam secundum
nos debere esse
notiorem quam
Ecclesiam: Et
quid sibi velint
ea vocabula.*

Lib. 2. Meta-
phys. cap. 1.
textu 1.

pturarum necessaria est, vix tantum in illis videant quantum noctuæ & vespertiliones in lumine Solis.

PROBATIO
III.

*Similitudine
obediunt quàm
sint inepti Se-
ctarij quod ve-
ritatem assigna-
ment pro nota
Ecclesiæ.*

TERTIO. Valdè absurdum est, illud assignare pro sufficienti rei alicuius nota, quod ipsum tamē tanquam abditum atque obscurum, vnā cum ipsa re vel maxime inquiritur. Exempli causa, si quæram, in quonam loco Germaniæ cœlum sit salubre: ineptè atque etiam ridiculè respondebis, si tantum modo dicas, in eo loco salubre esse cœlum, vbi rarissimum est, vt homines propter aëris intemperiem ægrotent. Id enim ipsum est quod quæro, cuius proinde necesse est, vt aliquā aliam notam habeam. Sic, cū quærimus, quisnam hominum cœtus sit Ecclesiæ; certè etiam inprimis quærimus, quis hominum cœtus incorruptam teneat doctrinæ fidei veritatem: vt si ad eum nos aggregemus, de veritate securi sumus. Videmus enim veritatem omnes sibi Sectarios summa contentione arrogare; ideoque cū audimus Ecclesiā esse *firmamentum & columnam veritatis*, & ea de re præclaras habere à Deo promissiones, quæ nequeunt fallere; Ecclesiā inquirimus, vt in illa quoque certò inueniamus doctrinæ veritatem. Item scimus, doctrinæ fidei veritatem ad ipsam Ecclesiæ substantiam (vt suprā quoque notauimus) pertinere: Describitur enim Ecclesiā esse congregatio verè fidelium, id est, eorum qui fidei doctrinam inuiolatam tenent. Hinc autem necessario etiam efficitur, vt si cum iudicio, quinam cœtus Ecclesiā sit, inquirimus; inprimis etiam quæramus, apud quosnam sit incorrupta doctrinæ fidei veritas? Quare respondere hîc, eum cœtum hominum Ecclesiā esse, qui fidei veritatem tenet; minimè satis erit.

Exemplo declaratur quid sit illa Sectariorum

Quam ad rem declarandam (quoniam vel hoc vnum argumentum satis Sectariorum cæcitatem redarguit)

vtar

vtar altero exemplo ex hac ipsa quæstione sumpto. Quæro enim à Sectariis, vtrum non sentiant, illam quoque, non minus certo quàm constantiam in veritate doctrinæ, esse Ecclesiæ prærogatiuam, quòd extra ipsam videlicet nemini contingat æterna salus? Opinor in ea re Apostolo Petro non repugnabunt, qui ob eam causam Ecclesiam cum arca Noe comparauit. Neque etiam reiciient peruulgatum illud dictum Augustini atque aliorum Patrum: *Non potest Deum in cælis habere patrem, qui non habuerit Ecclesiam in terris matrem.* Rursus ab eis interrogo, num percontanti, quis hominum cœtus sit vera Ecclesia; satis fuerit respondere, eum hominum cœtum veram Ecclesiam esse, extra quem nemini vnquam contingit salus? Negabunt procul dubio satis esse. Quam ob rem verò? Quia nimirum hoc ipsum vel maximè quis quærit, cum de Ecclesia quærit; in quonam videlicet hominum cœtu, tanquam in vera Christi Ecclesia, sit certa salutis spes, vt ad eum tanquam ad arcam in diluuiio sese recipiant. Quare alia nota ipsis opus est, ex qua vtrumque intelligant, scilicet & aliquem hominum cœtum esse veram Ecclesiam, & in eo solo proinde posse sperari salutem. Iam verò cum, vt dictum est, pari modo doctrinæ veritatem, qui de Ecclesia inquirunt, vnà cum Ecclesia, imò in ipsa substantia Ecclesiæ quærant, profectò non rectius iis respõdebitur, Ecclesiam esse eum cœtum hominum, qui veritatem tenet doctrinæ, quàm si respondeas eum cœtum esse Ecclesiam, in quo solo est certa salutis spes. Nam (quod sæpe repetendum est) veritatem inuenire cupimus, cum Ecclesiam indagamus, in cuiusq; quasi gremio contineri volumus. *In ventre enim Ecclesia,* inquit elegantissimè D. Augustinus, *veritas manet. Quisquis ab hoc ventre separatus fuerit, necesse est, vt falsa loquatur. Necesse est,*

consequenter imperita: Veritas doctrina est ab Ecclesia inseparabilis; ergo ipsa est nota Ecclesia.
1. Pet. 3.

Lib. 4. de Symbolo, cap. 10.

NOTA.

In Psalm. 57.

inquam, ut falsa loquatur, quisquis aut concipi noluit, aut quem conceptum mater excussit. Sic Augustinus, qui maximè certè hac oratione argumentum nostrum confirmat.

*Ita Sadeel in
refutat. Theſ.
Poſſanien.*

*Ex eo quod Ge-
ritas doctrina
ſit de eſſentia
Eccleſia, porro
colligere Secta-
rij deberent, nō
eam eſſe notam
Eccleſia.*

*Nota rei alcu-
ius, nec eſſe eſt
ſi ſit eſſe quæſi
accidens.*

*Non poſſe rem
ex ſola ſpſius
ſubſtantia da-
gnoſci, exemplo
confirmatur.*

Ex quo planè intelligitur, craſſiſſimam eſſe quorun-
dam Sectariorum ignorantiam, cùm nunc garriunt, ideò
Eccleſiam ex veritate doctrinæ dignoſci oportere, quia
doctrinæ veritas ſit illi intima & ſubſtantialis. At qui inde
porius perſpicere iſti deberent, doctrinæ veritatem non
eſſe idoneam ac ſufficientem Eccleſiæ notam, ſiquidem
ipſa etiam in Eccleſiæ ſubſtantia, & tanquam in eius ven-
tre (ut loquitur Auguſtinus) abdita, ſimul quæritur ab
iis, qui inquirent Eccleſiam. Ideò enim aliis notis opus
omnino eſt, quæ eam ſubſtantiaæ rationem in vera Eccle-
ſia nobis demonſtrent. Tales autem notæ, ut paulò poſt
oſtendemus, ſunt Eccleſiæ quædam manifeſta acciden-
tia. Quæ tantum abeſt, ut quia accidentia Eccleſiæ ſunt,
ideò eſſe nequeant (ſicut imperitè iſti ratiocinantur) Ec-
cleſiæ notæ, ut vel eo nomine maximè illis notæ ratio
conueniat. Sunt enim ferè accidentia rei ipſa re clariora,
faciliuſque in hominum cognitionem incurrunt. Quæ
ratio eſt, cur etiam Philoſophus in vniuerſum veriſſimè
ſenſerit, vniuſcuiuſque rei accidentia ad ipſius eſſentiam
ſiue ſubſtantiam cognoscendam conferre. Quod ſi nec-
dum hoc ſibi perſuadent Sectarij, ſed doctrinæ veritatem
eo ipſo, quod Eccleſiæ ſubſtantiaæ ratio eſt, ſufficientem
Eccleſiæ notam eſſe putant; obſecro, mihi dicant, ſi Deus
talem aliquam naturam indiuiduam hominis conſerua-
ret, in qua nec humana figura, neque hominis vlla opera-
tio, neque aliquod omnino humanum accidens, præter
humanam ſubſtantiam eſſet, quod percipi poſſet: dicant,
inquam, vtrum ex ſola ſubſtantiaæ hominis definitione
(nempe animal rationale) quæ nihilominus illi naturæ

tunc

tunc conueniret, posset omnino aliquis hominum deprehendere, naturam hominis illam esse? Nullus profecto, nisi Deus vel Angelus, id cognoscere posset. Sunt enim nobis essentia ipsa per se rerum obscura & abditæ; neque ad eas intelligentia nostra nisi per accidentia penetrare villo modo potest. Quocirca doctrina veritas non eo ipso, quod essentia seu ratio Ecclesiæ sit, sufficiens est Ecclesiæ nota: sed ut aliarum rerum, sic etiam Ecclesiæ accidentibus quibusdam ratio notæ competit.

QUARTO. Vniuersa fidei doctrina incorrupta atque integra non potest esse necessaria & idonea nota eius rei, quæ vna quædam pars est doctrinae fidei. Effet enim tunc, secundum eam quidem partem, nota sui ipsius: & sic seipsa quoad eam quidem partem deberet esse magis & minus, prius & posterius nota, quod est planè absurdum. At vna quædam fidei doctrinae pars est, quod ille coetus hominum sit vera Ecclesia, quæ reuera est. Non est igitur vniuersa fidei doctrina eius rei dignoscendæ necessaria atque idonea nota. Sed neque fidei doctrina tota, hoc vno excepto fidei dogmate (nempe illum coetum esse veram Ecclesiam, quæ ipsa est) pro idonea Ecclesiæ nota, assignari potest. Fac enim aliquem hominum coetum de omnibus aliis fidei dogmatibus rectè sentire, & in illo solo articulo fidei errare: Credo sanctam Ecclesiam Catholicam: certè vel ob hunc solum errorem coetus ille non vera Ecclesia fidelium, sed Synagoga esset hæreticorum. Ita sit, ut ne ex veritate quidem doctrinae in reliquis omnibus fidei partibus, tãquam ex certa & sufficienti nota, statui possit, aliquem determinatè coetum esse veram Ecclesiam. Quanquam iam quidem, secundum partitionem, quam supra fecimus, probationis nostræ contra Sectariorum notas, in primis illud confirmamus, vni-

PROBATIO
IIII.

Absurdum consequens, si doctrina veritas vniuersa ponatur Ecclesia nota.

uerſam omnino fidei doctrinam non eſſe idoneam no-
tam Eccleſiæ. Quod autem neq; ſit ſecundum aliqua do-
gmata (quæcunq; illa fuerint) antea quoque eſt à nobis
probatum.

PROBATIO
V.

QUINTO. Neq; veriſimilis, neq; diuinæ erga homines
prouidentię conſentanea reſ eſt, vt inde dignoſce-
re atq; diſcernere oporteat Eccleſiam, quod, eſi falſo
quidem, tamen ſumma cum facilitate ſinguli quiq; hære-
ticorum coetus ſibi arrogant. Imò verò ſi quid tale eſt,
id profeſſo non modò ſecundum Dei prouidentiam nõ
eſt conueniens Eccleſiæ nota, ſed ne nota quidem; cùm
adeò parum ipſum ſit notum, vt in eo falli atque errare
tam ſit omnibuſiis procliuẽ, qui in fidei rebus falluntur.

*Doctrina veri-
tatem aq̃ ſa-
cile omnes hæ-
reticos ſibi ar-
rogare, ac pro-
inde non eſſe
eam Eccle. no-
tam.*

At quàm facile vniuerſi hæretici de doctrinæ veritate, at-
que bono Sacramentorum vſu gloriantur, quis eſt qui
ignoret? Certè & videmus id non abſque dolore ipſi in o-
mnibuſhuius ætatis Sæculariis (quod ne ipſi quidem diffi-
teri poſſunt) & de hæreticis ſimiliter temporum ſuperio-
rum idem cognoſcimus ſanctorum Patrum testimoniis.

Lib 3. de bapt.

*Facillimè enim, inquit Auguſtinus, ad imagines phantaſma-
tum ſuorum carnales atq; ſeduc̃tores hæretici conuertunt omnia
Sacramenta & verba librorum ſanctorum.* Quod idem aliis
verbis beatus ^a Irenæus & ^b Tertullianus teſtatum reli-
querunt.

^a Lib. 1. aduer-
ſus hæreſ. c. 1.
^b Tertull. lib.
de præſcrip.

At enim, inquiunt Aduerſarij, falſo ſibi hæretici ver-
bum Dei, id eſt, fidei doctrinam arrogant. Certè. Nam à
ſententiã & intelligentiã ipſa, in qua verbum Dei propriè
conſiſtit, aberrant, tantumq; Scripturæ ſacræ literis, tan-
quam melle, oblitum venenum opinionum ſuarum pro
cœleſtis doctrinæ ſucco venditant populis, quos miſerè
decipiunt. Sed quia tam facile eſt vniuerſis hæreticis do-
ctrinam veram falſo ſibi arrogare, & eiufmodi prætextu

Eccle-

Ecclesiam se esse cum multorum exitio persuadere: idè rectè cōcludimus, nō esse credibile, quāliā sint Dei beneficium clarissimæ notæ, quarum perceptione paruuli etiam ac simplices, qui non valent ipsi *liquidam* (vt ait Augustinus) *à tot erroribus discernere veritatem*, possint ad Ecclesiam Christi, tanquam ad salutis tutissimum portum, sese recipere. Quid enim, quæso, alioqui faciat seu rusticus, seu mercator, seu artifex, seu nobilis illiteratus, qui suæ salutis cupidissimus diligenter atq; sollicitè interrogat, apud quosnam Ecclesia sit, quorum cœtui aggregare se debeat? Obit eius rei causā Germaniam, & Galliam totam; interrogat Zuinglianos, Lutheranos, Hussitas, Anabaptistas, & harum omnium Sectarum quasunque factiones, in quas vnaquæq; rursus multipliciter varièq; diuiditur. Audit ab omnibus eiusmodi Sectariis pari contentione sibi dici, Ecclesiam Christi eam esse, quæ veritatem doctrinæ retinet, & rectum vsum Sacramentorum: Se autem omnino eos esse, qui veram doctrinam & Sacramentorum rectum vsum retineant: Proinde suum ipsorum cœtum esse Christi Ecclesiam, cui aggregare vnusquisq; se debeat. Hæsitat hîc animo miser ille; cū omnes eiusmodi Sectarios videat equè sibi auctoritatem Ecclesiæ vendicare, neq; ipse satis ex differentia doctrinæ (quæ pro nota ei proponitur) diiudicare valeat quinam potius ex illis sint vera Ecclesia. Quod si de peccato, de iustificatione, de meritis, de Sacramentis, de quæ aliis doctrinæ capitibus hodie controuersis explicare ipsi velis, quæ sententia sit verior: obsecro quid ipsum iuuas? An enim hominem illiteratum de iis rebus rectè iudicaturum arbitraris, quas vix Theologi, multorum annorum spatio, in Scholis discere poruerunt? Audiet verba, quæ proferes, & non nihil etiam fortassis intelliget: Sed

Non posse vulgares homines ab illis Sectariis discernere, quam sit vera Ecclesia: cū t. mē ad Christi Ecclesiam omnes aggregare se debeant.

nisi demens quoque & non tantum illiteratus eiusmodi homo sit, euidenter sibi conscius erit, se res illas (etiam quod attinet tantum ad ipsa puncta his temporibus controuersa, vt nihil de exactiori cognitione Theologicorum dogmatum dicamus) non ita certè intelligere, vt valeat ipse liquidam à tot erroribus discernere veritatem. Quid igitur talibus facias? Ad scholas ne omnes ducendi sunt, vt inde, cum intellexerint doctrinæ veritatem, deduci deum, eius notæ beneficio, ad veram Ecclesiam possint? Profectò fuisse crudele, & est adeò incredibile, Deum non per alias notas Ecclesiæ clariores minusq; fraudi hæreticorum expositas, voluisse hominum saluti consu-
lere.

PROBATIO
VI.

SEXTÒ. Maximum pondus in fidei controuersis, Ecclesiæ veræ auctoritatem habere, & eam idcirco rectissime ad reuincendos errores in eiusmodi quæstionibus interponi, extra omnem controuersiam est. At nec valeret Ecclesiæ auctoritas in eiusmodi quæstionibus aliquid, nec in illi iure interponi posset, si veritas doctrinæ fidei integra, atque incorrupta, esset nota necessaria ad dignoscendam Ecclesiam. Non ea igitur Ecclesiæ nota debet statui. Iam confirmo quæ sumpsi singula. Ac primum quod Ecclesiæ auctoritas in fidei quæstione valeat, interponiq; possit, ne ipsi quidem Sectarij negant. Nam etsi disputant perfidè, hanc Ecclesiæ auctoritatem non esse ipsam infallibilem, non iudicant tamen nullam esse; quin potius consentientur ad eam rem omnino valere, vt instituta per Ecclesiam diligenti inquisitione doctrinæ, diiudicentur atq; notentur errores & hæreticorum audacia comprimatur. Neq; enim (inquit è præcipuis Sectariis quidam) Ecclesia Dei, motis præsertim de religione controuersis talis cœtus est, vbi nulla fiat de contro-
uersis.

Kemnitius in
præfat. & ex-
amin. Concil.
Trid.

uersis talis coetus est, vbi nulla fiat de controuersis ex verbo Dei inquisitio, nulla sententiarum collatio, nulla dogmatum diiudicatio, sed quisque fingat, & præsumat sibi peculiarem, quam amplecti & tueri velit, sententiam. Sed idè Deus voluit esse communionem & consociationem, vt instituta de controuersis inquisitione doctiores in verbo Dei fundamenta veræ sententiæ aliis ita præmonstrarent, vt ipsi agnoscere possint, quæ sententia vt Orthodoxa sit amplectenda, quæ verò opiniones vt falsæ sint damnandæ; vt ita errantes in viam reuocentur.] Et habemus pro auctoritate, quæ est in Ecclesia iudicandi de rebus fidei (si maximè eam Sectarij nullo modo concederent) illustria Scripturæ sacræ; sanctorumque Patrum testimonia. Si enim *columna & firmamentum est ipsa veritatis*; cur non in quæstionibus de veritate ad confirmationem nostram audiri debeat, ne *omni circumferamur vento doctrina*? Si *diuina veritas*, vt testatus etiam est Dauid, *in Ecclesia est sanctorum*, & tanquam in eius ventre, vt Augustinus interpretatur, *delitescit*; nonne iure ac merito explicationem veritatis de ore ipso Ecclesiæ requiremus? Ibi est enim diuinitus *positum*, id est, ibi sonat ipsius Dei verbum: neq; tam ipsa est, quæ loquitur, quàm Spiritus ipse diuinus, qui *suggerit illi omnia*, quem proinde iudicem audimus, cum audimus Ecclesiam de fidei quæstionibus pronunciantem. Atque hoc ipsum etiam veteres Patres de Ecclesiæ auctoritate præclare intellèxerunt & testati sunt. Quam tanti fecit Diuus Augustinus, vt ne *Euangelio* ipsi quidem (quod caput est doctrinæ fidei) *crediturum* se fuisse dixerit, nisi haberet Ecclesiæ auctoritatem. Item Augustino antiquior D. Irenæus: *Non oportet*, inquit, *querere apud alios veritatem; quam facile est ab Ecclesia sumere, cum Apostoli, quasi depositorium diues, plenissimè in eam contulerint omnia quæ sunt veritatis, uti omnis, quicun-*

1. Tim. 3.

Ephes 4.

Psal. 88.

In Psal. 57.

Isai. 59.

Lib. contra e-
pist. fundam.
cap. 4.

Lib. 3. aduer-
sus hæres. 4.

que velit, sumat ex capotum vita. Hac est enim vita introitus: Omnes autem reliqui fures sunt & latrones: propter quod oportet denotare quidem illos: Quæ autem sunt Ecclesia, magna diligentia diligere, & apprehendere veritatis traditionem. Quid enim si aliquibus vel de modica questione disceptatio esset; nonne oporteret in antiquissimas recurrere Ecclesias, in quibus Apostoli conuersati sunt, & ab eis sumere quod certum & de reliquidum est? Item Tertullianus: Quid, inquit, Christus Apostolis reuelauerit, & hic præscribam non aliter probari debere, nisi per easdem Ecclesias, quas ipsi Apostoli condiderunt. Quod autem præterea in argumento sumpsimus: Si veritas doctrinæ fidei integra atque incorrupta, esset nota necessaria dignoscendi, quæ sit Apostolica, atque adeò vera Christi Ecclesia; nihil omnino in quæstionibus de doctrina fidei valere posse Ecclesiæ auctoritatem; id verò probo manifesta ratione. Nam si quis eam interpone- ret, illico tunc liceret obiicere; cum Ecclesia vera ex incorrupta prorsus doctrina dignoscenda sit, non antè cō- stare, vtrum cœtus ille hominum, cuius sententia & auctoritas allegatur, sit vera & Apostolica Ecclesia, quàm fuerit de illa ipsa sententia aliis argumentis constitutum vtrum vera sit: proinde cum adhuc ea de re disceptetur; minimè licere in aliquam eius quæstionis partem auctoritatem atque sententiam vllius cœtus hominum tanquam Ecclesiæ veræ interponere. Atqui constat ex iis testimoniis, quæ attulimus, plurimum sine controuersia in fidei quibusq; quæstionibus auctoritatem Apostolicæ veræq; Ecclesiæ valere debere, atq; adeò iure optimo, tū ad probandū, tum ad reuincendum interponi posse. Non est igitur doctrinæ veritas incorrupta necessaria atq; idonea nota Ecclesiæ veræ dignoscendæ: Si enim esset; auctoritas Ecclesiæ, ut probatū est, nihil omnino tunc valeret: Quod absurdissimum est.

Lib. de præ-
script.

Non posset Ec-
clesia auctori-
tas in fidei con-
trouersia in-
terponi, si nota
Ecclesia esset
vera doctrina.

Quo-

Quoniam igitur veram doctrinam fidei neq; in vniuersum integram atq; incorruptam, neq; etiam secundum ullam eius partem, aut partes, idoneam atq; necessariam Ecclesiæ notam esse, demonstratum est: coguntur pati Aduersarij, vt ex aliis notis quæ sit vera Ecclesia diiudicemus. Et dico, coguntur, quoniam non possunt non inuiti eam rationem de Ecclesia vera disputandi admittere, quæ ipsos euidenter ostendit esse planè extra Ecclesiam veram. Nam, vt suprà dicebamus, veritatem doctrinæ notam Ecclesiæ esse contendunt, non tam, vt ex illa ipsi ostendant (quod planè desperant) esse se in Ecclesia vera, quàm vt infinita quæstione primùm de veritate doctrinæ instituta nos impediant atq; retardent, quo minus ex aliis idoneis Ecclesiæ notis, à quibus omnibus defecerunt, clarè videamus, eos ex Ecclesia Christi exiuisse, quod hæreticorum est proprium.

VERÆ ECCLESIE NOTÆ STABILIVNTVR.

SED quænam tandem illæ sunt notæ? Omnino in Ecclesia, quemadmodum neque in alia vlla re, præter ipsius essentiam & accidentia nihil inest. Ostendimus autem euidenter paulò antè, essentiam ipsam Ecclesiæ, ad quam veritas doctrinæ fidei pertinet (est enim congregatio verè fidelium) nequaquam esse satis, vt aliquem hominum cœtum Ecclesiam veram esse dignoscamus. Si enim ad probationem aliud nihil sumas, quàm quod hic vel ille cœtus sit congregatio verè fidelium baptizatorum, &c. (hæc enim est ratio & essentia Christianæ Ecclesiæ) nihil omnino effeceris. Hoc enim ipsum aliis ex notis volo mihi confirmes, sicut paulò antè contra nimis arrogantem Aduersariorum inciriam argumentati sumus. Restat igitur, vt accidentia alia quædam, seu pro-

Coguntur Satharij admittere, alias Ecclesiæ notas præter Veritatem doctrinæ.

Sadeclis, &c.

*Ecclesia notæ
accidentia seu
proprietates
quasdam ipsius
esse oportere.*

*Quid requira-
tur, & quid nō
obset in Eccle-
sia notis.*

prietates Ecclesiæ sint illius notæ. Sed quia multa ac va-
ria, vt suprâ docuimus, sunt Ecclesiæ accidentia siue pro-
prietates, intelligendum est, & quid in iis requiratur, vt
sint Ecclesiæ notæ, & quid etiam, quo minus sint, nō im-
pediat. Requiritur ergo primùm, vt omnino Ecclesiæ
veræ conueniant; atq; etiam vt illi soli, qua ratione qui-
dem assignabuntur pro Ecclesiæ notis. Nam si aut Ec-
clesiæ veræ non competunt, aut in alijs cœtibus qui Ec-
clesia non sunt, reperiuntur, non poterit ex illis certò at-
que propriè dignosci ille cœtus hominum qui solus est
Ecclesia Christi vera. Deinde etiam necesse est, vt sint
eiusmodi accidentia cognitu facilia omnibus, & quidem
clariora ea ipsa re, quæ quæritur, nempe vtrum hic aut il-
le cœtus sit Ecclesia, id est, cōgregatio eorum, qui veram
fidem habent. Nam id est de ratione notæ, sicut demon-
strauimus paulò superiùs. Non impedit verò neq; tollit
rationem notæ, quod quædam ex eiusmodi Ecclesiæ ac-
cidentibus non iam inde ab eius exordio ipsi conuene-
runt. Satis est, si secūdum certissimas Scripturas ei com-
petāt in eo statu quem iam habet, quemq; habitura fuit
post disseminatum Euangelium in orbe per prædicatio-
nem Apostolorum. Quæritur enim iam post Apostolo-
rum tempora Ecclesia in eo velut ætatis suæ statu, quem
habet & fuit habitura post ea tempora, non autem in il-
lo quem vel in ortu suo vel in primo progressu habuit ad
breue tempus, tanquam in infantia. Quare illa acciden-
tia, quæ in hoc statu ipsi competunt, illius sunt in hoc sta-
tu notæ, licet non illis prædita fuerit etiam initio, cū
primùm oriretur. Sicut contrâ quoque, aliis quibusdam
ex accidentibus, tanquam ex notis, in suo primordio co-
gnosci Ecclesia potuit ac etiam debuit, quibus nunc qui-
dem post Euangelij propagationem non perinde est præ-
dita.

*Ecclesia notæ o-
mnes nō debue-
runt necessariò
illis competere
in ipso sui exor-
dio.*

data. Erant illis temporibus Ecclesiæ notæ non modò quædam eius proprietates, quas nunc habet & tunc etiam habebat (vt quod erat vna, Apostolica, &c.) sed etiam mira quædam prodigia & signa visibilia, quæ tunc cernebantur in Ecclesia, id est, in cœtu fidelium. Quas notas ipse miraculorum auctor Dei filius assignauit atq; ostendit hominibus. Nam, *signa*, inquit, *eos qui crediderint hæc sequentur, in nomine meo demonia eiiciens, linguis loquentur nouis, serpentes tollent, &c.* Atque etiam descendebat visibiliter Spiritus sanctus super iis, qui manuum impositio. ne ab Apostolis confirmabantur. Hæc signa non perinde nunc in Ecclesia fiunt: neque tamen id impedit, quo minus tunc, cùm illis ornaretur Ecclesia, notæ ipsius, vt erat quidem in illo statu, fuerint. Ita vicissim, post propagatum Euangelium, alia quædam Ecclesiæ accidentia, quæ statim exponemus, Ecclesiæ notæ sunt in hoc Ecclesiæ statu: tametsi non etiam illis initiis fuerint in Ecclesia.

Quædam initiis fuerunt Ecclesiæ nota quæ nunc non sunt.

Marci 16.

Acto 2.

Quæ explicatio ignorantiam erroremque quorundam Sectariorum perspicuè redarguit, qui putant nunc aliquid se dicere, cùm argumentantur, claritatem, & diffusionem, & similes prerogatiuas Ecclesiæ, de quibus statim dicemus, idè Ecclesiæ notas esse non posse, quoniam illis aliquando caruit Ecclesia: quæ tamen tunc etiam cognosci debuit ac potuit. Non enim cogitant, cum differentia status Ecclesiæ, vt explicatum est, differentiam notarum eiusdem Ecclesiæ optimè congruere. Quocirca perperam etiam atque inscitè concludunt, idoneam atque necessariam Ecclesiæ notam omni tempore esse doctrinæ veritatem, quia ea nunquam Ecclesia caruerit, cùm sit de eius essentia. Cōtrarium enim, vt suprâ demonstraui, concludere deberent. Nam quia de essentia Ecclesiæ est, perpetuò doctrinæ veritas, inde fit vt in-

Sadec.

Inscentia Sectariorum.

Lib. 3. cap. 4.

Absurditas nota quam assignant Seditiosi rursus ostenditur alio exemplo.

primis ipsa quærat, cùm quæritur Ecclesia, atq; adeò ut ex aliis notis indicari ipsa in Ecclesiæ quasi ventre (ut loquitur Augustinus) & antè in illis initiis debuerit, ut explicatum est, & nunc etiam debeat. In Ecclesia enim sicut *depositarium*, ut Irenæus inquit, cœlestis doctrinæ veritas custoditur: atque adeò non satis ipsa per se patet, nisi Ecclesia, quæ custos & depositaria eius est, auctoritatem suam, tanquam clauem, ad Scripturam admoueat, & aperiat. Prorsus, ut non minus absurdum sit, veritatem facere notam Ecclesiæ, quam si ex re deposita, bene atq; arcanè custodita, cognoscere velles, quis & qualis sit depositarius, & non potius ex depositario quæreres de re ipsa deposita. Sed quemadmodum Ecclesia non ex essentia sua ad quam spectat veritas, sed ex eius accidentibus, tanquam ex notis, cognosci debeat; & qua id ratione possit accidentibus conuenire, satis hætenus expositum est.

Ecclesia notas esse potissimum sex, & quomodo.

Nunc assero, secundum eam doctrinam, notas dignoscendæ Ecclesiæ esse priores sex proprietates, ex illis octo, quas suprà ostendimus, Ecclesiæ Christi conuenire: videlicet, quòd sit *vna, Catholica, sancta, Apostolica, rectè ordinata, visibilis*. Has siue proprietates, siue prærogatiuas Ecclesiæ, simul saltem atque coniunctim consideratas, affirmo necessarias atque sufficientes illius notas esse, secundum eum quidem statum, quem post disseminatum in orbe Euangelium habet & habitura est vsque ad tempus consummationis seculi. Nulla est enim earum Ecclesiæ prærogatiuarum, quæ secundum aliquam saltem notionem ipsius (ut explicabimus) facilius cognitu apud omnes non sit, quàm ipsa ratio Ecclesiæ. Et præterea omnes conueniunt Ecclesiæ, ut suprà probatum est; atque etiam soli ipsi, saltem si coniunctim, ac simul omnes illæ,

vel

vel etiam pleræque earum considerentur. Quod ideo sic dico, quia fieri forte posset, ut aliqua prærogatiua illarum per se sola & separatim ab aliis, reperiretur in aliquo cœtu hominum, qui non sit vera Ecclesia (ut claritas per se, verbi gratia) sed ut aliqua illarum prærogatiuarum simul atque coniunctim cum omnibus reliquis, aut illarum plerisque, in alio cœtu, nisi in Ecclesia vera reperiatur, fieri secundum legem quidem Dei ordinariam non potest. Quoniam via & ratione omnino tunc careremus, Ecclesiam Dei certò internoscendi (vti etiam iubemur) secerrendique ab aliis hominum conuenticulis, qui Ecclesia non sunt. Quod diuinæ erga nos prouidentie nullo modo consentaneum esset. Non enim ex ipsa alioqui Ecclesie essentia, atque adeò neque ex doctrinæ fidei veritate, aut ex officiis seu ritibus, de quibus ex doctrina iudicandum est, satis ab omnibus Ecclesia dignosci potest, ut supra euicimus. Neque verò præter doctrinæ veritatem, & ritus ex doctrina pendentes, aliud aliquid ipsa Ecclesie essentia clarius ordinariè in Ecclesia animaduertere licet, nisi iam numeratas illas eius prærogatiuas. Quare restat omnino, ut ex illis, saltem coniunctim consideratis, tanquam ex suis propriis notis dignosci Ecclesiam oporteat. Et certè Scriptura sacra manifestè hoc ipsum indicat, dum propriè per hæc ipsa accidentia Ecclesiam nobis, qualis ea post Euangelium disseminatum futura fuit, describit, ut supra perspicuis testimoniis, pro vnaquaque earum proprietatum adductis, docuimus. Inde enim fit, ut qui sibi persuadeat, eam congregationem esse Ecclesiam, in qua omnes eiusmodi proprietates (quæ quidem ab omnibus facillè cognosci queant, sicut Ecclesia debet cognosci ab omnibus) animaduertit: is planè Scripturam sacram, tanquam Ducem Ecclesiam indicantem, sequatur.

Accidentia Ecclesie maxime illustrata, per quæ illam Scriptura describitur, à Scriptura ipsa tanquam Ecclesia notis indicari.

quatur. Quamobrem ne in errorem homines à Scriptura ipsa per se, cum ita de vera Ecclesia ratiocinantur, induci aliquando possint; necesse prorsus est, eiusmodi accidentia seu prærogatiuas (saltem coniunctim) esse proprias ac certas. Ecclesiæ notas, quæ nequeant proinde secundum legem quidem Dei ordinariam in alio cœtu hominum, qui non sit Ecclesia, reperiri. Atque hoc ipsum præclare sanctos Patres intellexisse, inde perspicuum est, quod non nisi ex iis proprietatibus (ut videbimus) contra hæreticos suis temporibus Ecclesiam veram asseruerunt, illosque ab ea descivisse conuicerunt. Hæc vis illius Diui Augustini sententiæ est: *Nolo, inquit, humanis documentis, sed diuinis oraculis sanctam Ecclesiam demonstrari.* Quia nimirum Scriptura est, quæ quibusdam in locis clarissimè (nō enim ubiq; planè obscura est) nobis eas Ecclesiæ proprietates indicat, ex quibus illa tanquam ex notis probari debeat. Porro septimam & octauam proprietatem Ecclesiæ suprà numeratas, nempe assistentiam atq; directionem Spiritus sancti perpetuam, ne vnquam aberret à veritate; & certam in ea sola spem comparandæ æternæ salutis; idcō in Ecclesiæ notis non etiam pono, quia licet illi quoque proprietates istæ, ut suprà probauimus, maximè conueniant, tamen sunt cognitu difficiliiores, quàm ipsa Ecclesia, ut ex iis patet, quæ antè sunt à me disputata.

*DEMONSTRATUR EX LEGITIMIS NOTIS
Ecclesiam solam Romanam esse veram Ecclesiam.*

Solam Romanam Ecclesiam esse
Ecclesiam Veram demonstratur
ex Ecclesiæ nota.
in.

PROBO igitur ex notis iam assignatis solam illam congregationem seu cœtum hominū, qui Romano Pontifici pro tempore existenti paret, esse veram Christi Ecclesiam, hoc modo: Illa hominum congregatio sola est Eccle-

Ecclesia Christi, quæ eadem est & *vna*, & *sancta*, & *Catholica*, & *Apostolica*, & rectissimè *ordinata*, & *visibilis*, hoc est, in luce hominum perpetuò constituta. Sola autem ea congregatio, quæ Romano Pontifici pro tempore existenti paret, & nulla alia est talis. Igitur ipsa sola est Ecclesia Christi. Prior propositio, scilicet illam solam hominum congregationem esse Christi Ecclesiam, quæ est *vna*, *sancta*, &c. satis hactenus probata est tum iis testimoniis, quibus eas Ecclesiæ proprietates suprà asseruimus, tum etiam iis rebus, quæ de Ecclesiæ notis disputatæ iam sunt. Solam autem congregationem, quæ Romano Pontifici pro tempore existenti paret, esse talem, nempe *vnam*, *sanctam*, *Catholicam*, &c. id verò nunc ordine probandum est. Neque verò in hac probatione omnes eas notiones persequemur, quas suprà docuimus spectare ad huiusmodi Ecclesiæ proprietates, sed illas duntaxat, quas cognitu facillimum sit alicui hominum cœtui competere.

TALIS est potissimum in vnitatē Ecclesiæ doctrinæ fidei cōsensio. Hanc in sola cōgregatione, quæ Romano Pontifici paret, nunc reperiri facillè probatur. Nam ea sola rationem accommodatam ad retinendam in doctrina cōcordiam retinet: in qua re suprà euicimus hanc doctrinæ fidei vnitatem propriè consistere. Ipsa enim vnum Pastorem rectissimè (vt suo loco probabitur) agnoscit, cuius iudicio in fidei controuersis acquiescit. Vel (vt Cypriani verbis vtar, quibus Ecclesiam definit) ipsa est *plebs sacerdoti ad vnata*, & *pastori suo grex adherens*. Itaque quàm facile est in Ecclesia cognoscere quid summus Pontifex de fidei quæstionibus cum auctoritate, hoc est, vniuersam Ecclesiam obligando decernat: tam est Ecclesiæ facile retinere in doctrina fidei consensum. Contra verò hæreticorum omnium conuenticula, dum Scri-

I.

Ecclesiam Romanam solam esse VNAM.

Lib. 4. epist. 10.
ad Florentiū
Pup.

Omnia hæreticorum conuentio-

Z

ptura-

cula careo
unitate.

pturarum atque adeò fidei explicationem alicui certæ auctoritati, tanquam diuina assistentia infallibili, non committunt; sed vnicuique Scripturam solam, vt vnicam ac sufficientem fidei regulam proponunt; necesse est, vt in tot sententias de fide ipsa diuersas distrahantur, quot sunt ferè capita. Quod & experientia plus satis profectò docet. Ita non retinent doctrinæ fidei vnitatem: quoniam non sequuntur in doctrina rationem accommodatam ad consensum, sed eiusmodi prorsus, quæ sectas ipsa varias identidem pariat, vt variè à variis Scriptura ipsa intelligitur. Nam quod dicunt, Scripturam esse cognitu facilem; suprà ostendimus, qui sibi id persuadent, eos propemodum etiam insanire. Quid enim esse causæ censebimus, quam ob rem Lutheri doctrina, dum Scripturam tantùm, id est, Lutheri de Scriptura sensum, est sequuta, tot sectas differentes ipsa protulerit, quot passim etiam in tabulis depictæ monstrantur? Nempe quia Scriptura, quam solam proposuit discipulis suis Lutherus, facillimè potuit diuersis modis intelligi, cùm sit ea hominibus ipsis quidem, ob multas causas superius expositas, ad intelligendum difficilis. Neque verò aliqua ex illis ipsis sectis, quæ ex Lutheri quasi prima disciplina prodierunt, magis iam vna & suapte ratione consentiens secundum doctrinam fidei, quàm illa prima disciplina Lutheri, dici potest. Nam cùm similiter vnaquæque sectarum Scripturam solam sequendam sibi nunc proponat; illarum quælibet est similiter suapte ratione (vt ita dicam) dissolubilis porrò atque dissipabilis: Siquidem nihil procliuius est, hominibus præsertim æquè imperitis ac superbis, quàm varias admodum de Scriptura opiniones comminisci.

Quod

Quod si nobis isti respondeant, se satis hoc ipso doctrinæ unitatem retinere, quod tandiu quidem omnes consentiunt, quandiu in vna aliqua secta, vt Sacramentaria, vel Vbiquitaria, vel Illyricana, &c. numerantur: iam suprà docui, non propriè in actuali consensu, sed potissimum in ratione accommodata ad retinendum consensum ponendam esse necessariò hanc prærogatiuam unitatis, quæ propriè tribuitur Ecclesiæ veræ. Non enim alioquin Ecclesia Dei ab hæreticorum cœtibus unitate doctrinæ differret: cùm (vt suprà docui) nullus vnquam hæreticorum fuerit cœtus tam exiguus, in quo non actu, fuerint in quæstionibus fidei consentientes, qui ad ipsum pertinuerunt, quandiu pertinuerunt ad eum quidem. Et tamen sancti Patres antiquis etiam nihilominus hæreticorum sectis diuisionem atque doctrinæ schismata & varietatem rectissimè obiecerunt: quia cum omnibus hæreticis commune fuerit Scripturis solis, id est, suo de Scripturis sensu niti velle; in ipsa sectarum omnium ratione radix fuit & causa dissensionum. Hinc Donatistarum secta seu pars, * vt Augustinus inquit, *in minutissima frustra concissa fuit.* Quod similiter de aliis hæreticis alij^b Patres memoriæ prodiderunt. Variant enim, vt inquit^c Tertulianus, *hæretici inter se, dum vnusquisq; pro suo arbitrio modulatur quod accepit: quemadmodum ea pro arbitrio composuit ille, qui tradidit.* Quare idem licuit, inquit, *Valentinianis quod Valentino* (sicut & Lutheranis quod Luther) *Marcionistis quod Marcioni, de arbitrio suo fidem innonare.* Denique penitus inspecta omnes hæreses in multis cum auctoribus suis dissentientes deprehenduntur. Ergo doctrinæ unitas in Ecclesia vera, in primis etiam ratione accommodata ad retinendum doctrinæ consensum continetur. Qua ratione, quia carent, vt ostendi, omnes sectæ; nulla illarum vera

*Coguntur Sellarj agnosce-
re, velint no-
lunt, se carere
Unitate.*

NOTA.

*Eodem modo
nunc Sellarj
obici defeltio.
nem ab Unitate
quo eam olim
Patres obiece-
runt hæretici.
a Lib. i. de
Bapt. contra
Donat. cap. 6.
b Irenæus lib.
i. aduers. hæ-
res. cap. 5. Cy-
prian. lib. de
vnit. Eccl. &c.
c Lib. de præ-
script.*

Lib 4 epist. 10.

Lib. 1. epist. 3.
ad Cornel. cō-
tra hæreticos.

II.

Solum Ecclesia
Romanam esse
CATHOLICAM.Lib. de unitat.
Eccl. cap. 3.

Matth. 24.

Lib 4 de Sym-
bol. cap. 10.
Lucæ 24.

Ecclesia est: sed sola Ecclesia Romana. Hæc enim, vt ex Cypriano repetam, *plebs est sacerdoti adunata & grex pastori suo adharens. Quem quidem dum audit, vnitatem doctrinæ retinet: sicut contrà non aliunde hæreses oborta sunt aut nata sunt schismata, quàm inde quod sacerdoti Dei non obtemperatur, nec vnus in Ecclesia ad tempus sacerdos & ad tempus iudex vice Christi cogitatur, vt idem inquit Cyprianus.*

IAM verò quod sola congregatio, quæ Romano Pontifici pro tempore existenti paret, sit Catholica, eodem modo probamus, quo probauerunt id olim sancti Patres, vt hæreticos sui temporis ostenderent exiuisse ex Ecclesia. Ille enim cœtus inprimis Catholicus est, qui communicat in fidei & religionis Christianæ instituto cum omnibus per orbem gentibus; vt ex instituto etiam suscepit Augustinus probandum in peculiari libro, quem de vnitæte Ecclesiæ conscripsit. Solus autem cœtus, qui Romano Pontifici nunc paret, ita communicat cum omnibus gentibus, hoc est, credit, quod vbique, quod ab omnibus nationibus creditur, igitur ille solus Catholicus est. Sed præstat audire Augustinum, qui contra Donatistas maximè argumentum hoc ita tractat, vt planè etiam videatur contra Sectarios hodie propugnare causam Ecclesiæ Romanæ, sicut tunc etiam propugnabat. *Cùm Christi Ecclesia, inquit, Catholica canonicarum Scripturarum diuinis & certissimis testimoniis in omnibus gentibus designata sit: quidquid attulerint aut vndecumq; recitauerint, qui dicunt; Ecce hic est Christus, ecce illic; audiamus potius, si oves eius sumus, Pastoris nostri vocem ibidem dicentis; Nolite credere. Singula quippe hæreses in multis gentibus vbi Ecclesia Catholica est, non inueniuntur: Hac autem qua vbique est, etiam vbi illa sunt, inuenitur. Item: Audite, inquit, hæretici, quid scriptum sit: Oportebat Christū pati & resurgere à mortuis, & predicari*

in

in nomine eius pœnitentiam & remissionem peccatorum per omnes gentes. Omnes gētes totus mundus est. Ecclesia totum possidet, quod à viro suo accepit in dote. Quaecunq; congregatio cuiuslibet hæresis in angulis sedet, concubina est, non matrona. Nonne videtur cum Sectariis hodie loqui? Hoc enim est in angulis sedere, & tanquam cōcubinam esse, in paucis prouinciis (vt hodie euenire Sectis omnibus cernimus) locum habere; in plerisq; aliis omnibus aut omnino non esse, aut latere, non se prodere, non manifestè per orbem dilatari. Quod perinde est, ac omnino non esse. Nam Ecclesia Christi continuò succrescit vsque ad^a messem, & b palmites suos vsq; ad mare extendit, neque sub modio delitescit, sed Domini luce perfusa, vt Cyprianus inquit, per totum orbem radios suos porrigit: vt videmus num etiam facere vberimè in immēsis illis Orientis atq; Occidētis plagis. Cōtrā Sectarij in^c penetralibus sunt, & d vbera habēt arentia. Sed audiamus adhuc pronobis contra Sectarios loquentem D. Augustinū: Quoniam Ecclesiam Dei, inquit, qua Catholica dicitur, sicut de illa prophetatū est, per orbem terrarum diffusam videmus: arbitramur nos non debere dubitare de tam euidentissima impletionē sanctæ prophetiæ. Nam & in capite sacrosancti Psalterij scriptum est de Filio Dei: Postula à me, & dabo tibi gentes hereditatem tuam, & possessionem tuam terminos terræ. Item contra Petilianum: Obiicio, inquit, tibi (Lutherane vel Caluinista) Schismatis crimen, quod tu negabis, ego autem statim probabo. Neg, enim communicas omnibus gentibus, & illis Ecclesiis Apostolico labore fundatis. Item: Tenet me, inquit, in Ecclesia ipsum Catholica nomen, quod non sine causā inter tam multas hæreses sic ista Ecclesia obtinuit, vt cū omnes hæretici se Catholicos dici velint; querenti tamen peregrino alicui, vbi ad Catholicam conueniatur, nullus hæreticorum vel basilicam suam vel domum audeat ostendere. Velint

a Matth. 13.

b Psalm. 79.

Lib. de vnit. Eccle.

c Matth. 24.
d Osee 9.

In epist. 171.
ad Honoratū
Donatist.

Psalm 1.

Lib. 1. contra
litteras Peti-
liani. c. 16.

Contra epist.
fund. cap. 4.

Lib. de vera
relig. cap. 7.

Lib. de utilit.
cred. cap. 7.

enim nolint, inquit alibi idem Augustinus, ipsi quoque, hæretici & schismatum alumni, quando non cum suis, sed cum extraneis loquuntur, Catholicam nihil aliud quam Catholicam vocant, non enim possunt intelligi, nisi hoc nomine eam discernant, quo ab uniuerso orbe nuncupatur. Exemplum planè hodie habemus in iis etiam regionibus, in quibus aliquis sc̃tis locus est, vt in Germania. *Quamuis enim Ecclesia Catholica varia hæreses* (ait idem Augustinus) *diuersa nomina imponunt, cum ipsa singula propriis vocabulis appellentur, tamen apud ipsos etiam hæreticos nomen potissimum Catholicae ea Ecclesia obtinuit, quæ verè Catholica est, nempe quæ sequitur fidem Romanam.* Quod vel ipsi certè librorum Catalogi, qui conficiuntur in nundinis Francfordiæ singulis annis bini ab ipsismet hæreticis, declarant. Libros enim qui à Catholicis auctoribus scribuntur libros vocant Catholicorum, qui Romanæ, inquit, Ecclesiæ subiiciuntur. Quo nomine & titulo eiusmodi libros ab aliis libris discernunt, qui sunt à Sectariis hominibus compositi, quos illi Protestantes Theologos appellant, Catholicos autem appellare non audent: *non enim intelligerentur, vt inquit Augustinus. Sed & alios Patres præter Augustinum audire operæ precium est, qui hac eadem nota Catholica, cœtum eorum, qui veram fidem amplectuntur, id est, Ecclesiam Christi ab hæreticorum conuenticulis discernunt.* *State, inquit magnus Basilius, in fide; Ipsum orbem inspicite, & videte quàm modica sit ea portio, quæ hoc morbo laborat. Reliqua verò vniuersa Ecclesia, quæ ab orbis finibus vsq; ad fines Euangelium recepit, sanam hanc & rectam fidem sectatur; à cuius communione, vt ne excidatis, petimus.* Item Tertullianus; *Nos, inquit, communicamus cum Ecclesiis Apostolicis, id est, ab Apostolis fundatis, quod nulla doctrina aduersa facit. Hoc est testimonium veritatis.* Hierony-

mus:

Epistola 72.

In præscripto.

mus: *Poteram, inquit, omnes propositionum tuarū riuulos uno Ecclesia sole siccare.* Opratus Mileuitanus: *Cū manifestum, inquit, sit & ipsa luce clarius, nos cum tot innumerabilibus populis esse & tot nobiscum prouincias; iam videtis vos in parte unius aut alterius regionis positos, & ab Ecclesia vestris erroribus separatos, frustra vobis solis hoc nomen Ecclesia cum suis dotibus vendicare.* Item Cyprianusea ratione probat, No-
uatianos hæreticos esse & ab Ecclesia alienos; quia constat, inquit, eos cum corpore Ecclesia non conuenire, &c. Et Vincentius Lyrinēsis: *In Ecclesia, inquit, Catholica, ad quam non una natio, nō unus angulus, sed multitudo maris conuertitur, id teneamus quod ab omnibus, quod ubiq̃, quod semper creditū est.* Præclare igitur, vt alios omittā, Pacianus annotauit, *Christiani nomine à Paganis & Iudæis, Catholici autē cognomine ab hæreticis fideles distingui: Ne assues (inquit) frater, Christiani mihi nomen est, Catholicus verò cognomen; illud me nuncupat, istud ostēdit, hoc probor, inde significor.*

Hæc omnia iure suo certè Ecclesia Catholica nunc etiam sibi vendicat, nec ad vllam accommodari possunt sectam recentium hæreticorum. Sola enim Ecclesia, quæ Romanoparet Pontifici, per vniuersum orbem pertinet, vel certè indies per eum diffunditur. Itaque ipsa sola est, *hereditas*, illa ac possessio Christi, quæ nō angustioribus, quàm totius *terra terminis* continetur. Quam quo Sectarij quidem vehementius oppugnant, eo magis in Oriente & Occidente propagatam esse videmus. Prorsus vt in istos pulchrè conueniat, quod de sui temporis hæreticis commodè dixit D. Bernardus. *Ipsi, inquit, potius se subtrahunt huic hereditati, qui illam Christo conantur subtrahere.* Neq; verò nobis hic obstat, quod apud illas ipsas gentes, in quibus doctrina Romanæ Ecclesiæ disseminatur, multi etiam inueniuntur, qui illam repudient. Nam & illud oportet impleri quod item scriptum est: *Eritis*

Contra Luciferian.
Lib. 1. contra
Parmenianū,
ante medium.

Lib. de vnit.
Eccles.

Aduersus pro-
phan. hæres.
nouit.

Episto. 1. ad
Sympron.

Psal. 2.

Sermo. 66. in
Cantica.

odio

Luc. 11.

odio omnibus hominibus propter me. Itaq; Ecclesiam Christi esse Catholicam, minimè quidem est, eius doctrinam ab omnibus & singulis vbique gentium recipi, sed esse certè vbique qui illam indies recipiant: vt diligenter etiam Ioannes Driedo, vir eruditissimus, annotauit. Quod cùm in eum coetum duntaxat, qui Romano Pontifici, tanquam pastori grex adhæret, conueniat; ille solus Ecclesia Catholica est.

Psal. 18.

Quam ob rem siue prophetiam illam Davidis de Apostolis: *In omnem terram exiuit sonus eorum, & in fines orbis terra verba eorum*: per Apostolos ipsos omnino im-

Vide de ea
quæst. Driedo.
loco citato.

¶ Legchist Ec-
clesia. Socrat.
li. 4. c. 29. & li.
7. c. 8. & 30. So-
zom li. 2. c. 23.
Niceph. li. 14.
c. 40. Bedam
lib. 1. & 2. hist.
Anglican. Pla-
tinam in vitis.
Pontif. Steph.
VII. & Adria-
ni IV. Æneam.
Sylu. de origi.
Bohem. c. 16.
&c.
¶ Lib. de præ-
script.

Hæreticorū
studium paucis
verbis compre-
hensum à Ter-
tulliano.

Ibidem.

pletam fuisse (sicut placuit quibusdam è sanctis Patribus) siue continua indies Euangelij propagatione per orbem vsq; ad seculi consummationem impleri (vti Augustinus & alij sentiunt) arbitremur; perspicuum est, in solam Ecclesiam, quæ fidem amplectitur Romanam, eiusmodi prophetiam competere, atque adeò ipsam solam esse Catholicam. Nam (quod obseruatione dignissimum est) sicut à nulla vnquam hæreticorum Secta legitur Christi fides apud vllas gentes fuisse plantata: ita nulla vnquam gens Christianam complexa est fidem, nisi eorum opera, qui cum Ecclesia^a Romana communio-
nem habuerunt, eiusque membra fuerunt: sicut & hodie quoque in amplissimis Orientis & Occidentis re-
gionibus ab Ecclesiæ Romanæ ministris Euangelium dif-
funditur. *Negotium enim*, inquit^b *Tertullianus, est hæreti-
cis non ethnicos conuertendi, sed nostros euertendi. Hanc magis
gloriam capiant, si stantibus ruinam, non si iacentibus eleuatio-
nem operentur.* Qua in re quàm illi sint Apostolorum dis-
similes, pulchrè idem Tertullianus ostendit his verbis: *Apostoli enim, inquit, de mortuis viuos suscitabant, isti de vi-
uis mortuos faciunt.* Neq; verò Christi fidem Ecclesia Ro-
mana tantummodo propagauit, sed etiam perpetuò il-
lam

Iam ipsa conseruauit; ^c auctoritate nimirum sua hæreses, quæcumq; olim exortę sunt, damnādo & proscribendo, vt ex variis historiis & Conciliorum actis cognosci potest.

IAM sanctitatis Ecclesię illa inter ceteras illustrior notio est, qua illius firmitas atque constantia declaratur, contra quam nec portę inferi præualebunt, vt superiùs à nobis in huius proprietatis assertionem demonstratū est. Hoc modo solam congregationem quæ Romano Pontifici paret, sanctam esse, planissimum est. Nempe quę nullis vnquam aut persecutionibus, aut erroribus opprimi potuit, sed illis est potius illustrior multo facta. *Improbatio enim hæreticorum*, inquit ad Dominum D. Augustinus, *facit eminere quid Ecclesia tua sentiat, & quid habeat sana doctrina.* At hæreticorum conuenticula nulla fuerunt diuturna vnquam. Sed neq; erunt recentium Sectariorum, cū & illa ipsa, quæ ab illis defenduntur, nefaria dogmata, iam olim etiam ab Ecclesia reiecta fuerint: vt minimè existimandum sit, eam in posterum doctrinæ deprauationem perpetuò duraturam. Etenim fidem solam ad salutem satis esse, cum ^d Simone Mago & ^e Eunomio volunt: cum ^f Aërianis sacrificium & orationes pro defunctis improbant: Sanctorum atque imaginum cultum cum ^g Vigilatio & ^h Iconoclastis: Matrimonium virginitati antepōnunt ex sententia damnati ⁱ Vigilantij: Episcopos superiores presbyteris non agnoscunt, quæ fuit hæresis ^k Aërij. Originis peccatum tegi tantūm, non tolli baptismatis gratia, docent cum ^l Messalianis: Exerantur Euangelicam paupertatem cum ^m Vigilantio: Item Ecclesiam errare posse putant, vt ante illos ⁿ Donatistæ & alij hæretici opinati sunt. Traditiones non scriptas repudiant, solisq; Scripturis niti volunt, quod illis

^c Leg. Niceph. li. 4. c. 36. & li. 6. c. 29. Tertul. li. 1 cōtra Præxam. & li. de pudicitia. Hieronymum ad Pamach. & Oceanū. Cypri. li. 1. ep. 4. Aug. li. 2. de peccat. orig. c. 21. &c.

III.

Solam Romanam Ecclesiam esse SANCTAM.

Lib. 7. conf. cap. 19.

Sectarios Veteres hæreses reuocant.

^d Irē. li. 1. c. 20.

^e Aug. hęc. 54.

^f Damasc. lib. de hæresib. Nic.

ceph. li. 16. c. 6.

Epipha. lib. 3.

^g Tō. 1. hęc. 75.

^h Hieron. cōtra Vigilant.

ⁱ Secunda Synod. Nicæn.

^j Hieron. cōtra eund.

^k Epiphan. loco citato.

^l Aug. hęc. 53.

^m Hieron. cōtra eund.

ⁿ Aug. passim cōtra Donat.

• Basil. lib. de
Spir. san. c. 27.
Aug. li. i. con-
tra Maximin.
Arrian.

Theodoret.
lib. i. cap. 8.

Vide tabulas
Lindani.

Psal. 36.

IIII.

*Solam Ecclesiā
Roman. esse
APOSTOLI-
CAM, & quo-
modo ad probe-
tur.*

est cōmune cum^o Arrianis & Eunomianis, & quotquot
vnquam exstiterunt hæretici. Et ne omnia enumerem
quidquid aduersus Ecclesiam Catholicam *perniciosa a-
nimositate*: vt Augustini verbis vtar, defendunt, non nisi
ex veterum fæce hæreticorum hauserunt: vt in omnibus
quæstionibus controuersis facillè ostenditur. Quod cū
ita sit, omnino sperandū est, non multò post fore, vt quo-
rum errores isti imitantur, eorum quoq; habeāt exitum,
deficientesq; quemadmodum fumus deficiant.

DEINCEPS sequitur, vt illam ipsam congregationem,
quæ cum Ecclesia Romana communionem habet,
Apostolicam item esse, id est, fidem atq; dogmata Apo-
stolorum sequi, ab iisdemq; originem ducere, probemus.
Hoc Episcoporum omnium continua successione, &
doctorum ac populorum, per quos doctrina ab Aposto-
lis accepta, ad nos vsq; perpetua temporum serie perue-
nit, rectissimè probatur. Vt enim aliquistum optimè
probat, se patrimonium aliquod aut nobilitatem anti-
quam à maioribus suis, qui multò antè vixerunt, acce-
pisse, cū ostendit, id se accepisse à parente, & hunc rur-
sus à patre suo, & illum item à suo, sicq; deinceps donec
ad familiæ caput perueniatur: ita nos rectè probamus,
doctrinam, quam hodie tenemus, à maioribus nostris,
Apostolis, atq; ad eò ab ipso Christo, tanquam hæredita-
tem accepisse, cū defendimus, hanc ipsam doctrinam
fuisse eorum, qui nos proximo seculo antecesserunt, &
rursus illos à maioribus suis, qui similiter proximè illos
præcesserunt, eandem ipsam accepisse, & ita deinceps,
donec successionis series continua ad Apostolos ipsos
perducatur, qui Ecclesiam Christi plantauerunt. Hanc
probandi rationem aptissimam esse sanctissimi Patres et-
iam iudicauerunt, eamq; ipsi contra sui temporis hæreti-

cos

cos passim vsurpauerunt. Quo quidem in genere maxime est illustris illa Diui Irenæi sententia: *Traditionem, inquit, ab Apostolis, & annunciatam hominibus fidem, per successiones Episcoporum peruenientem vsq; ad nos, indicantes, confundimus omnes eos, qui quoquo modo vel per sui placentiam malam, vel vanam gloriam, vel per cecitatem et malam sententiam, praterquam oportet colligunt.* Sed vt hanc argumentandi formam nobis cōpetere doceamus, cōfirmandum iam est, nos hanc ipsam doctrinam, quam Romana nunc tenet Ecclesia, ab iis, qui proximo seculo præterierunt, & illos similiter ab anteq̃dētibus proximè suis maioribus, & sic deinceps vsq; ad Apostolorum tempora accepisse. Quod his modis certissimè ostendimus.

Lib. 3. cap. 3.

Doctrinā Ecclesie Romana ab Apostolis traditam esse, argumentu probatur.

PROBATIO I.

PRI^{mo}. Quotiescunq; in Ecclesia aliqui ab Apostolica doctrina discesserunt, cōstat eos tandem à Catholica Ecclesia, iuxta diuinas promissiones, quas habet, notatos primū, deinde repressos & proscriptos esse; idq; cum personarum ac temporum notatione variis historiis est proditum. Quo autem tempore vel à quibus Ecclesiis primū, post Apostolorum tempora, doctrina ea, quam nunc Ecclesia Romana tenet, cōtra doctrinam Apostolicam introducta fuerit, doceri non potest; multoq; minus constat, illi vnquam ab Ecclesiis Catholicis (ab Ecclesiis Catholicis inquam, non ab vno vel altero, vel paucis hæreticis, qui & ipsi cōmuni Ecclesiarum sententia damnati fuerint, vt Huss, VViclephus, & similes) reclamatum esse. Dum autem Sectarij, qui Ecclesiam accusandi partes sceleratè sibi sumpserunt, id non ostendunt; iure optimo possessionem huius doctrinæ Apostolicæ, tanquam hæreditatis à nostris maioribus acceptæ, nobis vendicamus.

1 Isa. 59. Matt. 16. Ioan. 14. & 17. &c.

Id videre est passim in auctorū Orthodoxorū Chronicis.

^b VVolfgang^a
Muscul in lo-
cisc om. c. 12.
^c de Eccle.
^e Lutherus in
supput. anno-
rum mundi.
^d Illyricus in
catalo. testiū
verit. in præfa-
tione & alij
passim.
^e Id apparet
satis ex episto-
lis eius.

*Doctrinam A-
postolicam nū-
quam fuisse in
Ecclesia Roma-
na mutatam.*

Lib. de præ-
script. post
medium.
Matth. 16.

Sadeel contra
Theses Posu.
& alij.
*Multum inter-
esse, utrum pri-
uato vel com-
muni errore
doctrina corrū-
pta esse dica-
tur.*

Nam quod ^b quidam ex Sectariis dicunt, abhinc an-
nis circiter quadringentis doctrinam Apostolicam in Ec-
clesia palam corruptam esse; ^c alij abhinc ferè sexcentis;
^d alij abhinc ferè mille, circa tempora videlicet D. Gre-
gorij: nōne satis hac opinionum varietate declarāt, ha-
bere se nihil ea de re compertum? Fuit temporibus Gre-
gorij communis orbis terrarum ea fides, quam defendit
Gregorius; vt qui cum omnibus Ecclesiis earumq; Epi-
scopis ^e communionem habuit. Eandem autem fidem
Gregorij, post Gregorij tempora vsq; ad nos, in orbe cō-
munem atq; Catholicam fuisse fidem constat de omni-
bus hodie doctrinæ capitibus controuerfis. Quomodo
igitur aut Gregorij temporibus, aut post Gregorij tem-
pora doctrina illa, quæ sola erat vbiq; terrarum eadem,
corruptela doctrinæ Apostolicæ fuit? *Quod enim apud
multos, & multò magis quod apud omnes, unum inueni-
tur, non est erratum, sed traditum,* inquit verissimè Tertul-
lianus. Et impossibile est, vt in orbe toto contra legiti-
mam Christi Ecclesiam *porta inferorum praualeant*, cor-
ruptelaq; Apostolicæ fidei vbiq; obtineat, sicut obti-
nuit à tempore Gregorij, atq; ad eò Apostolorum vsque
ad nos, fides ipsa Gregorij.

Quod autem Sectarij quidam hoc loco respondent,
iam vsq; ab Ecclesiæ exordio Apostolicam doctrinam
corrumpi cœpisse, id verò nihil quidem pertinet ad rem,
de qua nunc agimus. Quærimus enim, quando Aposto-
lica doctrina adulterari cœperit, non tantum priuato
vnus aut paucorum errore, sed communi cœtus cō-
sensu qui vera Christi Ecclesia antea fuisset, quiq; proin-
de, deficiens communiter à vera fidei doctrina, vera cri-
am esse Christi Ecclesia desierit.

Hæc enim summa eius accusationis, quam Ecclesiæ Romanæ non ita pridem Sæctarij intentârunt, est: eam cum aliquando esset cœtus verè fidelium, hoc est, cum fuisset aliquando legitima Christi Ecclesia, ab ipso Apostolo Paulo, aliisque permultis Apostolicis sanctissimisque viris, magnificè etiam ob integritatem fidei laudata; demum errore communi ab Apostolica veraque doctrina fidei degenerâsse, adeoque legitimam Christi Ecclesiam esse desinisse. Hoc autem quando factum sit, iure nos optimo percunctamur Sæctarios; quando, inquam, vel omnino, vel ex parte, Apostolica doctrina corrumpi in Ecclesia Romana, communi (communi, inquam) errore cœperit. Etenim priuatis erroribus, non dubium est, quin iam inde ab Ecclesiæ primordio seductores aliqui veritatem fidei adulterare tentauerint, quos passim suis in epistolis confutauit Apostolus, qui etiam idcirco ad Thessalonicenses scribens aiebat, iam suo tempore *mysterium iniquitatis operari*. Quando autem communicius cœtus consensu, qui vera fuisset Christi Ecclesia, corrumpi Apostolica doctrina vel omnino vel ex parte cœperit; hoc verò est, quod expedire nobis nequeunt Sæctarij iure ac merito de ea re interrogati.

Accedit quod de auctoribus per quos ea communis corruptela sit inuecta, & quomodo deinde ab Ecclesia vera fuerint illi repressi, nihil isti proferre possunt. Nisi quod planè incredibiliter, & admodum etiam ridiculè quandoque solent (ne videantur ipsi esse hæretici) nobis affingere errores quorundam veterum hæreticorum; qui tamen à nulla alia Ecclesia, neque secundum vllam aliam doctrinam nisi nostram, damnati & profligati ex Christi castris sunt. Verbi gratia: Dixerunt Ebionitæ, non solam Christi fidem (quatenus ea vox pro tota lege Chri-

Sæctarij quomodo Romanam Ecclesiam accusent de defectione.

Rom. I.

Quam ineptè Sæctarij hæreticorum quorundam errores Carolici affingant.

a Niceph. lib.
3. hist. cap. 13.

b In refutat.
Apolog. caus.
sarū Herbran-
di, cur institū-
tum certamē
de idololatria
deseruerit, 2.
p. causā 1.

*Sectariū in-
cumbere ut pro-
bent doctrinā
Apostolicam in
Ecclesia Roma-
na fuisse muta-
tam, nec id fa-
cere possē, ideo-
que causā ca-
dant,*

*Tergiversatio
Sectariorum in
quæstione de
Ecclesia Roma-
na doctrina,
Serum sit Apo-
stolica.*

sti accipitur) ad salutem sufficere: intellexerunt autem etiam requiri ^a cæremonias & obseruationem veteris legis. Quia verò nos docemus, non solam fidei virtutem, sed aliis etiam animi bonis motibus, vt caritatis, &c. & obseruatione aliorum: mandatorum Christi, salutem comparari: Nugantur isti, doctrinam illam Ebionitarum nos defenderē. Quis non videt discrimen? Ac ratione æquē facili similes istorum in hoc genere leuissimas nugas confutauī ^b alio loco.

Sed aiunt præterea se ex libris ipsis Apostolicis, id est, ex Scriptura sacra, probare, contraria nos Apostolicæ doctrinæ sentire. Id verò non modò falso, sed etiam admodum ineptè ab illis in hac controuersia obiicitur. Cùm enim quæstio aliàs de Scripturæ sententiā & interpretatione in variis doctrinæ capitibus inter nos agitur, eaq; sit propter istorum pertinaciam penè interminabilis: postulamus ab ipsis duo. Primum, vt quandoquidem Ecclesiæ accusatores sunt, quibus incumbit ex officio probare, planum nobis ex Scriptura faciant, doctrinam suam esse Apostolicam potius quàm nostram. Hoc verò cùm præstare non possint, eoque nomine (sicut est accusatorum lex) causā cadant: nec videant tamen, vt sunt cæci, à nobis potius se in quæstionibus omnibus tanquam corruptores Apostolicæ doctrinæ reuinci: Petimus deinde, vt compendio historiarum, notatis temporibus & personis, testimoniisq; contrariis Catholicorum, doceant, nostram doctrinam post Apostolorum tempora contra Apostolos aut eorum in doctrina successores inuectam in Ecclesiam fuisse. Hic dico ineptè ipsos facere, si ad quæstionem de Scripturæ sententiā infinitam regredi velint. Quod nostri quidem non ideo in hac de Ecclesia controuersia detrectant, quia de doctrina ipsa ex Scri-
pturæ

pturæ fundamentis disputare nolint (faciunt enim id in singulis doctrinæ locis controuersis, satis copiose, & voce quotidie in templis & scholis, & scriptis etiam libris, pluribus fortè quàm est necesse) sed vt quæstio de vera Ecclesia atque adeò de veritate in vniuersum doctrinæ, finem aliquando habere, compendioque diiudicari possit ex iis notis, quibus Ecclesiam suam Deus discerni voluit, quarum vna est hæc originis Apostolicæ.

Postulamus igitur ab Aduersariis, vt si Ecclesia Romana ab ea fide Apostolica communiter defecit, quæ de ea *per vniuersum mundum*, vt Apostolus inquit, cum lau. Rom. 1.
de aliquando *annunciabatur*; nobis tempora, auctores, & modum indicent eius defectionis. Cùm enim hæreses in vtilitatem Ecclesiæ diuinitus permittantur, *vt qui probati sunt*, sicut Apostolus inquit, *manifestantur*; cumque maneat Spiritus veritatis cum Ecclesia in æternum: certè fieri nequit, vt doctrina vera atque Apostolica, vel simul, vel sensim per partes, palam adulteretur, quin id ipsum in Ecclesia manifestissimum fiat.

Non enim Ecclesia, vt Sectarij quidam ludunt, tanquam singulare alicuius hominis corpus est, quod nemi- Sadeel contra
ne animaduertente labefactari sensim potest, donec totum appareat tabidum. Neque etiam idèò nauicula Petri eadem nominatur, quia vt nauicula potest nemine attendente rimas paulatim facere, donec fluctibus tandem obruatur: sic sensim etiam Ecclesia ipsa possit inquinari eiusmodi erroribus, qui neque sciuntur, neq; no- Theses Pos-
tentur, neque damnentur ab Ecclesiæ cœtu. Non est in hoc comparatio, sed in eo, quòd vt corpus, sic etiam Ec- *clesia*.
clesia variis ex membris constat, & tentationibus variis, *Non potuisse
sensim fidelibus
ipsis non animaduertentibus,
corrupti doctrinam Apo-
stolicam in Ec-
clesia, sicut Sectarij nugantur.*
sicut naui fluctibus, quatitur, dum ad portum patriæ cœlestis appellit. Cùm verò *cuius etiam supra montem po-
sit a* Matth. 3.

sita sit & luce solis clarior; necesse est, ut sensim in ea notentur errores, si sensim in illam irrepunt.

Itaque cum multas ac varias doctrinæ corruptelas iam inde ab Apostolorum temporibus diuersi hæretici, tanquam zizaniæ, superseminare in agro Ecclesiæ contra fidem Apostolicam tentauerint: nulla tamen ex illis est, cuius auctorem, originem, progressum, extirpationem, notatis temporibus assignare ipsi non possumus. Imò verò ex qua hæresum fæce doctrina Lutheri aliorumq; Sectariorum sit hausta, clarè & distinctè eiusmodi obseruatione docemus. Porèstne igitur isto modo indicari, quo tempore, à quibus, qua ratione, ea quæ hodie est doctrina Ecclesiæ Romanæ, contra doctrinam Apostolicam inuecta sit, & rursus à Catholica Ecclesia reiecta? profectò non potest. Quare alterutrum fatendum est, vel doctrinam, quam hodie tenet Ecclesia Romana, esse planè eam, quam ab Apostolis initio sine controuersia accepit; vel si corruptela potius illius doctrinæ Apostolicæ est, Spiritum sanctum Ecclesiam suam deseruisse, qui de ea inquinatiohe doctrinæ nullis seculis præteritis ante Lutherum ipsam admonuerit; atque etiam orbem vniuersum perpetuo quasi lethargo laborauisse, qui non animaduertit, neque literarum monumentis prodiderit tantam in religione Romana mutationem. At hoc incredibile est: alterum illud igitur est verum, nempe doctrinam Ecclesiæ Romanæ esse incorruptam planeque Apostolicam.

Vide supra, ubi probatum est, solam Ecclesiã Romanam esse sanctam.

Eodem modo iam probari doctrinam Ecclesiæ Romanam esse Apostolicã, quo id olim aduerfus hæreticos

Quæ ratio eò apud me maioris est ponderis, quòd illa similiter video veteres Patres suorum temporum hæreticos refutasse, Ecclesiæque doctrinam in vniuersum Apostolicam esse probauisse, cum illi æquè atque iam Sectarij à doctrina Apostolica eam descivisse comminiscerentur..

cerentur. Videamus, inquit Tertullianus, ne Apostoli simpliciter & plenè omnem regula ordinem omnibus ediderint: Ecclesia autem suo vitio aliter acceperint, quàm Apostoli præferbant. Omnia enim, inquit, ista scrupulositatis incitamenta inuenias prætendi ab hæreticis. Et plus satis, Tertulliane, cum hodie prætextum impium notamus in nostris Sectariis. Sed subiungit deinde eiusmodi calumniæ refutationem: Hoc, inquit, si ita est; neglexerit officium Dei villicus, Christi vicarius Spiritus sanctus, sinens Ecclesias aliter interim intelligere, aliter credere, quod ipse per Apostolos predicabat. Quomodo, inquit, verisimile est, ut tot ac tanta Ecclesia in unâ fidem errauerint? nullus inter multos euentus, vnus est exitus: variâsse debuerat error doctrina Ecclesiarum. Caterùm quod apud multos vnum inuenitur, non est erratum. Hactenus ille, & rectissimè quidem. Vbi enim Ecclesia, inquit B. Irenæus, ibi & spiritus Dei: & ubi spiritus Dei, illic Ecclesia & omnis gratia, spiritus autem veritas.

probauerunt
Patres Veteres.
Lib. de præ-
scriptis.

NOTA.

Lib. 3. contra
hæres. cap. 40.

Neque facere possum, quin hîc propter loci opportunitatem adscribam pulcherrimam, ac spiritu Dei plenam, Campiani nostri, non ita pridem fortissimi in Anglia Christi martyris, orationem, quæ figmentum Sectariorum de corrupta doctrina in Ecclesia Romana, mirificè redarguit. Quando, inquit, fidem tantoperè celebras, am Romam perdidisti? Quando esse desist, quod antè fuit? Quo tempore? Quo Pontifice? Qua via? Qua vi? Quibus incrementis urbem & orbem religio peruasit aliena? Quas voces, quas turbas, qua lamenta, ea res progeniuit? Omnesne orbe reliquo sopiti sunt, dum Roma, Roma inquam, noua Sacramenta, nouum sacrificium, noua religionis dogmata procuderet? Nullus existit historicus, neque Latinus, neque Græcus, neque remotus, neque citimus, qui rem tantam vel obscure iaceret in commentarios?

In lib. 1. de
ecclesiæ disciplina
pro doctrina
Ecclesiæ Rom.
ratione 7.

Exemplum manifestum ostenditur, esse incredibile quod Sectarij fingunt Ecclesiam Romanam non esse Apostolicam doctrinam.

NOTA.

Atque, ut ego quidem aliqua ratione exprimam, quantam apud animum certè meum hæc oratio Campani vim habeat: hoc utar exemplo. Censent Sectarij, institutum sacrificandi Eucharistiam, moremque sanctos inuocandi, & aliorum eiusmodi cultuum, turpissimam esse idololatriam, atque adeò non minus, sed multo etiam magis peruersum, Apostolicæque doctrinæ contrarium, quàm si quis vellet ritu gentilium aut Iudæorum, oues & boues aliasque pecudes immolare Deo, aut pro Diis venerari volucres & serpentes. Obsecro, quis nunc credat, fieri his temporibus posse, ut vel Pontifex aliquis Romanus, vel alius quisquam, eiusmodi ritus immolandi animalia, vel adorandi serpentes; contra Christi Apostolorumque doctrinam in Ecclesiam inducat, tum Spiritu sancto conniunte, tum eadem ipsa Ecclesia Catholica per cunctum orbem & consentiente & planè dissimulante, neque notante quidem ad memoriam posterorum talem Christianæ atque Apostolicæ doctrinæ deprauationem? Profectò insanus est, ac mente omni caret, qui hoc existimet in Christi Ecclesia posse euenire. Quod si hoc accidere posse incredibile est: quomodo credi potest, id ipsum iam antè euenisse? Quomodo, inquam, est verisimile, & sacrificium Missæ (v. g.) atque adeò ritum vestium sacrarum, & templorum; & morem venerandi imagines, ac Diuos inuocandi; æquè (ut æstimant Sectarij) Apostolicæ doctrinæ contrarium esse, atque immolandi animalia ritum; & tamen in Ecclesiam per cunctum orbem sic esse introductum, ut neque repugnauerint in ea re vnquam Christiani populi, neque posterorum quidem memoriæ, cum obseruatione personarum & temporum, talem corruptelam religionis prodiderint? Porro, si hoc in vno etiam vel altero dogmate factum

factum esse, incredibile apparet: quanto id videri debet incredibilius, si res omnes cumules hodie controuersas, in quibus Sectarij criminantur Ecclesiam Catholicam communi errore ab Apostolorum institutis doctrinaque recessisse? Me quidem hæc consideratio certissimè apud animum meum statuere facit, aut nullam omnino esse in orbe incorruptam doctrinam Apostolorum, quod existimare nefarium esset, aut eam esse, quam retinet Ecclesia Romana, quæ proinde verissimè est Ecclesia Christi Apostolica.

SECUNDÒ, Id ipsum probamus, quia, vt maximè consuetudines aliquæ pro ratione temporum, vt sit, variæ fuerint: tamen quod attinet ad doctrinam ipsam de auctoritate statuendi, quod in Ecclesia conuenit, aliisque doctrinæ locis hodie controuersis, sæpe nostri ostenderunt, Patres & Doctores illustres, qui ab Apostolorum temporibus ad hæc vsque tempora diuersis^a seculis scripserunt, nobiscum esse consentientes. Quod profectò verissimum esse, ab iis deprehenditur, qui non Sectariorum more pauculas quasdam sententias obscuriores hinc inde in monumentis Patrum venantur, sed locos ipsos perlegunt & cum iudicio conferunt. Consensus autem ille diuersarum ætatum manifesto argumento est, continua serie successionis eam doctrinam iam inde ab Apostolico seculo ad nos vsque peruenisse.

TERTIÒ. Non tantùm Patres ac Doctores illustres per omnes ætates ad hæc nostra vsque tempora in doctrinæ capitibus hodie controuersis nobiscum consentiunt: sed disertis etiam verbis passim^b consentitur, Ecclesiam Romanam, cui, similiter vt iam, Pontifices Romani variis temporibus præfuerunt, legitimam & Apostolicam esse Ecclesiam. Neque verò hic obstat, quod veteres

PROBATIO
II.

^a Hanc etiam continuationem doctrinæ ostendit per singulas annorum centurias à Christo nato, Genebrardus Theolog. Parisien. in docta illa sua Chronologia non ita pridem edita. Vide etiã Sanderum, de vifibili Mōnarch, Ecclesiæ.

PROBATIO
III.

^b Irenæus lib. 3 ca. 3. August. cont. ep. fund. cap. 4. & alias passim. Ambr. Serm. 47. de fide Petri. Hieron. in epist. ad Damasc. de ver.

bo Hypoſtaſ.
Cyprian. lib. 1.
epiſt. 1. ad Cor-
nel. 8. lib. 4.
epiſt. 9. ad Pup.
& alij.
e. Lige præfer-
tum Irenæū &
Auguſt. locis
cit. & Tertul.
lib. de præſcrip-
t. & Optatū
lib. 2. contra
Parmen. &c.

PROBATIO III.

*Magdeburgen-
ſes centuriato-
res doctrinam
potius Eccleſia
Romana oſten-
derunt eſſe A-
poſtolicam.
In præfat. lib.
pro epiſt. Pon-
tiſ. & canonib.
Apoſt. cō-
tra Magde-
bu gen.*

Patres non videantur de hac ipſa numero congregatio-
ne, quæ hodie paret Romano Pontifici, paruitque Ponti-
ficibus recentioribus, eſſe loquuti. Huic enim quoque
teſtimonium rei ipſa perhibuerunt, eo ipſo, quod non alia
de cauſa fatebantur, cum cœtum hominum, qui cum
Romana Eccleſia communionem illis temporibus ha-
bebat, eſſe Apoſtolicum, niſi quia ſucceſſione Episcoporum
ac populorum, atque adeò etiam ipſius doctrinæ,
cum illa ipſa Eccleſia primitiua coniungebatur, quæ fuit
ab ipſis Apoſtolis plantata, ſicut hodie planè coniungi-
tur Eccleſia quæ nunc eſt Romana.

QUARTO, cùm Aduerſarij contrà, teſtimoniis vete-
rum, tum alibi, tum maximè in hiſtoria Magde-
burgenſi probare voluerint, non retineri à nobis, ſed in-
ſtaurari à ſe potius doctrinam ab Apoſtolis traditam; hoc
adeò non præſtiterunt, vt tanquam laboraſſent ipſi pro
nobis, non ſuam, ſed noſtram omnino originem oſtēde-
rint eſſe Apoſtolicam. Etenim (vt optimè Turrianus no-
ſter annotauit) præcipuus illorum labor in eo conſum-
ptus eſt, vt ex omnibus Eccleſiæ ætatibus teſtes collige-
rent & accerſerent, qui pro nobis, noſtraque doctrina,
contra ſe teſtimonium dicerent, vt id ipſi teſtimonium
non aliter reſellerent, quàm auctoritate ſua (magna ſci-
licet) affirmando, n̄uos atque errores eſſe eiſmodi Pa-
trum, quòd nobis fuerint ſuffragati. Qua quidem re non
minus ſtultè fecerunt, quàm reus aliquis faceret, ſi dum
nullum innocentia ſuæ idoneum teſtem inuenire po-
teſt, laboraret tamen in teſtibus accerſendis, qui ipſum
condemnarent, vt coram iudicibus deinde diceret, illos
omnes mentiri. Atque hoc idem iudicium eſt aliorum
omnium, qui cum iudicio aliquo hiſtoriam illā Centu-
riatorum Magdeburgenſium legunt. Nulla enim anno-
rum

rum centuria est ex tredecim, in quas memoriam temporis à Christo nato ad annum vsque circiter 1300. partiti sunt, in qua non ipsi apertè^d indicauerint, Orthodoxos, qui vnaquaq; centuria floruerunt, doctrinæ nostræ vel more institutoq; religionis, vel fidei dogmatibus explicandis, vel damnandis hæreticis (quorum isti nunc discipuli sunt) suffragari: nisi quod inclinationem doctrinæ, næuos, superstitiosos cultus, erroresque Doctorum (scilicet) appellant.

resibus, & cap. 6. cuius inscriptio est de cærimoniis & ritibus; & cap. 7. cuius inscriptio est de gubernatione Eccle. & cap. 10. cuius inscriptio est de Doctoribus & Episcopis. Item quandoque in præfationibus ipsarum centuriarum. Item sæpe etiam in cap. 1. quod est de Ecclesiâ; & in cap. 3. quod est de Ecclesiæ persecutione.

Id maxime animaduertet in vnaquaq; centuria ca. 4. cuius inscriptio ubique est, de doctrina, & ca. 5. cuius inscriptio est de hæ-

ALIA Ecclesiæ proprietates, ex qua item, tanquam ex nota, dignosci illam debere dicebamus, recte est ordo. In quo maxime illustris est auctoritas atq; dignitas Ecclesiastici ministerij, continua serie successionis Episcoporum ac Ministrorum Ecclesiæ constans, quos Deus vsq; ad seculi consummationem esse voluit, vt tanquam Pastores & Doctores in vera solidaque doctrina contineant atq; confirmet fideles alios, ne falsarum opinionum vento circumferantur. Hinc verò propterea firmissimum ad veram Ecclesiam comprobendam argumentum ducitur, quia ex epistola ad Ephesios perspicuum est, doctrinam fidei veram, atq; adeò communicationem cum legitima Christi Ecclesia, ab huiusmodi Pastorum atque Doctorum ministerio disungi non posse. Nam Apostolus nobis declarat, consilium Dei fuisse, perpetuò vt in Ecclesia sint Pastores, à quibus Christianus populus doctrina solida rectè informari possit. Cuius quidem consilij, cum totum ad Christiani populi salutem accommodatum sit, ea certè vis est, vt nunquam nō idem populus, in Ecclesiæ legitimis Pastoribus doctri-

V.

Ephes. 4.

Continua successio ministrorum, cur sit Ecclesia nota cert.

nam veram reperturi sint, si ab iis eam requirant. Id autem ut consistat, omnino fatendum est, secundum legem quidem ordinariam Dei, neutiquam fieri posse, ut legitima perseueret in Ecclesia successio Pastorum, & tamē apud eos non sit vera atq; solida fidei doctrina. Quod & illa etiam ratione manifestissimē pater. Si enim fieri posset, ut omnes legitimi Ecclesiæ ministri à vera fide aberrarent, posset quoq; euenire, ut aberrarent item cum illis reliqui fideles omnes. Sequuntur enim hi, in id sequi debent, vocem Pastorum. At ut oues omnes & Pastores errent, id est, ut erret Ecclesia vniuersa, quæ constat omnis, ut Diuus Gregorius Nazianzenus ait, ex ouibus & pastoribus, fieri, ut suprā est probatum, nullo modo potest. Ergo neque ut errent omnes Ecclesiæ ministri legitimi.

In orat. de moder. in disput. habenda.

Patres ex successione ministrorum ostendisse veram Ecclesiam.

Lib. de præscript.

Hoc cum præclarē olim intelligerent sanctissimi Patres, ipsi quoq; contra sui temporis hæreticos vehementer premebant istud argumētum, quod pro Ecclesia vera, ex legitima Episcoporum auctoritate, continua successione ab Apostolis proueniente, ducitur. *Edant*, inquit Tertullianus, *origines suarum Ecclesiarum: euoluant ordinem Episcoporum, ita per successiones ab initio decurrentes, ut primus ille Episcopus aliquem ex Apostolis, vel Apostolicis viris, qui tamen cum Apostolis perseuerarit, auctorem habuerit vel antecessorem.* Item Augustinus aduersus Donatistas: *Numerate*, inquit, *Sacerdotes primò ab ipsa sede Petri. & in ordine illorum Patrum quis cui successerit, videte.* Et contra Epistolam fundamenti; *Tenet me*, inquit, *in Ecclesia Catholica ab ipsa sede Petri Apostoli, cui pascendas oues suas Dominus commendauit, usq; ad presentem Episcopum successio sacerdotum.* Hoc argumento Augustinus nunquam esset permotus, nisi ex sacris literis didicisset à manifesta continuataque

Pasto-

In Psalmo contra partē Donati post medium
Lib. contra epist. fund. c. 4.
Atque eodem modo idem
Aug. argumētatur in epist. 165. ad literas cuiusdam Do-

Pastorum Ecclesiæ successionē, doctrinæ veritatem atq; adeò legitimam Christi Ecclesiam diuelli non posse. Quod enim ait: *Tenet me in Ecclesia Catholica, sacerdotum successio*: tantundem valet, ac si dixisset: Ideò in huius cœtus communione permaneo, quoniam in eo existimo esse cum successionē veritatem coniunctam, quæ tanquam anima est Ecclesiæ. Prætereo ^a Irenæum, ^b Epiphanium, ^c Cyprianum, ^d Optatum, & alios, qui similiter ex eiusmodi successionē, tanquam ex certa nota, dignosci legitimam Ecclesiam voluerunt.

nat. in qua Pontifices oēs enumerat vñque ad Anastasium.

^a Lib. 3. c. 3.

^b Contra hæ. ref. 27.

^c Lib. 1. ep. 6.

^d Lib. 2. cōtra Parmen.

Hanc notam ordinis in manifesta Pastorum atque Doctorum successionē, in solam Ecclesiam, quæ Romano Pontifici paret, conuenire, clarius est, quàm vt ab ipsis Sectariis negari vñlo modo possit. Constat enim à Diuo Petro vsq; ad Gregorium ipsum decimum tertium, qui Pontifices in Ecclesia Romana, successionis serie præfuerint, itemq; in aliis etiam Ecclesiis omnibus qualis itidem fuerit à sua cuiusq; Apostolica origine successio Pastorum. Contrà Sectarum magistri, quibus ipsi Apostolicis viris loco atq; ministerio Ecclesiastico successerint, demonstrare non possunt. Imò ne volunt quidem cum iis aliquid esse sibi commune, qui in illo externæ successionis ordine suum locum ministrorum tenent. Itaque quod Optatus Mileuitanus de Victore hæretico Donatista, inquit, eum Romæ fuisse *filium sine patre, discipulum sine magistro, &c.* hoc idem rectè de Luthero dici potest, itemq; de Zuinglio, Caluino, & aliis Sectariis, qui primi variis in vrbibus nostra Patrumq; memoria errores disseminârunt. Hic enim *nemini succedentes* (vt de Nouatiano Cyprianus scripsit) *à se ipsis Episcopi ordinati sunt* & tanquā *de se* prodigiosè *nasci voluerunt*, vt inquit de hæreticis aliis Optatus. Quod cum ita sit, non sunt Ecclesia Christi illi cœtus,

Legitima successione ordinis sola Romana Ecclesia competere.

Lib. 2. contra Parmen.

Lib. 1. ep. 6.

Lib. 1. contra Parmen.

cœtus, qui ab eiusmodi Sectariis sunt eruditi. Cæterum hîc respondent dupliciter. Primum, externam successionem Pastorum & Doctorum in ministerio tantum externo & loco, minimè ipsam per se indicium esse veræ Ecclesiæ, nisi cum successione sit coniuncta in eadem doctrina Apostolica. Ab hac autem descivisse Pastores & Doctores qui adhærent Romano Pontifici. Proinde, quamvis in locum illi successerint Apostolorum, tamen nihil minus quàm Apostolicam esse eam Ecclesiam, quæ ipsis adhæret. Deinde aiunt, se quantumvis careant illa successione, tamen legitimos esse Pastores & Doctores, quoniam diuinitus sint ad instaurandam doctrinam Apostolicam excitati extraordinaria vocatione: nō minus quàm olim Prophetæ, aut ipsi etiam Apostoli: qui auctoritatem docendi minimè sunt consequuti ordinaria successione..

Non posse Sectarios illo modo defendere esse se legitimos Ecclesia Ministrum.

Successione in doctrina vera non posse à successione ipsa Pastorum Ecclesia separari.

Sed quis non videat vtrumq; ab istis vanissimè dici? Quod enim ad primum attinet, paulò antè ex Scriptura & Patribus probauimus, à successione legitima & ordinaria Pastorum omnium & Doctorum Ecclesiæ neutiquam separari posse veritatē Apostolicæ doctrinæ. Quare fatemur, si successio legitima Pastorum & Doctorum absq; doctrinæ veritate staret, non ex illa satis posse veram Ecclesiam demonstrari. Sed pernegamus (secundum legem quidem Christi ordinariam) doctrinæ veritatem ab illa successione penitus seiungi posse; ita nimirū, ut nulli aliquando super sint in illa successione Doctores atque Pastores, qui doctrinam incorruptam retineant, sed omnes à verò aberrant. Quid enim si Augustino, Irenæo, Cypriano, & aliis Patribus, à successione Pastorum & Doctorum Ecclesiam Christi, atque ad eam veritatem in ea doctrinæ quasi compendio quodam demonstrantibus,

tibus, Lutherus aliquis vel Calvinus, vel quivis alius recens Sæctarius, obieciſſet, ex ſucceſſione ipſa miniſtro-
rum per ſe, veram Eccleſiam demonſtrari non poſſe, niſi
cum ea ſucceſſione veritatem doctrinæ cõiunctam eſſe
argumentis aliis comprobetur? Annõ hoc fuiſſet ſtulti-
tiæ ſanctiſſimos atq; eruditiſſimos Patres arguere, quòd
ex ſucceſſione pro vera Eccleſia argumentarentur, cùm
potius deberent argumentari ex vnica veritate doctrinæ?
Atqui illi veritatem doctrinæ, vnà cum legitima Eccle-
ſia, rectè ex ordinaria illa ſucceſſione probari poſſe puta-
uerunt, quia nec Eccleſiam, neque adeò veritatem do-
ctrinæ ab illa Doctõrum ſucceſſione ſeiungi poſſe exiſti-
mabant. Hac veriſſima perſuaſione fretus D. Gregorius
Nazianzenus hunc in modum ſui temporis hæreticos
Arrianos exagitabat: *Absconditam poſt Chriſtum ſapien-
tiam nobis annuncians. Rem lachrymis dignam. Si enim tri-
ginta his annis fides originem habuit; cùm quadringenti ſerè an-
ni ab eo tempore fluxerint, quo Chriſtus palam cõſpectus eſt; ina-
ne tanto tempore fuit Euangelium. Inanis etiam fides noſtra. Et
Martyres quidem fruſtra martyrium ſubierunt. Fruſtra etiam
tales tantiq; Antiſtiſtes populo præfuerunt.* Itẽ Hieronymus:
*Cur poſt quadringentos annos docere nos niteris, quod antè ne-
ſciimus? Uſque in hunc diem ſine iſta doctrina mundus Chri-
ſtianus fuit.* Et Tertullianus in præſcriptionibus contra
hæreticos: *Qui eſtis, inquit, vos? Vnde aut quando veniſtis?*

Num verò illi hæretici, quos ita ſanctiſſimi Patres
refutabant, nouam & ab Apoſtolica traditione diuer-
ſam doctrinam proferre ſe fatebantur? Minimè. Sed id
tamen Patreſeo argumento conuincebant, quod ſecus
illi docerent, quàm ordinarij miniſtri ante illos docuiſ-
ſent, à quorum ordinaria vocatione & ſucceſſione do-
ctrinam Apoſtolicam ſeparari non poſſe Patres illi ſan-

Episto. 1. ad
Cleidon.

In epist. ad Pa-
mach. & Ocea-
an. de errori-
bus Origenis.

Sæctarios iam
eodẽ modo quo
Veteres hære-
cos tergiverſa-
ri, & eodẽ mo-
do reuinci quo
illa à Patribus
cõſutabantur,

Lib. 4. aduerf.
hærel. cap. 4.

Eodem lib.
cap. 45.

ctiffimi meritò perfuafi erant. Quod ipfùm euidentiffimis illis verbis affirmat D. Irenæus. *Obaudire oportet iis, qui fucceffionem habent ab Apoftolis, qui (id eft, quia) cum Epifcopatus fucceffione charifma veritatis acceperunt.* Et rurfus: *Vbi charifmata Domini pofita funt, ibi oportet difcere veritatem; apud quos eft ea, qua eft ab Apoftolis fucceffio. Hi enim eam, quæ eft in vnum Deum, qui omnia fecit, fidem noftram cuftodiunt, & Scripturas fine periculo nobis exponunt.* Vides quemadmodum ex fucceffione, certo quali vinculo colligit veritatem?

Sectarios nō cf-
fe à Deo extra-
ordinariè ad
docendum mif-
fos.
In orat. deve-
ris ac falſis
Doctores.

Quod autem ifti aiunt, fe extraordinario modo diuinitus eſſe vocatos atque miſſos, vt olim Prophetæ & Apoftoli fuerunt: id verò nonniſi vaniſſimè ab ipsis fingi demonſtraui nuper alio quodam in loco. Vbi primùm aiebam, vix me credere, ſic illos eſſe perfuafos. Quanta enim temeritas eſt, homines & ventri plerumq; & mundo deditos; nec magnis aliquibus aut eruditionis, aut pietatis inſignibus ornatos, hunc in modum apud ſe ſtatuer: Ego neque vocatus ad Eccleſiaſticum miniſterium, neque miſſus modo ordinario ſum, videlicet per ſeriem ſucceſſionis: ſed ſum tamèn vocatus & miſſus ab ipſo Deo, vel certè à Martino Luthero & ſimilibus, qui ſine ſucceſſione fuerunt ipſi diuinitus tanquam Prophetæ atque Apoftoli, ad id miniſterium excitati. Profeſſò dubitant iſti ſaltem vtum ita ſit, niſi planè inſaniunt.

Quanam argu-
mentandè fer-
ma certiffimè
probetur Secta-
rios non eſſe
extraordinariè
ad docendum
miſſos.

Deinde neque Lutherum, neque vllum Sectarium extraordinario modo fuiſſe à Deo miſſum, hac ratione maniſeſtiſſimè probatur: Si qui vnquam extraordinariè ad docendum diuinitus mitterentur; ij ſic etiam ad perfuadendum, diuinitus inſtructi eſſent, vt ſpectatis omnibus rerum circumſtantiis, prudenter poſſent fideles, etiam vulgares, illis potius quàm ordinarijs miniſtris fidem

fidem adhibere. Non sunt autem ita ad persuadendum diuinitus instructi Sectarij. Quare extraordinariè ad docendum missi diuinitus nequaquam sunt. Maior propositio patet. Quoniam quos extraordinariè Deus ad docendum contra doctrinam ab ordinariis ministris traditam mitteret; iis vt potius fideles omnes etiam vulgares crederent, procul dubio vellet: imò ad eam rem mitteret, vt ab iis omnes de veritate aduersus receptos errores docerentur. Neque verò Deus vult aut etiam velle potest, vt iis Doctoribus homines fidem habeant, quibus fides haberi prudenter nequeat re tota circumspèctè deliberata. Vult enim Deus, vt nihil nisi rectè ab hominibus agatur, rectè autem non creditur, nisi quod prudenter creditur. Atque idè diuina testimonia dicuntur à Psalmista *credibilia nimis*, quia doctrina cœlestis eo modo, quo ex voluntate Dei hominum ministerio proponitur, dignissima est fide ac assensione prudentum. Quin sit igitur vera nostri argumenti Maior dubitandum non est; nempe qui extraordinariè ad docendum diuinitus mitterentur, eos ita etiam ad persuadendum diuinitus oportere esse instructos, vt omnes etiam vulgo fideles prudenter possint ac debeant illis potius, quàm ordinariis ministris, fidem adhibere.

Psalm. 92.

Nunc probò propositionem alteram argumenti minorem, videlicet nullos Sectarios ita diuinitus ad persuadendum esse instructos. Hi enim quò hominibus persuadeant, doctrinam quam proferunt, esse illam ipsam, quæ in Scripturis cõtenta, quæ ab Apostolistradita, quæ miraculis olim cõfirmata, & in summa quæ vera sit, nulla realia præterquam vnica pollicitatione doctrinæ vergetur. Non multitudine, non antiquitate, non integritate vitæ, non vlllo eiusmodi titulo, qui auctoritatem

*Non posse fide-
les prudenter
credere Secta-
riis.*

alioqui doctrinæ cōciliare posset, extraordinarij isti Pro-
phetæ cum Ecclesiæ Ministris ordinariis certare volunt.
Quin propterea tantum postulāt, vt sibi potius credatur,
quoniam verissimam, vt dicunt, ostendunt doctrinam.
At ipsa per se veritate doctrinæ quomodo ad credendum
prudenter induci poterunt ij, qui nō queunt ipsi satis di-
iudicare & perspicere doctrinæ veritatē? Quid opifices?
Quid rustici? Quid ad vnū omnes literarum ignari faciāt?
Debent, inquit Sectarij, nobis potius, quàm Papisticis
ministris ordinariis credere, sibiq; persuadere à Deo non
esse ad repurgandā fidei doctrinam missos. Cur ita verò?
Quoniam nihil in vlla fidei quæstione hodie cōtrouersa,
nisi ipsissimam Scripturæ sanctæ doctrinam docemus. At
maior hominum pars, iudicare de ipsa per se veritate do-
ctrinæ in quæstionibus controuersis nequit, vt suprà cō-
uicimus. Nam etsi sententiā fortasse vnius partis vt cunq;
possint vulgares fideles percipere: nō tamen cum alia cō-
traria accuratè conferre, nō argumenta vtrinq; suis mo-
mentis satis prudenter ponderare, nō deniq; ita intellige-
re, vt necesse est ad iudicandum de ipsa ratione doctrinæ;
quod sine doctrina, qua pleriq; carēt, fieri minimè potest.
Quomodo igitur ij prudenter animū inducent, vobis po-
tius credere, si nihil aliud, quàm doctrinæ veritatē, vt vo-
bis assentiantur, proponitis? Quid quod nō minus ab or-
dinariis ministris promitti veritatē animaduertunt? Cer-
tè est manifestum, eos, qui obiecto tātum veritatis titulo
opinionem suam aliis persuadere student, non esse diuinitus
ad persuadendum ita instructos, vt prudenter omnes ho-
mines facturi sint, si illis potius crediderint. Solam autem
doctrinæ veritatem prætendunt Sectarij: Non sunt igitur
diuinitus ad persuadendum omnibus instructi: atq; adeò
neq; missi diuinitus ad docendum extraordinariè, vt antè
conclausimus.

Hoc

Hoc ut clarius intelligeretur, hominem faciebam aliquem prudentem, neque tamen rerum Theologicarum peritum, secum ratiocinantem hunc in modum.

Audire Catholicos & Sectarios contrarias mihi sententias de fidei questionibus proponentes. Vtri verò parti potius adhaream? Certè illi debeo, cui si re circumspicere deliberata potius credidero prudenter sim facturus. Vult enim Deus, ut non nisi prudenter credam. Sed quosnam potius veritatem proponere mihi prudenter persuasero? Catholicosne an Sectarios? Omnino duplex ratio suppetere potest ad id diiudicandum. Vna, si veritatem apud hos potius, quàm illos esse ipse perspiciam. Altera, si horum potius auctoritate mouear, ut ab his potius, quàm ab illis veritatem (tamen si eam ego non satis intelligam) doceri statuam. Priori modo, nempe ut ipse ex ratione doctrina de veritate iudicem, nequaquam prudenter desinire possum, vtri potius veram doctrinam profiteantur. Neque verò, ut hac ego via ad veram fidei cognitionem perueniam, Deus à me requirit. Non enim res ipsas controuersas satis intelligo: nec me Deus obligat, ut quò fidem incorruptam tenere possim, in studium incumbam Theologie. Restat igitur ut auctoritate me induci oporteat, quò demum statuam, apud hos potius, quàm apud illos esse doctrinam veritatem. Quod si auctoritate hominum me duci oportet: certè est necesse, ut quorum auctoritas, consideratis omnibus, maior & fide dignior est, iis potius assentiar. Porro eorum hominum, qui docent, auctoritas partim existit ex rebus naturalibus quæ fidem conciliare solent, partim aliquando ex mirabilibus signis, quibus doctrina veritas nonnunquam solet diuinitus comprobari. Naturalia quasi ornamenta, quæ ad auctoritatem faciunt, sunt, ingenium, studia, antiquitas, multitudo, & id genus prerogatiua eorum, qui in eadem doctrina consentiunt. Supernaturalia sunt, miracula, qualia ediderunt olim Propheta & Apostoli, & alij qui ad doctrinam supernaturalem aduersus errores inueteratos homi-

In oratione illa de Doctrinis supracitata.

Qua ratione vir prudens apud se prudenter deliberare possit vtri potius parti, Sectariorumne an Catholicorum, assensum debeat.

nibus persuadendam diuinitus missi aliquando fuerunt. Iam igitur ut maioris pondere auctoritatis prudenter impellar, ad assentiendum alterutri parti; videlicet Catholicorum vel Sectariorum: comparatio mihi auctoritatis horum & illorum facienda est; ut quorum, omnibus consideratis, maior & fide dignior videbitur esse auctoritas, eos potius credam verum docere. Considerabo autem atque comparabo in utraque parte sigillatim tum naturales, tum supernaturales causas auctoritatis. Certè quod ad naturales attinet, nihilo sunt Catholici atque ordinarij ministri Sectariis extraordinariis (sicut se volunt nominari) inferiores, quin imò multis partibus eis antecellunt. Quis enim ita despiat, ut censeat eos, qui fuerunt post Lutherum, Sectarios, vel ingenio, vel studiis, vel multitudine, vel antiquitate, vel integritate vita aut superiores aut pares esse iis omnibus Catholicis Ministris atq; Doctores, quos illi oppugnant, id est, omnibus qui à tot seculis sunt ac fuerunt in Germania, Gallia, Hispania, Italia, in toto orbe Catholici? Quod si verò me ad causas supernaturales auctoritatis conuerto, planè reperto, ne comparari quidem ullo modo cum ordinariis ministris Catholicis Sectarios extraordinarios posse. Quod enim aut quale, aut quando miraculum ediderunt, quo diuinitus probaretur, digniores esse ipsos fide? De nullo prorsus constat. Cum tamen apud Catholicos nullo non ferè tempore variis in locis admirabiles euentus, beatissima praesertim Virginis aliorumq; Sanctorum intercessione, contingant. Si igitur extraordinarij Sectarij neque naturalibus ornamentis, aut superiores aut pares Catholicis & ordinariis Doctores, neque supernaturalibus ullo modo cum iis comparandi sunt; consequitur certè, Catholicorum auctoritatem, consideratis omnibus, praeponderare apud me debere. Cumq; auctoritate ipse in hac varietate sententiarum de doctrina fidei (ut antè conclusum est) duci debeam; neque prudenter moueri possim, nisi à maiore auctoritate: statuo prorsus Catholicis potius, quàm Secta-

riis assentiri. Hos doctrinam fidei verissimam proponere: hos legitimos esse Doctores & Ministros: ab his doctrinam diuinitus reuelatam, & à Christo traditam, & ab Apostolis verbo, scriptis, miraculis cōfirmatam doceri credo: Sectarios autem omnes, non extraordinariè diuinitus ad docendum missos, neque ad eò vera docere, sed hæreticos planè extraordinarios esse (quales à Catholicis iudicantur) mihi persuadeo.

Ex his certò concludebam, omnino nihil Deum habiturum quod in illo tremendo tribunali opponat huic opifici, huic mercatori, huic nobili, huic homini illiterato, qui hunc in modum apud se ratiocinatus, doctrinam potius Catholicorum de multiplicibus atque variis illis quæstionibus hodie controuersis veram esse crediderit? An enim is conuinci poterit minus prudenter credidisse? Certè non poterit. *Vna est enim auctoritas*, inquit verissimè Augustinus, *qua stultos, hoc est indoctos, ad sapientiam peruenire oportet*. Neque minori, sed maiori auctoritate hominem moueri par est, vt animum inducat credere. Antecellunt autem auctoritate Catholici longè Sectariis, qua meritò atque prudenter mouentur, præsertim ij, qui non sunt docti. Quod cùm ita sit, non sunt diuinitus instructi ad persuadendum omnibus Sectarij: vnde sequitur, neque esse eos extraordinariè missos ad docendum; sicut antè sumus argumentati.

Lib. de utilie.
cred. cap. 16

Atque id probabam rursus hoc modo: Quotiescunque Deus voluit, vt paucis & in speciem minus fide dignis aduersus reliquam multitudinem, tanquam extraordinariè missis, crederetur, toties supernaturalib⁹ signis, quæ naturalibus omnibus aliis ornamentis præponderarent, eorum auctoritatem hominibus comprobauit. Hoc animaduertere licet in Moyse, in Prophetis, in Apostolis, quorum doctrinæ veritatem signis mirabilibus, atq; pro-

*Relle concludi
Sectarios non
esse extraordi-
nariè à Deo
missos quando-
quidem eorum
doctrina nullis
miraculis à
Deo comproba-
tur.*

*pro-
digijs*

Hebr. 1.

digis Deus contestatus est, vt inquit D. Paulus. Hoc etiam ipsa ratio diuinæ prouidentię requirit. Si enim supernaturalibus saltem virtutibus ij, qui naturæ alioqui ornamentis inferiores auctoritate sunt, superiores esse non videantur, quomodo poterunt homines, præsertim indocti, qui sola auctoritate commoueri debent, prudenter illis assentiri? Neque profectò rectè ab hominibus exigeretur, vt id crederent, quod non possent prudenter credere. Atqui nullis Deus mirabilibus ac supernaturalibus signis auctoritatem nobis istiusmodi prædicantium extraordinariorum commendauit; & sunt alioqui Catholicis, si cætera spectemus ornamenta, impares: Nequaquam sunt igitur diuinitus ad eam rem missi, vt doctrinam à Catholicis ministris ordinariis traditam ipsi refellant.

In epistola ad
Regem Gallię
Franciscum.

*Refellitur Cal-
uini tergiver-
satio quod attu-
net ad miracu-
la.*

At illis ipsis miraculis (inquit Caluinus) freti sumus, quæ Apostoli ediderunt, quandoquidem non nisi illam ipsam doctrinam proponimus, quæ ab ipsis Apostolis est explicata. Quid verò magis ineptè responderi potuit? Quæstio enim omnis inter nos est, vtri potius doctrinam illam Apostolicam sequantur? Catholicine atque ordinarij Doctores, an verò Sectarij extraordinarij? Quod cum quæritur, simul quæritur, vtrinc nitantur illis miraculis, quibus est Apostolica doctrina diuinitus probata. Ita fit, vt ea quæstio minimè ex illis ipsis Apostolorum miraculis determinari debeat aut possit. Vtraque enim pars illa miracula vnà cum ipsa doctrina Apostolica sibi vendicat: Et quærantur præterea indicia, ex quibus constet ad quam partem illa potius pertineant, Catholicorumne an Sectariorum? Hic igitur si Sectarij respondeant, ad se pertinere, quia ipsi doctrinam Apostolorum miraculis confirmatam tradant; quis non videat eos lude-
dere

dere & principium petere, hoc est, id ad probandam suam causam sumere quod est in quaestione positum & aliunde deberent probare? Veritate, inquit, ipsa doctrinæ id probamus. At hanc veritatem non omnes intelligunt, ut antè dictum est. Auctoritatis igitur pondere necesse est homines impellatis ad vobis assentiendum. Hac cum non excellatis; utpote neque præstantioribus naturæ ornamentis, neque ullis supernaturalibus indiciis diuinitus commendati: concludimus, non fuisse vos extraordinariè à Deo missos, ut mundum doceretis quod (ut inquit Hieronymus) antè nesciuerat. Huc accedit quod ne iis quidem, qui ad oppugnandam Ecclesiæ doctrinam miracula ederent, nunc credi debet: cum necesse sit ea esse falsa miracula, facta in astutia Satanæ, quæ opiniones confirmant pugnautes cum certissima veritate diuinitus iam pridem nobis testata. Id autem cum ita sit, quanto minus credendum Sectariis est, qui nullis neque veris, neque apparentibus miraculis confirmant doctrinam pugnantem cum orbis vniuersi consensione?

Sed quàm non sint isti diuinitus ad docendum extraordinariè missi, satis hætenus demonstratum esse puto. Cum autem neque sint Doctores & Pastores ordinarij, ut ipsimet fatentur: restat ut *ascenderint aliunde in ouile ouium*, atque adeò ut (Christo ipso iudice) sint *fures & latrones*, qui non pastum doctrinæ salutarem præbeant Christi ouibus, sed eas *furentur*, hoc est, abstrahant ab Ecclesiæ ouili, *perdant & maculent*. Quod cum ita sit, non sunt Christi Ecclesia illi coetus qui adhærent Sectariis. Nam Ecclesia, ut antè argumentabamur, sine ordine legitimorum Ministrorum, Pastorum & Doctorum nunquam est. Tales autem, ut ostensum est, non sunt Sectarij, sed Catholici ministri, ut probauimus. Coetus igitur ille, in quo Ca-

Ioan. 10.

tholicorum Doctorum atque Pastorum ordo conspicitur, id est, qui Romano Pontifici paret, est vera Christi Ecclesia. Et hactenus quidem hoc modo ad eam assertionem confirmandam argumentum ab Ecclesiæ prærogatiua, quæ in ordine consistit, duximus.

*Ecclesia ordinā
in differentia
variorum Vita
statuum & of-
ficiorū emine-
re: Unde etiam
probat, solū
Romanam Ec-
clesiam esse Ec-
clesiam veram.
Descriptio bre-
ui totius Vi-
rietatis & or-
dinis hierar-
chici Ecclesiæ.*

1. Cor. 12.

*Triplex Vita
statu,*

a Matth. 19. &
Matth. 10. &c.

b 1. Tim. 3. &

4. & ad Tit. 1.

& apud Lucā.

Act. 20. &c.

c Obedientiæ,

Lucæ 9. 2. Cor.

2. Hebr. 13. &c.

Calumnias,

Matth. 19.

1. Cor. 7. &c.

Paupertatis,

Matth. 19. Lu-

cæ 9. &c.

Eminet etiam Ecclesiæ ordo maximè in differentia atque varietate vitæ statuum & officiorum seu administrationum quæ in illa cernuntur. Quæ differentia partim nascitur ex differentia obligationum, quibus alij atque alij fideles ad alia, & alia genera vitæ astringuntur; partim ex differentia gratiarum & potestatum, quæ ad varias functiones in Ecclesia obeundas, diuinitus distribuuntur. *Diuisiones enim*, inquit Apostolus, *gratiarum sunt, & diuisiones operationum, & diuisiones administrationum.* Atque pro differentia quidem obligationum ad alia & alia genera vitæ, tres in vniuersum status fidelium maximè insignes in Ecclesia distinctos animaduerrere licet, quorum quilibet in Scriptura sacra noui Testamenti commendatur. Vnus coniugatorum, qui sola communi obligatione seruandæ legis diuinæ tenentur, quò ad beatitudinem peruenire possint. Quæ vitæ ratio satis ab ipso etiam Christo Domino ^a probata est. Alter status est Episcoporum & Præbyterorum, à quibus & officij & dignitatis ratio singularem vitæ perfectionem requirit. De quorum obligatione sæpe verba facit ^b Apostolus. Tertius est religiosorum, quorum vitæ institutum; nisi obedientiæ, & castitatis, & paupertatis professio, in ^c Scripturis sanctis luculenter commendata & proposita, impie vituperetur; sperni non potest. Porro ex differentia actuum earum operationum, quæ secundum legem Dei ordinariam in Ecclesia necessariæ sunt, ut ad beatitudinem peruenire possint fideles; differentia etiam nascitur officiorum

ciorum Ecclesiasticorum. Sunt autem tria genera eius-
modi operationum. Nempe diuini verbi prædicatio. Sa-
cramentorum administratio. Gubernatio seu regimen
animarum. Quæ tria genera actionum D. Dionysius A-
rcopagita aliis verbis expressit, cum actus hierarchicos
tripartitò diuisit. Docet enim ad Ecclesiasticum mini-
sterium tria pertinere, nempe *purgare, illuminare, & perficere*. Fit enim *Purgatio* prædicatione diuini verbi, *Illumina-
tio* administratione Sacramentorū, quibus animus splē-
dore gratiæ exornatur, vt D. Dionysius interpretatur,
Perficere autem adeos maximè spectat, qui regunt alios;
vt ad Episcopos: quos idcirco D. Dionysius appellat per-
fectores. Iam concionandi muneri destinantur propria
quadam ratione quidam in Ecclesia cum delectu: neque
cuius id munus vsurpare licet. Administrationi autem
Sacramentorum varij ministri, secundum varios gradus,
qui cōtinentur ordinis Sacramento, destinati sunt. Item
regendi auctoritas multis, neque omnibus vno modo
conuenit: quin aliis amplior, vt Episcopis; aliis angustior
concessa est; vt Præsbyteris Pastoribus animarum. Qui
omnes vni Pastori, summo secundum Christum, subiecti
sunt, cui est omnis Ecclesiæ cura (sicut postea videbimus)
commisā. Hac *varietate* tum vitæ statuum, tum officio-
rum, tum graduum, tanquam *vestitu deaurato*, circuma-
micta Ecclesia summam obtinet dignitatem. Hunc ordi-
nem & hierarchiam insigne Christi Ecclesiæ ornamen-
tum esse, passim sancti Patres, integris etiam volumini-
bus de hoc argumento editis, testificantur. Quin & Scri-
ptura sacra multis modis significat huiusmodi ex varie-
tate Ecclesiam esse constitutam. Ideò enim *corpus* (vt su-
perius quoque notauimus) ideò *regnum*, ideò *ciuitatem*,
ideò *domum*, & ne omnia nomina id genus persequar,

*Triplex ordo
hierarchicus
officiorum.*

Dionys. de Ec-
cle. hierarch.
cap. 5. & 6.

Psalm. 44.

ideò *castrorum aciem ordinatam* Ecclesiam vocat: in quibus rebus magnam licet officiorum ac munerum varietatem animaduertere. Et alios, inquit D. Paulus, *dedit Apostolos, alios Prophetas, alios Euangelistas, alios Doctores & Pastores, &c. in consummationem^e Sanctorum*, & vt efficiatur (sicut alibi inquit) *omnis homo^f perfectus*: qui finis atque scopus est huius Ecclesiæ varietatis atque Hierarchiæ. Et quemadmodum bonitas atque perfectio Dei variis admodum creaturis, & varia multiplicique ratione comunicatur, vt eo magis in illis omnibus emineat: ita etiam conuenit, vt multiplex Christi gratia, tanquam à capite in membra, variè deriuetur in varios fideles, quò magis pateant diuitiæ gratiæ & donationis ipsius.

Hac verò varietate & ordine Hierarchico Ecclesiam Romanam insignem esse, nemo est qui dubitet. Carent autem prorsus illa coetus Sectariorum. Non illi igitur, sed Ecclesia Romana est ea Christi Ecclesia, quæ in Scripturis sanctis *corpus, regnum, ciuitas, & domus Dei* propter eiusmodi varietatem nominatur. Quid enim aliud in Sectariorum Synagogis, præter Babylonicam cōfusionem, & velut orbitatem quandam atque desolationem tristissimam, apparet? Reiciunt varietatem vitæ statuum: oderunt obedientiæ, castitatis, paupertatis professionem: nullam ministrorum differentiam, quæ quidem auctoritate aliqua seu potestate peculiari ad munus rectè obeundum (præter meram ad id deputationem seu designationem) agnoscunt: Omnes apud eos, quod ad muneris auctoritatem attinet, sunt sacerdotes & Euangelij ministri: iidem pastores & oues: nulli qui certa professione virtutum præstantissimarum, obedientiæ, castitatis, paupertatis, secundum consilia Christi, ad beatitudinem contendant, per *viam* (vt Apostoli vocabulo vtar) *excell-*

lentiorum

^a Eph 4.

^f Colof. 1.
Finis ordinis
hierarchici.

Cum tanta ex
varietate sit
constituta Ec-
clesia.

Varietatem ex
qua Ecclesia est
circundata, in
sola cerni Ec-
clesia Romana.

Confusio Syna-
garum hære-
ticarum.

Lutherus tum
alias passim
tum maximè
in lib. de ab-
rog. Missæ pri-
uata.

1. Cor. 12.

lentior: nulla firmè cultus cærimonia: Denique talia apud eos omnia, vt in eorum religionis ratione vix aliquod Christianę disciplinę signum reliquum sit, quo eos possis ab ethnicis, nulla veri Dei cognitione imbutis, discernere. Sed de probatione ab Ecclesiæ ordine satis haftenus multa.

POSTREMÒ, quòd sola Ecclesia Romana perpetuò fuerit visibilis (hæc enim vltima prærogatiua est, ex qua suprâ conuicimus, probari etiam debere veram Ecclesiam Christi) ne ipsi quidem Sectarij diffiteri possunt. Quare in eo magis laborant, vt Ecclesiam inuisibilem nobis faciant: ne si visibilem esse concedant, fateri cogantur à vera Ecclesia se defecisse tum cùm defecerunt ab Ecclesia Romana, quæ sola, ante desertorem Lutherum, fuit in orbe cognita. Quando enim aut vbi ante annos circiter sexaginta Lutheri Synagoga fuit, hoc est, hominum aliquis cœtus, qui doctrinæ, qui cultus rationem à Luthero traditam sequerentur? *Audemus*, inquit ipse Lutherus, *gloriar*, *Christum primò à nobis vulgatum*. Et VVi-gandus: *Secundum*, inquit, *Germania beneficium est, articulo- rum fidei illustratio, qualis ab Apostolorum temporibus huc usq; in mundo non est cognita*. Si igitur doctrina Lutheri tam multis illis seculis ante Lutherum non fuit: qui esse potuerunt ante Lutherum cœtus, qui sequerentur doctrinam Lutheri?

Sed instaurauit (inquiunt) Lutherus omnino doctrinam veterem, adeoque veritatem in tenebris per tot secula delitescentem in lucem protulit. Hoc verò est quod ostendimus esse incredibile; vt tot seculis veritas atque adeò Ecclesia Christi latuerit: vt nulli fuerint cogniti, & successione aliqua constantes Pastores, & Doctores, ad

VI.

Solam Ecclesiã Romanam perpetuò fuisse visibilem, ac proinde legitimã.

In præfat. corporis doctrinę Lyphæ editæ, anno 61.

In lib. de bonis & malis Germaniæ. Sectarios ipsos testari se non auisse doctrinã.

Lutheri Ecclesiam & doctrinam, quæ tot seculis delituerit, non posse veram esse.

NOTA.

In libro de p-
script. hæreti-
corum.

Formula redar-
guendi monita-
tem doctrina
Sectariorum ex
Tertulliano.

Refutatio ca-
nilli, quo Secta
rj se expedire
conatur ab ar-
gumentatione
Patrū Veterū
cōtra hæreticos
ex assistentia
SS. erga Ecclē.
posita.

quos communiter oues Christi recurrerent pro salutari
pastu doctrinæ. Ecclesia enim Christi, qualis ea quidem
in Scripturis descripta est, omnino talis est, nempe con-
spicua, *supra montem posita*, in qua sint veri *Doctores & Pa-
stores*, in qua vsus legitimus vigeat Sacramentorum, in
qua sonet & audiatur vox veræ doctrinæ, vt superiùs abū-
dè probatum est. Talis igitur Ecclesia si aliquot seculis
non fuit; prorsus Ecclesia Christi nulla tunc fuit: quod si-
ne ingenti blasphemia dici non potest. Ac multò nos sa-
nè meliore iure Sectariis ita tergiuersantibus possumus
idem obiicere quod olim Tertullianus, ducentorum
tantùm annorum præscriptione fretus, nec tam latè
quàm modo propagata Ecclesia, sic hæreticis obiicie-
bat. *Quid?* inquit. *Verisimilene est, vt tot actanta Ecclesia in
vnam fidem errauerint? Scilicet, aliquos Marcionitas & Va-
lentinianos* (dicamus nos, Lutheranos & Calvinianos) *libe-
randa veritas expectabat? Interea perperam euangelizabatur,
perperam credebatur, tot millia millium perperam tincta, tot
opera fidei perperam administrata, tot virtutes, tot charismata
perperam operata, tot sacerdotes, tot ministeria perperam fun-
cta. Item, Hoc, inquit, si ita est, neglexit officium Dei villicus,
Christi vicarius, Spiritus sanctus, sinēs Ecclesiam aliter interim
intelligere, aliter credere, quod ipse per Apostolos predicabat.*
At enim veteres ita contra eiusmodi hæreticos ratioci-
nabantur, qui manifestos errores contra Scripturas de-
fendebant. Nos autem, inquiunt Sectarij, nihil docemus,
nisi quod continetur in scriptis Apostolicis. Ego verò
quin hæc à Patribus contra errores disputarentur, mini-
mè dubito. Sed hoc vrgeo, eo demum argumento, tan-
quam compendio quodam, veteres ostēdisse, erroneam
& à Scriptura alienam fuisse doctrinam illam veterum
hæreticorum, quoniam à doctrina multis seculis in Ec-
clesia

clesia recepta discreparet, nec verisimile esset tot Ecclesias, tot sacerdotes, tot Christi fideles tanto tempore in errore fuisse versatos. Hoc idem argumentum, cum nobis aduersus Sectarios eò etiã magis comperat, quò diurniore tempore fuisse Ecclesiam sine doctrina Lutheri constat; rectè similiter concludimus, nihilo minus illos, quàm veteres hæreticos à vera & Apostolica fide aberrare. Vanissimè igitur nobis doctrinam talem venditant, quæ vera fuerit & Apostolica; & tamen cum ea doctrina, quæ tot seculis palam apud fideles sonuit, pugnet, ipsaq; latuerit in inuisibili Ecclesia, qualem Christus certè nullam instituit, vt suprà probatum est. Quæ cum ita sint, rectè iniriò conclusimus, solam Ecclesiam, quæ Romano Pontifici pro tempore existenti paret; quoniã (vt hætenus demonstratum est) sola *vna, sancta, Catholica, Apostolica, rectè ordinata, & visibilis est*; veram illam atque legitimam esse Christi Ecclesiam, in qua vnica demum quæri debeat, atque inueniri possit auctoritas illa infallibilis, magistra fidei in omnibus quæstionibus controuersis. Deinceps quæ sunt reliqua prosequamur.





ANALYSIS

FIDEI CATHO-

LICAE, &c.

PARS SEPTIMA.

PONTIFEX IPSE RO-
MANVS EST, IN QVO AV-

*toritas illa residet, qua in Ecclesia exstat ad
iudicandum de omnibus omnino fidei
controuersis.*



VMvarij sint ordines fidelium in Ecclesia Christi; alius eorum, qui docent & præsent, quales in primis sunt Episcopi; alius eorum, qui ab iis reguntur ac pascuntur doctrina salutari atque usu Sacramentorum; cuiusmodi sunt vulgo ipsi fideles: hîc non iam disputamus an illa auctoritas infallibilis, cuius definitione oportet in Ecclesia diiudicari posse quæstiones fidei omnes, sit etiam in Episcopis & Doctoribus, adeoque in Conciliis, aut in cœtu ipso vulgarium fidelium; (quorum ordinum quatenus certa sit sententia in fidei controuersis, infra dicemus) neque vllam etiam cõparationem huius aut illius ordinis iam instituiamus: sed affirmamus nunc certè absolutè, eiusmodi auctoritatem in Romano Pontifice, qui pro tempore existit, reside-
re. Quam assertionem satis ipso iudicio legitimæ
Christi

In Rom. Pontifice esse sufficientem auctoritatem ad determinandas oēs omnino quæstiones fidei.

Christi Ecclesiæ confirmare possemus. Ita enim persuasus est ille hominum cœtus qui Romano Pontifici parer. Quem cœtum & veram esse Christi Ecclesiam, neq; falli posse, hætenus à nobis demonstratum est. Sed vtemur præterea iis probationibus quæ sunt huius loci propriæ. Atq; vt via & ratione de re latissimè patente differamus, placet hanc totam disputationem huiusmodi argumentandi forma concludere.

Cui Ecclesia tota obtemperare tenetur in iis rebus, quæ ad spiritualẽ animæ salutẽ pertinent, siue illæ fidem, siue cultum, siue mores concernant; in eo auctoritas est infallibilis ad fidei quæstiones omnes diiudicandas. Sed Romano Pontifici, pro tempore existenti, ita prorsus vniuersa Ecclesia obtemperare tenetur. Igitur in Romano Pontifice est eiusmodi auctoritas infallibilis.

Prima istius argumenti propositio facilè probatur ex his promissionibus, quæ de doctrinæ veritate sunt diuinitus factæ ipsi Ecclesiæ. Quod enim vniuersa Ecclesia credere tenetur: id infallibiliter verũ esse oportet. Alioquin falsum illa quandoq; obligaretur credere. Quod plurimũ abhorret ab illarum certitudine promissionum:

Hoc fœdus meum cum eis: Spiritus meus qui est in te, & verba Isai. 59.

mea, quæ posui in ore tuo, non recedent de ore tuo, & de ore seminis tui, & de ore seminis seminis tui, a modo & usq; in sempiternum: Item: *Alium paracletum dabit vobis, Spiritum veritatis: vt maneat vobiscum in æternum.* Item: *Ille vos docebit omnia, &c.* Vt alia nunc præteream, quæ suprà, cùm de

Ioan. 14.

ea Ecclesiæ prærogatiua ageremus, disputata à nobis sunt. Si alicuius igitur in rebus ad salutem pertinentibus, atq; ad eò in fidei controuersis iudicium sequi debent omnes fideles: is quin auctoritatem infallibilem ad fidei controuersias omnes determinandas habeat, dubitari

non potest: vt in illa priori propositione nostri argumēti posuimus.

Illud maius est, & accuratiore demonstratione indiget, quod in altera propositione assumpsimus, Pontificem Romanum esse, in quo talis ac tanta dignitas præmineat, vt in iis, quæ ad animi spectant salutem, adeoq; ad ipsam fidem, omnes fideles ei obtemperare parereq; teneantur. Quæ sanè assertio illum in Ecclesia principatum Romano tribuit Pontifici, quem Sectarij omnes cum primis reuocant in dubium, imò verò inficiantur. Neq; enim aliud nomine eiusmodi primatus intelligimus, quàm talem auctoritatem cui omnes fideles in vtroq; foro interno & externo parere debeant in iis, quæ spectant vel ad mores, vel ad cultum, vel ad fidem, id est, in salutis negotio. Ac sanè Romanum Pontificem hunc principatum obtinere, demonstratum luculēter à quàm plurimis Catholicis auctoribus est: ex quibus mihi valde probatur Thomas VValdensis, libro 2. doctrinalis fidei antiquæ cap. 29. & deinceps. Turrecremata lib. 2. de Ecclesia ferè per totum. Rossensis art. 25. cōtra Lutherum. Ioannes Driedo lib. 4. de variis dogmatibus cap. 4. parte 2. & 3. Melchior Canus lib. 6. de locis Theologicis per totum, vt eos nunc omittam, qui doctissimè etiam de hoc ipso argumento posterius scripserunt: vt Sanderum, Stapletonum, Franciscum Turrianum, &c. Nos quidquid in eius assertionis confirmatione præcipuè disputari solet ad hanc rationē commoda methodo reuocare posse videntur: Auctoritas illa in Ecclesia primaria prorsus à Christo tributa est B. Petro, & ipsius successoribus, vsq; ad consummationem seculi. Sed Romanus Pontifex pro tempore existens, B. Petri est successor. Igitur Romano Pontifici pro tempore existenti illa auctoritas à Christo tribuitur.

Hoc

Nomine primatus Rom. Pontificis quid intelligatur.

Summa dissertationis de Romanæ Pontificis primatu.

Hoc in argumento tria ponimus. Primum. Auctoritatem illam primariam D. Petro esse à Christo collatam. Secundum. Non illi solum, sed etiam eius successoribus. Tertium. Romanum Pontificem pro tempore existētem B. Petri successorem esse. Quæ tria cum ordine probauerimus, locus hic erit expeditus.

Ad asserendum Rom. Pont. primatum tria in ordine probanda.

PRIMARIAM IN ECCLESIA AVCTORITATEM fuisse à Christo collatam D. Petro.

PRIMUM illud, quoniam quæstio hæc omnis est facti, probandum est ex historia Euāgelica, ubi Christi Domini gesta narrantur. Et quia mihi in hac tractatione, ac Analyfi fidei, propositum (vt initiò monui) est, non tam proferre noua, quàm & explicatione nonnihil illustrare & argumentis communire vetera, quæ solent esse ferè firmiora: vtar iam etiam ad probationem illis potissimum Euangelij locis, ex quibus vniuersi Ecclesiæ Doctores (quos etiam allegabimus) eiusmodi primatum Petri collegerunt. Primus igitur locus valde illustris est apud D. Mattheum: ubi Christus Dominus eam auctoritatem verbis amplissimis D. Petro promissit. Cum enim is Christo, communiter ex omnibus Apostolis percontanti: *Vos autem quem me esse dicitis?* tanquam os omnium Apostolorum & vertex totius consortij (vt inquit D. Chrysostomus) respondisset: *Tu es Christus Filius Dei viui:* vicissim Christus ad eum ita loquitur: *Beatus es Simon Bariona, quia caro & sanguis non reuelauit tibi, sed Pater meus, qui in cælis est. Et ego dico tibi, quia tu es Petrus, & super hanc petram adificabo Ecclesiam meam. Et porta inferi non praualebunt aduersus eam. Et tibi dabo claues regni cælorum: Et quodcunq; ligaueris super terram, erit ligatum & in cælis; & quodcunq; solueris super terram, erit solutum & in cælis.* Ex quo sanè loco ad confir-

Primariam in Ecclesia auctorem D. Petro fuisse à Christo tributam. Probatum I. ex Martii Euangelij locis.

Primus Euangelij locus pro D. Petro primatu. Matth. 16.

Homil. 55. in Matth.

mandam illam Petri auctoritatem totidem argumenta duci possunt, quot sunt penè in illa Christi oratione verba. Expendamus igitur singula, quò demum intelligatur non perperam eruditissimos Ecclesiæ Patres hoc inprimis testimonio Christi singularem illum Diui Petri primatum (vt pòst videbimus) asseruisse.

I. **B**EATVS *es*, inquit, *Simon Bariona*. Quemadmodum ex omni illo numero Apostolorum Petrus solus respòderat, & vsq; adeò præclaram de Christo confessionem ediderat: ita Christus prætermisissis cæteris, nomine proprio eum compellat, parētis etiam nomine indicato, vt ea refacilius intelligeretur ad quemnam propriè atque singulariter sequentes promissiones referendæ essent.

II. **Q**UIA *caro & sanguis non reuelauit tibi, sed Pater meus qui in cælis est*. Nempe declarauit etiam iis verbis quàm certitudinem habitura esset ea doctrina fidei quæ à Petro traderetur ex præcipua illa auctoritate, quam deinde illi promittit, vt iam iam videbimus. Non enim sensu, qui sæpe fallit, carnis & sanguinis, sed cœlestis Patris inspiratione fides de Christo atq; adeò de aliis omnibus mysteriis (vt quæ ad Christum omnia reuocantur) concipienda à Petro atq; explicanda erat.

III. **E**T ego dico tibi: *Mercedem*, inquit B.^a Hieronymus, *recepit vera confessio*. Et B.^b Cyrillus: *Tam vera*, inquit, *sententia remunerationem Petrus reportauit*, id est, donum aliquod atq; prærogatiuam singularem, vicissim Christus Petro pollicetur in præmium illius verissimæ confessionis, quàm ipse solus præ aliis de Christo fecerat. Quod similiter D. Chrysostomus, Theophylactus, Euthimius, Hilarius intellexerunt.

IIII. **Q**UIA *tu es Petrus*. Hæc nominis commutatio promissæ etiam in oēs fideles auctoritatis indicium est. Quod

^a Lib. 3. comment. in Matth.
^b Lib. 4. dialo. de Trin. cum Hermia, paulò pòst inantiù.

In cōmentariis eius loci.

Quod primum apparet ex Scripturæ analogia in aliis locis. Vbi enim aliàs similis commutatio nominis diuinitus facta perhibetur, singularis alicuius dignitatis symbolum eam fuisse intelligimus. Id videre est in Abraham, Sara & Iacob & aliis. De qua re sic D. Chrysostomus: *Ipsè Deus est qui nomina apè imponit. Qui Abram, Abraham, & Sarai Saram, & Iacob Israel vocauit. Multis à natiuitate nomina imposuit. Vt Isaac & Samson, & iis quorum meminit Isaias & Osee. Quibusdam quam acceperunt à parentibus appellationem mutauit, ut pradiëtis, & Iesu. Mos etiam antiquitus erat à rebus nomina imponi. Quod & Elias fecit. Hoc autem non temerè fit: sed ut ea appellatio imponatur, qua sit diuini beneficii perpetuum monumentum, & memoria per pradiëta nomina auditorum animis imprimatur.*

Homil. 18. in Ioan.

Deinde idem in proposito confirmat ipsa ratio impositi nominis. *Petrus* enim Latine; Græcè *πέτρος*, & Syriacè atque Hebraicè (qua lingua Christus tunc vsus est) **צֶפְחָס** *Cephas* est. Quod vocabulum significat saxum firmum & magno ponderi sustinendo aptum. Eum igitur qui in primis doctrinæ cœlestis soliditate ac firmitudine totam Ecclesiæ fabricam sustentaturus erat; aptissimo vocabulo Christus *Petrum* appellat: nempe qui tanquam *saxum immobile* in ædificio Ecclesiæ futurum esset, *quod totius operis Christiani molem atque compagem contineret*, ut D. Ambrosius disertis verbis interpretatur.

Ipsè Petri nomine significatum fuisse auctoritatis principatum.

Serm. 47. de fide Petri.

Accedit quod multò etiam antea eam appellationem Petro Christus promiserat. Cum primum enim Petrus ab Andrea est adductus ad Christum: *Intuitus eum Iesus dixit. Tu es Simon filius Iona, Tu vocaberis Cephas, quod interpretatur* (inquit Euangelista) *Petrus*. Quorsum ranto antea hæc tam seria appellationis promissio, si vacabat mysterio? Equidem hîc mihi subaudire videor Christum

Ioan. 1.

rationem eius nominis ab officij auctoritate, quam erat Petro aliquando collaturus, reddentem: perinde ac si apertè subiunxisset: ideò Cephas vocaberis, quoniam instar firmissimi saxi totam molem ædificij Ecclesię sustentaturus es. Hoc enim procul dubio illud est, quod animo Christus voluebat tum, cùm minimè ociosè inruens in Petrum, aiebat: *Tu vocaberis Cephas*. Sic enim hunc locum interpretatur D. Cyrillus: *Respicit, inquit, ut Deum decet, qui corda & renes scrutatur, videtq̃, qui nihil ignorat, ad quam fidem & virtutem discipulus peruenturus sit, &c. nec Simon fore iam nomen sibi, sed Petrus prædicit: vocabulo ipso commode significans, quòd in eo tanquam in petra lapideq̃, firmissimo suam esset adificaturus Ecclesiam.* Quamvis non omnia quidem, inquit Chrysostomus, quæ euentura ei erant, hoc primo congressu prædixit. Nomen enim tum dixit: super hanc petram adificabo Ecclesiam meam, &c. Illud enim maioris erat potestatis nec non & auctoritatis. Quemadmodum igitur Deus Abraham dicens: *Tu vocaberis Abraham*: rationem eius appellationis duxit ab eius futura dignitate, subiungens: *Quia Patrem multarum gentium constitui te*: ita Christus Petro dicens: *Tu vocaberis Cephas*, futuram illius dignitatem & principatum in ædificio Ecclesię insinuaui, et si nondum tum quidem penitus id expresserit, Sed postea demum cùm is est confessus Christi diuinitatem, ut ait idem Chrysostomus.

V. **E**T super hanc petram adificabo Ecclesiam meam. Quam non explicârat rationem appellationis cum Petro id nomen promitteret; eam tandem his verbis apertissimè exponit, in ipsa nominis attributione. *Tu es, inquit, Petrus.* Quamobrem verò? & quâ tandem eiusmodi appellatione tantum valet, ut mercedem illam contineat, quam (ut Patres assueverant) *recepit vera confessio?* Nempe quia
super

Lib. I. in Ioan.
cap. II.

Chrysost.
homil. 38. in
Ioan.

Genes. 17.

Homil. 38. in
Ioan.

super hanc, inquit, petram, id est, super te Petre (vt statim probabimus) ædificabo Ecclesiam meam. Sanè ex multis aliis nominibus, quibus Ecclesiæ dignitas atque status propter varietatem & ordinem qui in ea cernitur, commodè significari potest, vnum est, *Domus*, vt suprâ notatum est, cum de prerogatiua ordinis Ecclesiæ ageremus. Quod vocabulum idè etiam in Ecclesiam benè conuenit, quia vt domus ab inquilino, ita cœtus fidelium à Spiritu sancto inhabitatur. Hanc domum Deus per filium eius Iesum Christum ædificat: vt Apostolus inquit; *Dei ædificatio estis.* Nec verò diuinitus hanc domum ædificari aliud est, quàm fide, cultu, & moribus aptari diuino beneficio atque perfici fideles, vt postquam gratia demum expoliti, ac tum inter se, tum cum Christo quàm optimè coniuncti fuerint ex illis quasi construatur dignum Deo habitaculum, secundum gratiam quidem in hac vita, & secundum æternam etiam beatitudinem in altera, quò spectat hæc omnis Ecclesiæ fabrica. Hæc illa ædificatio est, cuius Apostolus præsertim ^a sæpè meminit; quam ^b dicit esse cum primis in caritate & in fide; ad quam omnia quæ fiunt, referri vult, & in qua perficienda suorum opera ministrorum Deum vti docet, hoc est, *Doctorum & Pastorum, quos dedit Deus*; inquit, *in ædificationem corporis Christi ad consummationem Sanctorum*; vt euadamus omnes in virum perfectum. Cum Christus igitur singulariter supra Petrum se Ecclesiam suam ædificaturum dixit; Petrum constituit facere huius domus atque ædificationis singulare fundamentum: vt ei videlicet post Christum tanquam firmæ petræ tota illa fabrica spiritalis innitatur. Id verò aliud non est, quàm auctoritatem prorsus solidam ac firmam Petro promissam esse, qua certò niti oporteat omnes fideles, in iis rebus, quæ ad fidem, cultum, & mores, hoc est,

*Cur ædificata
dicatur super
Petrum Eccle-
sia*

1. Cor. 3.

^a 2. Cor. 10. 12.
^b Eph. 2. &c.
^c Eph 4.

quæ

quæ ad ædificationem Ecclesiæ (vt explicatum est) pertinent. Etenim, vt eandem Petri personam æquè intelligamus, hoc loco significatâ à Christo esse nomine *petra* (super quam ædificaturum se Ecclesiam dicit) atque nomine *Petrus*; multis modis confirmari potest.

*Petrum ipsum
fuisse à Christo
significatū no-
mine petræ,
multū argumē-
tis probari.
In caput 2. ep.
ad Galat.*

Primò. Quia Christus non duobus illis vocabulis, *Petrus* & *petra*, sed vno & eodem, nempe *Cephas* (cum Syriacè loqueretur) vtroque vsus est. Quod vocabulum, vt B. Hieronymus notat, absolute significat saxum: sicut etiam *πέτρος* Græcè indifferenter significat & *Petrum* & *petram*, vt igitur, si Christus Latinè dixisset: *Tu es saxum*, & super hoc saxum ædificabo Ecclesiam meam; non dubitarem quin vtroque illo eodem vocabulo (*saxum*) vnâ & eandem personam significâset: ita sentiendum est illum fecisse cum Syriacè loquens vtroque similiter vocabulo *Cephas* vsus est quod *saxum* significat. Neq; quidquam impedire nos in ea re debet, quod primò quidem vbi magis expressè ad ipsam Petri personam vocabulum *Cephas* & *πέτρος* refertur, interpretè Græco *Petrus* verterit, postea autem, *petra*. Hoc enim ille fecit, non quia diuersæ res vocabulo *Petrus* & *petra* in eo loco significantur, sed vt commodius loqueretur secundum vocum formationem Latinam.

NOTA..

Secundò: Idem ostendit ipsa series orationis Christi, & maximè vis illius demonstratiui pronominis, *Hanc*. Super quam enim petram dicit ædificaturum se Ecclesiam? Super *hanc*, inquit: nempe quam proximè antecedentibus verbis demonstrârat, inquit; *Tu, tu es Cephas*; id est, *petra* seu *Petrus*. Alioquî quorsum tunc attinebat ipsum *Petrum* seu *saxum* appellare, nisi illud etiam quod de *petra* subiunxit, ad eundem retulit? Certè id fecit, vt aptè ostenderet, rem illius nominis in Petri personam conue-

conuenire. Vt cùm Dominus dixit ad Abraham: *Tu vocaberis Abraham*: ad ipsum accommodauit rem etiam nominis, illud subiungens: *Quia patrem multarum gentium constitui te*. Sic etiam Angelus de ipso Christo: *Vocabis*, inquit: *nomen eius Iesum*. Ipse enim, inquit, *saluum faciet populum suum à peccatis eorum*. Vt iam alia exempla similia præteream.

Tertiò. Si non eundem Petrum eam *petram* esse Christus significauit: quem igitur aut quam rem ibi nomine *petra* intellexit? Seipsum, inquit (vt postea videbimus) plerique Sectarij. Primum, qualis esset illa orationis consequentia? Tu Petrus es: Ego super me ædificabo Ecclesiam meam. Deinde cur dicit *hanc*? Num digitum in se intendit, aut manu sublata sese indicauit, vt commodè, *Hanc*, diceret? Accedit quod rem illis verbis facturum se promittit, planè futuram, quam nondum aut fecisset tunc aut etiam inchoâisset. At ipse Christus iam inde ab origine mundi erat fundamentum Ecclesiæ, ac super illum iam tum bona ex parte Ecclesia exædificata. Item si se, non Petrum ibi *petram* esse intellexit; quam, obsecro, mercedem illis verbis Petro propter factam ab eo confessionem promisit? Non enim Petri prærogatiua est, quod super Christum ædificetur Ecclesia. At rectè sentiunt veteres, Petri confessionem illis Christi verbis atque promissione singulariter remunerari, vt antè dictum est. Necesse est igitur, vt intelligamus Christum ibi ipsum Petrum appellâsse *petram*, super quem ad eò promiserit Ecclesiam se suam ædificaturum.

Quartò. Ita locum illum vniuersi Patres interpretati sunt, neque prorsus dubitauerunt, quin Petrus ibi *petra* dictus à Christo sit. Et si vnus quidem excipiendus est Augustinus, qui cum vtroque modo locum interpretatur, sci-

f licet

Gen. 17. 1

Lucæ 1.

Christum Matth. 16. non seipsum significasse nomine *petra* probatur

1.

2.

3.

4.

Patres oēs sensisse Petrum ipsum à Christo *petram* esse dictum, excepto Augustino qui nihil ea de re definit.

Lib. 1. Retract.
cap. 21.

licet & de Petro & de Christo, iudicium ad extremum permittit liberum Lectori, ut quam interpretationem probabiliorē putet, eam sequatur. Sed cum ipse Augustinus nihil hac de re certi definiat, atque etiam permittat per petram ibi Petrum intelligere: Sequi nos oportet communem sententiam aliorum Patrum, qui in eiusmodi interpretatione consentiunt. Maximè cum ratio ipsa loci eum sensum præferat, ut ostensum est, nec ex contrario sit firma ea ratio, quæ Augustinum de eiusmodi interpretatione addubitare fecit. *Non enim*, inquit ipse, *dictum est Petro: Tu es petra, sed tu es Petrus.* Atqui si de vocabulis quærimus; ne *Petrus* quidem à Christo dictum est illi, sed *Cephas*. Quod vocabulum petram seu saxum significat, ut suprà notatum est. Quare nihil impedit, quominus petram à Christo Petrum esse appellatum intelligamus, quamvis secundariam quidem post Christum, ut paulò post docebimus.

• Ad Timoth.
• Lib. de præscript. hæret.
• Epist. 2. ad Iacobum.
• Homil. 5. in Exod.
• In epist. ad Quintum de bapt. hæretic.
Atq; idem dissentit quoque asserit, lib. 1. ep. 3. & 12. & 1.
4. epist. 9. & in ep. ad Iulian. & I. de voir. Eccl.
f. De consummat. mundi.
g. Lib. 1. Retract. cap. 21.
Loco citato.
h. Serm. 47. de fide Petri

Nunc Patres eum locum ita interpretantes audiamus. ^a Dionysius Petrum affirmat ab Apostolo Paulo vocatum *fundamentum Ecclesiarum*. ^b Tertullianus: *Latuit ne*, inquit, *aliquid Petrum, edificanda Ecclesia petram dictum?* ^c Clemens: *Simon Petrus fundamentum Ecclesia definitus est. Qua de causa etiam Domini ore cognominatus est Petrus.* ^d Origenes: *Vide magno illi Ecclesia fundamento & petra solidissima, super quam Christus fundavit Ecclesiam, quid dicatur à Domino: Modica fidei quare dubitasti?* ^e Cyprianus: *Petrum primum Dominus elegit super quē adificavit Ecclesiam.* ^f Hyppolitus: *Princeps Petrus fidei petra.* Ambrosius in hymno, teste ^g Augustino: *Hoc (gallo gallinaceo) ipsa petra Ecclesia canente culpam diluit. Quisensus* (inquit Augustinus) *multorū ore cātatur in versibus beatissimi Ambrosij.* Item ^h Ambrosius in alio loco: *Petrus pro soliditate devotionis Ecclesiarum,*
petra

petra dicitur, sicut ait Dominus: Tu es Petrus, & super hanc petram edificabo Ecclesiam meam, petra enim dicitur eò, quòd primus in nationibus fidei fundamenta posuerit, & tanquam saxum immobile totius operis Christiani compagem molemq; contineat. Ac rursus de claudio illo homine, qui diuinitus à Petro sanatus est, loquens: Si Petrus, ⁱ inquit, petra est, super quam edificatur Ecclesia, rectè prius pedes sanat, ut sicut in Ecclesia fidei fundamentum continet, ita & in homine membrorum fundamenta confirmet. ^k Gregorius Nazianzenus: Vides, inquit, quemadmodum ex Christi discipulis, magnis utique omnibus & excelsis atque electione dignis, hic (Petrus) petra vocetur atque Ecclesia fundamenta (nempe intelligit reliquos Christi Apostolos) fidei sua credita habeat. ^l Hieronymus: Secundum metaphoram, inquit, petra, rectè dicitur ei (Petro) Aedificabo Ecclesiam meam super TE. ^m Basilius: Petrus cum dixisset: Filius Dei es altissimi; & audisset, petra es; encomiis celebratus est. Etiam si autem petra est, non ut Christus petra est, sed ut Petrus petra. Christus enim reuera petra inconcussa est, Petrus verò propter petram. Largitur enim Iesus suas dignitates & non enacuatur, sed habens dat. ⁿ Hilarius: O in nuncupatione noui nominis felix Ecclesia fundamentum, dignaq; adificatione illius petra, qua infernas leges dissolueres. O beatus cæli ianitor, &c. ^o Paulinus: petra est Christus. Etiam discipulo huius vocabuli gratiam non negauit, cui dicit: Tu es Petrus, & super hanc petram edificabo Ecclesiam meam. ^p Chrysostomus: Princeps Apostolorum Petrus super quem Christus fundauit Ecclesiam, verè immobilis petra, & firma confessio. ^q Prosper Aquitanicus: Hac fortissima petra ab illa principali petra (Christo) communionem & virtutis sumpsit & nominis. ^r Epiphanius: ipse Dominus constituit Petrum primum Apostolorum, petram firmam, super quam Ecclesia Dei adificata est. ^s Maximus: Per Christum Petrus factus est petra: dicente ei Do-

ⁱ Scrm. 68. de Natali Petri & Pauli.

^k In orat. de moderat. in disput. habenda.

^l Lib. 3. Comment. in Matthæ in cap. 16. atque id ipsum expresse affirmat, in cap. 2. 1. 1. & 16. Ierem. & 41. Ezech. & 7. Amos. & 1. Abdia, & lib. 1. contra Iouin. circa mediū, & lib. 2. dialog. cont. Pelagian. ante medium.

^m In edicione de peniten. quæ est numero 28.

ⁿ Canoue 16. in Matth.

^o Epist. 4. ad Seuerum,

^p Homil. 27. ex variis Matthæ locis. Idè in Psal. 50. & hom. 2. de conuicio Petri & Pauli, & hom. 55. in Matth.

^q Lib. 2. de vocat. gent. c. 9.

^r In lib. Anchoratus non

lògè ab initio, s. Scrm. de Petro & Paulo, qui incip. Gloriosissimos.

1 Aſtione 3.
 2 Lib. 3. in Cā-
 tic. ex Pſello:
 non longè à
 fine.
 3 Optat. lib. 2.
 contra Parm.
 Leonis ſerm.
 3. de paſſione
 Dñi. Cyril. lib.
 2 in Ioan. c. 12.
 4 Iſidori lib. de
 patribus noui
 Teſtamenti.
 Euthimij in
 cap. 16 Matth.
 Gregor. in Re-
 giſtio, lib. 6.
 ep. 37. & alio-
 rum.
 5 Serm de ca-
 thedra Petri
 qui eſt 15. de
 Sanctis.
 6 In Pſal. 69.
 7 Tract. 12. in
 Ioan.
 8 Tract. vlt. in
 Ioan. & ſerm.
 13. de verbis
 Apoſtoli.
 9 Lib. 1. Re-
 tract. cap. 21.
 10 Tract. 56. in
 Ioan.
 11 Quæſt. 75. ex
 nouo Teſt.
 12 Enarrat. 1.
 in Pſal. 108.
 13 Lib. 2. de
 bapt. contra
 Donatiſt. ca. 1.
 14 Epist. 86.

*mino: Tu es Petrus, & ſuper hanc petram edificabo Eccleſiam me-
 am.* ¹ Concilium Chalcedonenſe: *Petrus Apoſtolus eſt petra
 & crepido Eccleſia Catholica.* ² Theodoretus: *In Petro Apoſto-
 lorum principe Dominus in Euangelio ſe Eccleſiam ſuam adifi-
 caturum promiſit.* Eadem ſententia (ne ſimus prolixi) reli-
 quorum ³ Patrum eſt. Quin & ipſe Auguſtinus multis in
 locis Petrum à Chriſto dici petram & fundamentum Ec-
 cleſiæ interpretatus eſt. Vt cum ⁴ inquit: *Petrum funda-
 mentum Eccleſia Dominus nominauit: & ided dignè fundamen-
 tum hoc Eccleſia colit, ſupra quod Eccleſiaſtici adificij altitudo
 conſurgit.* ⁵ Item: *Petrus Chriſtum confeſſus erat filium Dei: &
 in illa confeſſione appellatus erat petra, ſuper quam fabricaretur
 Eccleſia.* Item: *Reſpondit Petrus. petra illa, voce omnium: Do-
 mine, ad quem ibimus?* Et ſi autem in ⁶ aliis quibuſdam lo-
 cis *petram* Chriſtum interpretatus ſit; tandemque, vt an-
 tea diximus, ⁷ dubitauerit, vtro modo potius ille qui-
 dem locus Matth. 16. intelligi debeat: tamen de ipſo
 principatu alioquî, quem habuerit Petrus in Eccleſia,
 quemque vocabulo *petra, capitis, fundamenti, ianitoris cæli,*
 metaphoricôs ſignificare Orthodoxi ſolent, nullo pacto
 dubitauit vnquam Auguſtinus. ⁸ Eius enim ſunt illa ver-
 ba: *Quis nesciat primum omnium Apoſtolorum eſſe beatiffimum
 Petrum?* Item: ⁹ *Ipfum, inquit, conſtituit Dominus eſſe caput
 eorum, vt paſtor eſſet gregis Dominici.* Item: ¹⁰ *Primum in di-
 ſcipulis habuit.* Item: ¹¹ *Quis nesciat illum Apoſtolatus Petri
 principatum cuiſlibet Epiſcopatu præferendum?* Ac exſtat lo-
 cus Auguſtini in ¹² epiſtola ad Caſulanum; ex quo ſatis ap-
 paret, minimè illum improbare, quo minus Petrus etiam
 Apoſtolorum *caput, cæli ianitor, & Eccleſiæ fundamentum*
 nominetur. Tot enim actalibus nominibus, Auguſtino
 referente & minimè reprehendente, Petrum (ex vulga-
 tiſſima procul dubio Eccleſiarum omnium ſententia)
 appella-

appellauit is contra quem ibi Augustinus de ieiunio Sab-
bati disputat. Sed reliqua argumenta, quæ continen-
tur in illo loco Matthæi pro primatu Petri psequamur.

E Tibi, inquit, dabo clauēs regni cœlorum. Illustrat his ver-
bis Christus alia metaphora vim auctoritatis illius
primariæ, quam Petro ad cōstituendum de iis rebus, quæ
pertinēt ad salutem fidelium, pollicebatur. Namq; cla-
ues regni cœlorum eam potestatem vocat, propterea
quod eius vsu multiplici cœlum fidelibus vel clauditur
vel aperitur. Quid enim aliud est, doctrinam fidei certò
explicare; peccata remittere; leges salutares condere; ea
quæ ad sanctissimum cultum pertinent, constituere; aliis-
que id genus rationibus hominum saluti cōsulere; quàm
iisdem cœlum, hoc est, aditum ad æternam beatitudinē
aperire? Contrà verò, cū beneficium remissionis pec-
catorum iusta ex causā negatur; cū alicuius aut vita,
aut doctrina condemnatur; cū excluditur ex commu-
nionē fidelium; huic nimirum quasi clauditur cœlum.
Itaq; intelligendum est, cū soli Petro in hoc loco cla-
ues regni cœlorum singulariter promittuntur, summam
illi post Christum in Ecclesia promitti potestātē. Nem-
pe eiusmodi, qua & omnibus aliis (atq; adeò etiam ipsis
Apostolis) & omnibus modis aperire potuerit regnum
cœlorū. Non enim Apostolis item reliquis clauēs ipsas
cœli aut promississe aut tradidisse Christum legimus. Et si
attribuit illis quidam auctoritatem vsus eius-
modi clauium; vt scilicet clauderent cœlum aut aperi-
rent, retinendo vel remittendo, seu quod idem est, sol-
uendo vel ligando peccata. Clauēs autem ipsæ, hoc est,
plena atq; summa potestas id omni ratione faciendi, Pe-
tro soli, promissæ atq; adeò tributæ sunt, quæ est Christi
promissionum fidelitas.

VI.

*Potestas in Ec-
clesia primaria
cur nomine
clauium regni
cœlorum signi-
ficatur.*

*Soli Petro cla-
ues ipsæ regni
cœlorū promissæ
& data sunt:
ceteris autē A-
postolis aliquis
sanctum usus
illarum.
Matth. 18. &
Ioan. 20.*

Quod sanè discrimen inter Petrum & reliquos Apostolos, quod attinet ad potestatem eam clauium, præclare veteres Patres animaduertunt. Nam Augustinus, quoniam ad vtilitatem ipsius Ecclesiæ, principatus eius auctoritatis Petro tributus est, ideò scribit Ecclesiam illum repræsentasse tum cum ei à Christo diceretur: *Et tibi dabo claues regni cœlorum.* ^m *Quædam*, inquit, *dicuntur, qua ad Apostolum Petrum propriè pertinere videantur, neque tamen habent illustrem intellectum, nisi cum referuntur ad Ecclesiam, cuius ille cognoscitur in figura gestasse personam propter primatum, quem in discipulis habuit: sicuti est: Tibi dabo claues.* Et rursus: ⁿ *Quod ad Petrum, inquit, propriè pertinet, natura vnus homo erat, gratia vnus Christianus, abundantiore gratia vnus primusq; Apostolus. Sed quando ei dictum est: Tibi dabo claues; vniuersam significabat Ecclesiam. Item: ^o Petrus, inquit, Apostolus propter Apostolatus sui primatum totius Ecclesiæ gerebat figurata generalitate personam. Consentit cum Augustino ^p Optatus Mileuitanus, qui ob eam amplitudinem auctoritatis Petri, qua cæteris Apostolis antecelluit; disertis verbis inquit: Solus Petrus claues accepit. Item ^q Origenes: Quoniam oportebat, inquit, aliquid maius habere Petrum, ideò illi quidem sic dicit; Et tibi dabo claues regni cœlorum. & quacumq; ligaueris super terram, erunt ligata et in cælis. Non ergo modica differentia est, quòd Petro quidem sint data claues non vnius cæli, sed multorum cœlorum, vt quacumq; ligaueris super terram, sint ligata non tantum in vno cælo, sed in omnibus cælis, & qua solueris super terram, sint soluta non solum in vno cælo, sed in omnibus cælis. Ad eos autem, qui multi sunt ligatores & solutores in terra, sic dicit, vt soluant & alligent, non in cælis, sicut Petrus, sed in vno cælo; quia non sunt in tanta perfectione sicut Petrus. Item beatus ^r Leo: Petro, inquit, præ cæteris est tradita soluendi atque ligandi potestas. Neq; ve-*

^m In Psalmũ
108.

ⁿ Tract. 124.
in Ioann.

^o Tract. 134.
in Ioan.

^p Lib. 1. contra
Parmen. circa
medium.

^q Tract. 6. in
Matth. ferè in
medio.

^r Epist. 89. ad
Episcopos per
Viciens. pro-
uin. constitu-
tos.

ro præ-

rò præminentiam hanc auctoritatis clauium in Petro Hieronymus & Cyprianus ignorauerunt, cùm ille scripserit, *inter duodecim unum eligi, ut capite constituto schismatis tollatur occasio*: hic autem, *primatum Petro dari, ut una Christi Ecclesia, & una Cathedra monstretur*.

Huc præter auctoritatem sanctorum Patrum accedit analogia Scripturæ, eiusq; phrasis in aliis locis. Etenim clauium nomine summa potestas designari in Scriptura sacra solet. *Dabo* (inquit Dominus Eliachin summo sacerdoti, qui typum Christi gessit) *clauem domus David super humerum eius. Et aperiet & non erit qui claudet, & claudet & non erit qui aperiat*. Quid verò hæc clavis significat? Nempe potestatem talem in domo David, hoc est, in Ecclesia, ut quod ab ea rectè ac legitimè constitutum sit, ratum apud omnes ac firmum esse debeat, nec possit à quoquam rescindi. Hoc enim est quod ait: *Aperiet & nemo claudet, et claudet & non erit qui aperiat*. Hanc clauem, hoc est, potestatem in Ecclesia, quæ & dicitur regnum cælorum, Christus præstantissima ratione habet. Ipse enim est sanctus ille & verus (inquit Ioannes Apostolus) *qui habet clauem David, qui aperit & nemo claudit, claudit & nemo aperit*. Petro igitur vices suas in hac usurpanda clauē, hoc est, summam post ipsum auctoritatem in terris promissit, cùm se illi clauē regni cælorum traditurum pollicitus est. *Largitur enim Christus* (inquit Basilus) *suas dignitates & non euacuatur, sed habens dat*. Ac sanè in politicis etiam id similiter obtinuisse videmus, ut cui regendæ ciuitatis summa auctoritas attribuitur, huic tanquam eius dignitatis symbolum quoddam clauē ciuitatis tradantur. Ab hac igitur antiquissima atq; receptissima consuetudine existimare debemus, Christum (qui solitus fuit ex rebus ferè vulgo vſitatis sermonis rationem ac modum petere)

Lib. 6. contra Iovin. circa medium.

Lib. de vnit. Eccl. non longè ab initio.

Clauē in Scriptura sacra symbolum esse potestatis, Isai. 22.

Apocalypsis.

In cōdione de pœnitentia, quæ est 18.

petere) illam metaphoram mutuatum esse: ut amplitudinem eius potestatis quam Petro promittebat, quam aptissimè exprimeret.

VII.

In libro Anchoratus, non longè ab initio.

E*T porta inferi non praualebunt aduersus eam. Porta inferorum*, inquit Epiphanius, *sunt hæreses & hæresiarcha. Iuxta omnem enim modum in ipso Petro firmata est fides, qui accepit claves regni cælorum.* Quo pacto & alij Patres portas inferorum hoc loco interpretantur. Si igitur ita super Petrum Ecclesia fundata est, ut possit operâ Petri ac ministerio aduersus omnes hæreses & omnem vim inferorum firma stare: confiteri necesse est, talem auctoritatem Petro tributâ esse, qua potuerit tum in omni fidei quæstione quod verissimum est certo docere, tum quæ essent fidelibus aut in cultu aut in moribus salutaria, sanctè cōstituire. Quod enim Christus subiunxit: *Et porta inferi non praualebunt aduersus eam*, id ad antecedentia referri debet, ut inde præstantiam atq; firmitudinem illius potestatis intelligamus, quam Petro pollicebatur, affirmans se super illum Ecclesiam fundaturum, eiq; traditurum claves regni cælorum. Nam & ad explicandam etiam vim atq; vsum eius auctoritatis adiunxit, illud quod ad extremum sequitur:

VIII.

E*T quodcumq; ligaueris super terram, eris ligatum & in cælis; & quodcumq; solueris super terram, eris solutum & in cælis.* Quibus verbis non qualicumq; modo cum significat soluere atq; ligare posse, sed tanquam cum nimirum qui auctoritatem ipsam clauium regni cælorum absolutam atq; plenam habet: ut ex verbis antecedentibus, quæ hætenus exposita sunt, didicimus. Quo sanè pacto cæteri Apostoli clauium auctoritatem non acceperunt; ut testimoniis Patrum, quæ partim adduximus, partim postea adducemus, perspicuum sit.

Hic.

HIC VERÒ quo minusex hoc Euangelij loco primatum illum Petri colligamus, nobis obiiciunt Aduersarij primò, Non Petrum, sed Christum ipsum nomine *petra*, super quam Ecclesia ædificāda fuerit, intelligi hoc in loco debere: vel certè confessionē ipsam fidei de Christi diuinitate à Petro editam. Atq; hīc vrgent illud: *Fundamentum aliud nemo potest ponere, prater id quod positū est, quod est Christus Iesus*. Secundò. Quidquid hīc Petro pmissum est, aliis etiam Apostolis esse tributum. Nam & omnes *fundamenta* appellantur, in Apocalypsi Ioannis: & omnibus Christus dixit: *Quacūq; ligaueritis super terram, erunt ligata & in cælo, et quacūq; solueritis super terram, erunt soluta & in cælo*. Et illud item omnibus: *Ite, ego mitto vos, quorum remiseritis peccata, remittentur eis, &c.* Quò accedit auctoritas Patrum, qui pares omnes Apostolos fuisse, testari videntur. Cyprianus enim dicit: *Hoc erant utiq; ceteri Apostoli, quod erat Petrus, pari consortio pradii & honoris & potestatis*. Quod ipsum similiter affirmant ^x Anacletus, ^y Hieronymus, ^z Leo. Tertiò. Quod Petro peculiariter videatur Christus clauēs regni cœlorum promississe: id, inquit, ad confirmandum illius principatum non valere. Non enim ipsi Petro peculiariter, sed Ecclesiæ, cuius figuram ibi Petrus, auctore Augustino, præferebat, esse promissas atq; datas clauēs.

Ad primum respondemus: Etsi Christus alioquī petra angularis & fundamentum præcipuum sit, quo Ecclesia omnis nititur, tamen in eo quidem loco apud Matthæum petra nomine non posse ipsum intelligi, sed Petrum significari. Quod cū antea perspicuis argumentis ex ipso loco ductis, & consentiente auctoritate sanctorum Patrum, cōfirmauerimus, nihil est necesse idem denuò probare. Nam quod Augustinus (vt diximus) sub-

Quibus potissimum argumentis Sellarj contendunt ex loco Matth. 16. non colligi D. Petri primatum.

1. Cor. 3.

Apocal. 22.

Matth. 18.

Ioann. 20.

Lib. de unit. Eccl.

^x 21. distincte c. in nouo.

^y Lib. 1. cōtra Iouin.

^z Epistola ad Anastasium Tharsenc.

Respondetur ad eismodi argumenta.

Matth 16.

dubitârit, Petrusne an potius Christus ibi petra nomen-
tur; vbi tam est aliorum omnium Patrum sententia con-
cors & constans, nihil nobis præiudicare debet.

*Confessionem
etiam Petri,
quod ad rem
ipsam attinet,
nomine petra
intelligi, hoc
ipso quod Pe-
trus confitent
Christi divinita-
tem intelli-
gitur.*

Vt autem ibi per petram confessio fidei etiam, à Pe-
tro facta, intelligatur, non impedimus. Nam quod ad
rem ipsam attinet, nihil interest, vtrum supra Petrum, fi-
dem certò ac singulariter confitentem atq; docentem,
vel supra certam & singularem Petri confessionem, Ec-
clesiam fundatam esse dicas. Eòdem enim res redit. Nam
neq; nos, cùm ex sententia Patrum supra Petrum fun-
datam Ecclesiam esse affirmamus, personam Petri cogi-
tamus nudam, sed explicantem certam de Filio Dei fi-
dem: neq; etiam illo loco vel nuda fidei confessio per se
ipsa, vel alterius hominis, præterquam Petri, potest intel-
ligi. Dicit enim Christus: *Super hanc petram*, id est, super
te, Petre, confitentem, atq; adeò super cõfessionem fidei
tuam certam ac immobilem.

*Id etiam ostem-
ditur testimo-
nio Patrum.*

Homil. 27. ex
variis locis
Matth.

Itaq; vtrumq; videmus à veteribus explicatum esse,
& supra Petrum, & supra Petri confessionem Ecclesiam
esse fundatam. Quoniam nihil te ipsa inter vtrumq; in-
terest, vt dictum est. *Princeps*, inquit Chrysostomus, *Apo-
stolorum Petrus, super quem Christus fundavit Ecclesiam, verè
immobilis petra, & firma confessio.* Ac rursus alio in loco,
posteaquam supra fidem Petri Ecclesiam ædificatam es-
se dicit; vt magis explicet hoc tantundem esse ac supra
Petrum certò de fide pronunciantem ædificari, hæc ver-
ba subiungit: *Id Christus agit, vt homo piscator quavis petra
firmior reddatur, uniuerso terrarum orbe reluctante.* Atque
ibi ad extremum super ipsum Petrum Ecclesiam ædifi-
catam esse disertis verbis testatur. Item Diuus Cyrillus:
*Insignem remunerationem atq; honorem ipsius Petri ma-
ximum fuisse asserit, quòd inconcussam & firmissimam illius
fidem*

Homil. 55. in
Matth.

Lib. 4. dialog.
de Trini pau-
lò post ini-
cium.

fidem petram Christus vocârit. Et Hilarius: Hac, inquit, fides Petri Ecclesia fundamentum est. Cuius tamen illa etiam sunt verba: O in nuncupatione noui nominis felix Ecclesia fundamentum! O beatus cæli ianitor! Sic etiam Diuus Cyprianus: Super illum unum, inquit, ædificat Ecclesiam suam. Qui tamen eodem loco, paulò post dicit: Super cathedram, id est, supra doctrinam Petri, Ecclesiam esse fundatam. Et ob id etiam Diuus Basilii, Petri nomine prerogatiuam Simonis, filij Iona, intelligi docet; Qui de piscatoribus, inquit, ad Apostolatus functionem vocatus, propter fidei excellentiam, Ecclesia ædificationem in seipsum suscepit. Quibus verbis an non Basilii clarissimè significauit, nec Petrum sine fide, nec fidem sine Petro, ædificio Ecclesiæ, quasi fundamentum, subesse?

Iam illud quod vrgent Scētarij, solum Christum esse fundamentum, facillimè expeditur. Ita enim Christus solus est Ecclesiæ fundamentum, sicut solus est mundi lux, sicut solus est noster Pontifex, Episcopus, Doctōr, & Pastor animarum. Et tamen sunt præter Christum alij etiam in Scripturis lux mundi, Episcopi, Doctōres, Pastores, verissimè appellati. Nempe non eadem sed alia ratione. Ita quò. que fundamenta in Apocalypsi Ioannis appellantur Apostoli. Num verò id impedit, quo minus verè dictum sit: *Fundamentum aliud neminem posse ponere præter id quod positum est, quod est Christus Iesus?* Minimè. Est igitur intelligendum, quæ primario & principaliter, hoc est, præstanti quadam & singulari ratione Christo conueniunt, eadē aliis conuenire secundo. Lux ipse solus est, quæ ^a illuminat omnem hominem venientem in hunc mundum. Item solus ipse est ille ^b Pastor, qui posuit animam pro omnibus suis sequē ^c dedit redemptionem pro omnibus. Et ^d Pontifex solus, qui penetravit celos, ^e introiuitq; per sanguinem suum in

Lib. 6 de Trinit. post medium.

Canone 16. in Matth. Lib. de unitate Eccle. paulò post initium.

Lib. 2. contra Eunom. paulò post initium.

Christum sua quadā ratione esse fundamentum Ecclesia singulare, licet ea quoq; super Petrum ædificata sit.

Ca. 2.

1. Cor. 3.

^a Ioan. 1.

^b Ioan. 10.

^c 1. Tim. 2.

^d Hebr. 4.

^e Hebr. 9.

f Ifai. 30.

g Coloss. 1.

h 1. Cor. 3.

Enarr. in Psal.

86. nō lōgè ab
initio.In oratiōe de
moder. in di-
sputat. habenda.Lib. 3. cōment.
in Matth. cit-
ca cap. 16.In cōciōe de
pœnitentia.a Lib. 6. in Lu-
cam, c. 2.b Sermo. 2. in
Natali Petri
& Pauli.c Lib. 2. devo-
catione gent.
cap. 9.d Lib. 2. c. 17.
& seq.

sancta, æterna redemptione inuenta. Sic ^f *Doctōr* est vni-
cus, in quo, vt in alio nullo absconditi fuerint, omnes
^g *thesauri sapientiæ & scientiæ Dei*. Denique ^h *fundamentum*
est primum Ecclesiæ & maximum, & vt Augustinus ap-
pellat, *fundamentum fundamentorum*, quod videlicet se-
ipso consistat, neque vlli alteri innitatur, sustineat quæ-
quidquid omnino pertinet ad Ecclesiæ ædificium, adeo-
que ipsum etiam confirmet Petrum. Sed vt alij post
Christum suo quodam modo *lux mundi* sunt. Itemque
Episcopi, Pastores & Doctores: sic etiam Petrus est quasi se-
cundarium ac præcipuum, post Christum, Ecclesiæ fun-
damentum. Nempe cuius fidei ipsa etiam *Ecclesiæ funda-
menta commissæ sunt* (vt ait Gregorius Nazianzenus) id est,
Apostoli ipsi, qui, vt alios in religione confirmârunt, fun-
damenta etiam quædam fuerunt. Atque hoc idem &
veteres ipsi, qui Petrum fundamentum Ecclesiæ consti-
tutum esse affirmauerunt, luculenter notârunt. *Sicut
ipse*, inquit Hieronymus, *lumen Apostolis donauit, vt lu-
men mundi appellarentur, ceteraq; ex Domino sortiti sunt voca-
bula: ita & Simoni qui credebat in petram Christum Petri lar-
gitus est nomen: & secundum metaphoram petra rectè dicitur
ei: Edificabo Ecclesiam meam super te*. Et Basilius: *Christus ve-
rè est petra incōcussa, Petrus verò propter petram, largitur enim
Deus suas dignitates & non euacuatur, sed habens dat. Lux est
& dicit: Vos estis lux mundi. Sacerdos est; facit sacerdotes. Oui-
cula est, & inquit; Ecce ego mitto vos sicut oues in medio lupo-
rum. Petra est, & petram facit. Nec opus est prolixius refer-
re, quæ in eandem sententiam dicit ^a Ambrosius, ^b Leo,
^c Prosper & alij. Ac potest, qui plura de hoc discrimine
fundamentorum Ecclesiæ cognoscere volet, legere inter
cæteros doctissimum ^d Turrecrematam in erudito illo
suo opere, quod summam Ecclesiæ nominauit.*

Ad

Ad secundam obiectionem Sectariorum, de Apostolorum omnium æqualitate, doctè sanè à multis Catholicis auctoribus iam pridem secundum doctrinam Orthodoxam responsum est, vt à ^e Ioanne Driedone, à ^f Caietano, à ^g Melchione Cano, à ^h Dominico Soto, &c. Res autem, vt summatim & aliquantò planius complectar, sic habet. Ad Apostolatus prærogatiuam atque dignitatem duo pertinuerunt. Vnum est, quod ab ipso Christo proximè auctoritatem Ecclesiastici ministerij Apostoli acceperunt. Quam obrem & ab eo missi, sicut ipse missus erat à Patre, dicuntur. Alterum est, quod eam auctoritatem sic à Christo acceperunt, vt non tantum in hac vel in illa orbis parte, sed vbique prorsus possent ritè ac legitime fungi muneribus Ecclesiasticis. *Euntes enim, inquit, docete omnes gentes, &c.* Et: *Prædicate Euangelium omni creatura.* In his duabus rebus, atque adèò in huiusmodi dignitate atque prærogatiua Apostolatus, pares omnes Apostoli fuerunt. Atque hæc duntaxat æqualitas Apostolatus probari potest iis testimoniis vel Scripturæ vel Patrum, quæ nobis obiiciuntur.

Cæterum aliæ duæ res sunt, in quibus Petrus Apostolus reliquis Apostolis, non quidem propriè vt Apostolus, sed vt singulare fundamentum, & caput Ecclesiæ, & pastor ouium Christi, & cœli ianitor constitutus, antecelluit. Vna est, quòd illam Apostolatus auctoritatem in vniuerso orbe, tanquam ordinariam, & duraturam, suisque adèò successoribus reliquendam, ipse accepit: eò quòd vniuersæ Ecclesiæ, quæ vnquam futura esset, fundamentum est constitutus (sicut infrà ostendemus) nec talis fundamenti locum ipse perpetuò, nisi per suos etiam successores tenere potuit. Reliqui verò Apostoli eam auctoritatem non eo modo acceperunt. Quin eo-

^e Lib. 4. de variis dogmat. cap. 4. parte 2.

^f In tract. de compar. Papæ & Concil. c. 3.

^g Lib. 6. de locis Theol. cap. vlt. ad 11. argumentum.

^h In 4. sent. d. 20. q. 1. art. 2. & 3.

Apostolicam dignitatem in duabus rebus sitam fuisse.
Ioan. 20.

Matth. 28.

Marci 16.

In quibus fuerunt Apostoli omnes pares.

Quibus in rebus D. Petrus Apostolus reliquis antecellens.

rum quasi extraordinarium priuilegium fuit, quòd & in orbem vniuersum, & à Christo proximè illam auctoritatem Apostolatus acciperent. Itaque illis è vita decedentibus, dignitas etiam eiusmodi Apostolatus esse desiit, neque est ad vllos eorum successores deriuata. Quod cum ita dicimus, minimè volumus, nullam iam peruenire Apostolatus auctoritatem ad Episcopos, qui sunt (vt Anacletus explicat) Apostolorum successores. Habent enim hi, in suis quique Ecclesiis, vicem atq; functionem Apostolorum: estque adeò perpetuum illud Dei in Ecclesiam beneficium, quo inter ceteros ministros ei attribuntur Apostoli *ad consummationem Sanctorum*, vt Diuus Paulus disputat. Hoc igitur tantum dicimus, si & modum, quo Apostolicam auctoritatem reliqui præter Petrum acceperunt, & acceptæ auctoritatis amplitudinem, in totum scilicet orbem, spectemus; non transiisse eiusmodi dignitatem Apostolicam ad eorum successores. Nam neque auctoritatem ex æquo in vniuersum orbem habent; neque eam quam habent, habent ita proximè à Christo, sicut habuerunt Apostoli; quum Christus nimirum illam ipsis Apostolis per se tribuit, eaque re officium ordinarium Petri (id est, vniuersalis Pastoris, à quo nimirum potestas aliorum Pastorum ordinariè alioquì deriuanda est) sua quadam excellenti potestate quasi præuenit.

Altera, res, in qua Petrus reliquis Apostolis antecelluit, est, quòd ipse quidem potestatem accepit etiam quandam in ipsos Apostolos: tanquam omnium videlicet (nemine excepto) qui ad Ecclesiæ ædificium & ad Christi gregem pertinent, fundamentum & pastor (vt pòst ostendemus) singulariter constitutus. Itaque regere ipsos atq; in fide confirmare cum auctoritate potuit, iisque præscribere

Anaclet. dist.
ar. can. in no-
uo.

Eph. 4.

*Dignitas reli-
quorum Apo-
stolorum præter
D. Petrum, quo-
modo non fue-
rit deuoluta ad
successores.*

scribere & modum & locum ad fungendum ministerio Apostolico, quatenus ad Ecclesiæ bonum id expediret. Quam sanè rem doctè mihi videtur Caietanus expedi- uisse, vbi scribit, Apostolos reliquos, quatenus Aposto- los, fuisse quidem Diuo Petro pares: tamen, qua ratione erant oues Christi, fuisse Petro subiectos.

Loco suprà ci-
tato.

Porro, Hanc Petri præminentiam inter reliquos Apostolos minimè negauerunt veteres Patres. Quin imò ex loco Matthæi hætenus à nobis exposito, & ex ali- is, quos deinceps adducemus, luculentissimè eam asse- ruerunt: etiam illi ipsi qui pares alioquî in Apostolatus dignitate omnes fuisse affirmârunt. Etenim Diuus Cy- prianus in eo ipso loco vbi dixit, *pari consortio praditos re- liquos Apostolos fuisse & honoris & potestatis*: mox subiungit: *Sed exordium ab unitate proficiscitur, Petro primatus datur, ut una Christi Ecclesia & una cathedra monstretur.* An non in pari consortio Apostolatus primatum Petri agnoscit? Legat, cui otium est, locum illum integrum Cypriani, & satis impudentiam Sectariorum mirari non poterit, quod ex ea Cypriani disputatione probare velint: ita fuisse Apostolatus dignitate pares Apostolos, ut Petrus illis præpositus à Christo non fuerit. Dicit: *compendio veritatis* facile fidem probari posse, *si caput teneatur*, ac illud consi- deretur, *quod Dominus loquitur ad Petrum: Tu es Petrus, &c.* Dicit: *Super vnum Petrum Ecclesiam esse fundatam.* Dicit rursus: *Quamuis & alij Apostoli pastores constituti sint: tamen ut unitatem manifestaret, unam cathedram Christum consti- tuisse, & unitatis eiusdem originem ab vno incipientem sua au- thoritate disposuisse.* Dicit rursus: *Super cathedram Petri Eccle- siam esse constitutam.* Et illud item quod antè recitatum est: *Primatus Petro datur, ut una cathedra monstretur.* Deni- que causam, quam ob rem hæretici perfidiam sub præte-

*D. Petrum ca-
teris Apostolis,
quatenus erant
quidem oues
Christi, superi-
orem fuisse, illi
ipsi Veteres Pa-
tres asseruerunt,
qui pro contra-
rio errore citant
Sectarij.*

*Lib. de vnitat.
Eccl. non lon-
gè ab initio.*

*D. Cyprianum
agnouisse pri-
matum Petri
inter reliquos
Apostolos, ma-
nifestè proba-
tur contra Se-
ctarios.*

1.

2.

3.

4.

5.

6.

textu fidei, & Antichristum sub vocabulo Christi mentiantur, esse, quia ad veritatis illam & unitatis originem (de qua dictum est) non reditur, nec caput, inquit, quaritur. Quid hæc omnia, si nullum habuit Petrus principatum auctoritatis, sibi volunt?

Lib. 1. contra Iovin circa medium.

Nec minus professò clarè Hieronymus; *Super Petrum, inquit, fundatur Ecclesia. Et licet id ipsum in alio loco super Apostolos fiat, & cuncti claves regni cælorum accipiant, & ex aquo (quod attinet quidem ad prærogatiuam Apostolatus) super eos Ecclesia fortitudo solidetur: tamen propterea inter duodecim unus eligitur, ut capite constituto schismatis tollatur occasio. An verò ab Hieronymo vel amplius aliquid ad æqualitatem in Apostolatu declarandam, vel clarius ad Petri nihilominus præminentiam in auctoritate regiminis tuendam dici potuit? Quid Diuus Leo? Inter beatissimos, inquit, Apostolos in pars honoris consortio fuit quadam discretio potestatis. Et cum omnium par esset electio, (nempe ad Apostolatatum) uni tamen datum est, ut cæteris emineret.*

Epist. ad Anastasium Tharsensem Episc.

2. Dist. 21. c. In nouo. Et clarissimè epist. 3.

Loco superius citato.

67. dist. can. porro.

Et Anacletus, vbi pari etiam consortio honorem & potestatem Apostolicam reliquos accepisse dicit; perspicuè nihilominus² assuecit à Petro post Christum in nouo Testamento sacerdotalem ordinem capisse, & ipsum Apostolos reliquos habuisse pro principe. Mitto, quòd auctor alioquì eruditissimus Ioannes à Turrecremata contendit, in hoc etiam Apostolos cæteros Diuo Petro fuisse inferiores, quòd à Christo acceperint Apostolici muneris auctoritatem non nisi per ipsum Petrum. Id quod etiam probat ex Anacleto, qui² affirmat, Iacobum fratrem Domini fuisse ordinatum Episcopum Hierosolymitanum à Petro, & Ioanne, & altero Iacobo. Sed hæc quidem sententia minus communis est, neque etiam ad Petri primatum asseren-

asserendum necessaria. Nam etsi demus, à Christo proximè omnes Apostolos auctoritatem Apostolicam, vt antè docuimus, accepisse; satis nihilominus defensum iam est, quod ad auctoritatem quidem regiminis attinet, fuisse illos ipso Petro inferiores. Ex qua re fiebat, vt in modo certè exercendi munus illud Apostolicum à Petro dirigi cum auctoritate possent. Quod verò de ordinatione Iacobi dicit Anacletus: id ad designationem quandam loci referri potest.

Deniq; quod tertio aduersus probationem nostram, ex illo Matthæi loco sumptam, obiiciunt Sectarij, clauces regni cœlorum nec promissas nec datas Petro esse, nisi in persona Ecclesiæ: id verò magis ipsos redarguit. Ideò enim de Petro peculiariter Augustinus scripsit, cum in persona Ecclesiæ clauces accepisse, quoniam non vt priuata persona, neque vt qualiscunque alius Ecclesiæ minister, sed vt Ecclesiæ totius præfectus, qui singulariter proinde totam Ecclesiam repræsentauerit, eatenusque in vtilitatem Ecclesiæ, eas accepit; vt suprà quoque exposuimus, & diligenter etiam à Caietano, & Eckio notatum est. Sed satis, vt arbitror, de loco Matthæi 16. dictum est, ex quo certè est perspicuum, præcipuam illam in Ecclesia auctoritatem fuisse Petro promissam.

Caiet. in tract.
de Rom. Pont.
instit. c. 3.
Ecki. in locis
com. cap. 3.

SECUNDUS Euangelij locus, valde etiam illustis, quo auctores Catholici principatum Petri probare consueuerunt, est apud Lucam. Vbi Christus, contentione exorta inter discipulos, *quis eorum videretur esse maior*: primùm ambitionem eam atq; superbiam, vt pote secularium principum ambitioni similem, refutat, & sui exemplo proposito modum humilitatis præscribit ciqui maior esset futurus, inquires: *Reges gentium domi-*

*Secundus locus
Euangelij pro
Petri primatu.*

Lucæ 22.

nantur eorum, & qui potestatem habent super eos, benefici vocantur: Vos autem non sic. Sed qui maior EST in vobis, fiat sicut minor, & qui praeceptor est, sicut ministrator. Nam quis maior est, qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat. Deinde conuersus ad Petrum, ei quae impetrans vsum illius primariae auctoritatis in confirmandis in fide fratribus; satis profecto indicauit, cum ipsum Petrum esse cui antecedentibus verbis modum in supremo dignitatis gradu tenendum proposuerat. Ait enim è vestigio ad ipsum solum: *Simon ecce Satanas expetiuit vos, ut cribraret sicut triticum; Ego autem orauit pro te ut non deficiat fides tua. Et tu aliquando conuersus confirma fratres tuos.*

Quatuor ob-
seruanda in lo-
co Luc. 22. pro
affertione pre-
sentat.

Hoc ego loco peto à Lectore, ut quatuor apud se diligenter expendat. I. Primum enim in illa discipulorum contentione minimè sanè Christus negauit, aliquem in Ecclesia superiorem reliquis fuisse futurum. Quin potius id planè affirmat: *Qui maior*, inquit, EST, (quia videlicet iam erat Christo decretum, aliquem præficere & caput cæterorum facere) *in vobis*. Itaque hunc monet, ut in maximo gradu dignitatis post constitutus, non mundanorum principum arrogantiam, sed suam moderationem atque submissionem imitetur. *Ego enim*, inquit, *sum inter vos, sicut qui ministrat*. II. Quis autem ille maior futurus est? Nempe Petrus, pro cuius videlicet fide, ut ad communem aliorum utilitatem sit firma, orat: quem iubet fratres aliquando, hoc est, accepta post lapsum & resipiscentiæ cura pastoralis, confirmare in fide. Quo sanè confirmandi vocabulo, auctoritatem in docendo significari, ex aliis^a Scripturæ locis intelligi potest. III. Atq; Petrum maiorem reliquis significari hoc loco futurum, non propriè in vitæ sanctimoniam aut virtute, sed in muneris au-
torita-

^a Act. 15. ver. 41. & cap. 16. ver. 5. & 1. ad Thessal. 3. ver. 1. & c.

Autoritate; tum ex eo *confirmandi* præcepto, quod illi deinde tanquam Maiori datur, tum ex ipsa ratione huius Christi sermonis apparet. Monuit enim ut is qui maior futurus esset fieret virtute humilitatis & submissionis sicut minor. Qua monitione non magnoperè iam eget, qui in maximo virtutis atque sanctitatis est gradu, adeoq; perfectionem humilitatis consecutus est. Sed is demum ita cum primis admonendus est, qui in alio aliquo genere excellit; nempe potestatis, quæ nimirum cum importunitatis atque superbiæ vitio facile coniungi solet; ut est videre in regibus gentium, quorum voluit Christus cum esse dissimillimum qui maior inter Apostolos futurus erat. IIII. Nec verò putare hoc in loco possumus, sermonem Christo fuisse de potestatis alicuius temporalis principatu, quem moderatè ab aliquo Apostolorum sustineri vellet. Perspicuum enim est de eiusmodi auctoritatis præstantia cum ibi agere, cuius maximè proprius sit usus confirmare in fide fratres. Quæ auctoritas, spiritualis est. Quanquam nec indignum est, ut qui *spiritualia seminant, temporalia etiam metant*, vnumquisque quantum opus habet, spectata temporum ratione & sui cuiusque in Ecclesia gradus.

1. Cor. 9.

Sed ipsos etiam sanctos Patres audire operæ præciū est qui etiam ex hoc loco Petri in Ecclesia principatum rectissimè collegerunt. *Commune*, inquit D. Leo, erat omnibus Apostolis periculum de tentatione formidinis, & diuina protectionis auxilio pariter indigebant; quoniam diabolus omnes exagitare, omnes cupiebat elidere. Et tamen specialis à Domino Petri cura suscipitur, & pro fide Petri propriè supplicatur. Tanquam aliorum status certior sit futurus, si mens principis victa non fuerit. In Petro ergo omnium fortitudo munitur, & diuinæ gratia ita ordinatur auxilium, ut firmitas, quæ per Christum

Peteres Patres
ex loco etiam
Luc. 22. prima-
tum Petri col-
legisse.
Serm. 3. de die
annuetsario-
assumpt. suæ.
Idemq; habet
serm. 2. de Na-
tali Petri &
Pauli.

D. Ambrosius
Psalm 43. ali-
quantò post
medium.
Lucæ 22.

In Comment.
eius loci.

Quæst. 79. ex
nouo Test.

*Redarguitur
pertinacia &
cæcitas Sella-
riorum, quòd
aduersus pri-
matum obiect-
ant locum Lu-
cæ 22. Unde ma-
ximè ille con-
firmatur.*

*Confirmatur
rursus probatio
primatus ex lo-
co Luc. 22. du-
plex.*

I.

Petro tribuitur, per Petrum Apostolis conferatur. Cùm itaque dilectissimi tantum nobis videamus presidium diuinitus institutum; iussè in ducis nostri meritis & dignitate latamur, gratias agentes redemptori nostro, qui tantam potentiam dedit ei, quem totius Ecclesiæ principem fecit. Et D. Ambrosius: Petrus, inquit, Ecclesiæ praponitur. Itaque antè significat Dominus quid sit illud, quod postea eum pastorem elegit Dominici gregis. Nam huic dixit: Tu autem conuersus confirma fratres tuos. Item Theophylactus: Planus, inquit, huius loci intellectus hic est: Quia te habeo ut principem discipulorum; postquam negato me stueris, & ad pœnitentiam veneris, confirma ceteros. Hoc enim te decet, qui post me Ecclesiæ petra & fundamentum es. Tum D. Augustinus: Quid ambigitur? inquit. Pro Petro rogabat, & pro Iacobo & Ioanne non rogabat? ut ceteros taceam. Manifestum est, in Petro omnes contineri: Rogans enim pro Petro pro omnibus rogasse dignoscitur. Semper enim in proposito populus aut corripitur aut laudatur.

Et tamen vsque ad eò miserabilis cæcitas Sectariorum est, ut contra Petri potius principatum ex hoc ipso Lucæ loco, quo ille vel maximè stabilitur, argumentum petant. Vrgent enim admodum inconsideratè illud: *Vos autem non sic.* Si non sic; ergo nemo, inquiunt, debet in Ecclesiæ cæteris omnibus imperare, id quod faciunt Reges gentium. Quantò rectius contrarium isti concluderent, hoc modo: Si non sic, id est, si non eò modo dominari seu imperare aliquis Apostolorum debuit, sicut dominantur Reges gentium. Ergo debuit quidem aliquis ex Apostolis imperare (de quo inter eos fuit contentio quis esset) sed alio quodam modo. Quo tandem? *Qui, inquit, maior est in vobis, fiat sicut minor.* Non dicit: *Nullus erit in vobis maior: Nemo imperabit.* Nec: *Qui maior est, fiat, aut sit minor, aut omnino non imperet.* Quorsum enim esset maior?

Sed:

Sed: *Fiat*, inquit, *sicut minor*, hoc est, in mansuetudine; sine superbia; sine importunitate imperet. Non igitur summam auctoritatem hîc Christus remouet: sed modum in auctoritate summa requirit, cumq; longè diuersum ab eo quem Reges gentium tenent.

Id ipsum confirmamus rursus hoc modo: Qui inter Apostolos maior sit, cum ita vult Christus erga reliquos se gerere, sicut ipse Christus se gessit erga Apostolos. Exemplum enim suum proponit eis, inquit: *Ego aut in medio vestrum sum sicut qui ministrat*. Atqui Christus ita fuit sicut qui ministrat, ut non ideò tamen potestate caruerit. Igitur nec vult potestate carere cum quem esse vult ut minorem cum sit maior, sed modum in vsu potestatis ei præscribit, ut dictum est. Quid multa? Ipse Apostolus Petrus, quò pertinuerit illud Christi magistri sui præceptum, disertè explicat, quum iisdem propè verbis id repetens, ac alios etiam Ecclesiæ pastores de eo commonefaciens: *Pascite*, inquit, *qui in vobis est gregem; prouidentes non coactè, sed spontaneè secundum Deum: neque turpis lucri gratia, sed voluntariè. Neq; ut DOMINANTES in cleris, sed forma facti gregis ex animo*.

2.

NOTA.

1. Petri.

Tertius locus est clarissimus apud Ioannem. Vbi Christus Dominus ascensurus in cœlum, Vicarium amoris sui erga gregem (ut inquit B. Ambrosius) Diuum Petrum relinquens; omnibus cum Apostolis, antetulit, ei que summam tandem auctoritatem Ecclesiam suam regendi, toties antea promissam, attribuit. *Erant* (inquit Euangelista) *Simon Petrus, & Thomas qui dicitur Didymus, & Nathanael, qui erat à Cana Galilææ, & filij Zebedæi, & alij ex discipulis eius duo, &c. Et dicit Simoni Petro Iesus: Simon Ioannis diligis me plus his? Dicit ei: etiam Domine: tu scis, quia*

Locus Evangelij tertius pro primatu Petri, Ioan. 21. Ambros. lib. 10. in Luc. c. 24.

Ioan. 21.

amo te. Dicit ei: *Pasce agnos meos.* Dicit ei iterum: *Simon Ioannis diligis me?* Ait illi, etiam Domine: *tu scis, quia amo te.* Dicit ei: *Pasce agnos meos.* Dicit ei tertio: *Simon Ioannis amas me?* Contristatus est Petrus, quia dixit ei tertio: *amas me?* Et dicit ei: *Domine tu omnia scis, & scis quia amo te.* Dicit ei: *Pasce oues meas.* Hic etiam petimus à Lectore, ut hunc in modum ex hoc tam illustri loco, pro Petri principatu in Ecclesia, ratiocinetur. Si Petro singularis aliqua regendi vniuersam Ecclesiam auctoritas à Christo tributa est, qualem cæteri Apostoli non habuerunt; certè Petrus habuit regiminis in Ecclesia principatum. Nam quæ maior in Ecclesia regendi auctoritas sit quàm ea, quæ antecelluit auctoritati aliquâ Apostolicæ? At singularis Ecclesiæ vniuersam regendi auctoritas, qualem cæteri Apostoli non habuerunt, Petro est à Christo tributa. Habuit hic igitur regiminis in Ecclesia principatum.

Ex loco Io. 21.
quaratiōe pri-
mam probe-
tur.

Confirmatur ea
probatio ex G.
vini loci ipsius
circumstan-
tiis.

Hebr. 5.

Lib. 10. in Lu-
cam, cap. 24.

Id probatur perspicuè ex circumstantiis eius loci apud Ioannem. I. *Simon*, inquit, *Ioannis diligis me plus his?* Cur de præstantiori caritate eum, præ cæteris tum præsentibus, interrogasset, nisi maioris etiam atque præstantioris muneris auctoritatem ipsi attribuire voluisset? II. *Pasce agnos meos.* Vel ut est Græcè, *Rege oues meas.* Et denique: *Pasce oues meas.* Nempe cōmisit ei curam omnium Ecclesiæ ordinum; ut regeret non modò vulgares atque imperfectiores fideles, qui quasi agni sunt, & velut paruuli lacte pascendi: sed etiam perfectos, adeoq; Pastores ipsos Ecclesiarum, qui velut oues ac matres sunt cæterorum. Sic enim D. Ambrosius hanc Christi sermonis varietatem in hoc loco interpretatur. *Tertio*, inquit, *Domini* interrogauit: *Et iam non agnos lacte pascendos, ut primo, neq; ouiculas, ut secundo, sed oues pascere iubetur. perfectiores ut perfectior gubernaret.* III. Neq; inter has aut illas oues distin-

distinxit: Sed absolutè: *Pasce*, inquit, *oues meas*. Quo ipso apertè significauit, alienum esse à suo ouili quicunq, *Petrum pastorem non agnosceret*; vt scitè atq; eleganter concludit D. Bernardus. Quamobrem nec Apostolos quidem à Petri cura exemit. Nisi fortè nō etiam illi Christi oues fuerunt. IIII. Denique vis verbi, *pasce*, considerata est. Quod vsum auctoritatis salutarem in subditos, in regendo & docendo, secundum ^a Scripturæ sacræ consuetudinem, significare, dubium nullum est: quidquid Calvinus contra obganniuert. Quare Ioannes in recitanda ea Christi sententia, tali verbo Græco (ποιμαίνεω) vsus est, quod & pascere & regere significat, vt à sanctissimo ^b Rosensi & ab aliis ex ^c Scriptura etiam sacra passim est notatum. Nec aliter ^d Augustinus & ^e Chrysostomus, & alij Patres eius verbi significationem hoc in loco intellexerunt.

Sed quemadmodum hîc Christus auctoritatem in Ecclesia primariam Petro attribuerit, quam antea tot modis eidem erat pollicitus, præstat vt Lector ex ipsis verbis sanctorum Patrum quàm ex nostris intelligat. ^f Chrysostomus: *Ceteris*, inquit, *omissis solum Petrum alloquitur, curam ei committens fratrum suorum*. Et rursus: ^g *Interrogat*, inquit, *discipulum magister, num ab eo ametur? Non quò id ipse edoceatur; verum vt nos doceat, quanta cura sibi sit gregis huius præfectura*. Item ibidem paulò pòst: *Illum*, inquit, *auctoritate præditum esse voluit, ac reliquos item Apostolos longè præcellere*. Petre enim, ait, *Amas me plus quàm hi oēs?* Ac rursus: ^h *Ecclesia*, inquit, *primatus gubernatioq; per vniuersum mundum ei à Christo conceditur est*. ⁱ Ambrosius: *Interrogabat*, inquit, *Dominus, non vt disceret, sed vt doceret, quem eleuandus in cælum amoris sui velut vicarium nobis relinquebat*. Sic enim habes: *Simon Ioannis diligis me, &c. Petrus*

Lib. 2. de consideratione ad Engenium, paulò post mediū.

^a 2. Reg. 5. Ezech. 34. &c.

Caluin. lib. 4. instit. c. 7.

^b Articul. 25. contra Luth.

^c Psal. 2. & 79. Act 20. Matt.

2. &c.

^d Tracta. 123. in Ioā. sub fin.

^e Lib. 2. de sacerdotio, in initio.

Confirmatur præterea eadē probatio testimonij Patrum.
^f Homil. ult. in Ioan.

^g Lib. 2. de sacerdotio, in initio.

^h Homil. 1. de penitentia.

ⁱ Lib. 10. in Luc. c. 24.

testifi-

*testificatur affectum, & idè quia solus proficitur ex omnibus, omnibus antefertur. Et paulò pòst: Oves pascere iubetur, perfectiores ut perfectior gubernaret.*¹ Cyprianus, *Petro, inquit, pòst resurrectionem suam dicit: Pisce oves meas, super illum vnum adificat Ecclesiam suam* (en, sententià Cypriani, quādo Christus impleuerit illam promissionem: *Super hanc petram, &c?*) *& illi pascendas mandat oves suas.* Et^m Origenes: *Quum Petro, inquit, summa rerum de pascendis omnibus traderetur, & super ipsum, velut terram, fundaretur Ecclesia* (en etiam quādo impleta promissio?) *nullius confessio virtutis alterius, nisi caritatis ab eo exigitur.*ⁿ Theophylactus: *Petro, inquit, non alij praefecturam omnium per vniuersum mundum tribuit.*^o Gregorius: *Totius, inquit, Ecclesia curam Petro dominica voce commissam esse, cunctis legentibus Euangelium liquet.* Item^p Arnobius, *Petrum Episcopum Episcoporum esse* inde ostendit, quòd nullus, inquit, *Apostolorum nomen pastoris accepit* (intellige, ita singulariter & ab ipso Christo) *solus enim Dominus dicebat: Ego sum Pastor bonus. Hoc nomen sanctum, & ipsius nominis potestatem pòst resurrectionem suam Petro pœnitenti concessit, & ter negatus negatori suo hanc, quam solus habuit, tribuit potestatem.* Nec multò aliter hoc idem expressit Diuus^q Augustinus, vbi ita elegantè scripsit: *Sit amoris officium pascere dominicum gregem, si fuit timoris indicium negare Pastorem.* Quibus verbis quis maximè sit sensus illius loci literalis, quòd toties tamq; accuratè de singulari amore Petrus examinatus fuerit, Augustinus significauit. Nempe ut intelligeretur, quantoperè caritas in subditos & eorum Dominum, in Praeposito necessaria sit. Quod Chrysostomus voluit, vbi supra, cum dixit: *Dominum interrogasse, ut nos doceret, quanta cura sibi sit gregis huius praefectura.* Et alio loco: *Ter, inquit, interrogat, & semper idem praecipit, inquiens: Pisce, ut demon-*
stret

¹ In li. de vni-
tate Eccl. sub
initium.

^m In cap. 6. ad
Rom.

ⁿ In locū il-
lum, Ioan. 21.

^o Lib. 4. Regi-
stri. ep. 32.

^p In Psalmum
138.

Ioan. 10.

^q Tract. 123.
in Ioan.

Lib. 1. de sa-
cerd.

Homil. 87. in
Ioan.

stret quantoniuum suarum curam faciat. Neq; idcirco tamen id improbamus, quod Augustinus etiam de hoc loco ita commentatus est: *Redditur, inquit, negationi trina trina confessio, ne minus amoris lingua seruiat, quam timori; & plus vocis eliciisse videatur mors imminens quam vita præsens.* Quod ipsum & Cyrillus notat in eundem locum; simul ibi Petrum appellans & principem & caput ceterorum Apostolorum. Neq; eiusmodi Augustini interpretatio impedit, quo minus maximè etiam propter præfecturam gregis Petro committendam, ita illum Christus interrogauerit, vt Chrysostomus & alij Patres exponunt.

In illo ipso tract. 123. in Ioan.

Lib. 12. in Ioã. cap. 64.

Locis antè citatis.

Lib. 4. instit. cap. 7.

1. Petri 5.

SED ALIUD, inquit Calvinus, est; pascere oues meas, quàm habere auctoritatem in eas omnes. Accedit, quòd non dicit, *omnes*. Et ipse Petrus aliis Episcopis inquit: *Pascite qui in vobis est gregem;* Tanquam habeant omnes ex æquo curam Dominici gregis sibi commissam. Atq; hæc ferè sunt, quæ aduersus pondus tanti tamq; illustris testimonij, quo Petri principatum confirmant Catholici, leuissimè obijciunt Sectarij.

Quibus respondeamus, & vsum alioquæ sacræ Scripturæ; & huius loci circumstantias; & collationem eius cum locis aliis, in quibus antè summa auctoritas Petro promissa est; & (quod magni momenti apud nos esse debet) consentientem interpretationem sanctorum Patrum, satis superque comprobare, *pascendi* vocabulo, in eo loco, metaphoricè significari etiam regendi auctoritatem. Significat enim ea vox officium eiusmodi erga oues Christi, quo bene atque conuenienter illæ & in spiritali vita sustentari, & omnino ad illa usq; pascua vberissima vitæ sempiternæ dirigi atque deduci possint. Hoc autem, si spectemus hominum naturæ conditionem, sufficienter præstari nequit, sine auctoritate etiam atque vi præci-

Responsio ad ea qua leuissimè obijciunt Sectarij aduersus probationem ex loco Ioan. 21.

piendi, adeoque obligandi ipsas oues ad eum doctrinæ & religionis quasi pastum sumendum, qui iudicetur salutaris à pastore. Quare, in quo Ecclesiæ Præposito Christus significauit esse auctoritatem pascendi, in eodem auctoritatem quoque spiritualiter regendi esse intelligere debemus: ut auctoritate Scripturæ, & sanctorum Patrum, & ipsa illius loci ratione satis hætenus demonstratum est.

*Cum Christus
Petro dixit: Pa-
sce oues meas;
oues omnes in-
tellexisse.*

Nec nobis illud quicquam obstat quod Aduersarij obiiiciunt, Christum non dixisse: *Oues omnes*. Etenim loci circumstantiæ iam commemoratæ, & sententia communis Patrum cogit (nisi velimus esse impudentes) intelligere *omnes*. Obsecro enim, quænam, & quot, & quales oues intelligendæ ibi sunt, si non oportet omnes intelligi? Certè Christus non distinxit inter has & illas, sed absolute: *Pasce*, inquit, *oues meas*. Vnde sic sanè (præter ea, quæ prius à nobis allata sunt) licet ratiocinari: Dubium nullum est, quin Christus, ita diligenter commedans Petro oues suas, voluerit ab eo satis intelligi, de quibus ouibus loqueretur. At nisi de omnibus, quæcunque essent suæ, sit loquutus; non satis potuit Petrus, de quibusnam diceret, intelligere. Confitendum est igitur, illum de ouibus suis omnibus in eo loco loquutum esse. Non enim de iis, aut illis determinatè, locutus est; nec verò de nullis; nec, si indeterminatè & confusè de aliquibus locutus esset, satis illæ à Petro potuissent distinctè cognosci. Quod rectè etiam ante nos doctissimus Caietanus in eruditissimo illo suo tractatu de Romani Pontificis Institutione concludit.

Cap. 10.

Iam verò Petrus Episcopus item alios, ut gregem pascere, admonuit; non quia par illis esset commissæ cura totius Christi gregis in vniuerso orbe pascendi: sed quia

quia illi etiam certè, sub Petro, pascere oues Christi debuerunt, & hodie debent: vnusquisq; in assignato sibi loco. Itaq; nec dicit Petrus absolute: Pascite gregem; sicut ipsi à Christo generatim atq; absolute dictum est: *Pascite oues meas*. Sed: *Pascite*, inquit, *qui in vobis est, gregem*; id est, vnusquisque illum, quem fidei atque curæ suæ habet commendatum. Vt si Rex ad consules diceret: Regite prudenter commissas vobis ciuitates: nunquid propterea significaret, auctoritate regendi consules esse sibi ipsi pares?

ATq; hæc quidē testimonia, quæ pro Petri primatu hætenus ex Euangelio pposuimus, potissima sunt: quibus etiā S. Patres ad eam rē maximè sunt vsi. Sed illis tamen ita positis atq; confirmatis, non minimi ponderis ad eam assertionem stabiliendā alia quædam Euangelij testimonia videri debent, quæ solent huc etiam auctores Catholici non immeritò referre. Huius generis est, quod Christus Dominus soli Petro nominatim iussit, vt pro se & pro illo iis, qui tributum exigebant *solueret staterem*, id est, duo didrachma, vt exponit eo loco D. Hieronymus. Qua re primatum Petri significari Christum voluisse Patres nō absurdè intellexerunt. Genus enim illud tributi, quidam erat census capitis, id est, vel patrisfamilias, vel certè primogeniti ac præcipui in familia post ipsum, vt D. Chrysostomus interpretatur. Qui & propterea ita inquit: *Cum primogenitus esset Christus; Petrus quoq; discipulorum primus esse videretur, ipsum ad-eunt, &c.* Ac post aliqua: *Hunc locum*, inquit, *Marcus, qui discipulus Petri fuit, ideo non scripsisse videtur; quoniam ingens hinc honor magistro deferrebat. Item paulò post: In illa hora*, inquit, *Petrum omnibus discipulis prætulit.* Item Augustinus: *Saluator, cum pro se & Petro dari inbet, pro omnibus ex-*

*Alia quadam
Euangelij testi-
monia, ex quibus
idem D.
Petri primatus
confirmatur*
IV.

Matth. 17.

Homil. 59. in
Matth. in iud.

Quæst. 75. ex
novo Testamento.

luisse videtur. Quia sicut in Salvatore erant omnes cause magisterij, ita & post Salvatorem in Petro omnes continentur. Ipsum enim constituit esse caput eorum, ut pastorem gregis Dominici. Hinc factum est, ut occasione huius honoris Petri, in illa ipsa hora, sicut Euangelista narrat, discipuli adierint Iesum, dicentes: quis putas maior est in regno celorum? Quia viderant, inquit Hieronymus, pro Petro & Domino idem tributum redditum; arbitrati sunt Petrum omnibus Apostolis esse Prælatum. Item Chrysostomus: Veriti, inquit,urbationem profiteri suam, non aperte quare Petrum ipsis præponeret, sed confuse: Quis ergo maior est, interrogarunt? Et rursus: Cum ad unum, inquit, delatus honor est; tunc nimirum doluerunt. Quanquam non ex hac re solum, sed ex aliis multis inflammati fuerunt. Tum, quia dixit illi: Dabo tibi claves regni celorum. Tum quia: Beatus es tu Simon, &c. Tum etiam hic; Da illis pro me & pro te. Eodem ferè modo loquitur in illum locum Origenes.

Huc addunt etiam Doctores Catholici, quod Matthæus, cum Apostolorum nomina recensere constitueret: *Nomina, inquit, Apostolorum hæc sunt. PRIMVS Simon, &c.* Vbi apparet, illum ad ordinem dignitatis respexisse, non ad ordinem temporis, quo essent Apostoli à Christo vocati. Ita enim Andream primū dicere debuisset: nempe quem primò vocatum esse constat. Quare Ambrosius: Prior, inquit, secutus est Andreas Salvatorem, quàm Petrus: & tamen primatum non accepit Andreas, sed Petrus. Et animaduertatur contra Sectariorum cauillationes, Doctores Catholicos non inde argumentari, quod Matthæus primò nominauerit Petrum, sed quod disertè dixerit: PRIMVS Simon, &c.

Nec obscurè idem Petri primatus significatur etiam illius generis locis, quibus perhibetur ipse nomine omnium Apostolorum vel interrogasse Christum, vel eidem respon-

In commen-
tariis eius lo-
ci.

Homil. 59. in
Matth.

Ibidem.

Traçtat. 5. in
Matth.

Matth. 10.

In 1. Corint.
cap 12.

spondisse, vel ab eo, de necessaria doctrina pro omnibus, peculiariter fuisse instructus. *Per unū* (inquit D. Cyrillus) *qui præerat, omnes respondēt. Sanctam profectò disciplinā optime conservantes, & posterioribus prudentia atq; modestia relinquentes exempla. Decet enim nō omnes cōfusse prosilire, sed cedere iis, qui & cōsilio & ordine præpositi sunt.* Hæc Cyrillus in eum locū ubi Christo interroganti: *Nunquid & vos vultis abire?* Petrus respondit: *Domine, quo ibimus? Verba vite aeternæ habes.* Accedit quòd ubi mentio in historia sacra collegij Apostolici facienda fuit, passim videas solum Petrum, ceteris non nominatim expressis, planè tanquam ipsorum caput nominari, *Prosecutus est eum* (inquit ^a Marcus) *Petrus, & qui eum eo erant.* Item Lucas: ^b *Dixit Petrus, & qui cum illo erant.* Et rursus: ^c *Stans autem Petrus cum undecim, levanit vocem suam, &c.* Nōne modus ipse narrationis indicat, ex omnibus Petrum fuisse præcipuum, cui reliqui tanquam præposito suo adhærent? Hoc ipsum & ea re significatum est, quòd ad illum primò Christus ^d lauaturus omnium pedes accedit; quòd illi nominatim suam resurrectionem nunciari ^e voluit, &c. Atque inter cætera eiusdem generis indicia, quæ ex Euangelio pro primatu Petri, diligenter etiam à Ioanne Turrecremata collecta sunt: illud mihi videtur à Diuo ^f Bernardo pulchrè notatum esse, quod apud ^g Ioannem legimus, Petrum se mari commississe, vt ad Christum in littore consistentem perueniret, cæteris discipulis nauigio venientibus. *Quid istud est,* ait Bernardus: *Nempe signum singularis pontificij in Petro, per quem non vnā Ecclesiam, vt ceteri quiq; suam, sed seculum ipsum gubernandum suscepit. Mare enim seculum est; naues Ecclesia. Hinc est,* inquit, *quod* ^h *altera vice, instar Domini, gradiens super aquas, unicum se Christi vicarium designauit,*

Lib. 4. in Ioan. cap. 18.

Ioan. 6.

^a Marci 1.

^b Lucæ 8.

^c Act. 2.

^d Ioan. 13.

^e Marci 16.

Lib. 1. de sum.

Ecc. c. 5. & 13.

^f Lib. 1. de cō-

fid ad Eugen.

post medium.

^g Ioan. 11.

^h Matth 14.

i Apoc. 17,

qui non unipopulo, sed cunctis præesse deberet. Siquidem¹ aqua multa, populi sunt multi.

V. probatur D.
Petri primatus
ex rebus ab eo
gestis.

Actor. 2.

Serm. 47. de fi-
de Petri.

k Actor. 3.
Serm. 63.

l Actor. 1.

m Homil. 3. in
Acta.

n Actor. 5.

o Ambr. serm.
66. Hieron. in
Catalog. scri-
ptorū Ecclesi-
ast. ubi agit de
D. Petro. Ma-
ximus hom. 5.

de Natali Pe-
tri & Pauli. E-
gesippus lib. 3.
c. 2. de excidio
Hierosol. & a-
lij plures apud
D. Aug. ep. 86.

p Actor. 15.
q In epistola
quadam ad
Aug. quæ est
II. inter epist.

August.
r Actor. 10.

s Homil. 21. in
Acta.

PRæterea colligūt Orthodoxi primatum Petri ex rebus ab eo gestis, quæ in actis præsertim Apostolicis cōmemorātur. Ille enim post Christi resurrectionem publicè ad multitudinē *ex omni natione cōgregatam* primus concionem habuit, adeoque *in nationibus* (inquit Ambrosius) *fidei fundamenta posuit*. Ille omnium primus in curatione claudi mirabiliter fidem confirmat. *Si enim Petrus petra est* (inquit Ambrosius) *super quam edificatur Ecclesia; rectè primus pedes sanat, ut sicut in Ecclesia fidei fundamentum continet, ita & in homine membrorum fundamenta confirmet*. Ille¹ *exurgens in medio fratrum*, statuit aliquem in locum Iudæ fuisse eligendum. Qua de re^m Chrysostomus: *Vide, inquit, fervorem. Quàm agnoscit sibi creditum à Christo gregem? Quàm in hoc choro princeps est, & ubique primus omnium incipit loqui? Ad hunc enim inquit Christus: & tu aliquando conuersus confirma fratres tuos*. Ille præ cæteris inⁿ Anania & Saphira condemnandis auctoritate vsus est. Ille Simonem Magum, hæreticorum primum, ex Ecclesia eiecit, deinde Romæ palam reuicit, ut^o plerique veteres testes sunt. Ille mota controuersia de obseruatione^p legalium, primus in Apostolico Concilio loquitur, remque definit tanquam *princeps decreti*, ut affirmat^q Hieronymus. *Vos enim scitis*, inquit in eodem Concilio Petrus, *quoniam ab antiquis diebus Deus in nobis per os meum* (nempe singulari cum auctoritate) *elegit audire gentes verbum Euangelij & credere*. Vnde & ipsi omnium primo^r *visiōe cœlesti monstratum est*, gentes etiam in Ecclesiam Christi debere recipi. *In summa ubique*, inquit^s Chrysostomus, *Petrus primus inuenitur. Quando eligendus* *Apos-*

Apostolus, hic primus: Quando loquendum Iudæis, non esse Apostolos ebrios; quando curandus claudus; quando concionandum; quando agendum contra principes; quando contra Ananiam, quando ab umbra sanationes fiebant, hic erat. Et ubi quidem erat periculum, hic; & ubi moderatio. Ubi autem tranquillitate res erant plenæ, communiter omnes. Sic non exigit honorem maiorem. Atque ut hîc Chrysostomus Petrum à facilitate & submissione commendat, quòd ubi opus auctoritate non fuit, cæteris Apostolis minimè se antetulit: ita vicissim Apostolis reliquis laudi dat, quòd sine controuersia Petrum, post Christi resurrectionem superiorem suum, in omnibus illis actis, de quibus iam dictum est, agnouerunt. Considera, inquit, quò pacto concedunt ei solum (cùm de successore Iudæ eligendo ageret) nec amplius ambigunt disceptantes inter sese, quis futurus esset eorum maior. Et clarissimè in alio loco: Nondum, inquit, gratia Spiritus sancti corroborati, facillè mouebantur, gratia verò accepta non tales nempe fuerunt, sed ubique primatum Petro præbent & in concionibus eum anteponunt, quamuis cæteris rudior videretur. Tractat hoc argumentum à Petri rebus gestis eruditè inter cæteros Rossensis, articulo 25. aduersus Lutherum.

Homil. 3. in Acta.

Homil. 32. in Matth.

VERVM hîc Lutherus & Calvinus & Sectarij reliqui clarissimæ luci tenebras offundere nituntur, cõtenduntque impudenter, Petrum nequaquã exercuisse aliquando eiusmodi in Ecclesia primatum. 1. Non enim constat (inquiunt) cum in reliquos Apostolos auctoritate esse usum. 2. Quin imò ipse cum Ioanne^a missus est ab illis in Samariam. 3. Deinde cùm electio^b Matthiæ & septem^c Diaconorum facienda fuit, non à Petro est facta, sed ab omnibus æquè Apostolis iactæ sunt sortes. 4. Nec solus etiam controuersiam de religione definiuit, sed in concilio res decernitur. Vbi & Iacobus quidem cum au-

Sectariorum obiectiones contra probationem primatum D. Petri ductam ex rebus ab eo gestis.

^a Act. 8.

^b Act. 1.

^c Act. 6.

toritate

d A^{ct}or. 15.
e Gal. 2.

Auctoritate dicit: ^d *Ego iudico, &c.* 5. Sed & D. Paulus disertè ait: *Mihi autem qui videbantur esse aliquid* (loquitur de Petro, Iacobo & Ioanne) *nihil contulerunt. Sed contra, cum cognouissent quod creditum est mihi Euangelium praputij, sicut Petro circumcisionis* (qui enim operatus est Petro in Apostolatuum circumcisionis, operatus est & mihi inter gentes) *& cum cognouissent gratiam, qua data est mihi, Iacobus & Cephas & Ioannes, qui videbantur columna esse, dexteram dederunt mihi & Barnaba societatis: ut nos in gentes, ipsi autem in circumcisionem.* 6. Accedit quod Paulus etiam in faciem Petrum reprehendit.

*Responsio ad
ea argumenta
quibus conan-
tur Sellarj ex
rebus à Petro
gestis probare
non fuisse illū
superiorem Apo-
stolū reliquū.
Ad primum.*

Hæc ita ordine expediuntur. 1. Aliud est; Petrum non habuisse auctoritatem in reliquos Apostolos: Aliud; propter eam modestiam atque submissionem, quæ ipsi à Christo Lucæ 22. commendata fuit, eiusmodi auctoritate in illos non fuisse usum. Illud primum omnino falsum est; Hoc vltimum absque incommodo dari potest. Atque id tantum ea ferè probare possunt, quæ sunt obiecta. Nam cum reliqui Apostoli ipsi per se quàm decentissimè omnia facerent, quid opus habuerunt Petri imperio? Rectissimè enim Diuus Gregorius: *Si qua* (inquit) *culpa in Episcopis reperitur; nescio quis Episcopus sedi Apostolica subiectus non sit. Cum verò culpa non exigit; omnes secundum rationem humilitatis aequales sunt.* Huius igitur moderationis seruandæ exemplum suis Petrus successoribus præbuit.

Lib. 7. Registri
epist. 64.

Ad secundum.

f Iosue 22.

g 1. Paral. 5.

2. Quod verò ab aliis Apostolis, ut Samaritanis manus imponeret, cum Ioanne missus fuerit; id verò nihil obstat. Sæpe enim, qui præcipui sunt de collegio, mittuntur. Nam & filij Israel miserunt ad filios Ruben Phinees, filium Eleazarī sacerdotis, & decem ^f principes cum eo. Fuit autem Phinees ^g *Dux eorum coram Domino*, ut historia facit testatur. Ac sanè si mittendi vocabulum nimis hoc loco

loco premere velint Sæctarij; non modò Petrum superiorem cæteris non fuisse, concludere debebunt, sed ne parem quidem: quod illi tamen non contendunt. Etenim vulgò & communiter, vt inferior non mittit superiorem, ita neque æqualis æqualem. Peculiari autem modo missionis, videlicet rogatu potius & conuentione quàm imperio; constat & pares & superiores etiam quandoque solere mitti, præsertim à toto aliquo collegio, sicut tunc Petrus & Ioannes missi fuerunt.

Sæctarij inferiores etiam D. Petrum reliquos Apostolis facere velle videntur.

3. Quod autem ad electionem Matthiæ & Diaconorum attinet, respondet pro nobis luculenter D. Chrysostomus: *Quid?* inquit. *An non licebat ipsi Petro eligere? Licebat ei quidem maxime. Verùm id non facit, ne cui videretur gratificari.* Non igitur, quia non potuit, sed quia expedire non putauit, ipse non elegit. Et tamen in eo ipso genere satis ea re primatum suum ostendit, quod de electione facienda reliquos ipse cum auctoritate admonuit: vt Chrysostomum etiam annotauisse suprà intelleximus. *Oportet enim,* inquit, *ex his viris, qui nobiscum sunt vnum eligere, &c.*

Ad tertium.

Homil. 1. in Acta.

Act. 1.

4. Idem de congregato concilio Apostolico, ob controuersiam de obseruatione Legalium, sentiendum est. Quid enim auctoritati suæ Petrus derogauit, quòd ex aliorum etiam consensu rem decerni voluerit? Nec verò in ea ipsa re auctoritas Petri non eminuìt. Ipse enim primus sententiam pronunciauit, *quo etiam loquente, tacuit omnis multitudo*, cæterique deinde illius sententiam sunt sequuti. Nam quod Iacobus dixit: *Ego iudico*; quid obstat? Nempe iudicauit idem quod caput cæterorum Petrus. Et expediebat, vt de Iacobi sententia iudicioque constaret; quia Hierosolymis quæstio mota fuit, *vbi ille* (inquit

Ad quartum.

In Homil. 33.
in Acta.

(inquit Chrysostomus) *Episcopus erat, & ut in ore duorum vel trium testium staret omne verbum.*

Ad quintum.

5. Iam verò Diuus Paulus significat quidem Apostolatus dignitate parem se Petro & reliquis Apostolis fuisse. Quod minimè sanè impedit, quo minus, ut ipse etiam ouis Christi erat, Petro inferior fuerit: quemadmodum hoc idem communiter de cæteris Apostolis ex Patrum sententia superiùs à nobis expositum atq; defensum est.

Homil. 18. in
Ezech.
Lib. 1. de bapt.
cont. Donat.
cap. 1.

Itaque Diuus Gregorius Paulum cum Petro comparans, *minorem fratrem* eum appellat: Itemque Diuus Augustinus, *posteriorem Petro*. Quin & Paulus ipse hunc primatus honorem Diuo Petro non obscurè detulit. Quorsum enim *post annos tres predicationis sue* (ut in eadem epistola ad Galatas legimus) *venit Hierosolymam videre Petrum?*

Homil. 87.
in Ioan.

Nempe, inquit^a Chrysostomus, *quia os Apostolorum Petrus erat, princeps & vertex ipsius cætus: propterea Paulus ascendit eum videre præ aliis.* Et^b Ambrosius; vel quisquis fuit ille vetus auctor, *Dignum, inquit, erat ut vellet videre Petrum, cui delegauerat Dominus curam Ecclesiarum.* Et Diuus^c Hieronymus: *Iuit, inquit, non discendi studio, sed honoris prioris Apostolo deferendi.* Item^d Tertullianus: *Ascendit, inquit, Hierosolymam Petri cognoscendi causa ex officio & iure scilicet eiusdem fidei & predicationis.* Et^e Theodoretus: *Principi, inquit, Apostolorum quem par erat, honorem tribuit.*

In Cōment.
illius loci.

In lib. præ-
script. circa
medium.

In illum lo-
cum, ad Gal. 1.

Iam quod nihil sibi à Petro & ab aliis collatum esse dicit: significat quidem, nihil se ab illis didicisse quod pertineret ad fidem: ut qui erat ab ipso Christo satis in eo genere eruditus, quemadmodum ipse initio etiam eiusdem epistolæ declarat. Quanquam approbationem quidem Euangelij sui à Petro, ut à principe, & ab aliis, *qui videbantur* (ut inquit) *aliquid esse*, hoc est, ab Ecclesiæ auctoritate, cui Petrus præsidebat; petiit. Adcò ut neget apertè D.

Augusti-

^f Augustinus, fideles fuisse ei Euangelio, quod Paulus prædicauit, credituros, nisi cum illis Apostolis illud contulisset. Quod idem affirmant Diuus^g Hieronymus & ^h Terullianus. Atque id clarissimè significant illa eiusdem Apostoli verba: ⁱ *Contuli, inquit, cum illis Euangelium quod prædico in gentibus, seorsum autem iis, qui videbantur aliquid esse, ne fortè in vacuum currerem, aut cucurrissem.* Iam verò quod dexteram societatis ei dederunt aliud nihil quàm æqualitatem in Apostolatu significat: quæ non pugnat cum Diui Petri principatu, quatenus illius curæ singulariter ipsa fidei fundamenta, vt inquit Nazianzenus, commissæ sunt, hoc est, ipsi etiam Apostoli; vt auctoritate Scripturæ & Patrum suprâ confirmatum est.

Nec quod ait illic Paulus: *sibi in Gentibus, Petro autem in circumcissione Euangelium commendatum fuisse*, ita intelligebet, quasi nec Petro licuerit Gentibus, nec Paulo Iudæis prædicare Euangelium. Contrarium enim constat ex Actis, capite duodecimo. Vbi legimus, viso linteo coelitus monstrato; in quo essent omnia reptilia & quadrupedia terre, Petrum cognouisse ad se pertinere vt Gentes etiam ad Ecclesiam aggregaret. Quare & postea quod disertis verbis pronunciat, *Deum elegisse se*, vt ad eius prædicationem gentes crederent Euangelio. Ac de D. Paulo vicissim scriptum est; quod *ingressus in Synagogas prædicabat Iesum, affirmans quoniam hic est Christus, & confundebat Iudæos.* Est igitur illa distributio *præputij & circumcissionis* inter Petrum & Paulum facta per accommodationem tantum quandam: vt illo videlicet tempore (quoniam ita expedire videretur) Paulus Gentibus, Petrus Iudæis singulari cura nunciaret Euangelium, quemadmodum rectè Ioannes à Turrecremata exponit. Neque verò qualescunque hæc distributio *præputij & circumcissionis* quid-

^f Lib. 28. contra Faustum, cap. 4.

^g Hieron. ep. ad Aug. num. 11. inter Aug. epist.

^h Lib. 4. cont. Marcion. paul. 10 post initiu.

ⁱ Galat. 2.

De moderat. in disput. habenda.

Quomodo intelligendum quod Paulo in Gentibus Petro, autem in circumcissione commissum fuerit Euangelium.

Act. 15.

Act. 9.

Lib. 2. de Eccl. cap. 13.

quam obstitit, quo minus & in præputio & in circūcisione, hoc est, in Iudæis & gentibus singulari Petrus auctoritate eminuerit, vt suprà probatum est.

Ad Sextum.

Hieron. epist.
ad Aug. II. inter
Augustini
epist. August.
ep. 19. ad Hieron.

Vide 1. q. 7.
can. Si quis, &
can. Lator.

6. Denique quod Paulus Petrum reprehendit (si maxime illud ab eo non simulatè, vt Hieronymus contendit, sed ex animo, vt vult Augustinus, sit factum) argumento esse non debet, vel parem, vel superiorem auctoritate ipsum Petro fuisse. Quando enim ita res (præsertim publica) postulat, licet etiam inferioribus superiorum peccata debito cum modo redarguere, vt à D. Gregorio luculenter est explicatum.

Probatur VI.
D. Petri primatus peculiaris
quandam eam
firmissima argumentandi
forma expræcipuis
qui eade re exstât Euāgelij locis.

Ioan. 10.
Marcii 16.

EThactenus sanè illustrata testimonia pro Petri primatu à nobis allata, & confirmata, & ab Adversariorum caillationibus defensa sunt. Sed vt clarius adhuc ipsorum pertinacia, quòd tanta mole testimoniorum non moueantur, ante omnium oculos constituantur; Probemus rursus eam assertionem iisdem ex testimoniis hoc modo: Si posteaquam Christus & Petro & reliquis omnibus Apostolis auctoritatem Apostolici muneris communiter attribuit, inquit; *Ite, ego mitto vos: quorum remisistis peccata, &c.* Et: *Prædicate Euangelium, &c.* nihilominus singulariter Petro cum ita dixisse legemus: *Petre, non edificabo super te Ecclesiam meam: Non tibi dabo claves regni cælorum: Non quodcumque tu solueris aut ligaueris super terram, erit solutum aut ligatum in cælis: Non confirmes tu in fide fratres tuos: Non pascas tu oues meas.* Item: *Petrus non est primus Apostolorum, &c.* Si, inquam, hæc in Euangelij historia sic legeremus: obsecro, quis ex Sectariis dubitaret, quin in eiusmodi enunciationibus negatiuis, *adificatio Ecclesia super Petrum; claves regni cælorum; cura singularis pascendi oues; auctoritas fratres in fide confir-*
mandi;

NOTA.

mandi primatus, & similia vocabula potestatem in Ecclesia post Christum summam significarent? An clariora (dicerent) testimonia contra Petri primatum requiramus? En, verbum habemus ipsius Christi manifestum. *Non edificabo, ô Petre, super te Ecclesiam meam. Non tibi claves regni cœlorum dabo. Non pascas tu oues meas. Non confirmes tu in fide tuos fratres, &c.* Quid vos Papistæ? An non videtis hîc à Christo disertis verbis negari primatum? Quid enim aliud claves regni cœlorum? Quid Ecclesiæ fundamentum? Quid cura singularis oues pascendi & confirmandi fratres, nisi primatum in Ecclesia significat? Et tamen hæc omnia (dicerent) Christus negat Petro, &c. Equidem minimè dubito, quin pluribus etiam verbis, si quæ talia testimonia ex Euangelio recitari possent, nobis isti insultatêt, vt qui nec iam verentur, nullis, ne probabilibus quidem, testimoniis aut argumentis freti iactare, eius primatus assertionem & commentitiam, & cum Euangelio pugnantem esse. Nunc igitur ita concludo. Quod in enunciationibus illis negatiuis: *Non super te, ô Petre, edificabo Ecclesiam meam. Non tibi dabo claves regni cœlorum. Non es tu primus Apostolorum, &c.* vocabula illa: *Fundamentum adificationis Ecclesiæ; claves regni cœlorum; munus pascendi & confirmandi: primatus, &c.* significarent; hoc idem significant in contradicentibus enunciationibus affirmatiuis, quæ iam exstant in historia Euangelij: Nempe in his: ^a *Super te edificabo Ecclesiam meam: Tibi dabo claves regni cœlorum:* ^b *Confirma fratres tuos:* ^c *Pasce oues meas:* ^d *Primus Apostolorum Petrus, &c.* (Eadem enim ipsa vocabula in his affirmatiuis enunciationibus vsurpantur) Sed in illis enunciationibus negatiuis ea vocabula significarent primariam aliquam ac summam in Ecclesia auctoritatem post Christum, quæ Petro negaretur (vt iam ex

Petri primatus eiusmodi verbis Euangelij significari & asseri, quibus nō dubitassent Sectarj eundem ipsum significari, si per eadē verba ille negaretur.

^a Matth. 16.

^b Luc. 22.

^c Ioan. 21.

^d Matth. 10.

ipsa etiam mente & sensu tacito Aduersariorum ostensum est) Igitur hanc eandem primariam auctoritatem, quæ Petro sit tributa, significant illa vocabula in iis enunciationibus affirmatiuis, quas in Euangelio iam legimus: & vi consequentis efficitur, optimè primatum Petri testimoniis illis ex Euangelio productis confirmari.

*Confirmatur
magis præcedē-
tis argumenti
forma.*

Hic nisi vel conscientia reclamante, vel præcipitante incertitia & incogitantia, nihil ab Aduersariis responderi posse, certissimus sanè sum. Nam quid dicant? An non idem illa vocabula in enunciationibus affirmatiuis significare, quod significarent in negatiuis? At cùm propositiones contradicentes, hoc est, affirmatiuæ & negatiuæ, ex iisdem alioquî terminis constantes, formantur: quis tam omnis artis atque etiam rationis expertus est, ut non intelligat, eosdè terminos siue vocabula eadem significatione utrobique retinere? Quid igitur? Num cõtendent, in negatiuis illis: *Non edificabo super te, ô Petre, Ecclesiam meam, &c.* vocabulis illis fuisse Christum significaturum non propriè aliquè auctoritatis principatum, sed ipsam omnino auctoritatem Apostolici muneris, quam solam proinde etiam in affirmatiuis nunc significârît? At excludit prorsus hanc responsionem nostri argumenti hypothesis; quæ cùm nihil contineat repugnans; & explicationis tantùm gratia à nobis sumatur; reiici certè nec debet nec potest. Posuimus enim, Christum, posteaquam & Petro & reliquis Apostolis communiter auctoritatem Apostolici muneris aliis verbis concessisset; nihilominus singulariter Petro dicere: *Non super te, ô Petre, edificabo Ecclesiam meam: Non tu confirmes fratres tuos, &c.* Ita principatum propriè aliquem auctoritatis Apostolicæ eiusmodi verbis Christus significâisset, Petroq; negauisset: Non autem communem Apostolatus auctoritatem.

quam

quam aliàs concessisset eidem, vt ponimus. Quando quidem igitur iisdem illis vocabulis in affirmatiuis enunciationibus contradicentibus, quæ in Euangelio exstant, vtitur, profectò eundem à Christo auctoritatis principatum inibi significari Petroq; attribui confitendum est.

Suppetit etiam Catholicis ad eandem cōfirmandam assertionem præter testimonia ratio, quæ partim ex Scriptura, partim ex ipsa natura Ecclesiæ & diuina prouidentia erga illam duci potest hoc modo : Si Christus voluit Ecclesiæ regimen esse monarchicum, quod ab vno videlicet, in quo principatus auctoritatis post Christum esset, penderet : necesse est fateri, Diuum Petrum esse, quem huic rei præfecerit. Nam quem, obsecro, potius existimare possumus ? cū tantū non expressis verbis legamus in Euangelio Christum dicentem : *Volo, vt Petrus summa post me auctoritate in Ecclesia polleat, vt ex allatis suprā testimoniis apparet.* Atqui Christus Ecclesiæ suæ regimen monarchicum esse voluit. Petrum igitur illi præfecit. Id confirmamus. Nam constat Christum cōuenientissimo atq; optimo modo voluisse prouidere, vt Ecclesia, quæ varia atq; multiplici conditione hominum continetur, vna esset vnitae doctrinæ, caritatis, pacis, &c. vt suprā demonstratum est, cum de eiusmodi Ecclesiæ proprietate, quæ est vnitas, inter cætera ageremus. Nec enim fuisset alioquī Christus Dominus utilitatum Ecclesiæ sponsæ suæ satis prouidus : Siquidem experientia cognitum est, perniciem ac pestem communitatum omnium esse dissidia : contra verò optimum illarum esse statum, cū est omnium partium consensio stabilis atq; firma pax. Est autem eius vnitatis in Ecclesia cōseruandæ modus sanè optimus, si omnes ex vnus au-

*Probat. etia
VII. Dini Pa-
tri primatus
ratione.*

*Institutum à
Christo fuisse
Ecclesiæ regi-
men monar-
chicum.*

Parte VI.

tori.

toritate in terris post Christum suprema pendeant.

Quod dupliciter probamus. Primum ab ipsa professione ratione unitatis. Nam quod potest accommodatius esse quasi principium & causa unitatis quàm unitas? Etenim contrà videmus, omnia dissidia & quascunque controuersias in communitatibus nō nisi ex aliqua tandem diuersitate proficisci vel opinionum vel voluntatum. Deinde id ipsum intelligi debet ex iis omnibus rebus, quas videmus, ab auctore ipso mundi Deo quàm optimè factas atq; constitutas esse. Quæcunq; est enim in omni genere multitudo sic est ab eo condita institutaque, ut quoad eius fieri potest, ex unitate pendeat ab eaque contineatur. Satis ut appareat bene esse multitudini eo modo prouisum. Hoc in corpore animaduertere humano licet; cuius omnes partes ab vna quadam præcipua, nempe à capite vel corde; in quo sit vitæ quasi principatus, vim suam percipiunt. Hoc in arboribus, quarum omnes ramusculi per ramos, & omnes rami per truncum ad vnam radicem pertinēt, ex qua succum attrahunt. Idem in bestiis etiam minimis, quæ quidem cōgregari soleant, cernere possumus. Ut in gruibus, ut in apibus, quæ ducem vnum & tanquam regem suum sequuntur. Deniq; ne singula persequar, id in ipsa cernitur vniuersitate rerum, quæ quidem res, quoniam (ut ait in duodecimo libro primæ Philosophiæ Aristoteles) nolunt malè disponi, sed bene, hoc est, quia rectissima quadam inclinatione omnes in optimum sui statum propendent, non plura principia, sed vnicum habent à quo velut à principe vno reguntur, ut concludit etiam in illo loco Philosophus.

Ac sanè Respublicas quàm optimè constitui monarchico ordine, idem Philosophus libro octauo Ethicorum & tertio Politicorum euincit. Itaq; & in veteri lege

vnus.

*Consensio in
multitudine
conseruanda
ratio, quæ sit
optima.*

vnus sacerdos summus præficietur, cuius auctoritate finirentur omnes controuersia: quandiu Synagoga quidem finem nondum fuit habitura, sicut habuit temporibus Christi. Quin & Sectarius quidam, non infimi inter Lutheranos nominis, palam aliquando affirmauisse^a fertur, nisi vnus aliquis, tanquam Archisectarius, reliquis omnibus Sectariis in causa religionis præsit, Synagogam ipsorum neutiquam posse consistere. Nempe quia & isti experiuntur, nullam aliquam disciplinam religionis facile conseruari posse, nisi contineatur vnus auctoritate. Ac multa præterea, quæ illustrent confirmantq; hoc argumentum, tractata sunt inter cæteros à D. Thoma libro 4. contra Gentes, cap. 76. & à Turrecremata lib. 2. de Ecclesia, cap. 2. & 4. & plura non ita pridem à Nicolao Sanderò in accurato illo suo opere de visibili Ecclesiæ monarchia in quinq; libris prioribus. Nos breuiter tantum volumus ostendere nequaquam defuisse rationem, quamobrem Christus regimen Ecclesiæ voluerit esse monarchicum, cui Petrum præfecerit, vt in primis constat ex propositis antea Euangelij testimoniis: si maximè nulla nobis eius institutionis ratio perspecta esset.

VERVM HOC etiam loco nobis obstreperit Calvinus. Arbitratur enim ille nequaquam expedire, vt vnus Ecclesiæ toti præficiatur: vt nec expedit, inquit, vnum orbi toto in temporalibus dominari. Quin & exempla nostra aduersus nos retorquet. Nam quod ad apes attinet, singuli, inquit, Reges suis aluearibus contenti sunt. Cur non igitur sit contentus Romanus Pontifex Romana sua diocesi? Præterea, vt maximè oporteat Ecclesiæ totius esse vnum caput, illud certè est Christus, non alius.

Respondeo. Primùm assertio nostra non illa ratione præcipuè nititur, sed Christi instituto, quod constat ex

^a Id de Schmidelinopublicè nuper testati sunt Heidelbergenses in epistola cõsolatoria ad eundem.

Lib. 4. institut. cap. 7.

Confutatio objectionum Calvinii contra regimen Ecclesiæ monarchicum.

Euangelij perspicuis testimoniis. Deinde & illam quoq; rationem congruentem esse defendimus. Nec enim, si non expediret, vnum præstare vniuerso mundo in temporalibus, illico sequeretur, neque in spiritualibus vnum præponi omnibus debere. Gubernatio enim temporalis plus multò habet negotij, ac proinde non æquè commodè potest per vnum administrari. Præterea longè difficilior est, pœna temporali quàm spirituali eos coërcere, qui longissimè distant. Animaduersio enim spiritualis, vt excommunicatio, &c. nullo locorum interuallo, quo minus efficax esse possit, impeditur. Deniq; reliqua omnia, quæ ad gubernationem spirituales pertinent, facilè ab vno Pontifice administrantur, modò Episcopis & aliis ministris inferioribus tantam pro ratione locorū & rerum & aliarum circumstantiarum impertiat auctoritatem, quanta satis sit ad commodam omnium expeditionem. Neq; enim qui vniuersæ Ecclesiæ Præfectus est, debet omnia per se ipse conficere.

*A suis ipse re-
uincitur canil-
lationibus Cal-
uini.*

Quod autem Calvinus deinde nobis obiicit, singulos quosq; apium reges contentos esse suis aluearibus: id sanè rationem nostram confirmat. Cogitare namq; Calvinus debuit, non modò vnāquamque Ecclesiam aut dioecesim particularem, sed Ecclesiam etiam vniuersam tanquam vnum esse alueare. Itaq; vt quælibet aluearia suum habent regem; sic tota Ecclesia, quæ vna item est vnitatem totius, vnum etiam, quasi regem, id est, vniuersalem pastorem habeat oportet: non minus quàm vt quælibet Ecclesia particularis habeat etiam particularem Præpositum suum. Caluini verò cauillatio procederet, si particulares duntaxat Ecclesias voluisset Christus vnitatem retinere, & non etiam statuisset, vt vniuersa quoq; Ecclesia, quæ ex particularibus, tanquam ex partibus, constet,

constat, vnica esset. Nunc verò, quia Ecclesia etiam tota, instituta atq; voluntate Christi, est vnica, necesse Caluinus habet, huic quoq; magno alucari suum quasi regem concedere.

Quamuis autem Christus sit nunc etiam omnis Ecclesiæ caput: tamen vt fidelium congregatio visibilis est, sic oportet, vt, quò suauiter gubernetur, caput etiam in terris visibile, id est, vnum Pastorem habeat: licet is ipse quidē ab illo pastore primario (Christo) pendeat, vt suprā satis ex sententia Patrum explicatum est. Nec ideo, vt Aduersarij nugantur, Ecclesiam monstrosam corpus facimus: Sed ratio metaphoræ animaduerti debet. Christus regit Ecclesiam primò & principaliter. Vicarius eius etiam id facit in terris summa secundum ipsum auctoritate. *Omnes enim hic propriè regit* (inquit Diuus Leo) *quos principaliter regit & Christus.* Hoc solum, quod ad rem ipsam attinet, significare volumus, cum & Christum & eius Vicarium caput Ecclesiæ appellamus. Quemadmodum etiam & Petrus *petra* fundamentalis Ecclesiæ est à Christo appellatus, cum ipse Christus maximè sit petra & fundamētum. Communicat enim Christus aliis sua nomina & potestatem, & habens dat, vt suprā ex sanctis Patribus audiuius.

QUæ cum ita sint, meritò sanctissimi Ecclesiæ Patres (quorum sententias magna ex parte hætenus recitauimus) Euāgelij testimoniis suprā citatis, adducti sunt, vt Petro primatū in Ecclesia fuisse à Christo tributum assererent. ^a Ambrosius affirmat, D. Petrum à Christo omnibus prælatum fuisse, & tanquā vicarium in terris relictum. ^b Hieronymus, fuisse caput omnium Apostolorum. ^c Augustinus, Primatum in discipulis habuisse. ^d Gregorius:

1 2.

Cunctis

Ecclesiam non ideo esse quasi monstrum corpus, quia aliud etiam in terris habeat visibile caput, præter Christum.

Serm. 3. de die vniuers. assumptionis suæ.

VII. Probatur Diui Petri primatus testimonium Patrum.

^a Lib. 10. in Luc. c. 24.

^b Lib. 1. cōtra Iovin.

^c In Psalmum 108.

^d Lib. 4. Registri, epist. 32.

Cunctis Euangelium legentibus liquere, voce Dominica Petro Apostolorum principi totius Ecclesiæ curam commissam esse. Idem quod ij quatuor Ecclesiæ Doctores, asseuerant, æquè luculèris verbis cæteri Patres Latini. ^e Hilarius, ^f Cyprianus, ^g Optatus, ^h Prosper, ⁱ Maximus, ^k Arnobius, ^l Beda, ^m Bernardus, &c. Nec minus clarè Doctores Ecclesiæ Græcæ vetustiores, à quibus recentes Schismatici degenerarunt. ⁿ Dionysius vocat *summum & verticalem*. ^o Basiliius ait: *Omnibus discipulis fuisse prælatus*. ^p Gregorius Nazianzenus: *Vnum ex omnibus discipulis fuisse electum & eius cura fundamenta ipsa fidei, hoc est, reliquos Apostolos, fuisse commissæ*. ^q Chrysostomus: *Pastorem & caput fuisse & universæ terrarum orbi à Christo prapositum*. ^r Cyrillus Alexandrinus: *Principem caputq, caterorum*. ^s Cyrillus Hierosolymitanus: *Principem discipulorum, & regni cælorum clauigerum*. ^t Epiphanius: *Ducem discipulorum*. ^x Eusebius: *Christianorum Pontificem primum*. Idem ^y Origenes, ^z Theophylactus, Euthymius, Occumenius, vt reliquam vtriusq; Ecclesiæ Doctorem turbam iam omittam, quam dinumerare nemo potest, inquit appositè Caietanus in tractatu de institutione Romani Pontificis, cap. vltimo.

In oratione de moderatione in disputat. habenda. ^q Homil. 55. in Matth. ^r Lib. 12. in Ioannem, cap. 64. ^s Catech. 2. 17. 21. ^t Hæres. 51. ^x Lib. 2. histor. cap. 14. ^y Super caput 1. Ioann. 2. In caput 27. Lucæ. Euthym. & Oecumenius in cap. 21. Ioannis.

Neque tamen antiqui Pontifices sanctissimi, iidemq; maiore ex parte insignes Christi Martyres, qui & ipsi Petri primatum ex Euangelio confirmauerunt, quasi testimonium in propria causâ perperam dicerent (vti calumniantur impudentissimè Sectarij) parui pendi in hac quæstione debent. Nam præterquam quòd eos & sanctitatis & doctrinæ singularis existimatio, & martyrij gloria, iure ac merito apud prudentes omnes ea suspicione liberat, obsecro, quî fieri potuit, vt ad vnum omnes tam multi,

Testimonium Veterum Pontificum Romanorum pro Dni Petri primatu, non esse, vt Sectarij canis. lantur, resistendum.

^e Can. 16. in Matth.
^f Lib. devnit. Eccle.
^g Lib. 2. cõtra Parmen.
^h Lib. senten. sen. 359. & li. 2. devoca. gent. cap. 9.
ⁱ Sermo. 3. in Natali Petri & Pauli.
^k In Psalmum 138.
^l In caput 1. Ioann.
^m Lib. 2. de consider. ad Eugen.
ⁿ Cap. 3. Ecclesiast. Hier.
^o In præfat. de Delindecio circa finem, Tomo 3.
^p In oratione de moderatione in disputat. habenda.
^q Homil. 55. in Matth.
^r Lib. 12. in Ioannem, cap. 64.
^s Catech. 2. 17. 21.
^t Hæres. 51.
^x Lib. 2. histor. cap. 14.
^y Super caput 1. Ioann. 2. In caput 27. Lucæ. Euthym. & Oecumenius in cap. 21. Ioannis.

multi, tamque & natione & ætate varij ad causam propriam iniquè tuendam conspirauissent? Igitur ex eo numero summorum Pontificum non tanquam priuatam causam, sed tanquam Ecclesiæ Christi communem, plerique viri & zelo religionis & studio veritatis vsque ad vitæ profusionem (magna ex parte) insignes, Diui Petri primatum asseruerunt; præsertim ^a Clemens, ^b Anacletus, ^c Euaristus, ^d Alexander, ^e Pius primus, ^f Victor, ^g Cæphærinus, ^h Marcellus, ⁱ Eusebius, ^k Melchiades, ^l Iulius primus, ^m Felix secundus, ⁿ Damasceus, ^o Innocentius primus, ^p Leo primus, ^q Gelasius, ^r Anastasius, ^s Vigilius, ^t Pelagius primus, ^v Gregorius, & reliqui omnes his posteriores. Quibus adde grauissima sanctissimaque iudicia Patrum in Occumenicis Conciliis, ^a Nicæno primo, & ^b Chalcedonensi. Item in ^c quinta, & ^d sexta, & ^e septima, & ^f octaua Synodo, & in ^g Romana sub Symacho, & in ^h alia sub Nicolao, & in alia ⁱ Lateranensi, sub Innocentio tertio, & in Florentina, vbi Græci tandem in ea sententia cum Latinis conuenerunt. De prouincialibus autem Conciliis longum esset dicere. Quare habentes tantam nubem testium, tamque firma ad hanc rem Scripturæ sanctæ testimonia, iure ac merito hunc in modum cum Diuo ^k Leone concludimus: *Quisquis Petro, inquit, principatum astimat denegandum, illius quidem nullo modo potest minuire dignitatem, sed inflatus spiritu superbia sua, semetipsum in inferna demergit.*

13

PRIMA.

piscop. Mauritanix & reliquos Episcopos African. ^a Epist. 1. ad Decentium. ^b Epist. ad Anastas. & alias passim. ^c In decreto de scriptis Apoeryph. ^d In epist. ad Anastas. August. ^e In epist. ad Euthetum. ^f In epist. ad Vigil. Episc. ^g Lib. 4. Registr. epist. 32. & alias sæpe. ^h Teste Iulio primo, in epist. ad Oriental. Episc. & in epist. ad Episcopos Antioch. citatq; ad eam rem, can. 18. & 19. qua de re lege præfettim Melch. Canum, l. 6. de locis Theolog. c. 4. ⁱ Actione 1. & 2. & 3. ^j In sentent. Mennæ, cont. Anthymum. ^k In suggest. Synod. Agathonis approbata, act. 8. 13. & 17. ^l In epist. Synod. Adrian. I. approbata, act. 1. ^m In epist. Ignat. Patriarch. Constantinopol. ad Adrian. II. approbata in eadem Synodo. ⁿ Refertur 26 d. c. Bene. ^o Refertur 25 q. 2. c. Si quis. ^p Refertur cap. Damnamus, de sum. Trinit. l. 6. ^q Epist. 89 ad Episcop. per Viennensem prouinciam constitutos.

^a Epist. 1. ad Iacobum.

^b Epist. 2. & 3.

^c Epist. 1. ad Episc. Afric.

^d Epist. ad oēs Orthodox.

^e Pius in epist. ad omnes Eccles.

^f In epist. ad Theopil. Episcop. Alexand.

^g In epist. ad Episcopos per Siciliam constitutos.

^h Epist. 1. ad Episcopos per Antioch. prouinc. constitutos.

ⁱ Epist. 3. ad Episc. Campanix & Tusciæ.

^j Epist. ad Episcopos Hispanix.

^k Iulius 1. in Epist. ad Orientales pro causa Diui Athanasij.

^l In epist. ad D. Athanas. & reliquos Alexandrix congregatos.

^m In epist. ad Steph. Archiep.

ⁿ Epist. ad Anastas. August.

^o In epist. ad Vigil. Episc.

^p Registr. epist. 32.

^q In suggest. Synod. Agathonis approbata, act. 8. 13. & 17.

PRIMARIAM ILLAM IN ECCLESIA AUCTORITATEM successoribus etiam D. Petri à Christo conferri.

*D. Petrum in
cura & universa
li Ecclesia, suc-
cessores fuisse
habiturum.*

HÆc vis atque sententia huius propositionis est, voluisse Christum, ut Petro vita defuncto aliquis perpetua serie successionis in locum Petri ab Ecclesia reciperetur, cui Christus ipse auctoritatem supremam sicut Petro conferret de fidei & aliis rebus ea constituendi, quæ ad salutem fidelium pertineant. Hanc autem Catholicam assertionem Ioannes VViclephus hæreticus negavit, cuius error vigesimus septimus (vnà cum aliis in Concilio Constantiensi damnatus) fuit talis: Non est, inquit, scintilla apparentiæ, quòd oporteat in spiritualibus esse vnum caput regens Ecclesiam, quod semper cum ipsa Ecclesia militante conuerfetur & conseruetur. Quem errorem Lutherus & Calvinus & reliqui Sectarij recentiores sequuti sunt.

scil. 8. & 15.

*PROBATIO I.
ex Ecclesia totius
consensu.*

Contra hos omnes probatur assertio nostra; Primùm ex consensu Conciliorum & Patrum suprà citatorum, atque ad eò totius Ecclesiæ Catholicæ, quæ verba illa: *Tu es Petrus*, id est, solidus in fide; & *super hanc petram*, &c. Item quæ illa: *Confirma fratres tuos.* &: *Pasce oves meas*; ad Petri etiam successores pertinere intellexit. Quod vnum aduersus omnes hæreticorum corruptelas & vanas interpretationes satis esse nobis deberet. Nam quod sæpe dicendum est, ille est certissimus Scripturæ sensus, quem Ecclesia esse intelligit. Peculiariter autem ad eius rei confirmationem valent ea sanctorum Patrum testimonia, quæ etiam nominatim confirmant, Romanos ipsos Pontifices, illos Petri successores esse, ad quos item ea Christi verba, Diuo Petro dicta, pertinuerint. De quibus testimoniis postea etiam suo loco dicemus.

*Talia quoque
sunt omnia illa
ceterum Pon-
tificis testimo-
nia paulo supe-
rius allegata
pro primatu D.
Petri.*

DEINDE

DEINDE eadem assertio probatur tum ex ipsis Christi verbis ad D. Petrum, tum etiam ex eo fine, cuius causa Petrum vniuersæ Ecclesiæ præfecerat. Ex verbis quidem. Nam dum ait absolutè: *Super hanc petram ædificabo Ecclesiam meam*: procul dubio de Ecclesia illa loquitur, quæ iuxta certissimas ^a promissiones ad finem vsque mundi duratura est: hæc enim est omnino illa Ecclesia ipsius. Hanc autem Ecclesiam ita perpetuò duraturam ædificare supra Petrum ipsum solum non potuit. Intellexit igitur ibi Petrum & successores eius, vt optimè Diuus Thomas libro aduersus Gentes ^b tertio est argumentatus. Item ex eo quod Christus dicit: *Pasce oues meas*, dupliciter eadem veritas colligitur, vt crudité à ^c Caietano in tractatu de institutione Romani Pontificis notatum est. Primùm, quoniam officium ibi Pastoris ordinarium instituit: vt vel ex ipso Pastoris nomine (quod ordinarium quoddam officium significat) intelligi potest. Necesse autem est, vt Pastoris officium ordinarium tandiu duret, quandiu ipsum ouile duraturum est. Fuit autem Christi ouile in finem vsque mundi duraturum; neque illud solus Petrus sine successoribus perpetuò pascere potuit: Est igitur auctoritas eius officij non Petro tantum, sed etiam eius successoribus à Christo commissâ. Deinde, quia *oues meas* itidem absque exceptione dicit: proinde oues omnes intelligit, quæ vsque ad consummationem seculi efficient vnum ouile serie perpetua. Has autem omnes solus Petrus, vt iam dictum est, pascere non potuit. Quare tradita est etiam successoribus auctoritas illas pascendi.

IAM ex ipso etiam fine, cuius causa Petrus eiusmodi auctoritatem accepit, idem probatur. Is enim finis fuit, vt vno pastore atque *capite constituto, schismatis tolleretur occasio*,

PROBATIO
II. ex ipsa forma Christi verborum.

^a Isai. 59.
Matth. vlt. &c.

^b Cap. 26.

^c Cap. 12.

PROBATIO
III. ex eorumdem Christi verborum fine.

4 Lib. 1. cont.
Iouin.
e Lib. de unit.
Ecclesie.
Opt. lib. 2. c. 6.
tra Parm.

sio, inquit^d Hieronymus; & vt *una Ecclesia & una Cathedra esse monstratur*; inquit^e Cyprianus; & vt in illa *una Cathedra unitas ab omnibus seruaretur*, inquit Optatus; & in summa vt Ecclesie ipsi toti quàm rectissimè Christus ipsius sponfus consuleret, sicut suprà ostensum est. Atqui non minus voluit Christus Ecclesie suæ consultum esse defuncto Petro quàm eo viuente, siquidem eam perpetua caritate diligit. Voluit igitur vnum aliquem Petri successorem, illo defuncto, perpetua serie in Ecclesia præesse..

PROBATIO.
III. ab exem-
plo Veteris Sy-
nagoga.
f Isai. 5.
g Deut. 17..

ACCEDIT quod non minus Ecclesiam suam modo Dei filius diligit, quam olim Synagogam, de qua per^f Isaiam dixit: *Quid est quod debui vltra facere vinea mea, & non feci?* Sed illi Pastorem vnum^g prouidit (omni tempore quo stare certè illa debuit) vt illius auctoritate controuersie omnes exortæ definirentur. Igitur & iam Ecclesie suæ Petrum pastorem præficiens, perpetuò eum in successoribus suis præesse illi voluit. Nam quod Sectarij quidam comminiscuntur, vnum illum sacerdotem in veteri Synagoga tantummodo debuissè iudicare de controuersiis politicis; nōne ex ipsis Scripturæ verbis manifestissimè redarguitur? Etenim cùm absolute dixisset Moyses: *Venies ad sacerdotes & ad iudicem qui fuerit illo tempore, &c. & facies quodcunque dixerint qui præsunt loco quem elegeris Dominus, & docuerint te* (quia nimirum consilio etiam illi sacerdoti erat vtendum aliorum) *iuxta legem eius, sequerisq; sententiam eorum, nec declinabis ad dexteram, neque ad sinistram*: continuò subiungit: *Qui autem superbie-rit nolens obedire sacerdotis imperio qui eo tempore ministrat Domino Deo, ex decreto iudicis morietur homo ille*. In omnibus igitur omnino, atque ad eò multò maximè in materia religionis, dicto audientes sacerdoti esse oportebat.

At,

At, inquit Caluinus, dispar ratio est. Nam Synagoga atque etiam Ecclesia quo tempore vivebat Petrus, angustis terminis continebatur: postea per vniuersum orbem diffusa est. Ita si maximè expediuiſſet tunc temporis illi præficere pastorem vnum: tamen non etiam expediret, vt postea quoq; vnus ei Pastor præſit. Quemadmodum, nec si commodè poſſit alicui colono vnus vel alterius agri cura committi, illico ſequitur, perinde expedire, vt agrorum totius orbis cultura vni committatur. Non vidit hîc Caluinus, illâ, quam obiicit, rationis diſparitate, noſtro argumento vim addi, non minui. Etenim quò maiore ouium varietate & numero exiſtente, maius eſt periculum diſſidiorum, quibus Eccleſia ſcindatur; eò maior nunc neceſſitas eſt vnus Pastoris, cuius auctoritate & officio controuerſiæ componi poſſint. Cuius rei vel ipſæ diſſenſiones Sectariorum, irreconciliabiles, eò quòd extra ouile Chriſti oberrantes Pastorem vnum minimè agnoſcunt, argumento eſſe poſſunt.

Lib. 4. inſtitut.
cap. 7.

*Confutatio
Caluiniana ob-
ſectionis contra
precedentem
probationem.*

Neque verò Caluini exemplum nobis obſtat. Pontifici enim vniuerſalis quædam cura eademque ſpiritualiſq; incumbit, quam ille attributa miniſtris inferioribus tanta poteſtate quanta ſatis ſit, haud difficulter ſuſtinere poteſt, vt ſuprà à nobis explicatum eſt. Muneris agrorum colendorum alia eſt ratio. Ex qua ſi libeat Caluino argumentum ad propoſitum petere, longius quàm ipſe etiam volet, progrediatur neceſſe eſt. Nempe vt ſimiliter probet, ne vnus quidem diœceſis paulò amplioris curam vni Epîſcopo rectè committi poſſe. Nam nec vnus poteſt colonus omnes vnus prouinciæ agros conuenienter colere.

*Non deberet
vni Epîſcopo
præſſe vni toti
prouincia, ſi
valeret aliquid
argumentatio
Caluini.*

Atque eiufdem farinæ ſunt reliquæ cauillationes, quibus Sectarij conantur perperam efficere, Euangelij
m locos,

locos, qui sunt de Petri auctoritate, ad aliquos eius successores minimè pertinere. Sed ad omnes id genus cautilatiunculas refutandas hæc quasi regula adhibenda est. Quæ Diuo Petro à Christo Domino dicta esse Euangelium commemorat, ea duplicis sunt generis. Quædam ad ordinarium Pastoris officium spectant. Vt illud: ^h *Tu es Petrus, & super hanc petram, &c.* Et: ⁱ *Confirma fratres tuos.* Et: ^k *Pasce oues meas, &c.* Alia ad Petri priuatam personam pertinuerunt. Vt illud: ^l *Vade post me Satana.* Et: ^m *Alius cinget te, & ducet quò non vis.* Et illud etiam: Tu aliquando ⁿ *conuersus*, id est, postquam à peccato resipueris per pœnitentiam. Nec enim necesse est, omnes, qui officio summi pastoris in Ecclesia functuri sunt, prius quàm fratres cum auctoritate confirmet, in peccatum illud Petri aut aliud incidere, à quo resipiscant. Iam verò quæ sententiæ sunt prioris generis, ea ad successores etiã Petri rectè cēset Ecclesia referri debere. Posterioris generis non item. Quæ de re plura Lector (si necesse esse putat) videre potest apud ^o Turrecrematam, & ^p Thomam V Valdensen, ^q Caietanum, & ^r Melchiorem Canum. Ego, quæ à me sunt iam breuiter explicata, satis esse iudico, vt intelligatur, rectissimè à D. Leone de auctoritate successorum D. Petri illud scriptum esse, quod in huius puncti conclusione oportunè poni potest: *Soliditas, inquit, illius fidei, quæ in Apostolorum principe est laudata, PERPETVA est. Et sicut permanet, quod in Christo Petrus credidit; ita permanet, quod in Petro Christus instituit. Manet ergo dispositio veritatis, & beatus Petrus in accepta fortitudine petra perseverans, suscepta Ecclesia gubernacula non reliquit.*

*Generalis regu-
la per quam ob-
jectionibus om-
nibus respon-
deri possit, qui-
bus Sectarij cō-
tendunt non
debuisse aliquē
in vniuersali
Ecclesia cura
D. Petro succē-
dere.*

^h Matth. 16.

ⁱ Luc. 22.

^k Ioan. 21.

^l Matth. 16.

^m Ioan. 22.

ⁿ Luc. 22.

^o Lib. 2. de Ec-
cles. cap. 35.

^p Lib. 2. doct.,
fid. antiq. c. 30.

^q In Tract. de
institut. Rom.
Pont. cap. 12.

^r Lib. 6. de lo-
cis Theolog.
cap. vlt.

^s Serm. 2. de
assumpt. sua.

ROMANVM PONTIFICEM PRO TEMPORE
existentem *Diui Petri successorem esse.*

HOc vt probemus, in primis demonstrandum est, quid propriè sit, aliquem esse D. Petri successorem in Ecclesiæ principatu. Quamuis enim is, qui Diuo Petro succedit, à Christo ipso certissimè accipiat illam in Ecclesia auctoritatem quam habuit Diuus Petrus: tamen si rationes ipsas vocabulorum atque adeò rerum etiam significatarum propriè consideremus, non idem significamus, cum dicimus, hunc esse D. Petri successorem; & hunc à Christo recipere eandem auctoritatem quam habuit Petrus. Patet: Nam hoc secundum ex priori rectè concluditur, tanquam ex eo quod est clarius. Itaque suprà, vt efficeremus, Romanum Pontificem habere in Ecclesia primariam à Christo potestatem, quam habuit Petrus; sine vllò vitio argumentationis assumpsimus, eum esse Petri successorem; vt inde demum eius in Ecclesia principatum euinceremus. Quemadmodum igitur in ciuilibus aliud est propriè, Ioannem, verbi gratia, esse successorem Petri; & aliud, Ioannem legitimè possidere patrimonium à Petro relictum (nam ex illo probari hoc solet) ita in proposito aliud propriè est, aliquem esse Diui Petri successorem; & aliud, eum à Christo habere illam potestatem quam habuit Diuus Petrus. Meritò itaque propria huius successionis ratio explicanda est, vt eandem ostendamus in Romanum Pontificem pro tempore existentem competere: vnde tandem efficitur id quod suprà conclusimus: Romanum Pontificem Petri principatum, quasi patrimonium quoddam à Christo constitutum, in Ecclesia obtinere.

Sanè aliquem esse Diui Petri successorem, nihil aliud est, quàm cum ab Ecclesia in locum Diui Petri legiti-

Non idem proprie esse succedere D. Petro, & à Christo accipere eandem auctoritatem, quam habuit D. Petrus, licet hac duo, quod ad rem attinet, sint coniuncta.

Quid propriè sit D. Petro succedere, & qua-

*tenus id pen-
deat ab ipsa Ec-
clesia.*

modo recipiat veluti Christo offerri, ut is illi supremam auctoritatem, quam Petrus habuit, conferat: hoc est, ut certa lege statuat, peculiari quadam assistentia cum eo concurrere ad ea in doctrina & moribus constituenda, quæ ad bonum Ecclesiæ statum pertineant. Hoc enim est aliquem habere supremam illam in Ecclesia potestatem atque principatum, quem Petrus habuit. Porro modus legitimus recipiendi aliquem in locum Petri, omnino is est, quem Ecclesia ipsa pro ratione cuiusque temporis & aliarum omnium circumstantiarum præscribit atque adhibet.

Quod ut melius intelligamus expendenda diligenter est vis illarum promissionum: *Ego vobiscum sum usque ad consummationem seculi. Et: Ut maneat vobiscum in æternum, &c.* Ex his enim & similibus intelligitur, curam & caritatem Christi erga sponsam suam Ecclesiā perpetuò eam esse, quæ ad Ecclesiæ statum suauiter & conuenienter hominum naturæ conseruandum accommodatissima sit. Dubitari autem minimè potest, quin hominum natura atque conditione considerata expediat, ut qui Ecclesiam vniuersam, accepta à Christo auctoritate, gubernaturus sit, is ab eadem Ecclesia ad id muneris recipiatur approbeturque. Proinde volens Christus Dominus, in Ecclesia perpetuò esse (ut superius est probatum) Petri successores, quibus ille supremam in terris auctoritatem, quam Petro contulerat, attribueret; necesse fuit, Ecclesiæ suæ hoc dare, ut eum ipsa deligeret in talem Pastorem, quem pro ratione temporis & circumstantiarum iudicaret esse ad id muneris aptissimum. Quod ipsum perpetua Ecclesiæ consuetudo in successione sedis tum Petri, tum aliorum Episcoporum confirmat. Is enim habitus est semper Episcopali cuius successor legitimus, quem in
cuius

Matth. vii.

Ioan. 14.

eius locum Ecclesia recepit ea forma & modo, qui pro ratione circumstantiarum in vnoquoque loco maximè conuenire existimatus est.

Iam cum hoc ita sit, facile intelligitur, qua ratione probari oporteat, Romanum Pontificem, pro tempore existentem, Diui Petri successorem esse. Nempe non hîc aliquibus argumentis à ratione ductis opus est; vt cum de rebus agitur, quæ non sunt in facto positæ; sed satis superque id testimoniis omnium ætatum locupletissimis probamus, quibus sanè constat, Pontifices Romanos continua serie successionis in Diui Petri locum (absque vlla potestatis restrictione) fuisse ab Ecclesia receptos, atque ad eos, tanquam ad Petri in eadem potestate successores, per omnes Ecclesiæ ætates fuisse relatas maiores Ecclesiæ causas, vt persequitur diligenter Turrecremata lib. 2. de Ecclesia cap. 36. 37. & 38. & Caietanus de institutione Romani Pontificis cap. 13. & Canus libro 6. de locis, cap. 4. 5. & 6. & admodum copiose ac luculenter Nicolaus Sanderus, in suo opere de visibili Ecclesiæ Monarchia, lib. 7. vt alios iam omittam.

Qua de re hæc in specie testimonia antiquitatis no-
tentur. ^a Irenæus, ^b Epiphanius, ^c Augustinus, ^d Optatus, sui temporis Romanos Pontifices (quorum & posteriores Pontifices cõstat successores fuisse) ad Petrum ipsum continua serie successionis ordine deducunt. ^e Innocentius primus, ^f Eulogius, ^g Petrus Chrysologus, ^h Leo, & alij, *Petrum in sua adhuc Cathedra* (Romanorum Pontificum ipsius successorum ministerio) *presidere* asseuerant. ⁱ Tertullianus, ^k Augustinus, ^l Hieronymus, ^m Gregorius,

m 3

Euse-

Virum Romanum Pontifex D. Petri successor sit, quæstionem esse facti, quæ testimoniis omnium ætatum rectè definitur.

Roman Pontificem D. Petri successorem esse luculè testimoniis probatur.

^a Lib. 3. cap. 3.

^b Hæresi 27.

^c Epist. 165. ad

litteras cuius-

dè Donatistæ.

^d Lib. 2. cõtra

Parmen.

^e In epist. ad Conc. Mileuit. quæ est 95. inter epist. Diui Augustini. ^f Apud D. Gregorium, epistola 37. li. 6. Registri. ^g Epistola ad Eutychem, quæ exstat inter epistolas alias sub initium Concilij Chalced. romo 1. Concil. fol. 227. ^h Sermo. 2. de die anniuersario assumptionis suæ. ⁱ Lib. de præscrip. & Contra epist. fundam. c. 4. & alias. ^k Ad Damasum, m. Li. 6. Regist. ep. 37.

n Lib. 3. histo.
 cap. 4.
 o Epist. 3.
 p Epist. 1. ad
 Antiochenos.
 q Lib. 4. histo.
 cap. 14.
 r In epist. ad
 Leonem.
 s Lib. 4. ep. 2.
 t Epist. 157. &
 li 2. contra li-
 teras Petilianus
 c. 51 &c.
 u Teste Iul. I.
 epist. 1 & 3. de
 quo vide Ca-
 num lib. 6. de
 locis, cap. 4. &
 Alanum Co-
 pum in dialo-
 gis, dial. 1.
 x In epist. ad
 Felicē II. Pon-
 tificē, qui Pō-
 tificis in descri-
 pto ad eisdē
 Episcopos cō-
 queritur fuisse
 se plurima de-
 creta Concilij
 Nicæni ab hæ-
 reticis sup-
 pressa. Exstant
 hæ epistolæ
 tomo 1. Con-
 cil. inter de-
 creta Felicis
 II.
 y Lib. adver-
 sus hæresum
 nouit. sub fin.
 z Habetur
 tomo 1. Cō-
 cil. fol. 520.
 a Lege Alfon-
 sum Pisani
 de Conc. Ni-
 cæno. & Sanderum, de Monarchia Eccles. lib. 7. circa annum Domini 336.

n Eusebius, & alij infiniti eisdem Romanos Pontifices,
successores esse Diui Petri apertè asserunt. ° Anacletus,
 p Marcellus, q Sozomenus, r Theodoretus, s Cyprianus,
 t Augustinus, & alij Patres, idcirco etiam sedem Roma-
 nam, *Petri locum & cathedram*, seu *Apostolicam sedem* vo-
 cant. Itaque Romano Pontifici, non nisi tanquam Petri
 legitimo successor, principatum auctoritatis in Ecclesia
 tribuit omnis antiquitas, Concilia, Patriarchæ, Patres
 vniuersi.

IN CONCILIO y Nicæno primo, Iulius primus testa-
 tur, decretum fuisse, ne Concilia præter sententiam Ro-
 mani Pontificis celebrarentur, itemq; vt ad eum liceret
 Episcopis aliis ex toto orbe appellare, confirmatq; so-
 lenni iuramento eos Canones in sacro sedis Apostolicæ
 scrinio asseruatos fuisse. Quod itidem in eo Concilio Ni-
 cæno fuisse sic statutū, testatur Diuus x Athanasius, & alij
 Episcopi Thebaidis & Libyæ, qui ipsi Concilio Nicæno
 interfuerunt. Fuerunt autem huius Iulij epistolæ rece-
 ptæ in Concilio Ephesino; vt y Vincentius Lyrinensis an-
 te annos mille testatus est. Item illius primam epistolam
 recitat in Apologia sua secunda D. Athanasius. Nec sa-
 nè obstat, quod Africani Episcopi in a epistola ad Ponti-
 ficem Cælestinum negant, eiusmodi Canonem de ap-
 pellationibus ad Romanum Pontificem inter Concilij
 Nicæni Canones, quos à Patriarchis Constantinopolita-
 no, Alexandrino, & Antiocheno petierant, reperiri.
 Certum enim est, longè plures Concilij Nicæni Canones
 fuisse quàm illos viginti & vnum, quos illi Patriarchæ ad
 Africanos miserunt, vt luculētissimis veterum testimo-
 niis à b nonnullis demonstratum est. Itaq; ex illis Cano-
 nibus Concilij Nicæni quid desiderantur, quiq; hæretico-
 rum

rum

cano. & Sanderum, de Monarchia Eccles. lib. 7. circa annum Domini 336.

rum fraude (vt conqueritur etiam Felix secundus) interierunt, proculdubio illi etiam fuerunt, quos ab Iulio primo, & ab Athanasio commemorari diximus. Ac licet Patres illi Africani apud eundem Pontificem Cælestinum egerint, ne appellationes vllas ab Africanis ad sedem Apostolicam factas admitteret, aut de causis eiusmodi ipse vel per se vel per legatos suos constitueret, sed iudiciū omne provincialibus Episcopis permetteret, vt rectius cognita causā in eo ipso loco vbi criminis delatio instituta esset, ipsi litem finirent: tamen nihil minus illi Patres ea re agebant, quā vt supremam alioquī in Ecclesia potestatem, adeoq; auctoritatem in iudicio etiam quarumcunq; causarum Ecclesiasticarum, Romanæ sedis competere negarent: Sed putabant certè non expedire, vt eiusmodi auctoritate Pontifex Romanus in litigiosis controuersis, quæ in transmarinis illis prouinciis inciderent, vt i vellet, cū melius existimarent eiusmodi causas personarum & criminum in proprio loco posse cognosci & definiri.

Alioquī, quā illi Patres Africani Romanæ sedis primatum agnouerint, suspexerintq; vel ex vna ^cepistola Milcuitani Concilij ad Innocentium primum (cui Concilio pleriq; ex illis ipsis Patribus Africani Concilij paulò antè interfuerant) clarissimè licet intelligere. *Quia te, Domine, gratia sua præcipua munere, in sede Apostolica collocavit, talemq; nostris temporibus præstitit, ut nobis potius ad culpam negligentia valeat, si apud tuam venerationem, quæ pro Ecclesia suggerenda sunt, tacuerimus, quā ea tu possis vel fastidiosè vel negligentè accipere; magnis periculis infirmorum membrorum Christi PASTORALEM diligentiam quæsumus adhibere digneris. Noua enim hæresis (Pelagianorum) surgere capit, &c.* Et post aliqua: *Hæc insinuantes*

^c Est epist. 92.
inter episto.
Aug.

Aposto-

Apostolico pectore tuo, non opus habemus tantam impietatem verbis exaggerare, cum procul dubio te ita permoueant, ut ab eis CORRIGENDIS ne latius serpent, multosq. contaminent, vel potius interimant, omnino dissimulare non possis. Et sub finem epistolæ: Hac ad sanctitatem tuam de Concilio Numidia scripta direximus, imitantes Carthaginensis provincia Coepiscopos nostros, quos ad sedem Apostolicam, quam benignus illustras, de hac causa scripsisse comperimus. Certè luce clarius ostendit hic locus, Romanum Pontificem ab Affricanis Episcopis & Pastorem Ecclesiæ summum, cui aliarum etiam Ecclesiarum præter Romanam cura pastoralis sollicitudoque incumbat, & iudicem causarum religionis ac fidei agnatum fuisse. Carthaginensis autem provinciae Episcopi, quorum in ea epistola mentio facta est, hunc in modum a eundem Innocentium in ea causa^d scripserant: Hoc gestum caritati tua intimandum duximus, ut statutis nostra mediocritatis etiam Apostolica sedis adhibeatur auctoritas pro tuenda salute multorum, & quorundam peruersitate etiam corrigenda. Et infra: Error ipse & impietas qua tam multos assertores habet etiam auctoritate sedis Apostolica anathematizanda est. Consideret ergo sanctitas tua & pastoralibus nobis compatiatur visceribus, &c. Et certè ex^e epistolis quibusdam D. Cypriani ad Pontificem Cornelium licet intelligere, antiquam etiam fuisse Affricanorum consuetudinem ad Apostolicam sedem appellandi: ut mirum sit hoc ab illis Patribus Affricanis cogitatum non fuisse: sicut etiam in antiqua Synodo.^f Sardicensi eiusmodi appellationes ex omni loco ad sedem Apostolicam discretissimis verbis & concessæ & probatæ fuerant, ut paulò post dicemus.

^d Epist. 90. inter epist. Aug.

^e Lib. 1. epist. 3. & lib. 4. epistol. 8.

^f Can. 3. 4. &c. 7.

Sic etiam neque testimonio illi Concilij Nicæni, quod pro Romanæ sedis primatu, ex Iulio primo, & Athana-

thanasio commemorauimus, auctoritatem detrahunt
villo modo Sectarii, cum ex Canone sexto eiusdem Con-
cilij hæc verba (sicut ea quidem ^b Ruffinus refert) nobis
obiiciunt: *Apud Alexandriam & in urbe Roma vetusta con-
suetudo seruetur, ut ille* (Episcopus Alexandrinus) *Aegypti,
hic* (Episcopus Romanus) *suburbicariarum sollicitudinem Ec-
clesiarum gerat.* Primum enim Canon hic sextus in exem-
plo à tribus Patriarchis (sicut antè commemorauimus) ad
Episcopos Africanos misso non omnino ita habet, uti
refert Ruffinus; sed quædam verba ^h ibi adduntur, ex qui-
bus clarius apparet nihil ibi minus quàm supremam in
omnes auctoritatem Romani Põtificis negari. Sic enim
dicitur: *Antiquiores* (Episcopi) *obtineant* (id est, ⁱ honore
præcedant) *qui apud Aegyptum sunt, & Libyam & Penta-
polim: ita tamen, ut Alexandrinus Episcopus horum omnium
habeat sollicitudinem; quia & urbis Roma Episcopo similis mos
est. Similiter autem & circa Antiochiam, & in cæteris prouin-
ciis priuilegia propria seruentur* METROPOLITANIS Ec-
clesiis. Non igitur negat hic Canon Romano Pontifici
primatus auctoritatem, quam habet is alioquî tanquam
successor D. Petri in omnes Ecclesias, sed significat certè,
habere eum quoq; specialem quandam METROPOLI-
TANI auctoritatem in adiacentes diocessi Romanæ Ec-
clesias; quam quidem auctoritatem similiter & aliis Ar-
chiepiscopis Metropolitanis, unicuiq; in sua prouincia,
Concilium Nicænum voluit constare. Accedit deinde,
quod in Concilio ^k Chalcedonensi Canon hic sextus Ni-
cænæ Synodi (recitante Paschasino, & nemine prorsus
contradicente) sic incipit: *Ecclesia Romana semper habuit
primatum, &c.* Ac tunc subiunguntur reliqua de auctori-
tate Metropolitanorum, quæ ex illo Canone iam à no-
bis exposita sunt. Denique in eadem actione Concilij

Lib. 10. hist.
cap. 6.

^b Lege Conc.
VI. Carthag.
vbi Canones
illi Nicæni re-
citantur.
ⁱ Ita colligi-
tur ex Can. 8.
Nicæno apud
Ruffinum, vbi
suprà.

^k Act. 16.

Chalcedonenſis, poſt recitatum illum Nicænum Canoneſ, & omnium ſententias auditas, Iudices ita dixerunt: *Ex his qua geſta ſunt, vel ab unoquoq, depoſita, perpendimus, omnem quidem primatum & honorem præcipuum ſecundum Canones* (nempe ſecundum illum etiam Nicænum) *anti-qua Romæ Deo amantiſſimo Archiëpiſcopo conſervari.* Ac tunc Patres ipſi Concilij dixerunt: *Hæc iuſta ſententia, hæc omnes dicimus, &c.* Sed de Canone Nicæni Concilij ſatis.

Item in Sardiceniſi Concilio, quod generale etiã fuiſſe graues^a auctores teſtantur, ^b appellationes ex toto orbe factæ ad Romanum Pontificem approbantur, & Iulio Pontifici ius competiuiſſe euocandi cum auctoritate alios Episcopos non obſcurè^c agnoſcitur. In^d Conſtantinopolitano primo (generali ſecundo) poſt Romanum Episcopum primatus honor tribuitur Patriarchæ Conſtantinopolitano. Atq; etiam eius Concilij Patres^e teſtantur, ſe Damasi Romani Pontificis literis monitos conueniſſe Conſtantinopoli: Viciniſſimq; ^f Damasus reuerentiã ab illis in ea re exhibitam ſedi Apoſtolicæ col- laudat. In Ephesine (generali tertio) ^g Cyrillus locum Cæleſtini Romani Pontificis tenens eius mandato dicit, ſe (vnâ cum aliis Patribus) compulſum fuiſſe, vt Neſtorium damnaret. Itemq; Patres eiſdem Concilij ad eundem Cæleſtinum hoc modo^h ſcribunt: *Ioannis Antiocheni temeritatem* (quod Cyrillum depoſuerat) *reſervamus tua pietatis iudicio.* Inⁱ Chalcedonenſi porro Concilio (generali quarto) itidem probatur iudicium illud Synodi Conſtantinopolitanæ, quod Conſtantinopolitano Patriarchæ ſecundæ concedantur poſt Romanum Pontificem. Et rursus^k ibi, Marciano Imperatore præſente, ſine vlla controuerſia, caput omnium Eccleſiarum Romana Eccleſia appellata eſt. Atque etiam ipſe Impera-

tor

^a Socrates li-
bro 1. hiſt. cap.
16. & Atha-
naſius id Co-
cilium vocat
magnum, per
illudq; dicit
Arrianos eie-
ctos fuiſſe ex
Eccleſia, orat.
1. contra Ar-
rian.
^b Can. 3. 4. & 7.
^c Apud Theo-
doretum li. 2.
hiſt. c. 8.
^d Cap. 5.
^e In epiſt. ad
adeundẽ Da-
maſ. cuius me-
minit Theo-
doret. lib. 5.
cap. 9.
^f Apud eundẽ
Theodor. eo-
dem lib. c. 10.
^g Teſte Eua-
gio lib. 1. hiſt.
cap. 4.
^h In epiſto. ad
eundem Cæ-
leſtinum.
ⁱ Actione 16.
^k Actione 1.

tor Marcianus ibidem Leonem, tum Pontificem Romanum, *Apostolicum thronum gubernare*, dicit. Itemque Concilij Patres eundem Pontificem his modis compellant: *Tu, sicut caput membris, praeeras. Dioscorus contra te, cui vinea custodia à Salvatore commissæ est, extendit insaniam. Tuis decretis nostrum honora iudicium: & firmitas tua filius quod de-est adimpleat.* Itaq; in eo Concilio Paschasius cum Lucenio & Bonifacio, loco Leonis sic præfuit, vt inter cætera, quæ cum auctoritate ibi gessit, etiam ^m prohibuerit, ne Dioscorus cum reliquis Episcopis Orthodoxis sederet. In Concilio ⁿ secundo Constantinopolitano (generaliquinto) Patres profitentur, se per omnia sequi velle sententiam summi Pontificis Agapeti in causâ Anthimi hæretici, quem idem Agapetus ex sede Constantinopolitana, & à communione fidelium ^o eiecerat. Cuius etiam sententiæ vi Synodus eundem quoque eiecit ex sede Trapezuntina. ^p In Constantinopolitano tertio (generalisexto) Dicitur, *per Agathonem Romanum Pontificem loquutus esse Petrus princeps Apostolorum*, cuius nimirum ille & imitator fuisset & successor. In ^q Constantinopolitano quarto (generalioctauo) Patriarchas omnes honorandos, *præcipuè verò sanctissimum Papam senioris Roma.* In ^r Nicæno secundo (quod fuit septimum generale) *Romanam sedem primatum per orbem totum obtinere, omnium Christi Ecclesiarum caput existere, &c.* Similia in ^s Lateranensi sub Alexandro tertio, & ^t Lateranensi item, sub Innocentio tertio, ^v Lugdunensi secundo, ^x Viennensi, ^y Constantiensi, ^z Lateranensi sub Iulio secundo, & Leone decimo, ^a Tridentino. Quibus adde prouincialia, ^b Arelatense, ^c Aurelianense quartum, ^d Toletanum primum, ^e Africanum, ^f Mileuitanum, &c.

1 Act. 3. in relatione facta eidem Pontifici ab ipsa Synodo.

^m Teste Euaristio, libro 2. cap. 4.

ⁿ Actione 4. in sententia Synodi contra Anthimum.

^o Vt patet ex loco citato.

Itemq; ex constitutione Iustiniani Imperator, contra eundem hæreticū, quæ extat in ead. Syn.

^p Actione 18. sub finem.

^q Can. 21.

^r Actione 2.

^s Titulo 2. c.

3. & 4.

^t Cap. 5.

^u Lib. 6. decret. c. vbi periculum, de electione & electi potestate.

^x Clemētina 1. de S. Trin.

^y Sessione 8.

& 15.

^z Sess. 2. & 3.

^a Sess. 14. c. 3.

^b Can. 1.

^c Can. 1.

^d In assertione fidei in fin.

^e Cap. 35.

^f Apud Aug. epist. 92. & 93.

g Sozomenus lib. 3, cap. 7. & ipse Athan. in Apolog. ad Constan.

h In epist. ad eundem, ab Athanasio & aliis missa ex Synodo Alexandrina.

i In epist. ad Solitariā vitā agentes.

k Epist. 18. Similiter quoq; loquitur epist. 10 & 11.

l Teste Liberto in Breuiario, c. 18.

m Vt videre est apud Theodoretū, lib. 5. hist. c. 13.

n Teste Sozomeno, libro 8. hist. c. 3. & Socrate li. 5. c. 15.

o In Synod. V. acti 4 in sententia eiusdē Petri Hierosolym.

p In epist. ad Innocentium tomo 5.

q Vt refert Theodor^{us} Lectori li. 2. Collectaneorum, circa mediū. Existāt hi libri post historiā Sozomeni.

r In Synod. V. actione 1.

Nec minus perspicuè Patriarchæ quatuor. Certè Athanasius Patriarcha Alexandrinus, ad Iulium primum, Romanum Pontificem in sua causā cōtra Arrianos^s appellauit. Itemq; ad Felicem secundum Papam ita^h scribit: *Vos, præcessoresq; vestros Apostolicos videlicet præsules in summitatis arce Deus constituit: omniumq; Ecclesiarum curam habere præcepit.* Item: *Romanus, inquit, Episcopus Iulius Synodum inuisit fieri, ut tutò & crimina obicerent, & inuicem sibi oblata refutarent.* Item Diuus^k Cyrillus, & ipse Alexandrinus Patriarcha, ad Cælestinum Romanum Pontificem in causā Nestorij scribens: *Ab illius, inquit, communione cum fiducia nos non exemimus, donec ista pietati tua communicaremus. Quapropter quid videatur, exprimere dignare, an aliquando illi communicare debeamus.* Item^l Antiochenus Patriarcha Calandio, Ioanni Talaia Patriarchæ Alexandrino suavit, ut contra Petrum Moggum, quem Achatius intruserat, ad Simplicium Rom. Pōtifiçē appellaret. Item^m Flauianus eiusdē sedis Patriarcha à Romano Pontifice vt causam diceret euocatur, pro eoque apudⁿ Damasum intercedunt Chrysostomus Patriarcha Constantinopolitanus & Theophilus Patriarcha Alexandrinus. Item^o Petrus Patriarcha Hierosolymitanus affirmat, Agapetum Papam diuinitus fecisse, quòd Anthimum, Constantinopolitanum aliquando Patriarcham, de sede deieciisset. Deniq; Diuus^p Chrysostomus, Constantinopolitanus Patriarcha, ad Romanum Pontificem appellauit. ^q Macedonius, eiusdem sedis Patriarcha, Anastasio Imperatori vehementer vrgenti & mandanti, vt Episcopos sibi subiectos ad Synodum conuocaret, nihil omnino se in ea re facturum respondit, *absq; vniuersali Synodo, cui magna Roma Episcopus præsideret.* ^r Menas Seucro, Petro & Zoaræ vitio vertit, quod

quod contempserint Ecclesiam Romanam, qua Apostolis, inquit, succedens, contra ipsos sententiam protulit.

Longum verò est aliorum Patrum sententias referre. ¹ Irenæus ad Romanam Ecclesiam propter potentio- rem principatam necesse esse affirmat omnem aliam Ecclesiam conuenire. ² Cyprianus eandem esse, Ecclesiam matricem. ³ Ambrosius, Siricium Papam Christi ouile custodire, dignumq. esse, cui oues Domini audiant. ⁴ Hieronymus, Damasum piscatoris, id est, Diui Petri, successorem esse in eadem fidei Cathedra, super quam sit edificata Ecclesia. ⁵ Augustinus, in Romana Ecclesia Apostolica Cathedra semper viguisse principatum. ⁶ Idem obsecrat Innocentium primum, vt pastoralem diligentiam adhibeat magnis periculis infirmorum in Africa propter heresim Pelagianam imminentibus. Quod eius studium laudat idem Innocentius, ⁷ quòd antiqua regulæ formam secutus opem implorârît ab ea sede, cui maneat sollicitudo omnium Ecclesiarum. ⁸ Gregorius, Romanam Ecclesiam Deo auctore cunctis Ecclesiis esse pralatam. ⁹ Isidorus, nullam se Synodum reperisse nisi vel congregatam vel fultam Romane sedis auctoritate. ¹⁰ Prosper, Romam pastorali honore factam esse caput mundi. ¹¹ Vincentius Lyrinensis, Romanum Pontificem esse caput orbis. ¹² Beda, Gregorium in toto orbe Pontificatum gerere. ¹³ Origenes, libellos pœnitentie de suis erroribus offert Fabiano Papa. ¹⁴ Basilus, ad Romanum Pontificem referendum indicat, vt iudicij sui decretum interponat. ¹⁵ Chrysostomus postulat ab Innocentio, vt decreta Theophili rescindantur, & vt pœnis Ecclesiasticis qui iniquè agerent, coërcerentur. ¹⁶ Theodoretus, ad Romanam sedem appellat, & illius dicit se expectare sententiam. ¹⁷ Socrates, Romanam Ecclesiam priuilegium præ ceteris obtinere. Et quid omnes seu Latinos seu Græcos commemorem?

- ¹ Lib. 3. cap. 3.
- ² Lib. 4. ep. 8.
- ³ ad Cornelium Pap.
- ⁴ Lib. 10. ep.
- ⁵ 81 initio.
- ⁶ Epist. 57. ad eundem.
- ⁷ Epist. 161.
- ⁸ Epist. 92. ad eundem missa ab August. & aliis Patribus Concilij Mileuitani.
- ⁹ Epist. 93. in-tere-epist. D. August.
- ¹⁰ Lib. 2. Regi- stri, epist. 30.
- ¹¹ In præfat. in opus Concil.
- ¹² Lib. de in- gratis, contra Pelagianos.
- ¹³ Lib. aduers. hæres.
- ¹⁴ Lib. 2. hist. Anglorum.
- ¹⁵ Teste D. Hieron. ad Pamachium.
- ¹⁶ In epist. 52. ad Athanas.
- ¹⁷ In epist. ad eund. tomo 5.
- ¹⁸ In epist. ad Leon. in fine, tomi 2.
- ¹⁹ Lib. 2. hist. cap. 11.

Iam verò Pontifices ipsi Romani, sanctissimi & antiquissimi, successores se esse Diui Petri in cura vniuersalis Ecclesiæ, iisdem in locis palam protestati sunt, quos pro ipsius D. Petri primatu superiùs magno numero allegauimus. Quorum testimonia quamobrem in hac quæstione & causâ minimè suspecta esse debeant, suprà causas exposui. Clarissima verò grauissimaque sunt in hoc genere illa verba ° Iulij primi, de causâ Athanasij: *Semper, inquit, maiores Ecclesia causa ad sedem Apostolicam multis auctoritatibus referri præcepta sunt; Ipsa namque omnibus prælata est Ecclesiis, qua non solum canonum & sanctorum Patrum decretis, sed Domini voce singularem obtinuit principatum, cum inquit: Tu es Petrus, &c.* Atque illa quoque^p Innocentij primi ad Patres Concilij Mileuitani: *Per omnes, inquit, prouincias de Apostolico fonte petentibus responsa semper emanant. Præsertim quoties fidei ratio ventilatur, arbitror omnes fratres & Cœpiscopos nostros non nisi ad Petrum, id est, sui nominis & honoris auctorem referre debere; velut nunc retulit vestra dilectio; quòd per totum mundum possit omnibus Ecclesiis in commune prodesse.* Item: *Diligenter ergo & congruè Apostolico consulitis honori, honori, inquam, illius, quem sollicitudo manet omnium Ecclesiarum, super anxiiis rebus, qua sit tenenda sententia, antiqua scilicet regula formam sequuti, quam toto semper ab orbe mecum nostis esse seruata.* Et^q Leo ad Anastasium Thesalonicensem Episcopum: *Sicut præcessores mei (inquit) præcessoribus tuis, ita etiam ego dilectioni tuae vices mei moderamini delegaui, ut curam, quam vniuersis Ecclesiis principaliter ex diuina institutione debemus, imitator nostra mansuetudinis effectus adiuuares.*

Sed exstant multa testimonia similia Pontificum in locis suprà citatis. Quorum sanè in Ecclesia, tanquam successorum Petri, primatum agnouerunt, non Patres tantum,

• Epist. I. ad
Orientales.

• Epist. 93. in
ter epist. Aug.

Ibidem.

• Epist. 84.

tantum, sed etiam ipsi Imperatores Maximi, & disertissimis verbis protestati sunt. ^r Valentinianus affirmat, *Romano Pontifici principatum sacerdotij collatum.* ^r Marcianus, *principatum in Episcopatu fidei obtinere.* ^r Iustinianus, *primum omnium esse Sacerdotem secundum quatuor Synodorum definitionem.* Quibus Imperatoribus posterior fuit Phocas, à quo tamen Romanum Pontificem primatum accepisse ^r Calvinus ineptissime nugatus est. ^r Carolus Magnus, Romanum Pontificem, *uniuersalem Papam* compellat. Sed & hæretici aliquando cum principatum Romani Pontificis à nemine ignorari probè intelligerent, se idem cum illo de rebus fidei sentire, vt faciliùs laterent, subdolè simulauerunt. ^r Cælestinus Pelagianus cum Innocentio. ^r Meletius & Vitalis cum Damaso, &c.

His accedit quòd Romanus Pontifex perpetuò in Ecclesia earum quæ essent fidei controuersiarum ^a iudex agnitus est: quòd ipse hæreses ^b condemnauit: quòd leges cum ^c auctoritate sanciuir: ^d quòd Conciliis generalibus præfuit, eademque confirmauit: quòd ad eum vndique in grauiissimis causis Ecclesiasticis ^e appellatum est: quòd alios Episcopos auctoritate sua in varias mundi partes ^f misit; vicarios suos ^g constituit, ^h creauit, ⁱ confirmauit, ^k pallio inuestiuit, ^l deposuit, ^m restituit. Quem vsum au-

toritatis

rat. l. 2. cont. Parmen. Irenæo, l. 3. c. 3. & c. & passim ex actis Concil. ^b Vt videre est apud Euseb. lib. 5. cap. 27. & lib. 6. cap. 35. Cyril. epist. 10. & 11. Tertul. lib. cont. Praxean. &c. ^c Vt est videre apud Euseb. in Chronic. de Telephor. & Pio l. & lib. 5. hist. c. 24. & passim in ipsis decretis antiquiss. etiam Pontific. ^d Vt infra in loco de Concil. ostendetur. ^e Vt est videre apud Sozom. lib. 3. cap. 7. & 9. Euagr. lib. 3. ca. 15. Athanas. epist. ad solitariam vitam agent. Basilium epist. 74. Chrysost. epist. ad Innocen. tomo 5. Epiphani. hæres. 68. &c. ^f Vt apparet ex August. epist. 157. & Posidonio in vita eiusdem August. cap. 14. & Bedæ, lib. 1. vitæ sancti Pattum. ^g Vt apparet ex D. Leone, epist. 84. & D. Gregor. lib. 4. epist. 51. 52. 53. ^h Apud Socratem, lib. 7. hist. cap. 35. & Metaphrastem in vita Gregorij Agrigentini. ⁱ Vt apparet ex Concil. Chalcedon. act. 7. & ex D. Gregor. lib. 4. epist. 9. Cedreno, in Compend. histor. de Irenæ. fol. 387. &c. ^k Vt est videre apud D. Greg. l. 4. epist. 15. & 55. Bedam lib. 2. hist. Anglorum, &c. ^l Vt patet ex Synod. V. act. 4. Gregor. lib. 4. epist. 50. & in actis Sixti III. tomo 1. Concil. &c. ^m Vt apparet ex Sozomeno, lib. 3. cap. 7. Basil. epist. 74. &c.

^r In epist. ad Theodos. ante Concil. Chalced.

^r In epist. ad Leonem.

^r In nouel. Constit. 137. & Lib. 4. instit. cap. 7.

^r Teste Cran-zio, in list. Ecclæ. de Metro-pol. Saxon. l. 2. cap. 7.

^r Referente August. lib. 2. de pecc. orig. cap. 7.

^r Apud Hieron. epist. 12. ad Damas.

^r Testimonia & exēpla multa eius rei petere licet ex Euseb. lib. 4. hist. c. 13. & 22. & lib. 5. ca. 27. & l. 6. ca. 35. & l. 7. ca. 8. & ex Aug. ep. 90. & 92. & l. 1. cont. duas epist. Pelag. cap. 1. Op-

toritatis tam varium tamque latè parentem, eundemq; Romano Pontifici per omnes rectè sentientes in Ecclesia semper integrum atque liberum, quis non videat indicem atq; testem locupletissimum esse, quòd D. Petro in cura Ecclesiæ vniuersali, ad constituendum de iis rebus, quæ ad fidem & salutem spectent, Romani Pontifices succedant? Quoniam igitur & primariam in Ecclesia potestatem, atq; adeò infallibilem auctoritatem, de rebus fidei omnibus cõtrouersis iudicandi, D. Petro datam esse; nec illi solùm, sed etiam illius successoribus esse datam; & eius in eo genere successorem Romanum Pontificem pro tempore existentem esse, probatum est: verè ac rectè initio concludimus atque posuimus Romanum Pontificem esse eum, in quo auctoritas illa primaria, de quæstionibus fidei omnibus infallibiliter statuendi, resideat.

*Vtrum diuino
an Ecclesiastico
iure ille idem
sit D. Petri suc-
cessor, qui est
Episcopus Ro-
manus.*

SED cùm Romanum Pontificem Diui Petri successorem in vniuersali Ecclesiæ curâ esse dicimus, forsitan aliquis sciscitabitur, ecquonam iure successor talis Diui Petri is sit, qui Pontifex est Romanus? Vtrum scilicet diuino? ita vt Christus Dominus non modò voluerit in Ecclesia esse perpetuò eiusmodi successorem Petri, cui ipse supremam auctoritatem, quam habuit D. Petrus, conferret, sed etiam statuerit, vt hic successor esset perpetuò Romanus Episcopus? An verò id obtinuerit in Ecclesia solum iure humano, hoc est, ipsius Ecclesiæ instituto, quæ non nisi Romanos Episcopos in D. Petri locum, quod ad vniuersalem Ecclesiæ curam attinet, recipiendos esse putarit.

*Quantum referat
scire si iuramen-
to diuino ille,
ipse debeat esse*

Refert autem non parum hoc scire. Nam si solùm ex iure Ecclesiastico ratio hæc successionis cum Romanæ diocesis Episcopatu coniuncta est; posset fieri eiusdem Eccle-

Ecclesiæ, atque adeò ipsius etiam Pontificis, auctoritate, ut aliquando is, qui vniuersalis Ecclesiæ pastor est, non idem sit Romanæ diœcesis Episcopus, sed vel alterius diœcesis; ut cum Petrus Antiochiæ sedebat, erat Episcopus non Romanus, sed Antiochenus; vel etiam nullius particularis determinatè; sicut eo tempore quo nondum D. Petrus Antiochiæ sedebat, cum tamen nihilominus esset tunc Pastor vniuersalis Ecclesiæ, à Christo constitutus. Sin autem diuino iure constitutum est, ut non alius, præterquam Romanus Pontifex, sit Petri successor, non erit in Ecclesiæ potestate id institutum mutare. Item etiam ex hac quæstione pendet, ut postea patebit, quomodo illud Ecclesiæ Romanæ priuilegium intelligendum sit, cum ab ea dici solet recta atque Apostolica fides non posse deficere: sicut iam defecit exempli causa ab Ecclesia Constantinopolitana.

Ego verò hac de re varias reperio sententias Doctorum. Nam^a Canus, & ^b Driedo, & ^c Turrecremata, & alij communiter, sine dubitatione affirmant, ex Christi Domini institutione Romanum Episcopum fuisse & futurum esse semper Diui Petri successorem in cura vniuersalis Ecclesiæ. Fundamentum istorum præcipuum est in modo loquendi Patrum ac Conciliorum, cum passim asseuerant, Romanum Pontificem ab ipso Christo Domino potestatem obtinere. Item Romanam sedem à Christo Domino priuilegium habere, ut sit peculiariter Apostolica, à qua fides recta nequeat deficere. Denique ex Romana sede definitionem certam in controuersiis fidei petendam esse, atque illos Catholicos esse, qui illius sequuntur doctrinam: illos contra hæreticos, qui reiciunt. Ex quibus & id genus aliis Ecclesiæ Romanæ elogiis, quæ magno numero superius recitauimus,

D. Petri successor, qui est Romanus Pontifex.

^a Lib. 6. de locis Theol. cap. 4. 5. & 6.

^b Lib. 4. de variis dogm. c. 4. parte 3.

^c Lib. 2. de Eccl. c. 40.

colligi videtur, institutionem Christi esse, ut qui successor Petri futurus est, sit Romanus Episcopus. Accedit, quod Diuus^d Ambrosius, & ^e Egesippus referunt, Christum Dominum Petro ex urbe decedendi occurrisse, ac interroganti quomodo pergeret, respondisse: *Eo Romam iterum crucifigi*. Ex qua historia conici potest, Petrum ex voluntate atque præcepto Christi Romam reuersum esse, ibique morientem reliquisse Romanum Episcopum successorem.

^d Lib. 5. epist.
ep. 32.
^e Lib. 3. exerci-
dij Hierosol.
cap. 2.

^f Lib. 4. sent.
d. 24. q. 2. art. 5.

Alia sententia est Dominici de^f Soto, qui contrà existimat, Apostolicam sedem, hoc est, dictæ successionis rationem iure Ecclesiastico tantum annexam esse Episcopatu Romano: ac proinde fieri posse auctoritate Ecclesiæ, ut Petri successor, Romanus Episcopus non sit, sed vel alterius diocesis, vel nullius determinatæ, sed duntaxat Pastor vniuersalis. Fundamentum eius auctoris est, quod Christus Dominus instituens Petrum vniuersalem Pastorem, nulli eum Ecclesiæ particulari addixit; neque aliunde institutio Christi circa hoc satis constat; quare videtur potius totum hoc reliquisse Christus dispositioni Ecclesiæ, ut scilicet illa pro ratione circumstantiarum ac temporum variè statuere posset de conditione personæ eligendæ, quod expedire maximè videretur: sicut constat, ut postea videbimus, mutasse illam quandoque circumstantias electorum summi Pontificis, & modicum eundem eligendi.

Hanc verò opinionem ut Sotus defenderet, sanè oportuit eum imprimis dicere, Concilia & Patres neutram partem huius quæstionis aperte satis determinauisse. Quod enim dicunt, Romanum Pontificem habere potestatem à Christo, eiusque institutione primatum obtinere; id verò non nisi ex quadam hypothese ab illis dictum

dictum esse, nimirum ut id intelligatur, quandiu Romanus Episcopus est ille quem Ecclesia ipsa successorem Petri constituit, siue hoc illa faciat propria auctoritate siue institutione Christi. Nihil verò vel Concilia vel Patres determinare circa hanc hypothesim, vtrum scilicet illa sit ex institutione Christi vel tantum ex Ecclesiastica traditione. Quidquid enim horum dicatur, manere ex fide certum id quod ipsi asserunt, Romanum Pontificem, quandiu in Petri successorem (sicut sit) eligitur, ab ipso Christo accipere auctoritatem vniuersalis Pastoris. Quod verò attinet ad illam historiam ex Egesippo; licet Christus Dominus præceperit tunc Petro, ut Romæ maneret usque ad mortem, inde tamen non necessario sequi, præcepisse etiam eum, ut successor illius in cura Ecclesiæ vniuersalis esset perpetuo Romanus Pontifex; sed benè inde consequi, institutionem ipsius Petri & Ecclesiæ, qua cautum est, ut Romanus Pontifex sit Petri successor, habuisse fundamentum in Christi voluntate statuente, ut Petrus Romæ permaneret, & suo martyrio Ecclesiam illam decoraret. Quod nisi accidisset, non fuisset dispositum, ut Romanus Episcopus Diuo Petro in vniuersali cura Ecclesiæ succederet. Quod ipsum etiam Caietanum tantummodo voluisse videri potest, cum ait, causam ob quam Romanus Pontifex sit is, qui Petro succedat, fuisse (ut ille inquit) appropriationem Romanæ Ecclesiæ ad Petri vniuersalem Pontificatum firmatam Christi auctoritate volentis, ut Petrus Romæ maneret ac ibi moreretur: non Euangelicam institutionem.

Cæterum vtcunque ista subtiliter pro Soti opinione disputari possint: mihi certè videtur ea opinio in re tam graui nimium esse singularis, nec verò satis tuta. Quæ enim testimonia Patrum & Conciliorum pro con-

Romanum Pontificem iure diuino habere primatum in Ecclesia, posteaquam in D. Petri successore ab eadem Ecclesia recipitur.

Tract. 2. de compar. Pont. & Concil. ca. 21. & in opusculi de Rom. Pont. instit. cap. 13.

Iur. diuini institutione esse, ut Romanus Episcopus in D. Petri successore eligatur.

traria sententia Driedonis, Cani, & Turrecremataæ allegari possunt, maius omnino pondus habent, quàm vt tam subtilibus distinctionibus eludi possint. Quin prorsus arbitror, cum Patres tot modis asseuerât, Romanam sedem à Christo obtinere auctoritatis in Ecclesia primatum, non aliam institutionem nisi ipsius Christi, à qua totum id priuilegium sedis Romanæ pendeat, cogitauisse. Penderet autem id priuilegium etiam ex Ecclesiæ ipsius humana institutione, si posito tantum, quòd Ecclesia auctoritate sua velit in Petri successorem eligi Romanum Põtificem, Romana sedes diceretur habere à Christo primatum. Atqui Patres hoc minimè putauerunt: sed absolutè, *Romanam Ecclesiam, Deo auctore, cunctis Ecclesiis esse pralatum*, inquit Diuus^a Gregorius: item illi ex diuina institutione curam incumbere aliarum omnium Ecclesiarum, affirmat Diuus^b Leo: item ad Ecclesiam Romanam, cuius fides sit ab Apostolo Paulolaudata, non posse perfidiam habere accessum, ait D.^c Cyprianus ad Cornelium: Item ad Romanam Ecclesiam propter potentio rem principalitatem oportere omnes alias Ecclesias conuenire, censet^d Irenæus: *Qua semper* (inquit Hieronymus aduersus Rufinum) *immaculata permansit, & Dominoprouidente, ac beato Apostolo ferente opem, in futuro manebit.* Et clarissimè sanctus^e Anacletus: *Hac sacrosancta Romana & Apostolica Ecclesia non ab Apostolis, sed ab ipso Domino saluatore nostro primatum obtinuit, & eminentiam potestatis super vniuersas Ecclesias ac totum Christiani populi gregem assecuta est, sicut ipse beato Petro Apostolo dixit: Tu es Petrus, &c.* Et Iulius huius nominis primus: *Sanctam*, inquit, *Romanam Ecclesiam ipse Dominus allocutus est, inquiens: Tu es Petrus, &c.* Atque vt alia eiusmodi antiquitatis testimonia (quæ sunt magno numero collecta etiam à^f Cano) præteream, in magno certè Lateranensi

^a Lib. 2. Registri, epist. 30.

^b Epist. 84.

^c Lib. 1. ep. 3. post medium.

^d Lib. 3. cap. 3.

^e Epist. 7. Eodem modo loquitur Sixtus II. epist. 1.

In epist. ad Episc. congregat. Antioch.

^f Lib. 6. de locis Theolog. c. 4. 5. & 6.

nenſi^s Concilio, ex certiffima Eccleſiæ ſententia, diſertis verbis Eccleſia Romana dicitur, *Deo ipſa diſponente, mater eſſe & magiſtra omnium Eccleſiarum.*

De ſumma Trin. c. Damnamus.

Itaq; vetus Patrum traditio indicare videtur, Chriſti etiam institutionem eſſe, vt qui Petro ſucceſſurus eſt, atque adeò qui eſt à Chriſto accepturus primatum, iſ alius non ſit, niſi Epiſcopus Romanus; vt copioſe etiam ac diligenter diſputat auct. eruditiffimus Ioannes Driedo. Qua ſanè ex re ſequitur, nunquam omnino futurum, vt ij à recta fide deſciſcant, qui fidem ſequentur eius, qui legitimus erit atque permanebit Epiſcopus diœceſis Romanæ, ſiue iſ in illius diœceſis loco morabitur ſiue alibi. Nam idem ex institutione Chriſti erit ſucceſſor Petri in cura Eccleſiæ vniuerſalis, ac proinde in fidei doctrina proponenda errare minimè poterit, vt poſtea etiam ſumus probaturi. Nunc ſatis fuerit ita breuiter explicauiffe, quod eſt à nobis tertio loco probatum. Nempe Romanum Pontificem D. Petro in cura Eccleſiæ vniuerſalis ſuccedere. Videamus modò quid cōtra id ſoleant aut poſſint etiam hæretici obiicere.

Loco ſuprà citato.

PRINCIPIO, Petrum Romę fuiſſe nedum Romæ mortuum eſſe Velenus quidam & Sebastianus Francus & alij euſdem farinæ hæretici negant: Quin etiam dubitat ea de re Caluinus. Falfum igitur aut certè minus exploratum eſt, quod Romanus Pontifex ſuccedat Petro deſuncto.

Cōſutatio argumentorū, quib⁹ Seliarij cōtem. dunt Rom. Pōr. non eſſe D. Petri ſucceſſorē. ARGVM. I.

Reſpondeo, quòd hoc iſti negent vel in dubium vocent, facere eos ſtultiſſimè atq; pueriliter, cū ſit res omnium hiftoriarum & Patrumⁿ teſtimonio & ipſis Pe-

h Eufeb. lib. 2. cap. 14. & 15. & 25. & lib. 3. ca. 2. & 25. Egeſip. li. 3. de excidio Hieroſoly. ca. 2. Sulpicius li.

O 3

tri

2. hift. Oroſius lib. 7. hift. c. 6. Eutropius lib. item hiftor. 7. Irenæus lib. 3. c. 3. Tertull. li. 4. contra Marcion. & lib. de præſcript. Epiphā. hæreſ. 27. Amb. in orat. contra Auxentium, quæ habetur li. 5. ep. poſt epiſt. 32. Aug. lib. 1. cōtra Iulian. c. 2. & aliàs paſſim. Hieronymus in cata- logo, vbi agit de Diuo Petro, & innumeri alij.

i Lege potissimum Nicolaū Sanderum de visib. Monarchia Eccl. li. 6. c. 10. Horantiū lib. 6. Cathol. locorum, c. 12. Lindan. lib. 4. Panopl. c. 82.

Non sequi, si Petrum non fuisset Roma, Romanū Pontificem non esse ipsius successorem in cura Ecclesiæ vniuersalis.

tri in vrbe vestigiis confirmata. Qua de re quoniam non nisi leuissimas ratiunculas pro suis somniis Sectarij illi afferunt, quæ nemini prudenti persuadent, non opus esse iudico iam à me repeti, quæ sunt ab ¹ aliis sufficienter, vel potius dicam, penè superuacaneè (quis enim sanus de hoc dubitet?) tractata. Huc accedit, quod si maximè dubitari posset, vtrum D. Petrus Romæ fuisset (quæ tamen ipsa dubitatio nihil profectò differret ab insania) adhuc tamen non id haberent Sectarij quod volunt. Nam inde solum sequeretur, non esse Romanum Pontificem successorem D. Petri etiam in cura diœcesis Romanæ (sicut iam ex omnium traditione esse constat) posset tamen adhuc ille Diuo Petro succedere in cura vniuersalis Ecclesiæ, quam potuisset Petrus annectere Romanæ sedi, tamen etsi ille fuisset alibi Episcopus, aut etiam nullius fuisset particularis Ecclesiæ Episcopus. Quemadmodum etiam manens Romæ potuisset alterius diœcesis Episcopo vniuersalem curam Ecclesiæ demandare, si coniunctio illa quidem Romanæ sedis cum successione D. Petri in vniuersalis Ecclesiæ cura non esset de iure diuino.

ARCV. II.

SECVNDVM argumentum est, quod Concilia & Patres veteres, quorum auctoritate vtimur, non de huius temporis Pontificibus loquuntur, cum affirmant illos esse Petri successores legitimos ac proinde in Ecclesia tenere primatum, sed de illis qui priscis temporibus Ecclesiæ Romanæ præfuerunt; Nihil ergo eorum Patrum auctoritas Pontifici Romano præsentī & aliis pro tempore futuris suffragari videtur.

Veterū Patrū testimonia de successione Romanorū Pontificum ad præsentem quoque Pontificem pertinere.

Respondeo, veterum Patrum & Conciliorum testimonia omnino etiam ad hunc præsentem Pontificem Romanum & alios, qui pro tempore, tãquam Petri successores, ab Ecclesia recipientur, pertinere. Nam ratio,

ob

ob quam Patres illi suorum temporum Pontifices Romanos, Petri successores esse agnoscebant, alia propriè non erat, nisi quia illi legitimo modo ab Ecclesia Catholica in locum Petri recipiebantur, in qua re (vt suprà diximus) consistit hæc ratio successionis. Sed hic etiam Pontifex qui nunc est, legitimè item ab eadem Ecclesia in locum D. Petri receptus est, & alij quoq; qui succedèr, similiter (vt pono) recipientur. Ergo huic item Pontifici & futuris, veteres illi Patres testimonium successionis legitimæ perhibuerunt. Quemadmodum simili quoq; Parte VI, ratione suprà cõclusimus, testimonia veterum Patrum, qui congregationem Romanis Põtificibus suis illis temporibus adhærentem legitimam esse Ecclesiam asseruerunt, ad hanc quoque numero congregationem pertinere, quæ Gregorio XIII. Pontifici máximo hodie obtemperat.

TERTIVM argumentum est propriè cõtra hoc ipsum ARGVM. III. quod nunc ponebamus, eos Pontifices Romanos, *De successione Romanorum Pont. à tempore Urbani sexti.* qui antecesserunt, vsque ad præsentem, esse legitimè receptos ab Ecclesia. Etenim à tempore Urbani sexti, qui Gregorio vndecimo demortuo, anno 1378. electus fuit in mense Aprili, vsque ad præsentem Pontificem, nullus videtur legitimè successisse. Nam, vt videre est apud Diuum^a Antoninum, & in initio Concilij Constantiensis, *a 3. p. hist. tit. 22. cap. 2.* eodem anno 1378. in mense Iulio ex Cardinalibus quidam, quòd Pontifici electi mores difficiles non ferrent, Roma discesserunt, & in sequenti mense Septembri elegerunt alium Pontificem, qui nominatus est Clemens septimus. Porro, Urbanus Romæ manebat, Clemens Auennioni. Et vterque suos assecclas habebat. Quod schisma vsque ad annum 1417. quo, vndecimo die mensis Nouembris, Martinus quintus electus est, ita continua

tinua successione utriusque Pontificis, & Cardinalium ab ipsis Creatorum, continuatum est, ut non posset satis dignosci uter illorum esset verus Pontifex. Imò & alius etiam tertius Pontifex anno 1408. accessit, dictus Ioannes vigesimus tertius, quem aliqui Cardinales ex utraque factione ad eam rem designati creârunt, ut refert ^b Turrecremata. Tandem Martinus quintus à Cardinalibus multis ex illis dubiis & schismaticis, anno, ut dictum est, 1417. creatus est in Concilio Constantiensi. Itaque nec præcedentes Pontifices, nec ipse Martinus V. & consequenter neque alij Pontifices posteriores, qui Martino deinceps successerunt, legitimo modo videntur ab Ecclesia recepti. Accedit etiam, quod post Martinum quintum, tempore Eugenij quarti, fuit aliud schisma. Amadeus enim quidam in Concilio Basiliensi, à quibusdam electus est, & vocatus Felix; Is postea Nicolao quinto cessit, à quo & Cardinalis creatus est. Neque tamen videtur satis compertum, uter istorum habuerit maius ius ad Pontificatum, atque ita propter hoc etiam schisma Pontifices illi omnes, qui Nicolao usque ad Pontificem præsentem successerunt, videntur dubij.

Schisma quod fuit in Ecclesia à tempore Urbani VI. usque ad tempus Concilij Constantien. nihil obstat legitimam successione Pontificum.

Respondeo, Tempore illo, quod ab Urbano sexto, usque ad Martinum quintum intercessit, illos sanè Pontifices censi posse legitimè fuisse receptos, qui in huius Urbani locum successiōis serie recepti sunt; alios verò fuisse Schismaticos. Nā de electione ipsius Urbani nō videtur dubitandū, quin fuerit legitima. Qui proinde de modo, rationeque eligendi suos successores, poterat id statuere, quod in illa schismatum difficultate magis expedire iudicabat, donec aliquid aliud, ipso defuncto, Ecclesia ea de re decernendum putaret. Sed siue hi, siue illi, durante eo schismate, fuerint legitimi Pontifices, siue nullus eorum,

eorum, qui in schismate electi sunt, sed tunc sedes quasi vacauerit; nihil hoc quidem interest: modò constet certè ipsum tandem Martinum quintum in Concilio postea Constantiensi legitimo modo receptum fuisse in locum illius Urbani & antecessorum atq; adeò etiam in locum ipsius Diui Petri.

Id autem ita esse, hoc modo probamus. Nam, vt supra dictum est, modus legitimus recipiendi aliquem in Petri successorem ille prorsus est, quem Ecclesia pro ratione temporis & aliarum circumstantiarum præscribit, rectumque esse iudicat; siue is modus præscribatur ab ipso met Pontifice (in quo tanquam in capite residet primaria auctoritas Ecclesiæ, atque adeò eius etiam constituendi modum in electione Pontificis) siue præscribatur ab Ecclesia in Concilio vel aliter decernente; quando sedes quidem Apostolica vacaret, aut illius possessio non esset admodum certa, & graues aliquæ circumstantiæ postularent eligendi modum aliquem extraordinarium; sicut intelligi potest ex his, quæ eruditè Turrecremata scripsit de decem viis sedandi schismata in electione Pontificis. Nunquam enim deest Christus Ecclesiæ suæ, quin in omni casu possit illa ex schismatum difficultatibus emergere, indubitatum, & certum Pontificem pacificè & absq; scandalis recipiendo in D. Petri locum. Nunc certum est, Martinum quintum electum in Concilio Constantiensi fuisse eo modo, qui omnibus circumstantiis illorum temporum consideratis, iudicatus est ab Ecclesia in Concilio tunc congregata optimus. Nam Gregorio duodecimo, qui tum erat Urbani successor, suo iuri (propter Ecclesiæ pacem atq; bonum) cedente, & aliis duobus Antipapis, scilicet Benedicto decimo tertio, & Ioanne vigesimo tertio depositis; omnibus Cardi-

Probat, Martinus quinti electione in Conc. Constant. fuisse legitimam.

Ut colligitur ex multis Canonibus 79. d. & rectè ostendit inter ceteros Caietanus in Apologia de auct. Pont. & Conc. parte 2. c. 22. d. Li. 4. de Eccle. c. 10.

nalibus, qui Concilio quidem interfuerunt, siue illi veri essent siue falsi, & sex præterea ex qualibet natione, qui Concilio interessent, delectis, ius suffragij a&ui & passui datum est, quorum demum suffragiis Martinus quintus est electus. Quæ quidem ratione nihil prudentius tunc temporis, ad tantas schismatum difficultates & scandala sedanda, constitui potuit. Itaq; perspicuum certè est, Martinum quintum, legitimum fuisse Petri successorem, & consequenter etiam alios Pontifices sequentes, quia omnes recepti sunt eo modo, quem habita temporis ratione Ecclesia legitimè præscripsit: quamuis pro ratione temporis modus ille quidem, quo Martinus electus est, fuerit à solito diuersus. Ordinariè autè iam ea ratio seruatur, vt qui à duabus partibus Cardinalium eligitur, ille Pontifex legitimus^e habeatur.

Ex quibus intelligitur, quàm turpiter VViclephus, quem & alij Sectarij sequuntur, errauerit, cùm propositione nona damnata in Concilio Constantiensi asseruit, à tempore Urbani sexti nullum esse recipiendum tanquam Pontificem, sed more Græcorum propriis legibus esse viuendum. Errant isti turpissimè: quoniam viâ ac ratio fuit, ac erit semper in Christi Ecclesia, vt schismate sedato, vnicus, verus, & indubitatus Pontifex ab omnibus agnoscatur. Neq; enim illud schisma, primum fuit in Ecclesia, sed schismata omnino viginti illud præcesserunt, vt^f Turrecremata etiam commemorat. Nec idèò tamen nullus ante Urbanum sextum fuit verus in Ecclesia Pontifex.

Iam verò ad illud, quod in confirmationem eius argumenti de schismate Amadei addebatur, facilis est responsio. Nihil enim huiusmodi casu successio Pontificum dubia redditur, cum^g cõstet Amadeum illum cum suis

^e Vt patet ex tra de electi. cap. licet de euitanda,

^f Lib 4. de Eccl. cap. 9.

^g Lege acta Concilij Cõstant.

fuis electoribus aperte schismaticum fuisse, maxima Ecclesiæ parte Eugenium quartum (legitimum sine cōtro- uersia successorem Martini quinti) & successorem Euge- nij, Nicolaum quintum, pro legitimis Pontificibus co- gnoscēte.

QUARTUM argumentum fieri porro potest contra hoc quod nunc dictum est, eum esse legitimum Petri successorem, quem Ecclesia recipit modo, quem iudicat conuenientissimum. Qui legitimus Petri suc- cessor est, is à Christo Domino certò & infallibiliter ac- cipit supremam in terris potestatem, qualem habuit Pe- trus, vt suprà probatum est. At non semper, qui ab Ec- clesia legitimo modo in locum Petri recipitur, eam po- testatem à Christo Domino accipit. Ergo non illico le- gitimus Petri successor is est, qui ab Ecclesia recipitur modo legitimo. Id patet in casu, quo per errorem elige- retur mulier, quod saltem posse accidere nō admodum dubitare videntur quidam, etsi falsa atque commentitia omnino sit aliòquī historia illa de Ioāne fœmina, vt ^h O- nuphrius demonstraui. Item idem patet, si errore elige- retur infidelis quispiam non baptizatus. Talis enim ali- qua persona non reciperet verè à Christo primariam po- testatem, neq; verè esset Pōtifex, vt ex communi Ortho- doxorum sententia ponit Turrecremata.

Respondeo. Quod dictum est, illum esse legitimum Diui Petri successorem, atque ad eò primariam auctori- tatem à Christo accipere, quem Ecclesia modo legitimo recipit in locum Diui Petri: id non aliter intelligendum est, nisi posito, quòd Ecclesia legitimo modo eum eligat ac recipiat, qui sit aliòquī capax pontificatus. Mulier au- tem & infidelis Pontificatus minimè sunt capaces. Qua- re argumentum hoc non euertit ea, quæ sunt dicta.

ARGVM. IIII.

^h In annotat. ad Platin. Le- ge etiā Alanū Cop. dialog. 2. cap. 8.

Lib. 4 de Eccl. p. 2. c. 20.

A Christo acci- pere primatum quis in Diui Pe- tri successorem elegit, quomo- do intelligen- dum.

SED HINC rursus nascitur alia difficultas, de qua nō inutiliter tractari solet ab ipsis Catholicis Theologis in Scholis. Nam si casus isti, in quibus incapaces Pontificatus eligantur, possibiles sunt; sequitur, non posse nos penitus esse certos; vtrum hic vel ille electus, sit verus Pontifex? Nam licet simus omnino certi, Ecclesiam veram modo cōuenienti, tum ex parte electorum, tum ex parte modi in eligendo, hunc aut illum legitimè recepisse: at dubitare poterimus, vtrum ille baptizatus sit atq; adeò num sit capax Pontificatus. Ita nec poterimus esse certi, omnino de iis, quæ ille tanquam de fide definierit: Eodemq; res recidet atq; si liceret dubitare, vtrum Deus voluerit esse aliquem omnino successorem Petri in Ecclesia perpetuò, qui sit regula fidei & morum, infallibilis. Illud enim idem incommodum, quod ex hac dubitatione sequeretur; videlicet incertitudo eorum, quæ Romanus Pontifex decerneret: perinde sequeretur ex illa etiam dubitatione, vtrum videlicet hic sit verus successor Petri nec ne.

Ad hanc expediendam difficultatem, libenter illud solum responderem, quod multi docti ac pij viri meritò credunt, atq; ipse mihi persuadeo: nempe nunquam futurum, vt incapax eligatur; Deo, ad auertendum ab Ecclesia sua periculum, facilè (vt potest) id prohibente. Sed quia graues etiam Doctores eiusmodi casum tanquam possibilem admittunt; consequenter sanè cōcedendum est ab illis, non ex hoc ipso tantùm, quòd aliquis ab Ecclesia in D. Petri locum electus est, penitus esse certum, quòd is sit verus Pontifex; quandoquidem incapax eius muneris eligi posset, vt admittunt. Cæterùm non inde sequitur illud incommodum, quod obieciabatur, nempe vt necesse sit de certitudine definitionum siue decretorum

Quāvis nō esset certū, enim quod in D. Petri successor electus est, esse verum Pontificem

rorum electi Pontificis dubitare. Hoc, inquam, incommodum dico non sequi, idque ostendimus duplici ratione.

Prima, quia certa fide compertum est, firmum esse ac ratum quicquid circa vniuersam Ecclesiam statuit is, qui existimatur ab omnibus fidelibus Pastor Ecclesiæ vniuersalis; nam illud Ecclesia tota, quæ decipi nequit, tenetur recipere, vt paulò post probabitur. Atqui Pastor vniuersalis ab omnibus fidelibus existimatur, qui ab Ecclesia in locum Diui Petri legitimè est receptus. Igitur si is aliquid erga vniuersam Ecclesiam decernat, à nemine dubitari potest, quin illud sit ratum & firmum: siue id quidem infallibiliter decernat tanquam verus Pontifex, cuius videlicet ministerio Deus, ex certa & ordinaria lege in Ecclesia gubernanda, tanquam instrumento, utatur; siue Deo tantummodo in particulari casu non permittente vt erret, in erroremque adeò inducat vniuersam Ecclesiam, cui se Deus nunquam defuturum promissit. Procedit enim perinde hæc prima ratio, siue concedamus fieri etiam posse, vt falsus Pontifex statuatur aliquid circa vniuersam Ecclesiam, siue id non concedamus, vt concedi reuera non debet, sicut iam iam videbimus.

Secunda ratio, quare non sequatur illud incommodum, quod obiiciebatur, est, quia cum primum is, qui est electus Pontifex, statuit aliquid in fide aut moribus, quod ad vniuersam Ecclesiam pertineat, eo ipso est nobis certum de fide, quòd ille sit Pontifex legitimus, qui à Deo videlicet acceperit potestatem illam iurisdictionis primariam. Quæres autem vnde hæc fidei certitudo tunc eliciatur? Respondeo: ex duabus propositionibus de fide, hoc modo: Quem Christus Dominus in iis, quæ vel ad fidem, vel ad mores, pertinent, ab vniuersa Ecclesia audiri

ificem, minimè tamen propterea de certitudine illius definitionum esset dubitandum.

Quatenus possumus ex fide esse certi quòd is reuera legitimus Pontifex sit, quòd est in D. Petri locum ab Ecclesia receptum.

vult; is verus ac legitimus est Pastor Ecclesiæ vniuersæ. Sed Pontificem ab Ecclesia legitimo modo electum; cū is aliquid ad vniuersam Ecclesiam pertinens in fide aut moribus statuit, audiri vult Christus Dominus ab vniuersa Ecclesia. Ergo verus ille Pastor est vniuersæ Ecclesiæ.

Prior propositio patet ex illis Scripturæ testimoniis, quibus superius probauimus, Christum Dominum super Petrum determinatè & eius successores (quorum vnusquisque, communionem quidem eiusdem auctoritatis, esset in Ecclesia futurus quasi alter Petrus) voluisse vt exurgeret totum ædificium Ecclesiæ. Nam: *Super te*, inquit, *ædificabo Ecclesiam meam*. Et: *Pasce* (tu Petre) *oves meas*. Et: *Tu aliquando conuersus confirma fratres tuos*. Quarum certè sententiarum ea vis est, vt per neminem alium hominem singularem, nisi qui communionem eiusdem auctoritatis reuera sit tanquam ipse Petrus, quique præceptum illud pascendi oves Christi vniuersas habeat, Ecclesiam regi, hoc est, obligariam ad recipiendum fidei & morum instituta, quibus illius ædificium continetur, intelligere debeamus. Ideò enim cæteris Apostolis præteritis solum Petrum ex nomine toties tamque singulariter Christus, dum eam illi auctoritatem vel promitteret vel tribueret compellauit, vt ea re clarè significaret, per neminem alium hominē singularem, velle se spiritu suo sancto ita instruere Ecclesiam, sicut per Petrum, & eos, qui in eadem auctoritate, tanquam ipse Petrus, futuri essent, vt suprà disputatum est.

Iam probatur illa altera propositio posterior: nempe velle Christum, vt is in rebus fidei atque morum ab vniuersa Ecclesia audiat, qui ab Ecclesia est legitimè in Pontificem electus. Nam cū in Scriptura datur præceptum

Matth. 16.

Ioan. 21.

Lucæ 22.

ptum subditis, vt *Præpositos suos audiant*; de iis Præpositis omnino sermo est, quos subditi suos esse Præpositos agnoscunt & pro talibus habent; alioquin frustra prorsus id præciperetur. Quare certum ex fide est, velle Christum, vt quem Ecclesia vniuersa Pastorem suum esse agnoscit, eum de rebus fidei & morum docentem audiat. Agnoscit autem omnino eum esse suum Pastorem, quem ipsa legitimè elegit ac recepit. Hunc igitur ex Christi voluntate tenetur audire. Certa igitur ex fide est quoque posterior illa propositio. Atque ita patet, conclusionem etiam, quam ex vtraque propositione deduximus, certam ex fide esse: videlicet, electum legitimè in Pontificem, posteaque aliquid erga vniuersam Ecclesiam definientem, verum esse Pontificem: ac proinde minimè de certitudine illius decretorum esse dubitandum.

Ex quibus rebus consequitur, si quis forrè in Pontificem, huius auctoritatis incapax (quod minimè vereor futurum) eligeretur, nunquam tamen fore, vt is aliquid erga vniuersam Ecclesiam decerneret, sed vel discederet è vita, priusquam ad id ventum esset, vel illius certè vitium & incapacitas Deo prouidente detegeretur. Neque verò hoc foret aliquod miraculum, sed quiddam omnino consequens ex ordinaria illa Christi lege, qua is voluit Ecclesiam suam vniuersam non per ministerium alicuius alterius hominis singularis, præterquam legitimi Pastoris, gubernare.

Erga particularem verò Ecclesiam aliquam, aut aliquas etiam personas, non esset vsque adeò incommodum concedere, posse aliquid statuere eum, qui verus non esset Pontifex. Quo casu Deus per se (sicut in similibus casibus piè credi posse, notat ex sententia D. Thomæ & aliorum Theologorum Turrecremata) suppleret, ad aliorum

Hebr. 13:

Si quis incapax Pontificatus in Pontificem eligetur, nunquam aliquid statueret erga Ecclesiam vniuersam: & vnde id probetur.

Lib. 4. de Eccl. p. 1. cap. 20.

aliorum videlicet necessarias vtilitates, ministerium Pastoris veri. Vt confirmando per se (exempli causa) eos Episcopos, quos ille Pontifex confirmasse verè putaretur.

Sed quæret hîc aliquis: cuiusmodi debeat esse illud, ad vniuersalem Ecclesiam pertinens, quod cùm Pontifex statuit, intelligitur sine vlla dubitatione esse verus Pontifex. Nam si opus est, vt aliquid circa fidem definiat; cùm eiusmodi definitiones à paucis Pontificibus & rarò fiant; rarò etiam ex fide constabit, aliquem esse Pontificem verum.

Quandiu Pontifex nihil circa Ecclesiam vniuersam statuit, nō esse incommodum, si nō etiam ex fide cūctet ipsum esse reuera legitimum Pont.

Respondeo primò, quandiu Pontifex quidem nihil erga vniuersam Ecclesiam statuit, nihil vel parum admodum imminere periculi, si diu aut etiam omnino non constaret ex fide, illum esse verum Pontificem, sed certitudine tantum morali. Plus enim quiddam est, sedem Apostolicam omnino vacare, quàm non prorsus ex fide constare, num is, qui in ea præsidet, legitime ac verè præsideat. Et tamen vacat quandoque sine magno Ecclesiæ incommodo sedes Apostolica aliquandiu. Minus igitur incommodum erit, si is qui in ea præsidet, morali tantum certitudine existimetur ritè præsidere, non autem indubitata fide.

Ex qualibus decretis Pont. circa vniuersam Ecclesiam, colligi ceriò possit, idum esse legitimum Pont.

Deinde dicimus, non modò ex definitione fidei, sed etiam ex aliqua institutione circa mores, ad vniuersam Ecclesiam pertinente (quales sæpè fiunt à Pontificibus) colligi posse de fide, quòd aliquis sit verus Pontifex. Imò etiam ex dispensatione Thesauri Ecclesiæ per generalem indulgentiam siue iubilæum. Nec enim his etiam modis Christus Ecclesiæ suæ prospicit, alterius ministerio præterquam veri Pastoris. Quare non ita rarò accedit, vt per fidem constet de vero Pontifice.

POSTRE-

POSTREMO à nobis illud breuiter refellendum est, quod vaniloqui hæretici obiiciunt, aliquos Romanos Pontifices à nonnullis principibus aut etiam ab aliis grauius viris vehementius quandoque reprehensos fuisse, atque etiam eo loco habitos, quasi non Petri successores & Christi Vicarij, sed Antichristi essent. Quo in calumnie genere eò etiam nostri Aduersarij processerunt impudentiæ, vt eam communem fuisse Ecclesiæ existimationem de Pontificibus Romanis suadere quidam vanissimè & mendacissimè conentur. Sed cum hanc de Antichristo contumeliam varij Theologi, nec ita pridem, doctissimè refutârint; & quo loco Romanus Pontifex in Ecclesia semper sit habitus ex allatis suprâ testimoniis aduersus istorum vanitatem, satis superque iam constet; breuiter iam pro instituto nostro respondemus: Si qui ex Orthodoxis acrius aliquando in Romanum Pontificem inuecti sunt, ij non ad locum & auctoritatem, sed ad priuata vitia personæ, seu conficta, seu vera, respexerunt. Quod nobis nihil sanè obstat. Nec enim, vt illi sedi auctoritas sua constet, defendi necesse est, omnes & singulos, qui in ea sederunt, fuisse innocentissimos.

Quin imò Schismaticis istis Romanorum Pontificum obtreccatoribus, qui mendacijs ferè *diaboli voce confictis aduersus sacerdotes Dei* (vt de sui temporis hæreticis grauissimis verbis scripsit Cyprianus) *Catholica unitatis concordiam rumpere conantur*, fidenter idem respondemus, quod ad similes criminationes (sunt enim omnes hæretici, quod ad odium sedis Apostolicæ attinet, similes) olim respondit Diuus Augustinus Donatistis hæreticis. *Cathedra* (inquit) *tibi quid fecit Ecclesia Romana? in qua Petrus sedit, & in qua hodie Anastasius* (dicamns nos, Gregorius) *sedet, quibus nos in Catholica unitate cōnectimur,*

Lege præsertim Sanderū, toto l. 8. de v. sib. Monarch. Eccles. Item Michaëlem Agerum Friburgensem, de eodem argumento, contra Herbrandum.

Criminationibus hæreticorū, in Rom. Pont. quomodo respōdendum. Lib. 2. contra litt. Petilianī, cap. 51.

Matth. 23,

& à qua vos nefario furore separastis. Quare appellas Cathedram pestilentiae, Cathedram Apostolicam? Si propter homines, quos putas legem loqui & non facere: nunquid Dominus Iesus Christus propter Phariseos, de quibus dixit: Dicunt enim & non faciunt; Cathedra in qua sedebant, ullam iniuriam fecit? Nonne illam Cathedram Moysi commendauit, & illos tamen, seruato Cathedra honore, redarguit? Ait enim: Super Cathedram Moysi sedent, qua dicunt, facite, qua autem faciunt, facere nolite. Dicunt enim & non faciunt. Hac si cogitaretis (nonne Sectarios hodie etiam alloqui videtur?) non propter homines, quos infamatis, blasphemaretis Cathedram Apostolicam, cui non communicatis. Tum etiam idem Augustinus: Cum tales (Pharisei) sederint super Cathedram Moysi, cui Dominus honorem seruauit: quare vos propter eos, quos istis siue iuste, siue iniuste comparatis, Cathedram Apostolicam blasphematis? Hæc Augustinus. Quæ à nobis hoc tempore similiter, aduersus Sectariorum maledicta in Romanos Pontifices, iure optimo vsurpantur.

Lib. 2. contra
Iitt. Petil. cap.
72.

Lib. 4. Regist.
cp 32.

Ex quo etiam intelligi potest, qua ratione & illud accipi debeat, quod D. Gregorium scripsisse legimus: *Antichristi præcurforem esse, quisquis se, contemptis reliquis, Episcopum vniuersalem appellare audeat.* Non enim locum ipsum & dignitatem vniuersalis Episcopi Gregorius exagitat, sed superbiam & arrogantiam in eo nomine temere vsurpando. Quod vitium iure optimo in illo Ioanne Constantinopolitano, schismaticè primatum affectante, aduersus quem Gregorius eo loco scribebat, reprehendere potuit. Ac sanè maximam esse Sectariorum vanitatem, quòd illud etiam Gregorij dictum aduersus Pontificis Romani primatum obiicere soleant, ex ea re perspicuum est, quòd in eo ipso loco, vbi Gregorius vocabulum illud exagitat, simul etiam Petri primatum, cuius

*Redarguitur
vanitas Secta-
riorum quòd
D. Gregorij re-
sponso con-
tinetur oppug-
nari
Rom. Pont. pri-
matum.*

cuius ipse successorem se profitetur, agnoscit, ac luculenter asserit. *Cunctis*, inquit, *Euangelium scientibus liquet, quod voce Dominica, sancto & omnium Apostolorum principi Petro, totius Ecclesiae cura commissæ est, &c.* Et infra vocabulum etiam ipsum vniuersalis Episcopi Romano Pōtifici à Chalcedonensi Synodo delatum esse memorat; quamuis illud Pontifex modestè detrectauerit. *Certè*, inquit, *pro beati Petri Apostolorum principis honore, per venerandam Chalcedonensem Synodum Romano Pontifici oblatum est* (nomen vniuersalis.) Idem alibi scribens ad illum ipsum Ioannem: *Nunquid non, sicut vestra sanctitas nouit, per venerandum Chalcedonense Concilium huius Apostolicae sedis Antistites, cui, Deo disponente, deseruio, vniuersales, oblato honore, vocati sunt?*

Tria igitur à nobis hætenus probata atque defensa sunt, ex quibus certissimè cōcludimus, Romanum Pontificem suprema in Ecclesia auctoritate ad constituendum infallibiliter de rebus fidei & morum præditum esse. Primò, auctoritatem eiusmodi Diuo Petro à Christo tributam esse. Secundò, non Petro solum, sed eius etiam vsque in seculi finem legitimis successoribus eam à Christo auctoritatem tribui. Tertiò, Romanos omnino Pontifices esse in eo genere legitimos Diui Petri successores. Quare manet profectò Romanum Pontificem pro tempore existentem cum esse, cui tanquam successori D. Petri, vniuersalis Ecclesiæ cura, quod ad fidem moresque spectat, commissæ sit, & in quo proinde de quæstionibus omnibus fidei decernendi auctoritas resideat.





ANALYSIS

FIDEI CATHO-

LICAE, &c.

PARS OCTAVA.

QUOTIESCVNQVE
ROMANVS PONTIFEX, IN FI-

*dei quaestionibus definiendis, illa quæ est prædi-
tus auctoritate utitur; ab omnibus fidelibus, tanquam doctrina
fidei recipi diuino præcepto debet ea sententia, quam ille decernis
esse sententiam fidei. Toties autem ea ipsum auctoritate uti cre-
dendum est, quoties in controuersia fidei sic alterutram
sententiam determinat, ut ad eam recipien-
dam obligare velit uniuersam
Ecclesiam.*



PRIOR huius assertionis pars fa-
cilè probatur ex his quæ hætenus sunt
constituta. Nam si D. Petro, tanquam uni-
uersali Ecclesiæ Pastori, Christus auctori-
tatem tribuit, infallibiliter constituendi
de quaestionibus fidei: & hæc eadem auctoritas Romanis
Pontificibus D. Petri successoribus diuinitus confertur
(quæ duo hætenus à nobis confirmata sunt) dubitari non
potest, quin etiam Christi oues teneantur tunc saluta-
rem pastum doctrinæ fidei acceptare, cum usu illius au-
toritatis à Romanis Pontificibus ipsis ostēditur. Omnes
enim in primis hanc obedientiam suo Pastori atque Præ-
posito

*Ab omnibus ex
præcepto diui-
no recipi oport-
ere quod pri-
maria in Ec-
clesia auctori-
tate, quam Ro-
manus Pont.
tanquam D.
Petri successor
habet, desumsit.*

posito debent, vt si quid ille in quæstionibus fidei infallibiliter verum tradiderit, id sibi verissimum esse persuadeant, nec possint assentiri contrario.

Ac nisi eiusmodi auctoritatem docendi Christus Domino Petro (atq; ad eò etiā successoribus eius) attribuisset, sanè quidē nec absolutam curam pascendi Dominicum gregem Petrus suscepisset (cūm pascatur ille in primis veritate doctrinæ) neq; omnino clauēs regni cœlorum accepisset, cūm aperiantur in primis cœli vera doctrina fidei, *sine qua impossibile est placere Deo.*

Huc apertissimè quoq; spectat illud Christi: *Ego, inquit, rogavi pro te, vt non deficiat fides tua. Et tu, aliquando conuersus, confirma fratres tuos.* Quod rectè in primis ad officium docendi sancti Patres referunt. Hoc & ipse Petrus etiā illis verbis testatus est: *Viri fratres, inquit, vos scitis, quoniam ab antiquis diebus elegit Deus per os meum audire gentes Euangelium & credere.* Atq; eam etiā D. Petri auctoritatem D. Ambrosius pulchrè colligit, ea re à Christo significatam esse, quod aliis Apostolis præsentibus soli tamen Petro dixit: *Duc in altum, id est, in profundum disputationum.* De quo multa etiā superiùs à nobis dicta sunt, & multa quoq; disputantur eruditè tum ab aliis scriptoribus, tum præcipuè à Ioanne Turrecremata.

Cūm igitur constet, id ab omnibus in materia fidei recipi debere, quod Romanus Pōtifex D. Petri successor vtens ea docendi auctoritate, qua est præditus, infallibiliter tradit; altera nunc pars assertionis à nobis confirmanda est, nempe toties Romanum Pontificem illa docendi auctoritate vti, hoc est, infallibiliter Spiritu sancto assistēte docere, quoties de rebus fidei cōtrouersis alterutram sententiam ita determinat, vt ad eam recipiendam

Auctoritatem D. Petro et successoribus data. in primis Galere ad definiendum infallibiliter de fide.

Hebr. 11.

Luc. 22.

Actor. 15.

In cap. 5. Luc.

Luc. 5.
Circa locum præsertim Matth. 16. pro D. Petri primatu.
Lib. 2. de Eccl. cap. 107.

obligare velit vniuersam Ecclesiam. Nisi enim etiam de hoc constet, dubitare liceret, num ob eam rem fortassis Pontificis definitio in fidei quæstionibus falsa sit, quod non sit in definiendo vsus illa infallibili auctoritate docendi, qua est præditus.

Id autem vt probemus, distinguendi modi sunt, quibus potest contingere, Pontificem aliquid asserere. Primum enim potest sibi persuadere aut asserere aliquid, vt priuata persona quædam vel Doctor alius quispiam. Vt, si nollet Ecclesiam vniuersam ad recipiendam suam assertionem obligare, sed tantum sententiam ipse suam reputaret veram. Hoc modo Innocentius tertius & nonnulli alij Pontifices opuscula varia ediderunt. Ac illa quidem, quæ sic Pontifex asseuerat, communis sententia omnium Theologorum est, non oportere esse omnia vera & infallibilia, quasi à Pontificia auctoritate profecta. Quin imò à plerisque auctoribus conceditur, fieri posse, vt Pontifex tanquam quædam priuata persona in hæresim labatur.

Quod & quandoque euenisse, ex sexta & septima Synodo generali, itemque ex nonnullis ^a Pontificum epistolis nonnulli colligunt, in quibus commemoratur, Honorium Pontificem, defunctum, cōdemnatum esse, tanquam fuerit errore Eutychetis, de vna voluntate & operatione Christi, infectus. Et quanquam ^b Albertus Pycgius Campensis, & ante eum Ioannes à ^c Turrecremata, piè conentur hunc Pontificem (sicut & nonnullos alios, de quibus minor difficultas est) à nota hæresis vindicare, defendantque, cum aut omnino damnatum ab Ecclesia non fuisse, aut non nisi secundum falso allegata & probata fuisse damnatum: tamen (quidquid de ea quæstione, particularis facti, statuatur) videtur saltem in illis Cō-

ciliis

*Roman. Pont.
dupliciter ali-
quid docere
potest.*

^a Adriani, vt habetur in octaua Synodo, actio. 7. & Agathonis, vt in sexta Synodo, act. 4.
^b Lib. 4. Ecclesiast. hierarch. c. 8.
^c Lib. 2. de Eccles. c. 93.

ciliis & epistolis Pontificum, atque etiam in Concilio quinto^d Romano, admitti tanquam possibilis eiusmodi casus, quo scilicet Romanus Pontifex in hæresim priuatim labatur.

d Sub Symacho, Can. 3.

Secundo modo potest Pontifex aliquid asserere obligando vniuersam Ecclesiam, vt illud recipiat, nec quispam audeat sibi persuadere contrarium. Et quæcunq; Pontifex in aliqua de religione controuersia sic asserit, certa fide credendum est, illum infallibiliter, ac proinde ex auctoritate Pontificia, hoc est, ex diuina assistentia, id asserere.

Atq; hoc ipsum est, quod ponimus in secunda parte illius nostræ assertionis. Quæ sic probatur: Quidquid eo modo Pontifex determinat, id sine cōtradictione Ecclesia vniuersa tenetur recipere. Sed quidquid Ecclesia vniuersa, vno aliquo homine docente, tenetur recipere, id est veritas infallibilis, quam Spiritus sanctus ministerio legitimi Pastoris illi suggerit. Ergo quidquid eo modo Pontifex determinat, id suggerente Spiritu sancto, tanquam legitimus Pastor, ac proinde ex Pontificia auctoritate infallibiliter determinat. Maior propositio probatur. Nam cum Christus dedit Petro & successoribus (vt superius probatum est) auctoritatem regendi totum Ecclesiæ ouile, atq; adeò illud pascendi verbo doctrinæ; dubium non est, quin etiam oues vniuersas obligarit, ad sui Pastoris atq; Præpositi vocem audiendam: idq; tunc præcipuè cum Pastoris cura & ducatus maxime illis necessarius est, videlicet in rebus de fide ac religione controuersis. Quin imò, Diuum Petrum habuisse & successores eius Romanos Pontifices nunc habere potestatem à Christo cum auctoritate docendi vniuersam Ecclesiam (quod abundè superiore assertionem probatum est)

Quidquid in controuersia fides Pontifex determinat, ex auctoritate sibi à Christo tributa determinatur.

est) hoc ipsum sanè est, ita docendi munus illis commissum à Christo esse, vt eorum vocem audire vniuersi fideles teneantur. Quod præclarè intelligens Diuus^c Cyprianus, verissimè illud scriptum reliquit: *Non aliunde hæreses oriri, quàm quòd sacerdoti Dei nō obtemperatur, nec vnus in Ecclesia ad tempus sacerdos, & ad tempus iudex vice Christi cogitatur.* Vt iam cætera testimonia veterū duabus præcedentibus assertionibus pro Diui Petri & successorum auctoritate citata, non repetam. Certa est igitur illa propositio maior. Minor autem eiusdem argumenti propositio patet certè ex promissionibus diuinis, quas habet Ecclesia de doctrinæ veritate certissimas, ne vnquam tota in errorem induci possit, sicut suprà in loco de vera Ecclesia^f vidimus; itemq; ex Scripturæ testimoniis suprà in præcedente assertionem allatis, quibus sanè constat, lege ordinaria Spiritum sanctum, non per aliquem alium hominem singularem, veritatem suggerere vniuersæ Ecclesiæ (cum obligatione acceptandi) nisi per legitimum Pastorem, cui nimirum traditæ sunt oues Christi pascendæ; & super quem est ædificata ipsa Ecclesia. Ac sanè instar petræ firmissimas, maximeq; infallibiles eiusmodi Pontificum Romanorum definitiones esse, passim est à sanctis Patribus & Conciliis cōstitutum, vt videre est in plerisque^g testimoniis ex iis, quæ suprà nō paruo numero pro primatu Petri & successorum citauimus. Prorsus vt iure ac meritò Leo decimus, articulum etiam Lutheri vigesimum octauum damnauerit, qui continebat non obstante determinatione Pontificis posse quempiam contra eam sentire.

CÆTERVM vt magis etiam huiusmodi assertio confirmetur, nonnullæ iam expediendæ sunt hoc in loco difficultates. Quod faciam breuiter ad ea ipsa respondendo,

^c Lib. I. epistol. 3.

^f Circapropriet. VII.

^g Præsertim in iis, quæ allata sunt ex antiquis Conciliis & Pontificis & aliis circa locum Matt. 16. Luc. 22. & Ioan. 21. suprà parte præcedenti.

In Bulla dñi. Lutheri. Ac eandem propositionem tanquam hæreticam dñauit Sixtus IIII. in Concil. Complut. cōtra Petrum quendam Oxoniensem.

do, quæ, contra constituta hæcenus de Pontificis auctoritate infallibili, opponi possunt. Potest autem opponi primò, quod non satis compertum esse videatur, vtrum Pontifex in canonizatione Sanctorum errare nequeat. Cum enim ille testimoniis hominum & probatione necessariò in ea re nitatur; vt hoc testimonium fallibile est, sic videtur Pontifex falsò posse pronunciare, aliquem reuera esse sanctum. Item in approbandis Religionibus similiter errare posse videtur. Nam ex iure Canonico constat, aliquas Religiones prius approbatas, postmodum improbatas & explosas esse, vt patet in libro sexto Decretaliũ, Titulo de religiosis domibus, capite vnico, & in Extrauaganti Sancta Romana, quæ est Ioannis 22. Non igitur ea, quæ Pontifex determinat, omnia sunt infallibilia.

Obiectio I. contra præcedens assertionem.

Respondeo. Non est negandum, quin quod dictum est de infallibili certitudine definitionum Pontificis, in primis locum habeat in iis, quæ Pontifex ad doctrinæ controuersias finendas, erroresq; exterminandos, fidelibus proponit, tanquam à Deo reuelata & credenda ex fide. Cæterum quoniam Pastorem suum semper audire tenetur Ecclesia, quam diuina Scriptura absolutè prædicat, *columnam esse & firmamentum veritatis*, ideoq; nunquam errare tota potest, dubium esse non debet, quin in aliis quoq; rebus omnibus asserendis, quæ ad pietatem spectent, & Ecclesiam totam concernant, infallibilis sit Pontificis auctoritas. Neq; sanè arbitror, hoc absq; errore negari posse. Vt enim aliis omnibus Ecclesiæ Ministris, ita etiam in primis summo Ecclesiæ Pastori potestas auctoritasque sui muneris ad ea, quæ pertineant ad Ecclesiæ *edificationem*, attributa est. Talia autem cum sint quæcunq; spectant ad pietatem, dubitari non de-

Responsio ad I. obiectiōem.

I. Tim. 3.

Pontifici auctoritatem in omnibus omnino, quæ ad pietatem spectant, esse infallibilem.

bet, quin in iis constituendis Pontifex officio suo fungatur. Cumque in usu sui muneris ille, si quid pro Ecclesia vniuersa statuit, errare (vt antea probatum est) non possit: sit vt in omnibus, quæ ad pietatem religionemque spectent, illius auctoritas (quemadmodum dixi) sit infallibilis.

Non posse Pontificem errare in canonizatione Sanctorum.

Itaque quod ad canonizationem Sanctorum attinet, omnino nego id, quod communiter Doctores Catholici iure optimo negant, videlicet posse Pontificem hac in parte errare. Quamuis enim testimonia, quæ pro alicuius hominis sanctitate afferuntur, sint humana, ideoque natura sua fallibilia: tamen posito quod Pontifex illis inducatur tandem ad pronunciandum quempiam sanctum atque beatum iam esse, certa fide credendum est, testimonia illa (quatenus in genere saltem probant pie atque sancte quenquam ex hac vita excessisse) vera esse, & hominem eiusmodi ex eorum esse numero, quos reuelationibus Scripturæ generalibus in communi constat, diuinæ gratiæ beneficio consequi æternæ vitæ beatitudinem.

Sanctum canonizatum, esse in cælis, ex quibus Scriptura reuelationibus, & quomodo constet.

Quæ sanè certitudo iisdem illis Dei promissionibus nititur, ex quibus compertum habemus, nunquam esse futurum, vt vniuersa Ecclesia in rebus Religionis fallatur. Falleretur autem grauiter in negotio Religionis, si Sanctum reputaretur, ac pro tali veneraretur cum qui Sanctus non est. Hic autem illud, quod aliàs ab Orthodoxis probatum atque defensum est, tanquam ex fide certum pono, nempe rem esse omnino, quæ ad Ecclesiæ ædificationem, adeoque ad officium Pontificis pertineat, vt Sancti quidam aliquando canonizentur: ac proinde vniuersam Ecclesiam debere, vt Sanctum venerari illum, quem summus Pontifex numero Sanctorum ad-

scribit;

scribit; sicut etiam usus ipse perpetuus atq; traditio Ecclesiæ confirmat. Qua de re videri plura possunt apud ^a Thomam V Valdensē, & ^b Alfosum à Castro, itemq; apud Diuum ^c Thomam.

Ad aliud quod de Religionum approbatione in argumento obiiciebatur, ita respondeo. Cū Pontifex Religionem aliquam, hoc est, certum aliquod vitæ institutum approbat, duo in eiusmodi facto Pontificis considerari debent. Vnum est in ipsa definitione Pontificis atque iudicio positum: nimirum quod is asseuerat, institutum illud vitæ malum non esse, sed Euangelicæ potius perfectioni omnino consentaneum. Alterum verò spectat ad quandam Pontificis prudentiam in gubernando: nempe quod tali vitæ instituto suum quandam in Ecclesia concedit locum.

Iam in primo illo quidem nullo modo Pontifex errare potest. Deciperetur enim tunc Ecclesia tota non parum, si is illi hominum ordo eaq; Religio à Pontifice commendaretur vt sancta, quæ non esset sancta, sed profana potius ac perperam instituta. Quocirca in Concilio Constantiensi damnatur vltimo loco error quidam VVicleffi impudentissimè asserentis, omnes Religiones indifferenter esse introductas à diabolo. Neq; ob aliam certè rationem hic error damnatur, nisi quia multæ sunt Religiones per sedem Apostolicam approbatæ. Quare prorsus errare cōsendusest is, qui hanc vel illam Religionem, à sede Apostolica approbatam, diceret esse aut malam aut pugnantem cum doctrina Euangelij.

Quod verò attinet ad Pontificis prudentiā in admittēda hac vel illa Religione, quibusdam sanè visum est, errari posse à Pontifice, sic vt Religionem aliquam admittat, quam circumstātiis omnib⁹ spectatis oportuisset relicere.

^a Tom. 1. de Sacramental. c. 122. & deinceps.

^b L. 1. de iusta hæret. puniti, cap. 6.

^c Quodlib. 9. ar. 16.

In approbatione alicuius Religionis duo spectanda.

1.

2.

In approbatione Religionis Pontifex errare non potest.

Sessio 8.

Sed ea tamen opinio iure ac meritò reprehenditur. Neq; enim debet vlllo modo concedi, posse Pontificem vniuersam Ecclesiam ad rem aliquam obligare, quæ ipsa tamen non ad ædificationem, sed ad destructionem (quacunq; tandem ratione) pertineat Ecclesiæ, vt satis superque iam ex dictis intelligi potest. At cùm Pōtifex locum cōcedit in Ecclesia alicui Religioni; certè vniuersam Ecclesiam eatenus etiam ea re obstringit & obligat, vt nequeat illa obistere, quo minus talis Ordinis Religiosi inter fideles ipsos versari possint. Hoc igitur si incōmodum ipsi Ecclesiæ esse posset, iam illam Pontifex, ad rem obligaret, quæ non ad fidelium ædificationem spectaret, sed ad destructionem potius. Et tamen quoniam & rerum & temporum & personarum circumstantiæ sæpe mutantur, concedendum nihilominus est euenire posse, vt quæ Religio prius bene ac prudenter approbata, atque recepta fuit, postea item bene ac prudenter reiciatur.

*Quare Religio
mes aliqua in
Ecclesia prius
probata, postea
reiecta sint.*

Quod igitur in argumento obiiciebatur, Religiones quasdam antea probatas, postea explosas esse, id non ita factum est, quasi aliquando fuerit probata Religio, quæ esset malè ac imprudenter instituta: sed quòd postea progressu temporis visum fuerit, magis ad ædificationem Ecclesiæ conuenire, vt ex Religionibus antè probatis quædam exploderentur. Cauenda autem in hoc genere præsumptio atq; temeritas est in arrogando sibi iudicio, quòd Pontifex in hac aut illa Religione prius admittenda vel post retinenda & fouenda minus faciat cōuenienter. Non enim ad quosunque pertinet hoc iudicium, sed ad Pontificem tantùm, vel ad eos, quorum ille opera vtitur in iis rebus instituendis, quæ ad commune Ecclesiæ bonum spectant. Qua sanè in re dicendi liber.

*Iudicium, vtrū
expediat reti-
nere aliquā Re-
ligionem, non
pertinere ad
quemuis.*

libertas auctoris cuiusdam & Catholici alioquî & benè cruditi, meritò ab aliis est notata atque reprehensa.

SED DICET modò aliquis: Si certum infallibiliter est, hominem illum in cœlis esse, quem Pontifex canonizat: Item illud Religionis institutum Euangelio consentaneum esse, quod ipse approbat: erit igitur fidei assensus ille, quo nobis Sanctum aliquem in cœlis esse, & Religionem aliquam esse benè institutam, persuademus. Quod si ita est, primùm oportebit reuelationem aliquam assignare diuinam, qua eiusmodi veritas contineatur, id quod videtur difficile. Deinde falsum erit, quod Theologi tradunt, nunquam aliquid per Pontificis definitionem fieri nobis ex fide certum, quod sit omnino nouum, hoc est, quod fuerit Apostolis ac veteribus Patribus incognitum. Quid enim Apostoli de Diui Francisci (v.g.) & Ordinis ab ipso instituti sanctitate nouissent? Postremò ex ea re sequetur, hæreticum esse eum, qui neget Diuum Franciscum (v.g.) esse in cœlo; at talis à Doctoribus hæreticus non putatur apertè, vt videre est nominatim apud Melchiorem Canum.

Hæc paucis expediri possunt. Quod enim ad reuelationem attinet, dico satis esse in proposito generalem illam, qua constat, quidquid Pontifex determinat ad vniuersam Ecclesiam pertinens: id esse verissimum. Item ad Sanctos canonizatos illæ etiam (vt suprâ attrigi) reuelationes Scripturæ pertineat, quibus generatim iis, qui piè viuunt, beatitudo cœlestis promittitur. Per determinationem enim Pontificis cognoscimus, Sanctum canonizatum in eiusmodi propositionibus Scripturæ vniuersalibus contineri: atque ita possumus sanè propter illas, fidei assensum elicere, quo nobis persuadeamus eiusmodi Sanctum æternam beatitudinem adeptum esse.

Obiectio, quid non sit fidei assensus ille, quo creditur, Sanctum canonizatum, esse in cœlis; & religionem approbatam, consentaneam esse Euangelio.

Lib. 5. de locis cap. 5.

Responsio ad eam obiectionem.

Nihil in Ecclesia in fide nouū definiri, quomodo intelligendum.

Iam quod de nouitate assensus fidei obiiciebatur, id nec incommodum habet vllum, neque doctrinæ Theologorum repugnat. Etenim cū illi aiunt, nullam fidei veritatem nouam in Ecclesia definiri; id intelligunt de veritate dogmatum, quæ controuerti possint circa nostræ Religionis capita: vt circa Deum, circa Sacramenta, & similia. Nihil autem obstat, quo minus de particularibus & contingentibus materiis, quales sunt illæ in nostro proposito, aliquid per definitionem Pontificis innotescere nobis denouo possit. Quod sanè potest confirmari hoc exemplo. Communiter enim dici solet, eum qui debita cum intentione infantem baptizat, credere ex fide debere (propter reuelationem Scripturæ ea de re vniuersalem) talem infantem esse in gratia. Quod ipsum tamen ab Apostolis certè non fuit ita determinatè de eiusmodi infante creditum.

Quis propriè sit hæreticus.

Canus lib. 5. de loc. Theolog. c. 5. & alij.

Ad illud autem, quod obiiciebatur postremò, negari debet illa consequentia. Non enim est hæreticus, quicumque negat aliquid, quod reuera pugnat cum sententia fidei, sed is qui negat, quod scit vel debet scire esse contra sententiam ab Ecclesia, tanquam de fide, sine vlla apud Orthodoxos controuersia, traditam. Non est autem ita prorsus ab Ecclesia tradita hæc doctrina, qua ponimus, Pontificem non posse etiam errare in canonizatione Sanctorum, & proinde ex fide credi Sanctum canonizatum esse in cælo: Sed cū Theologi nonnulli sentiant, certum quidem esse, non posse in eo genere Pontificem errare; non esse id autem certum ex fide: opinamur nos sanè, id etiam verè esse certum de fide propter promissiones factas Ecclesiæ de omni veritate, quæ ad illius ædificationem spectet. Et consequenter etiam putamus, vel hoc ipso ab Ecclesia id esse nobis propositum, quod
propo-

proponit nobis Scripturas, in quibus sunt tales promissiones. Id quod nobis quidem satis est, ut conemur ipsi elicere assensum fidei circa eiusmodi veritatem; atque adeò etiam cum omnino eliciamus, si nostra sententia, quemadmodum existimamus, est vera.

Alij autem, cum non teneantur quidem sibi persuadere, veritatem eiusmodi ex fide esse certam; non illico sunt hæretici, si eam negent; quandiu Ecclesia quidem non apertè declarat, certam illam ex fide esse. Sed essent tamen illi sine controuersia temerarij & scandalosi, atq; adeò digni qui ab Ecclesia puniantur, ut rectè notat Melchior Canus. Atque hætenus de iis, quæ primo loco aduersus certitudinem definitionum summi Pontificis opponebantur.

Lib. 5. ca. 5. supra citat.

SECUNDO opponi potest, quòd aliquorum Patrum scripta ab Ecclesia sunt approbata, ut Cypriani, Chrysostomi, Gregorij Nazianzeni, Basilij & Ambrosij, quæ approbantur à ^a Gelasio Papa, neque tamen omnes istorum Patrum sententiæ, infallibiles existimantur. Non igitur quidquid Pontifex decernit verum esse, id infallibiliter verum est.

Obiectio II.

a 15. d. Can. Sancta Romana.

Respondeo breuiter, Pontificem eiusmodi approbatione non vtique decernere verum esse, quicquid illi Patres scripserunt; solum affirmat, illos benè atque vtiliter, addo etiã sanè de Religione scripsisse; sed ut homines tamen, qui non ita fuerint spiritu Dei præditi, sicut fuerunt scriptores Canonici, quique proinde in illis rebus, quæ suo tempore non erant adeò expressè de fide, errare interdum potuerunt. Qua de re eruditè mihi scripsisse videtur ^b Canus.

Scripta quorundam Patrum quomodo sint probata ab Ecclesia.

b Lib. 7. de locis Theol. c. 3. concl. 2.

TERCIO mouere fortè potest, quod nonnulli scriptores Catholici negauerunt, oportere verum esse infallibili-

Obiectio III.

libili-

libiliter, quicquid Pontifex determinat. Non ergo vsque ad eò id est certum, quod de infallibilitate Pontificiæ auctoritatis statuimus.

*Responsio ad
obiect. III.*

*Quid sibi Velle
potuerint, qui
Pontificem er-
rare posse putá-
runt.*

¶ Lege Melch.
Can. lib. 6. de
locis Theol.
cap. vlt. ad 11.
argum.
d. Turrecrem.
lib. 2. de Eccl.
c. 112. ad 7. arg.
& li 4. parte 2.
c. 16. modo 17.
conuincendi
aliquem de
pertinacia. Et
idem subindi-
cat Syluester,
in Summa,
verbo Opinio,
in fine.

Respondeo. Quid eiusmodi auctores voluerint, non satis illi perspicuè (vt mihi videtur) declarauerunt, atque ita non est mirum, si non satis etiam constet, illos contra fidem apertè errauisse. Nam, si tantummodo voluerunt, Pontificem, vt priuatam personam, errare posse, aut etiam priuatum aliquem suum errorem in fide manifestum peruersè velle Ecclesiæ ipsi, aduersus exploratam alioquì in eadem Ecclesia fidem, obtrudere; rem illi opinantur non penitus improbabilem. Nam Pontificem posse priuatim in hæresim^c incidere, multi, vt suprà vidimus, concedunt: & posse cum præterea frustra velle priuatam suam hæresim manifestam aliis etiam obtrudere, auctores etiam^d graues admittunt. Neq; esset id sanè coniunctum cum Ecclesiæ periculo: vtpote quæ iam agnoscens, per hæresim manifestam Pontificem eiusmodi de auctoritate sua decidisse, & contra compertam in Ecclesia fidem docere, minimè tunc eum tanquam pastorem audire, sed tanquam lupum manifestum fugere teneretur. Sin autem auctores illi volunt, Pontificem in rebus alioquì omnino controuersis, hoc est, non satis expressè in Ecclesia compertis ac determinatis, definire posse, vt personam publicam errorem re ipsa contra fidem; errant ipsi in fide grauissimè. Possèt enim, imò teneretur tunc Ecclesia vniuersa Pontificem de re controuersa docentem, ac nondum hæresi manifesta notatum, pro Pastore suo agnoscere, atque ad eò ipsum omnino audire. Ita fieret, vt si tunc ille errare posset; Ecclesia etiam vniuersa posset, imò teneretur errare, quæ est hæresis intolerabilis, vt suprà satis disputatum est.

Atque

Atque hinc intelligi debet, multum interesse, cuiusmodi sit ea quæstio fidei, quam Pontifex determinat. Aut enim est vel esse potest controuersa omnino, etiam inter ipsos Orthodoxos: aut tantum est cum hæreticis certè controuersa, ipsis autem Orthodoxis explorata. Si quæstio apud omnes, etiā Orthodoxos, sit aut possit esse controuersa; fieri nullo casu potest, ut alterutram talis quæstionis partem Pontifex recipi velit ab vniuersa Ecclesia, & tamen in ea receret. Quoniam consequenter etiam errare tunc posset, imò errare teneretur vniuersa Ecclesia: cum nullo alioquî posset niti certo præiudicio, quo minus propositam à suo alioquî Pastore in tali quæstione doctrinam ipsa reciperet. Si autem quæstio tantum cum hæreticis sit controuersa & aliàs iam definita in Ecclesia; porro distinguendū est. Nam vel controuersia peculiaris ab hæreticis rursus de illa mouetur, ita ut peculiare scandalum oriatur in Ecclesia, cui per clariorem Pontificis definitionem occurrere ad confirmandos in fide fideles, expediat: vel nulla denuò peculiaris controuersia de eiusmodi quæstione mouetur. Si nulla controuersia talis rursus mota sit; tunc quidem illud posset habere locum, quod non improbabiler quidam (ut antè diximus) admittūt, nempe fieri posse, ut Pontifex tanquam priuata persona in hætesim ante ab Ecclesia damnatam lapsus, eam etiam frustra vellet Ecclesiæ obtrudere: quæ res cum nullo esset coniuncta ipsius Ecclesiæ periculo, ut paulò antè expositum est. Sin autè de eiusmodi quæstione fidei, rursus controuersia moueretur; nulla tunc ratione fieri posset, ut Pontifex sententiā hæreticam de ea quæstione vellet recipi ab Ecclesia vniuersa: quin imò simpliciter & absolute eam quoq; fidei controuersiam infallibiliter determinaret, nec posset nisi sententiā verā, in Ecclesia prius

Varij generis controuersias de fide infallibiliter à Pontifice definitas.

Autores paulò antè citati:

definitam, fidelibus credendā proponere. Omnino enim earum promissionum quas vel D. Petro & successoribus, vel ipsi etiam Ecclesiæ Christus fecit, ea etiam vis atque ratio est, ut motis controuersis nunquam non infallibiliter summus Ecclesiæ Pastor confirmaturus sit fideles in veritate etiam si antè in Ecclesia haberetur eiusmodi veritas manifestè præiudicata.

Porro & illud hinc etiam intelligi debet, cū à Pontifice Romano vel per se vel vnà cū Concilio, definitiones eiusmodi quæstionū fidei instituuntur, quæ apud Orthodoxos quidem sunt alioquī exploratæ, & cum hæreticis tantum (ut ferè fit) cōtrouersæ, nō idcirco institui ut quasi de re per se dubia & ancipiti disceptetur, sed ut re alioquī certa rursus diligenter discussa, & argumentis contrariis, quæcunq; possint opponi, confutatis, illustriori quadam cum auctoritate & veritas ipsa fidei commendetur fidelibus & damnetur atque proscribatur hæresis contraria. Quo sanè fit, ut minimè mirum videri debeat, si per eiusmodi Ecclesiæ diffinitiones rarò vel nunquam ij hæretici aduersus quorum pertinaciam illæ institui solēt, in viam reuocentur. Cū enim id genus definitiones à præiudicata Ecclesiæ sententia, qua tales alioquī hæretici damnati etiam sunt, minimè discrepent; æquè demum pertinaciter solent ab illis contemni, atque ipsa Ecclesiæ sententia præiudicata. Et de tertia quidem obiectione satis.

Obiect. IIII.

QUARTO, posset item aliquem fortasse perturbare, quod Doctores aliqui etiam Catholici, cū concedunt, Pontificem in rebus controuersis infallibiliter definire: addere tamen solent; si res illæ ad salutem sint necessariæ. Quasi aliquæ controuersæ sint, de quibus Pontifex, non semper verè constituat. Quæ si sunt, non igitur est vniuersim verum, quod hætenus docuimus.

Respon-

Respondeo. Si Pontificis auctoritas infallibilis esse dicatur in instantum rebus, quæ per se ad pietatem & religionem (& eatenus quidem ad salutem) spectare possunt, non autem in aliis, cuiusmodi sunt res (v.g.) Mathematicæ aut Physicæ: rectè id dicitur. Non enim ad scientiarum cognitionem, sed ad Ecclesiæ ædificationem, quæ in pietate est, & ad salutem animarum, omnis auctoritas Pontifici attributa, spectat. Si autem præterea in earum rerum genere, quæ ad religionem pertinent, dicat aliquis, Pontificem tum demum infallibiliter definire, si res illæ ad salutem sint necessariae; videri certè potest loquendi modus non satis expeditus. Nam si necessaria ad salutem hoc loco intelligantur ea esse, quæ a fidelibus cunctis explicitè sunt credenda: immeritò infallibilis auctoritas Pontificis ad hæc tantum coarctabitur. In aliis enim ferè reb⁹ definiendis illa exercetur, quas videlicet non omnes fideles explicitè scire tenentur; vt, quòd essentia diuina non generat (v.g.) quòd sumus iusti per inherenter iustitiam, & id genus alia. Sin verò necessaria ad salutem in proposito appellentur illa, quæ nemini certè absq; salutis periculo negare licet; tunc quidem omnia simpliciter, quæ Pontifex in rebus de Religione controuersis, tanquam persona publica, determinat, necessaria hoc modo ad salutem efficit hoc ipso, quòd vniuersam Ecclesiā obligat ad illarum determinationem recipiendam; si non explicitè credendo, necessitate, vt vocant, quoad actus exercitium, certè non ea negando cum fuerint proposita, atque adeò credendo ea necessariò, quoad actus, vt dicitur, specificationem. Ita absq; vlla restrictione dicendum est, quicquid Pontifex in rebus controuersis ad pietatem spectantibus determinat, infallibiliter illum determinare, quando, vt expositum est, vniuersam Ecclesiā obligat.

*Responsio ad
III. obiect.
Quæ ratione
rectè dicatur,
de instantum
rebus, quæ ad
salutem neces-
saria sunt, Pon-
tificem definire
infallibiliter.*

*Vna quædam
ratio omnia
quæ in negotiis
Religionis Pon-
tifex determi-
nat, esse neces-
saria ad salutem.*

OBJECTION V.

Turrecrem. &
Syluest. locis
paulò superi-
ùs citat.

QVINTO obiici posset, quod sicut potest Pontifex (multorum quidem sententiâ) errorem aliquem in fide manifestum sibi ut priuata persona persuadere, ita etiam errorem contra fidem quidem, sed non manifestum. Rursus sicut liberè potest (ut quidam admittunt) velle quantum in se est obtrudere Ecclesiæ priuatum errorem suum manifestum; ita etiam videtur posse eadem libertate velle ipsi obtrudere errorem aliquem non manifestum. Fieri igitur potest aliquo casu, ut de re aliquâ controuersa, nec satis apud Catholicos explorata, errorem definiat. Atque id rursus ea re confirmatur. Nam potest accidere, ut quo tempore Pontifex errore non manifesto imbutus esset, eodem tempore necesse esset in Ecclesia determinari controuersiam circa materiam illius erroris, Quo casu, ut apparet, Pontifex erroneâ sententiam suam definiret.

*Responsio ad
V. obiect.
Cur si Pontifex
errore in fide
non manifesto
imbutus esset,
nequiret illum
Ecclesia creden-
dum proponere.*

Respondeo ad hoc argumentum, fidelitatem Dei, qua is ex promissione tenetur communem Ecclesiæ errorem impedire, tunc obstat, quo minus Pontifex errore non manifesto imbutus, vellet Ecclesiam ad illum recipiendum obligare. Teneretur enim illa tunc errorē cuiusmodi recipere, si res esset planè controuersa; atq; ita teneretur errare, quod est absurdissimum. Hæc verò Dei fidelitas non perinde obstat, quo minus possit Pontifex iam aperte hæreticus atq; adeò non amplius aut re ipsa, aut etiam fidelium existimatione Pontifex, velle frustra errorem manifestum Ecclesiæ obtrudere. Nam, ut suprâ diximus, ex tali conatu Pontificis nullum periculum errandi toti Ecclesiæ immineret; ut quæ statim agnosceret, non iam eum esse reuera Pontificem atq; Pastorem suum, quem obaudire oporteat, sed lupum manifestum ab ouili arcedendum.

Ad

Ad confirmationem autem illius argumenti respondeo, similiter ad fidelitatem Dei erga Ecclesiam spectare, ut impediret in eo casu, quo minus per Pontificem illum controuersia falsò definiretur. Id quod facere Deus posset, aut Pontificem de medio tollendo, ne ipse, sed successor potius rem decerneret: aut interna mentis illustratione vel alio aliquo modo Pontificem ab errore reuocando. Neq; verò huiusmodi prouidentia Dei in similibus casibus miraculosa esset censenda, sed esset potius quidam effectus eius legis ordinariæ, qua Deus per promissiones de veritate factas, sese obstrinxit Ecclesiæ.

Ac sanè huius rei exemplum illud proferri potest, quòd cum Ioannes XXI. existimaret, Sanctorū animas ante diem Iudicij diuinam essentiam non videre (idq; eo tempore, quo in Ecclesia, sicut^a Canus etiam notauit, nondum erat satis explicata hæc controuersia) & ad rem definiendam sese compararet; priusquam id faceret, è vita excessit. Quod & illius successor^b Benedictus vndecimus refert. Qui tandem (Deo Ecclesiæ suæ prospiciente) contrariam sententiam definiuit: nimirum, Sanctorum animas ante diem extremi iudicij Deum videre.

Sexto obiici potest, quod, ut postea dicturi sumus, ut Pontifex in definiendo auctoritate sua rectè utatur, studio & diligentia in inquirenda veritate opus habet. Nihil autem ob stare videtur, quo minus possit interdum ille eiusmodi diligētia prætermittā, controuersiam definire. Poterit igitur tunc saltē errare.

Respondeo. Siue Pontifex in definiendo studium adhibeat, siue non adhibeat: modò tamen controuersiam definiat; infallibiliter certè definiet, atq; à deo re ipsa utetur auctoritate sibi à Christo concessā. Quod ex promissionibus diuinis de veritate per magisterium vnius pasto-

Non esset miraculū, si Pontifex singulari aliqua Dei prouidentia impediretur, quominus errore suū priuatum in re controuersa Ecclesia proponeret.

a Lib. 6. de locis Theolog. c. vlt. ad 1. arg. *b* In Extraua. Benedicti. de qua Extraua. lege Alfoſum à Castro, lib. 3. aduerſus hæref. verbo. Beatitude, hærefi 6. OBSCIT. VI.

Reſpon. ad VI. obiecta.

studium nõ esse necessarium Pontifici, ut infallibiliter definiat, sed ut rectè, hoc est, sine culpa, auctoritate definiendi utatur.

Certò credendum esset, Pontificem, quandoque definit, adhibere debitam diligentiam, si e. a. illi ad definiendum omnino necessaria esset.

Lib. de locis Theologicis cap. 5.

OBIECTIO
ultima,

Nunquã Pontifices in definiendo errasse.

ris Ecclesiæ factis tertissimè colligimus, ut sapius argumentati sumus. Itaque studium ac diligentia Pontifici necessaria est, non ut omnino definiat, atque infallibili auctoritate sua utatur, sed ut conuenienter ac rectè (hoc est sine peccato) ea utatur: sicut patebit etiam ex iis, quæ pòst dicemus.

Huc accedit, quod si maximè diligentia Pontifici necessaria esset, ut omnino definiat; tamen eadem fide credere deberemus, illum quando rem controuersam definit, sufficientem adhibuisse diligentiam; quasuprà demonstratum est, debere nos credere, quòd tunc ille infallibiliter ac verè definiat. Ratio est, quoniam eo ipso quòd Christus promisit Ecclesiæ, nunquam futurum, ut ipsa fallatur, atq; adeò neq; ut Pontifex controuersiam falsò definiat; etiam promississe censendus esset, nunquam futurum, ut is prætermis̃sa debita diligentia definiat; si eiusmodi quidem diligentia necessaria omnino Pontifici esset ad definiendum. Quemadmodum, si Deus nobis promitteret, futuram anno sequenti magnam frugum copiam; promittere hoc ipso quoq; censeretur aëristemperiem, quæ ad eum effectum necessaria esset, ut appositè ad hanc rem inquit Melchior^c Canus. Cæterum non est ratio vlla firma, quam ob rem existimare debeamus studij diligentiam Pontifici necessariam esse non modò ut conuenienter ac sine culpa auctoritate sua infallibili utatur, verum etiam ut omnino illa utatur. Quare quod à nobis antè responsum est, abundè sufficit ad id explicandum quod obieciēbatur.

POSTREMO ad probandum fieri posse, ut Pontifex erret, opponi hoc loco nonnulli casus solent, quibus Pontifices aliqui ipso facto vidētur errauisse. Summa autem rei est. Qui Pontificum tanquam errores obiciuntur,

tur, eos vel errores non esse; vel falsò Pontificibus imponi; vel certè Pontifices non ita definiuisse; sed sensisse tantum vt priuatas personas, aut aliquid aliud agendo, aut etiam obiter inter probandum id quod ex instituto determinare voluerunt. Neque enim omnia, quæ Pontifices ad rem confirmandam asserunt, volunt illi definire, hoc est, obligare ad ea etiam recipienda vniuersam Ecclesiam, sed illa tantum quæ ex instituto determinant. Quæ autem sint huiusmodi, colligi potest, aut ex erroribus cōtrariis, aduersus quos Pontifices aliquid definiunt, aut ex asseuerandi modo atq; forma; vt si aliquid sub anathemate statuunt, aut si ex fide certum esse affirmant, &c. id quod rectè notauit ^d Canus, & ^e Caietanus etiam ante illum attigerat.

Quandā à Pontificibus definiti censenda sint.

^d Lib. 5. de locis The. c. 5. & lib. 6. cap. vlt.
^e In commēt. l. p. D. Thom. q. 61. ar. 3.

Vt igitur casus illos, qui solent obiici, breuiter percurramus: minimè Cælestinus tertius definiuisse existimandus est, matrimonium dissolui, si alter coniugum in hæresim labatur. ^t Innocentius enim tertius significat quidem illum ita visum esse sentire; sed non dicit tamen ipsum ita determinasse. Et certè in eo ⁸ loco vbi Cælestinus perhibetur illud dixisse, nequaquam ea de questione, sed de alia diuersa interrogabatur: satis vt appareat, si quid ille tale ibi dixit (non enim eiusmodi Cælestini sententia amplius iam reperitur) id non nisi obiter ex priuata sua opinione interseruisse, cum res adhuc nondum esset satis explicata in Ecclesia.

Explicatio nullorum casuum in quibus obicitur, Pont. Rom. definiendo errasse.

I.

^f In ca. Quant. de diuort.
^g In cap. Laudabilem. de conuersione infidel.

Item, cum ^h Alexander tertius definit, matrimonium ratum non irritari per secundum matrimonium consummatum, additque id ita tenendum esse, quamuis aliqui sui Præcessores aliter iudicauerint: minimè asserit absolute, tales aliquos fuisse Pontifices, qui contrarium iudicauerint; de nullis enim omnino id constat. Imò ex-

II.

^h Capi. Licet. de spōsa duorum.

presens

i De sponsa
duorum.

& Galat. i.

i Vide gloss. in
illo c. Licet.
Itemque c. ult.
eiusd. tituli.

III.
m Cap. Cum
esses, de casta.

* Ex sententia
etiam Caieta-
ni, & Melch.
Cani, &c.

• Lege glossā
illiusca. Cum
esses.

presè Innocentius tertius in capitulo ultimo eiusdem
i tituli contrariam sententiam ita definit, vt planè signi-
ficet, eam fuisse perpetuam sententiam sedis Apostolicę.
Sed loquitur Alexander per exaggerationem, significat-
que, vsque ad eò certam esse illam suam definitionem, vt
quamuis contrarium præcessores etiam sui iudicassent,
tamen ita tenendum sit. Quo sanè modo loquendi Apo-
stolum ille imitatus est, cùm dicit: *h* *Licet nos aut Angelus*
de cælo euangelizet vobis præterquam quod euangelizauimus
vobis, anathema sit. Atq; est Alexander ita loquutus, quo-
niam, vt conicere ^l licet, contraria illi consuetudo diu-
turna, atque ad eò velut à Pontificibus aliquibus appro-
bata, obiciebatur.

Item cùm idem Alexander tertius ^m ait; à sanctorum
Patrum institutis, & ab Ecclesię consuetudine generali, &
à diuina lege esse alienum, vt in testamentis plures quàm
duo vel tres testes requirantur (cùm *in orē duorum vel trium*
flet omne verbum) iubet que vt rata habeantur si sint adhi-
biti duo vel tres testes corā Parocho: cùm hoc, inquam,
dicit, nihil ille sanè errat in ipso decreto siue definitione.
Primùm, quoniam quicquid illud sit tandem quod signi-
ficat cùm dicit, illum morem esse à diuina lege alienum:
id tamen non dicit nisi in ratione, quam affert pro decre-
to. Non autem à Pontifice definiri putandum est, quod
ab eo pro ratione affertur, vt antea ⁿ notatum est. Dein-
de, quia non significat, id institutum legum ciuiliū esse
diuinę legi contrarium, sed non satis illicertè, aut etiam
consuetudini Ecclesię in aliis causarum generibus, con-
sentaneū. Nec id institutum abrogat, nisi in testamentis,
vt vocant, piis sicut rectè ^o Doctores colligunt ex eius-
dem Alexandri decreto, quod in eodem titulo proximè
sequitur.

Item,

Item, cūm^p Innocentius primus, qui viduas acceperunt vxores, sacerdotes fieri non debere, præceptum vocat diuina lege Mosāica subnixum: minimè ille quidem vult, legem Mosāicam nunc etiam vim obligandi habere, sed significat, legem Ecclesiasticam, quæ bigamis sacerdotio interdicat, exemplum, & quasi fundamentum in lege illa antiqua habere.

Atque eodem modo^q Innocentius tertius intelligi debet, cūm controuersias in Ecclesia per summum Pontificem definiri oportere, ea re confirmat, quoniam in Deuteronomio præceptum fuit, vt obediretur sacerdotis imperio: Et cum Deuteronomium, inquit, secunda lex ex vi vocabuli sit, inde comprobatur vt quod ibi decernitur, in nouo Testamento debeat obseruari. Quod minimè sanè eruditissimus alioquī Pōrifex ita intelligi voluit, quasi illa ipsa per se, quæ in Deuteronomio præcipiebantur, nunc sint necessariò faciēda, sed quia illa certè figura fuerunt eius quod nunc ex nouæ legis præscripto fieri debet. Quod proinde cūm sit, illa lex Deuteronomij quasi seruetur quodammodo in suo prototypo: vt ipsemet Innocentius pluribus verbis in eo loco declarat.

Præterea nec in definitione errauit^r Nicolaus, cūm ad consulta Bulgarorum respondit, baptizatum à quodam Iudæo, etiam in nomine tantū Christi, rebaptizandū non fuisse. Hæc enim vis definitionis est, nō fuisse illum rebaptizandum propterea quòd baptizatus esset à quodam Iudæo; de quo propriè Pontifex interrogabatur. Valere autem Baptismum in nomine tantū Christi, obiter ipse ex opinione sua (quæ etiā fuit aliquorum) adiunxit.

IIII.

^p In epist. 12. ad Rufum & Euseb. & reliquos Episcopos Macedoniæ, cap. I.

V.

^q In cap. Per venerabilem. titulo, qui filij sint legitimi. Deutero. 17.

Quo sensu scripserit Innocēt. III. nunc etiā legem Deuteronomij esse seruandam.

VI.

^r De consecr. d. 4. Can. A quodā Iudæo.

VII.

Veretuli Be-
nedictus I. In
Extrauag. Be-
nedictus.

In dicta Ex-
trauag.

Item ^o Ioannes vigesimus secundus, quamuis vt fer-
tur opinatus sit, animas iustorum ante extremum Iudi-
cij diem non videre Deum (qui sanè error nō fuit semper
in Ecclesia manifestus) tamen nunquam id definiuit, vt
illius successor Benedictus vndecimus disertis verbis te-
statur.

VIII.

In Extraua-
g. qui semi-
nat, de verbo-
rum signif.

In Extrauag.
cū inter nō-
nullos.

Item ^o Nicolaus tertius, cū inquit, Christum abdi-
cationem proprietatis rerum, tum in communi, tum in
particulari, exemplo etiam suo docuisse; minimè sanè
vult, illum omnino nunquam habuisse proprium in par-
ticulari vel in communi (quod asserere esset hæreticum,
vt ^o Ioannes postea vigesimus secundus definiuit) sed si-
gnificat certè, quandoq; etiam Christum abdicando se in
communi & in particulari à proprietate aliquarum re-
rum, vitæ etiam perfectioris exemplum præbuisse: vt
suam ipse Nicolaus sententiam satis declarat, & repetit
quoq; excius mente ^o Ioannes vigesimus secundus.

In dicta Ex-
trauag.

IX.

In epist. ad
Aug. Cātuar.
Archiepisc.
In epist. ad
Bonifacium
Episc.

Item neq; errârunt Gregorius ^o primus & ^o tertius,
cū definierunt, si mulier ob infirmitatem debitum
reddere non possit, licere viro alterā ducere. Loquuntur
enim illi planè in casu, quo eiusmodi aliqua infirmitate
ante matrimonium initū mulier correpta fuerit, vt mi-
nime proindè fuerit matrimonium validum.

X.

In Apologe.
de idololatria
cap 5.
Lib. 6. de lo-
cis Theolog.
cap vlt. ad 9.
argum.
In Apolog. vbi
supra.

Item Pōtifex Gelasius minimè sensit (vt Sectarij obii-
ciunt) substantiam panis manere post consecrationē in
Eucharistia. Non enim huius Gelasij Pōtificis est fragmē-
tum illud libri, quod Gelasij nomine, de duabus naturis
contra Eutychetem, circumfertur, vt ^a aliàs diximus, & à
^b Melchiorē etiam Cano ac ab aliis bene animaduersum
atque probatum est. Quanquam nec prorsus asserit ille
liber, substantiam ipsam panis remanere, vt in alio loco
exposuimus.

Deniq;

Deniq; quod Honorius & nonnulli alij Pontifices in errorem lapsi fuisse dicuntur (quanquam de nullo prorsus satis compertum est, pertinaciter certē errauisse) id quidem vtcunq; res habeat, non nisi ad priuatum attinet personarum vitium: atq; adeò nihil nobis ob stare potest, vt qui non ipsas personas, sed auctoritatem illam Apostolicæ sedis in definiendo defendimus, sicut suprà, Augustini etiam exemplo, respondebamus.

DE MODO QVO PONTIFICEM

oportet auctoritate sua vti.

SED CVM haftenus expositum atq; defensum sit, toties Pontificem auctoritate sua vti, atq; adeò Spiritu sancto assistente infallibiliter decernere, quoties in rebus controuersis alteram partem definit, & ad eam recipiendam obligare vult vniuersam Ecclesiā: meritò quæri hoc loco potest, quidnam illud sit, quod Pontificē præstare oporteat, vt illa auctoritate non modò vtatur, sed etiam rectè, hoc est, sine culpa vtatur. Nec enim existimandum est, nullū modum in eius auctoritatis usu Pontificem seruare debere.

Ac principiò quidem illud extra omnem controuersiam est, Pontificem in vnaquaque re decernenda iis argumentis vel testimoniis niti oportere, ex quibus veritas quam determinaturus est, pro ratione materiæ, possit colligi quàm certissimè. Hoc primum patet ex ipsius Pontificis officio, quod est (vt patet ex Orthodoxa doctrina, quam passim etiam Vincentius Lyrinensis in libro aduersus hæreses inculcat) non noua fidei dogmata constituere, sed eruere vetera. Quam ad rem ² inquisitione aliqua pro rei subiectæ natura, opus est. Patet id etiam ex perpetuo Pontificum usu, iam vsq; ab Apostolo Petro,

Quidnam Pontificis factio opus sit in fidei definitione.

¹ Confirmat hanc rem totā valde eruditè Thom. VValden. tom. 1. li. 2 doctrinalis fidei antiquæ, cap. 12. & deinceps.

Act. 15.

qui sanè controuersiam de cessatione legalium non nisi facta prius magna conquisitione in Concilio Hierosolymitano constituit. Deniq; ob eam rem etiam hæc Pontificis diligentia necessaria est, ut quæ ille, tanquam regula doctrinæ quædam nobis notior, constituit, ea facilius nobis persuadeamus veræ esse, si adhibita etiam studij diligentia sint constituta.

Diximus verò debere Pontificem ea argumenta conquirere, quæ ad veritatem, pro ratione vniuscuiusq; materiæ, indagandam sint aptissima; quoniam ut materiæ, quæ possunt in controuersiam venire, sic etiam argumenta, quæ Pontifici consulenda sunt, latè patent. Verbigratia, si de Sancto Canonizando, aut de Religione approbanda agitur; humana informatione & historia utatur, necesse est. Si verò determinaturus est dogma aliquod ut diuinitus relatum; illa consulat oportet, quibus diuina reuelatio pura atque integra custoditur. Cuius generis est primò *Scriptura sacra*, ut quæ tota est reuelatio diuina. Secundò, *Traditio Apostolica*, quæ & ipsa, ut dicemus, diuina quædam reuelatio est, tametsi non consignata literis. Tertiò, *Definitio* priorum Pontificum & Conciliorum. Quartò, concorsententia Patrum atque Doctorum omnium. Quintò, quædam etiam ratione, *Consensus fidelium*. De quibus rebus consentaneum erit hoc in loco quædam generatim, cum delectu & nonnulla explicatione, breuiter annotare, ut quis sit in Pontificum definitionibus istorum locorum vsus, & quàm rectè ipsis inniti illæ soleant, plenius intelligatur, & plenius etiam à nobis absoluat *communis principiorum fidei Analysis*.

*Quæ solum re-
gula definiendi
consuli soleant
à summo Pon-
tifici.*

DE QVIBVSDAM QVASI DEFINIENDI REG-
ulis, quæ in determinandis fidei controuersis consuli de-
bent, & primum de sacra Scriptura.

VT IGITUR à sacra Scriptura exordiamur, quinque
potissimum, quò rem omnem fusissimè ab aliis tra-
ctatam paucissimis complectamur, de ea sunt annotanda.
I. Quid sit. II. Quibusnam libris cõtineatur. III. Quan-
tam habeat auctoritatem. IIII. Vtrum ij etiam numero
Bibliorum libri, quos hodie habemus, suppeditare om-
nino possint argumentum infallibile ad concludendum
aliquid siue definiendum tanquam certum ex fide: in
quo est sanè huius loci præcipua quædam difficultas.
V. Postremò, quibus rationibus uti oporteat, ut vera
sententia ex Scripturæ locis elici possit.

QVOD ad primum attinet, constat inter omnes, Scri-
pturam, diuinam esse doctrinā, quam Spiritu san-
cto inspirante atque dictante auctores sacri literis man-
dauerunt. Itaque & Apostolus eam nominauit doctrin-
am *diuinitus inspiratam*, & idcirco etiam *Dei verbum* lite-
ris expressum dicitur. Etenim cognitio illa sacris expres-
sa literis, quam Deus Canonicis scriptoribus indidit,
quamque per illos voluit cæteris scripto patefieri, velut
sonorum quoddam verbum Dei est, quo is videlicet con-
ceptum æternæ mentis suæ, nōtitiāque verissimam,
hominibus eloquitur atque manifestat.

Cæterum cū doctrinam hanc Spiritu sancto di-
ctante esse à sacris auctoribus exceptam literisque man-
datam dicimus, non utcunque significare volumus, Spi-
ritu sancto dirigente sacros auctores illam infallibiliter
scripsisse. Nam & Pontifices summi certam quandam
Spiritus sancti assistentiam habent, cū definiunt con-
trouersias fidei, ut antè ostensum est; neque tamen illo-

*Tractatio tota
de Scriptura
sacra quinque
punctis conti-
netur.*

I.
*Scriptura sacra
ratio qua sit.*

2. Tim. 3.

*Quare Scriptu-
ra nomenetur
Dei verbum
expressum.*

*Quo sensu in-
telligi debeat,
eam à Spiritu
sancto fuisse
dictatam.*

rum definitiones, quantumvis ab ipsis conscriptæ, Scriptura sacra sunt, aut esse dicuntur, sicut nunc quidem loquimur de Scriptura sacra. Auctores igitur Canonicos scribere Spiritus sancto dictante, ob eam rem propriè dicimus, quoniam in doctrina scripto tradenda sic illorum opera Spiritus sanctus utitur, ut in eo quidem negotio, non tam illi agant quàm agantur à Spiritu sancto; planè instar calami, cum usurpatur à scriptore. Quo & illud Davidis spectat: *Lingua, inquit, mea, calamus Scribae velociter scribentis.* Nec enim alium hoc loco Scribam significat præterquam ipsum Deum: quem & alibi ait: *Emittere eloquium suum terræ, & velociter currere sermonem eius.*

Scriptores Canonici quomodo se habuerint in sacra doctrina literis mandanda.

Psal. 44.

Psal. 147.

Quid sit Scriptorem sacrum agi potius à Spiritu sancto quàm agere.

Porro sacrum Scriptorem agi potius à Spiritu sancto, quàm agere, asserimus, primum propter facilitatem, qua is sine ullo suo labore, Spiritu sancto docente ac dirigente, cognoscit ac scribit omnia etiam minutissima verissimè: cum tamen Pontifex, ut rectè, hoc est, sine culpa definiat, & studio ac diligentia opus habeat, nec etiam omnia sint certa ac infallibilia, quæ obiter ille inter definiendum asserit, ut suprà notauimus. Hanc autem auctoris sacri facilitatem in cognoscendo atque scribendo certissimè, *velocitas illa* significat, quam David locis proximè citatis diuino tribuit eloquio. Itaque cum Baruch à Principibus Israel interrogatus esset, qua ratione Ieremias ipsi librum dictauisset: *Loquebatur, inquit, ex ore suo, quasi legens omnes sermones istos.* Quo loco significat, perinde fuisse facilè Ieremiæ, Spiritu sancto suggerente, illa omnia pronuntiare, atque est omnino, aliquam Scripturam simpliciter legere.

Ierem. 36.

Deinde ob eam causam quoque Scriptorem sacrum agi potius à Spiritu sancto asserimus, quia etsi sponte quidem scribat, at scribit tamen omnino necessariò, ita

ut

ut (Spiritu sancto sic efficaciter volente) minimè in ipsi-
us arbitrio sit positum aut non scribere, aut alio modo,
alio tempore, aliis verbis scribere: cùm tamen summus
Pontifex (quod ad eas quidem attinet definitionis cir-
cunstancias) arbitrio suo in definiendo vtatur. Atque
hoc ipsum propriè est, auctorem sacrum esse quasi Spiri-
tus sancti calamum, in cuius videlicet potestate non est,
vt eo scriptor vtatur, vel alio modo vtatur. Ex quibus
non modò Scripturarum sacrarum ratio, sed etiam dis-
crimen inter illas & alias Scripturas humanas, perspicu-
um est. Qua sanè de re & de Scripturarum nomine, argu-
mento, antiquitate, &c. cruditè inter ceteros tractat Io-
annes Driedo.

Lib. 1. de Scri-
pturis, cap. 1.

DE SECUNDO autem puncto breuiter statuendū est,
Scripturam sacram illis omnibus ac solis contineri
libris, qui communiter nunc exstant in Bibliis sacris, exce-
pto tertio & quarto libro Esdræ. Quæ assertio ex fide est
certissima. Nam libros hos Ecclesiæ Canon ex veteri tra-
ditione probauit. Est enim Ecclesiæ officium ea, quæ sunt
diuinitus reuelata, fidelibus credenda proponere, ac pro-
inde etiam quinam sint libri sacri inprimis determinare.
Id quod etiam Diuus^a Augustinus & passim alij Patres
confirmant: vt non immeritò idem sit in^b Concilio eti-
am Tridentino definitum.

I I.
*Qui libri sine
Canonici.*

*Ecclesia aucto-
ritate consensu
canonem libro-
rum sacrarum.*

^a Lib. 13. cont.
Faustum c. 5.
& l. 23. c. 9. & l.
31. c. 6 & l. 1. de
de consensu
Euang c. 1. Et
Irenæus lib. 3.
c. 4. quatenus
asserit veritatē
fidei non nisi
ab Ecclesia pe-
tendam esse.
Item Patres
Concil. Tole-
tanit. in asser-
tione fidei. ^d Sess. 4. c. Cap. 47.

Porro libri iam dicti tanquam sacri & Canonici non
modò in Concilio^c Florentino sub Eugenio quarto & in^d
Tridentino numerantur, sed iidem etiam probati olim
fuerunt à Concilio^e Carhaginensi tertio (à Leone quar-
to Pont. confirmato) & ab Innocentio primo. Et eos-
dem tanquam Canonicos numerauit^f Innocentius pri-
mus,

tionem fidei. ^D Athanas. in Synopsi, &c. ^b Sess. 4. ^c In vñione Armen. ^d Sess. 4. ^e Cap. 47.
^f Epist. 3. ad Exuperium.

g Lib. 2 de doctr. Christ. cap. 8.
 h Lege præsertim Melch. Canum, lib. 2. de locis Theolog. cap. 9.
 i Lib. 6. de monstr. Euang. cap. 19.
 k Lib. 2. præd.agogi. cap. 3.
 l vt constat Jerem 36.

mus, & ⁸ Augustinus, qui Concilio illi Carthaginensi interfuit. Quanquam fatendum est, ante Concilium Florentinum non fuisse in locis citatis factam libri Baruch expressam mentionem. Sed vt à pluribus rectè ^h notatum est, causa cur hic liber in Catalogo olim præteriretur, non fuit, quòd pro Canonico non haberetur. (est enim illius etiam prophetia planè diuina, vt iam olim ⁱ Eusebius Cæsariensis, & ^k Clemens Alexandrinus disertè testati sunt) sed quòd Baruch scriptor fuerit ^l Ieremiæ. Itaque librum illius ad Ieremiæ librum veteres Patres rerulerunt.

Auctoritas eorum librorum quos ex Canone reuincunt Sectarij, probatur Veterum test. moniis.

m Epist. 1. & 2.
 n Epist. 1.
 o Epist. 1.
 p Epist. 1.
 q In Concil. 70. Episcop. Refertur inter eius decreta.
 r In præfat. in lib. Iudith.
 s Epist. 1.
 t Epist. 2.
 u Epist. 1.
 x Lib. 2 de doctr. Christ. cap. 8. & lib. de præd. Sanct. cap. 14.
 y Rom. 11. & Iacob. 1.

Atque auctoritas quidem eorum etiam librorum nominatim, quos huius tempestatis Sectarij pro Canonicis non habent, præterquam quòd hi etiam libri inter Canonicos ab Ecclesia locis citatis numerati sunt, passim quoque ab antiquis Patribus asseritur atque vt sacrosancta vsurpatur. Libri quidem ^m Tobie, à Clemente primo, ab ⁿ Anacleto, ab ^o Alexandro I. à ^p Marcello I. à ^q Gelasio. Libri *Iudith* ab iisdem Patribus, itemque teste Diuo ^r Hieronymo, à Nicæna Synodo. Libri *Sapientie & Ecclesiastici*, ab ^s Euaristo, à ^t Fabiano primo, à ^u Sixto primo, ab ^x Augustino: quin etiam in ipsa Scriptura ^y noui Testamenti ex eiusmodi libris, sicut ex aliis Canonicis, testimonia citantur. Librorum *Maccabeorum* ab ^z Origene, ab ^a Augustino, ab ^b Isidoro (sicut & libri omnes iam commemorati) & ab aliis. Epistolæ ad *Hebraeos*, à Concilio Nicæno teste Diuo ^c Thoma, item à Concilio ^d Ephesino, & grauissimis sanè verbis ab ^e Athanasio, ab ^f Origene, à ^g Theodoro, ab ^h Augustino, ab ⁱ Hieronymo. Posterioris

z In cap. 5. ad Rom. a Lib. 18. de ciuit. Dei, cap. 16. & l. 2. de doctr. Christ. c. 8. b Lib. 6. Etymolog. c. 1. c In præfat. super epist. ad Hebr. d Cap. 10. e In Synopsi sub finem enumerationis epist. Pauli, & Apocal. f Apud Euseb. lib. 6. hist. Eccl. c. 18. g In præfat. epist. ad Hebr. h Lib. 3. de Trin. cap. 11. & lib. 2. de doctr. Christ. cap. 8. & c. i In epist. ad Dardan.

oris Epistolæ *Diui Petri* ab^k Hieronymo, ab^l Augustino, ab^m Isidoro, àⁿ Damasceno. Secundæ & tertiæ epistolæ *Ioannis* ab iisdem Patribus, itemque à Diuo^o Dionysio. Epistolæ *Iacobi* à Concilio^p Laodiceno, à^q Clemente Romano, ab^r Anacleto, ab^s Alexandro primo, ab^t Urbano primo, ab^v Hieronymo, ab^x Augustino, ab^y Isidoro, à^z Damasceno. Epistolæ *Iude* ab^a Anacleto, à Diuo^b Dionysio, ab^c Hieronymo, ab^d Isidoro, à^e Damasceno & passim aliis. *Apocalypsis* denique Diui Ioannis, à Concilio^f Ancyrano, à^g Toletano quarto, à^h Tertulliano, àⁱ Origene, à^k Epiphanio, à^l Chrysostomo, à^m Hieronymo, àⁿ Damasceno, passimque ab omnibus aliis.

^r Epist. 1. ^s In Catalogo script. Eccles. ^t Lib. 2. de doctr. Christ. cap. 8. ^u Lib. 6. Etymol. c. 1. ^v Lib. 4. fid. Orthodox. c. 18. ^w Epist. 1. ^x Lib. cælest hierarch. c. 3. ^y Epist. ad Paulinum. ^z Lib. 6. Etymolog. c. 1. ^a Lib. 4. fidei Orthodox. c. 18. ^b Cap. 24. ^c Cap. 16. ^d Lib. 4. cont. Marcion. ^e Apud Euseb. l. 6. c. 18. ^f Hæres. 51. ^g Teste Suida, ubi agit de Ioanne Euang. ^h Epist. ad Paulinum. ⁱ Lib. 4. fid. Orthodox. cap. 18.

Nec verò Sectarij vt hos libros Canonicos esse negent, iustè ea ratione mouentur, quòd à nonnullis olim fuerit de horum auctoritate librorum addubitatum. Quid tum? An non etiam pleraque fidei Decreta, motis præsertim controuersijs, tandem clarè definita in Ecclesia atque ad credendum sine vllà dubitatione fidelibus proposita sunt, de quibus antea tamen obscurata nonnihil fidei veritate (vt hominum interdum conditione innataque caligine fit) dubitari potuit? Nōne & ipsi etiam veteres, eos libros, de quibus aliquando dubitatum fuisset, tandem vsu atq; Decreto Ecclesiæ certam auctoritatem obtinuisse agnouerunt? Sed Ecclesiæ, inquit Kemnitius, quæ nunc est & post Apostolorum tempora fuit, auctoritatem asserenti aliquorum librorum tum demum credendum est, si possit proferre certa testimonia eorum, qui acceperant & nouerant testificationem primæ Ecclesiæ de Germanis scriptis.] Agnoscunt atq;

^k In epist. ad Paulin.
^l Lib. 2. de doctr. Christ. cap. 8.
^m Lib. 6. Etymolog. cap. 1.
ⁿ Lib. 4. fidei Orthodox. cap. 18.
^o Lib. de cælest hierarch. cap. 3.
^p Cap. 59.
^q Epist. 2.
^r Epist. 1.
^s Epist. 1.

^t Hieron. in Catalogo scriptor. Eccl. de Iacobo & Iuda. D. August. lib. 2. de doctr. Christ. cap. 8. Athanasius in Synopsi, &c.

In examine Sess. 4. Concil. Trident.

farentur isti igitur, posteriorem Ecclesiam in eo ipso quidem quod de primæ Ecclesiæ testificatione documenta quædam atque testimonia proferat, non posse nos fallere. Nam si illa ipsa testimonia atque documenta potest comminisci, non esset illi tum certè credendum. Quid igitur? An in proferendis antiquæ primæque Ecclesiæ testimoniis de libro aliquò sacro fallere Ecclesia non potest, & in ipsa assertione auctoritatis libri sacri, potest fallere? Quid autem, si veterum documenta de alicuius libri sacri antiqua testificatione interirent? Ideò ne dubiam oporteret esse semper in posterum auctoritatem eiusmodi libri, nec posset aliquid de illa certi, Spiritu sancto suggerente, Ecclesia statuere? Accedit, quòd ex allatis testimoniis veterum pro auctoritate illorum librorum, apparet ita tandem fuisse pro maiori & potiori parte in Ecclesia eosolim pro Canonicis habitos, vt si qui contra illorum auctoritatem reiecerunt (ferè enim in genere tantum perhibetur, à quibusdam illos non fuisse receptos vel de illis fuisse dubitatum, &c.) fidem non merentur: meritoque habeantur ab Ecclesia testimonia contraria pro certis. Et nihilominus tamen rectè monuit Augustinus (ex mente etiam aliorum veterum) in ipsis Scripturis Canonicis illas primo loco habendas esse, quæ vel auctoritate communi, vel certè plurium Ecclesiarum, sint olim receptæ: non quòd aliquas ex iis, quas Augustinus in Canone numeravit, putarit ipse non esse infallibiles (vocat enim absolutè eas omnes *Scripturas diuinas*) sed quoniam illæ certè quæ vel à nullis vel à paucioribus in dubium reuocatæ fuerunt, quodammodo, ex parte quidem ipsorum hominum, sunt certiores, magisque adeò idoneæ ad auctoritatem dogmatum in controuersis quæstionibus confirmandam. Quod est diligenter

Lib. 2. de doctr.
Christ. c. 8.

Loco citato
initio capituli.

ter aduersus Kemnitij & aliorum Sectariorum cauillationes in hac quæstione notandum. Sed neque institutum meum postulat, nec patitur breuitas mihi proposita, vt argumentum hoc à pluribus alijs copiosè tractatum, prolixius hîc ego persequar; quod ipsum tamen satis mihi videtur hac explicatione, & illis, quæ commemorauî, Ecclesiæ antiquitatisque testimonijs, esse firmatum.

Illud fortasse dicet nunc aliquis: Scriptura quædam quasi regula est (vt in hac disputatione ponimus) qua debet Ecclesia adeoque summus Ecclesiæ Pastor, niti in fidei controuersijs determinandis. Non igitur ad Ecclesiam spectat constituere, quænam sit Canonica Scriptura. Nam si ad eam id spectat, primùm Ecclesia regula potius iam erit Scripturæ, non è contrario. Deinde, perinde nobis erit, si Ecclesia ex Scriptura tanquam ex regula definiat, atque si absque vlla regula definiret: siquidem ipsa Ecclesia sibi auctoritate propria, constituit ad definiendum regulam. Ita definitiones illius non esse debebunt apud nos magni ponderis.

Ego verò ad hoc breuiter ita respondeo. Si Ecclesia in determinandis libris Canonicis humano spiritu duceretur, omnino incommodum esset, quòd ad Ecclesiam pertineret determinatio Scripturæ Canonice, ex qua sunt ab ipsa Ecclesia definiendæ fidei quæstiones. Modo verò, cum à Spiritu sancto in ea determinatione, sicut & in alijs omnibus (vt suprâ demonstratum est) Ecclesia dirigatur, nullum omnino est incommodum, quòd ipsa etiam Ecclesia regulam illam infallibiliter diludicet, ex qua oporteat fidei controuersiam certò determinare. Habet enim Ecclesia de vtroque certam à Deo promissionem, videlicet, & quòd controuersiam fidei certò de-

Lege præsertim Ioan. Driedon. lib. 1. de script. & Canonum, lib. 2. de locis Theol. & Andradiū, & Tiletanū, contra Kem.

Ecclesiam in definitionibus fides Scripturæ Canonica nisi oportere, & tamen ab illa ipsa determinari quam sit Scriptura Canonica; cur non sit incommodū.

finiet, & quod infallibiliter ad eò cognoscet, quænam sit Scriptura diuinitus reuelata, cui oporteat esse consentaneam illam fidei definitionem.

Ioan. 14.

Quid posistum sit Spiritum sanctum, suggerere Ecclesiam quæ Christus dixit.

Ecclesiam minime esse ipsi Scripturæ regulam, sed nobis potius, ut Scripturam Canonice certò dignoscamus.

Hoc ex ea potissimum Christi promissione colligitur, quæ exstat in Euangelio Ioannis: *Ille, inquit, vos docebit omnia, & suggeret vobis omnia, quaecunque dixero (seu dixi) vobis.* Hoc enim vel maximè propriè est, Spiritum sanctum Ecclesiæ suggerere, quæ Christus dixit; docere nimirum illam, quænam sit cœlestis doctrina, quam Christus per Apostolos suos vel scripto vel viva voce loquutus est. Itaque si hanc Ecclesiæ auctoritatem tribuimus; nullum inde incommodum consequitur ex iis quæ obiiiebantur. Primum enim non id eò concedendum est, Ecclesiam esse regulam ipsius per se Scripturæ (ut Sectarij nos existimare vel malitiosè vel ignoranter cauillantur) sed nobis ipsis potius auctoritatem Ecclesiæ pro certa regula propositam esse, ut quænam sit diuina doctrina sine errore cognoscamus. Deinde cum Spiritu sancto docente, atque ad eò infallibiliter, Ecclesia etiam determinet quænam sit Scriptura diuina; nihilo minoris ponderis apud nos esse debent Ecclesiæ definitiones consentaneæ huic Scripturarum regulæ, quàm si non ipsius Ecclesiæ auctoritate, sed aliunde quænam sit diuina Scriptura certò nobis constaret. Quid enim omnino certius eo esse potest, quod Spiritu sancto suggerente ab Ecclesia discernitur?

III.

Quanta Scriptura sacra sit auctoritas.

Scripturam esse doctrinam diuinam quare credamus.

QUIBUS rebus ita explicatis nihil ferè difficultatis superest in puncto tertio suprà posito: nempe quanta sit Scripturæ auctoritas. Est enim diuina prorsus ac proinde omnino infallibilis. Quod ipsum quidem ex fide nobis constat, tum ob reuelationem diuinam in eadem Scriptura contentam, tanquam ob rationem, in quam propriè

proprie ipsa fides respicit: tūm etiam ob Ecclesiæ Propositionem, tanquam ob conditionem quandam, vt id ipsi Christiana fide credamus, requisitam: tūm postremo ob communia fidei motiua, tanquam propter argumenta videlicet, quibus animum inducimus credere nō modò quæ in Scripturis continentur esse omnia verissima, sed inprimis etiam Scripturas ipsas esse diuinas. De quibus rebus cū in huius libri initio satis à nobis dictum sit, nihil est hoc loco repetendum.

Parte I. initio.

Tantum ad quæstionem illam, quam nonnulli (nescio an satis vtiliter) hīc mouerunt, vtra videlicet sit maior auctoritas, Scripturæ ne an Ecclesiæ? Breuiter mihi videtur tribus pronūciatis respōderi posse. Primò, auctoritatem Ecclesiæ latiùs quidē patere, atq; ita extensiuè quidem (sicut in scholis loquimur) posse dici maiorem. Secundò, re ipsa sanè neutram per se seu intensiuè esse altera maiorem absolutè, pariq; adè per se veneratione vtramque esse dignam. Tertiò, si ad vtriusq; auctoritatis quendam quasi modum, maioris cuiusdam esse dignitatis auctoritatem Scripturæ, hoc est, meritò à nobis eam tanquam diuinius aliquid suspici.

Respōdetur ad quæstionem de comparatione Scripturæ & Ecclesiæ tribus pronūciatis.

1.

2.

3.

Primum probo. Quoniam Ecclesia sanè auctoritatem habet infallibilem & asseuerandi directò ipsam veritatem fidei (in quo cum Scriptura, quoad infallibilitatē quidem conuenit, etsi non quoad modum asseuerandi) & præterea proponendi fidelibus ad credendum tūm ipsam Scripturam, tūm etiam clarè & expressè quamcunq; fidei veritatem in omnibus omnino controuersis quæ oriri possunt, id quod non perinde Scriptura præstare potest, vt satis suprà docuimus.

Auctoritatem Ecclesiæ latius patere quàm auctoritatem Scripturæ.

Secundum autem pronūciatum ea ratione probo, quòd tam Ecclesia, quàm Scriptor Canonicus eodem

Vtramq; auctoritatē esse per se aequè infallibilem.

*Respectu nostri
quidem maio-
rem quandam
esse dignitatē
in Scriptura,
spectato illius
proprio modo.*

Dei Spiritu suggerente pronūnciant. Itaque, quodatti-
net quidem ad asserendi infallibilitatem & certitudi-
nem, paris sunt per se auctoritatis. Tertium deniq; pro-
bo ex diuerso modo, quo, vt suprà docuimus, aliter atq;
aliter Ecclesia, & scriptor Canonicus, Spiritus sancti in-
stinctu pronunciant. Habet enim modus ille scriptoris
Canonicus nescio quid maioris dignitatis propterea quòd
non tam ipse scriptor agit in ea re quàm agitur, nec vide-
tur proinde nisi Deus ipsemet per Scripturam loqui. Ac-
cedit quòd Ecclesia ipsa etiam nititur in suis definitioni-
bus Scripturæ auctoritate, tanquam fidei quodam fun-
damento ob diuinam reuelationem, quæ sacris ipsis lite-
ris continetur. Quæ omnia sanè efficiunt vt secundum
nos quidem, & secundum modum vtriusq; auctoritatis,
maior quædam in Scriptura, quàm in Ecclesia dignitas
esse videatur. Quæ explicatione adhibita, non erit diffi-
cile auctorum hac de re varias sententias in concordiam
redigere. Et certè oportet conueniat re ipsa inter Or-
thodoxos de hac quæstione, modo rectè illius ambigui-
tas distinguatur.

IIII.

*Virum hi libri
sacri qui nunc
exstant, sine in-
falsibiles.*

QUARTUM, quod de Scriptura explicandum propo-
sueraimus, difficultatē propterea non exigua ha-
bet, quòd vt ex iis numero libris sacris, qui circumferun-
tur, argumentum infallibile ducatur, necesse est constet,
illos ipsos prorsus esse sacros, qui veritatem videlicet in-
fallibilem contineant. At hoc non satis constare posse
videtur.

*Argumentū 1.
in partē nega-
tiuam.*

PRIMO, quoniam non sunt Latini isti libri illi ipsi,
qui Spiritu sancto dictante à Canonicis auctoribus par-
tim Hebraicè partim Græcè excepti sunt, sed alij certè
vel interpretum vel impressorum opera descripti; qui
quidem errare potuerunt negligenter ex alio idiomate

verten-

vertendo, aut imprimendo typis. Cuius rei argumento etiam esse videtur impressionum atque versionum tanta varietas.

SECVNDO, quoniam si maximè constaret, hos libros nullo modo, quod ad sententiam attinet, ab originalibus discrepare, ac proinde esse diuinos; at non satis constare videtur, omne illud esse infallibile, quod diuinitus est dictatum. Cur enim non posset Deus, potentia saltem sua absoluta, per se aut per hominis ministerium generare in hominum mentibus conceptum falsum? Et accedit ad huius rei confirmationem, quòd non semel videtur Deus iam falsum per se aut per alium dixisse. Quod probari posset ex nonnullis Scripturæ locis. Primus est Genesis quarto, vbi Dominus Cain verè tunc occideretur dixit: *Nequaquam ita fiet*, & tamen ita postea factum est. Nam aliqui Doctores putant, cum interfectum à Lamech. Secundus est Genesis vigesimo secundo; vbi Abraham consensurus montem, ut immolaret Isaac, dixit ad pueros: *Expectate hic: ego & puer illuc usque, properantes, postquam adorauerimus, reuertemur ad vos*. Quo loco primum instinctu diuino Abraham est locutus, ut ait Diuus Ambrosius; & tamen, ut apparet, est mentitus: siquidem putabat se immolaturum Isaac. Tertius est Genesis vigesimo septimo, vbi Iacob fraudulenter egit cum Isaac patre suo, & omnino mentitus fuisse videtur, inquires: *Ego sum primogenitus tuus Esau*, quæ tamen, ut ait Innocentius Pōtifex, Spiritu Dei instinctus ille ita dixit. Quartus est Esaiæ trigesimo octauo (de quo etiam quarto Regum vigesimo) vbi Dominus per Esaiam Ezechiaë nunciavit mortem eius instare, quod tamen falsum fuit, cum quindecim annis ultra vixerit. Et exstant multæ tales prophetiæ, quæ videntur similiter fuisse falsæ. Quintus,

Argument. II.

Obiiciuntur nō nulli Scripturæ loci in quibus prima facie videri posset Deū per se aut per alterum dixisse falsum.

L. I. de Abraham, c. 8.

In cap. Gaudemus, de diuortiiis.

est

est tertio Regum vigesimo secundo, vbi cùm Dominus diceret: *Quis decipiet Regem Achab, &c?* prodiit Spiritus (nequam videlicet) qui suscepit se decepturum & illum & omnes eius Prophetas. Quod Dominus vt faceret iussit, inquit: *Egredere & fac ita.* Vnde Propheta Michæas ibidem: *Ecce dedit Dominus spiritum mendacij in ore omnium Prophetarum.* Adde quod multis aliis ^a Scripturæ locis aperte dici videtur, Deum solitum esse decipere & tradere in reprobum sensum. Ex quibus apparet Deum re ipsa decipere, nedum posse id facere de potentia ordinaria aut absoluta. Quod rursus confirmatur etiam auctoritate ^b Augustini, qui negat quidem Deum decipere per spiritum bonum: concedit tamen eum posse decipere per spiritum malū. Item ^c alibi fusè docet, solere Deum mouere etiam hominis mentem ad falsum.

TER TIO, dato quòd hoc ipsum satis constaret, videlicet verum esse id omne, quod Spiritu sancto dictante scriptum est, at non videtur satis item constare, id omne quod in his libris continetur Spiritu sancto dictante esse scriptum: imò quædam videntur Scriptores Canonici de suo spiritu interseruisse, præsertim quæ sunt minoris momenti; quale videtur illud, quod Apostolus scribit: ^d *Lucas mecum est.* Et: ^e *Penulam, quam reliqui Troade apud Carpum, veniens affer tecum;* & alia horum similia. Ita cùm non possit facile discerni, quo loco Scriptor Canonicus infallibiliter loquatur suggerente Spiritu diuino; ex nullo Scripturæ loco argumentum infallibile duci posse videtur.

QUARTO, dato quòd etiam constaret, sententias omnes horum librorum profectas esse ex Spiritu diuino; at sensus illarum verus admodum obscurus est, nec satis in controuersis materiis exploratus. Quapropter cùm

ex sen-

^a Iob. 12. v. 17.
Isai. 63. v. 17.
Ezech. 14. v. 9.
Rom. 1. v. 28.
&c.

^b Lib. 83. qq. 9. 33.

^c Lib. de gratia & liber. arbit. c. 21.

Argum. III.

^d 2. Tim. 4.

^e Ibidē, &c.

Argum. IIIT.

ex sensu Scripturæ (quæ ut inquit Diuus^f Hieronymus, *Non in verbis, sed in sensu est*) argumentandum sit; argumenta, quæ ex dubio & incerto sensu ducentur, non poterunt esse ad controuersias determinandas penitus certa atq; infallibilia. His igitur rationibus probari videtur, non posse hosce libros, quos habemus, infallibile argumentum suppeditare ad definiendum.

CÆTERVM hæc quidem nullo modo vel possunt vel debent mouere eos, qui grauissimis illis nostræ fidei motiuis, à nobis initio huius libri expositis, prudentissimè ac necessariò adducti iam (Dei beneficio) sunt, vt doctrinam Christianam, atque adeò Scripturam sacram (quæ nunc videlicet in Ecclesia habetur) verissimam esse sibi persuadeant. Quo fundamento iacto facile fuerit aduersus obiectas rationes defendere, infallibile prorsus argumentum ad definiendum peti posse ex his ipsis Bibliorum libris, quos Ecclesia hodie vsurpat: Id quod sanè certissimum est ex fide.

Nam primum ex ipsa Scriptura sacra (quam veram esse euincunt illa fidei motiua, de quibus dixi) constat, Christum Dominum sufficiēter prouidere Ecclesiæ suæ, ne tota errer. Errare autem posset, si libri illi numero, quibus vt sacris vtitur, non essent sacri. Certum igitur ex fide est, libros huiusmodi veram & infallibilem veritatem continere, sacrosq; esse.

Deinde hoc idem confirmatur auctoritate ipsius Ecclesiæ, quæ hos ipsos libros tanquam Canonicos recipit. Vt enim suprà dictum est, ipsi Ecclesiæ commissâ est custodia librorum sacrorum. Vnde non minus debemus ei credere proponenti nobis hos libros, quàm si ipsos originales seruaret. Nam ne tunc quidē aliunde comper-
tum haberemus, tales, esse libros Canonicos, nisi ex Ec-

f Incaput 1.
ad Galat.

Parte I.

Esse omnino infallibiles illos ipsos libros sacros qui exstāt in Ecclesia.

Probat. I.

2.

clesię testimonio, vt benè ac prudenter hoc loco à Ioanne Driedone notatum est.

Li i. de script.
cap. i.
*Responsio ad
contraria ar-
gumenta supra
posita.*

Ad I.

AD PRIMVM igitur argumentum contrarium, respondetur, potuisse quidem vnum aut alterum interpretem vel impressorem errare, aut etiam aliquos, sed vt omnes omnino errarent, fieri nequaquam potuisse; diuina nimirum prouidentia, propter Ecclesię bonum, id prohibente. Quam ob rem omnes illi codices (quocunque idiomate conscripti fuerint) quibus Ecclesia Catholica, tanquam authenticis in materia fidei, aliquando vsa est, cerri & indubitati fuerunt, quod attinet ad illa omnia, in quibus eiusmodi libri cōcordârunt. Nam de locis quidem aliquibus minutoribus non pertinentibus ad ipsa dogmata fidei, aliqua potuit esse controuersia quamdiu Ecclesia nullam editionem Bibliorum speciali definitione approbauit.

*Facnō esse iam
dubitare, quin
Vulgata editio
Bibliorum, sit
authenticā.*

Sessione 4.

*Quid sit, edi-
tione illam
esse authenti-
cam.*

Iam verò, post Concilium Tridentinum dubitare non licet, quin editio vulgata vetus, quæ in primis à Diuo Hieronymo partim conscripta, partim emendata est, diuinam doctrinam contineat, sitque per omnia in sensu quidem concors illi Scripturæ, quæ primò ab auctoribus sacris Spiritu sancto dictata est excepta. Etenim eiusdem Ecclesię auctoritate (nempe Romanæ, quæ sola vera & Catholica est, vt supra conuicimus) qua omnino etiam aliquam esse Scripturam Cronicam constat, in eo Concilio definitum est, editionem hanc authenticā esse, grauiusque præceptum, vt pro authentica in concionibus, lectionibus, disputationibus, & expositionibus, habeatur, nec vllus eam reiicere quouis prætextu audeat vel præsumat. Esse autem versionem aliquam authenticā, nihil hoc loco aliud est, quàm esse eam omnino in sententia cōformem Scripturæ originali, ac proinde doctrinam

trinam diuinam continere, ex qua certò possint controuersæ fidei determinari.

Quod autem Concilium addit: ne ullus illam quouis prætextu audeat reiicere, id profectò euidenti argumento est, in omnibus omnino locis, & quod attinet ad omnes Scripturæ sententias, esse hanc editionem ut authenticam à Concilio approbatam. Secus enim, prætextus aliquis superesset, quo, non obstante hac definitione Concilij, posset aliquando ea editio in disputationibus reiici: nempe si diceretur, in hoc certè aut in illo loco non esse huius editionis auctorem Spiritus sancti mentem assecutum. At, ne villo vnquam prætextu hæc editio reiiceretur, omnino voluit Concilium prohibere. In omnibus igitur locis eam haberi voluit pro authentica.

Explicatur decretum Concilij Trid. de editione vulgata.

Neq; tamen contendimus, errores etiam Typographorum (ut Kemnitius & alij Sectarij calumniantur) si qui in aliqua exemplaria irrepserunt, à Concilio Tridentino probari: Vt quod obiiciunt isti, capite vndecimo Iudicum, pro, *Alteram matrem*, lectum fuisse, *Adulteram matrem*, & similes quasdam nugas. Sed probauit Concilium veterem eam editionem benè atq; correctè typis impressam. Hanc nimirum definiuit habendam esse pro authentica. Et certè quod ad rem ipsam attinet nihil aduersus hanc editionem obiiciunt Sectarij, quod alicuius sit pōderis. Nam quod illam ab Hebraicis aut Græcis exemplaribus discrepare dicunt, id vel falsum est, si correctione exemplaria inspiciantur, vel certè quod ad ipsam sententiam attinet nihil interest. Vt quod obiiciunt, Genesis tertio, dici: *Ipsa* conteret caput tuum; cūm dicendū esset iuxta vim verbi Hebraici, *ipse*. Eòdem enim res redit. Nam si Filius Virginis Christus Iesus contriuit ca-

In examine scilicet 4. Concilij Trid.

put serpentis; ipsa Virgo quoq; suo modo contriuit, quatenus genuit nimirum Iesum Saluatorem. Quare non malè etiam interpres, propter contextus Latini commoditatem, *Ipsa*, vertit, vt sequentia cum antecedentibus melius Latinè cohærent. Item, quod obiiciunt, Matth. nono, iuxta Græcam dictionem, dici debere: non veni vocare iustos, sed peccatores *ad penitentiã*, eamque postremam voculam in vulgata editione esse omissam; obsecro quid interest? An non enim satis per se intelligitur, peccatores à Christo cùm vocabantur, ad penitentiã vocatos fuisse? Sed nolo reliqua omnia persequi, quæ perinde facillè expediri possunt.

Porro ex dictis intelligitur, nullo modo auctores illos audiendos esse, qui adhuc post Concilium Tridentinum cõtendunt, posse etiam nunc editionem vulgatam per Hebraicos & Græcos codices, tanquam per fontes (vt aiunt) in locis aliquibus, quod ad ipsam sententiã attingit, emendari. Non licet hoc facere. Quin potius Græci & Hebraici codices, sicubi à nostra editione dissideant, per nostram corrigendi & emendandi sunt. Nam hanc Ecclesia peculiari definitione per omnia probauit, non illos: quanquam nec illos reiecit, nisi vbi huic nostræ editioni fortè contradicerent.

Neque verò possunt illi codices potiori iure fontes iam appellari, quàm editio hæc nostra. Primò, quia neq; illi, originales ipsi libri sunt, sed variorum Typographorum opera excusi. Deinde, quoniam magna est etiã horum voluminum varietas, magna etiam eorum interpretum inconstantia, qui illos Latinè ad veritatem fontium, vt ipsi dicunt, vertere conantur: prorsus vt, quem admodum Melchior Canus argutè ait, non tam fontes vertere, quàm ipsi circa fontes verti videantur. Tertiò, quo-

Non licet editionem Vulgatam, quod ad rem sententiãq; attinet, per Hebraicos aut Græcos codices emendare.

Græci & Hebraici codices nō possunt meliori iure dici nunc fontes quàm editio Vulgata.

Lib. 2. de locis Theolog. cap. 13.

quoniam & Rabinorum, & aliorum Ecclesiæ Catholicæ hostium, fraude, sæpe potuerunt deprauari. Itaque minime illi in sua origine purè tanquam fontes scaturiunt: sed per varia loca, hoc est, per hominum operas, à quibus infici potuerunt, ad nos deriuati sunt.

Quocirca satius multo est huic vulgatæ editioni per Ecclesiam approbatæ fidem adhibere. Quemadmodum etiam quandoq; melius est ex nitido fontis riuulo, quàm ex turbido ipso fonte aquam ad bibendum haurire. Quade re eruditè sanè & diligentissimè scripsit inter alios Canus. Qui nihilominus benè docet, varium ac multiplicem esse linguarum vsum ad Scripturam diuinam & ad hanc ipsam vulgatam editionem intelligendam: non quidem vt illa quoad sensum emendetur, sed vt proprietates originalium, quam ipsa (ob idiomatis diuersitatem) obscurius interdum exprimit, melius percipiatur. Verùm de primo argumento hætenus.

Ad secundum respondeo, ne per potentiam quidem suam absolutam posse omnino Deum, qui prima atque summa veritas est, fallere, vel per se, vel per alium: vt nec potest ipse, cum summa atq; infinita sit bonitas, vel peccare, vel ad peccadum impellere. Quod ad eò verum est, vt minimè Diuus^a Augustinus ac Diuus^b Anselmus scribere dubitauerint, non magis Deum mentiri posse quàm Deum esse desinere. Mentiretur autem certè si quæquam ipse falleret. Nam cum omnia ipse sciât: si falsum aliquid significaret; minimè id quidem præter mentem suam, sed planè contra eam significaret; quod ipsum mentiri est.

Ac sanè postquam grauissimis nostræ fidei motiuis necessariò (vt initio libri vidimus) demonstratur, Christianam doctrinam, atque ad eò Scripturam sacram, di-

Lib. 2. de locis
Theolog. c. 12.
13. & 14. & 15.

*Ad argumen-
tum 11.*

*Ne de potentia
quidem abso-
luta posse Deū
per se aut per
aliū fallere.*

^a Lib. 1. de
symbolo ad Ca-
techumen.

^b Lib. 1. Cur
Deus homo,
cap. 12.

*Deum non pos-
se fallere, quo-
modo probetur.*

gnissimam esse assensione prudentum; non est admodum difficile, tanquam ab effectu & consequenti quodam, euincere, per nullam potentiam Deum vel per se vel per alium, quenquam fallere posse. Etenim si Deus villo modo posset fallere, neque deberemus sanè, neque possemus eniti, vt per fidem supernaturalem, absq; omni formidine, simus penitus certi de veritate doctrinæ Christianæ. At id & possumus & debemus; (vt illis fidei motiuis efficitur, & alioquî etiam illi ipsi auctores concedunt, qui temerè existimârunt, Deum fallere per potentiam absolutam posse.) Non potest igitur Deus villo modo fallere. Hæc enim humanæ mentis natura est, vt nisi nobis persuadeamus, aliquid certo atque infallibili fundamento niti, de eo penitus certi esse non possimus. Si autem Deus potentia absoluta posset fallere, nulla tunc nobis ratio suppeteret, qua nobis persuaderemus, doctrinam fidei aliquo infallibili fundamento niti. Nam quonam obsecro? An fundamento claræ & euidentis demonstrationis? Minimè. Est enim doctrina fidei de rebus, vt Apostolus inquit, *non apparentibus*, id est, non manifestè notis. Qualinam igitur, aut quo infallibili fundamento doctrinam fidei niti, persuadere nobis tunc possemus? Num veræ reuelationis? nec enim aliud restat. At si Deus natura sua falsum absolutè affirmare posset, vnde persuaderemus nobis, eam ipsam reuelationem diuinam doctrinæ fidei, veram ac certam esse? Non certè ex natura Dei, si is quidem ponitur naturâ sua posse falsum absolutè docere. Nec rursus ex ordinaria lege ac promissione Dei, qua ille statuerit, se non nisi verum vnquam reuelaturum. Cùm enim hanc etiam ipsam legem siue promissionem Dei non possimus cognoscere nisi ex reuelatione diuina, qua ille nimirum significauerit id se promississe ac statuisse:

*Si Deus posset
per illam po-
tentiam falle-
re, non posset
fides certa esse.*

Hebr. II.

se: si Deus naturā suā absolutē potest dicere falsum, de ea ipsa etiam reuelatione poterimus meritō dubitare; num videlicet tunc Deus vel maximē potestate mentiendi vsus sit, cū nobis significauit nunquam se mentiturum. Ita minimē viam haberemus, vt ex aliqua lege Dei ordinaria ipsum semper esse veracem cognosceremus. Vt enim dictum est, via ad id cognoscendum oporteret esse reuelationem, per quam solam ipsa lex Dei ordinaria in hoc genere innotescere potest; de qua tamen reuelatione, si Deus sua natura fallere potest, in primis dubitamus.

Cuius sanē argumenti vis hoc exemplo elucescit. Si quem hominem nunquam mentiri, alia ratione cognoscere non possemus, nisi quia ipse dicit statuisse se nunquam mentiri: non utique penitus esse certi possemus, quod nunquam ille mentiatur. Cū enim naturā suā mentiri possit; vereri possemus ne tunc vel maximē, cū se diceret nolle mentiri, mentiretur. Ita igitur, si Deus natura sua fallere posset, nunquam ex ipsius Dei lege atq; promissione per reuelationem ab ipso patefacta, certō nobis persuaderemus illum nunquam fallere. Vereremur enim ne vel illa maximē reuelatione legis atq; promissionis suæ nos falleret.

Huc accedit auctoritas etiam ipsius Scripturæ, quam quidem, vt alioquē ea nobis per communia illa fidei motiua probata est, non perperam ad hoc ipsum confirmandum, nempe Deum natura sua omnino fallere non posse, vsurpabimus. Est, inquit Scriptura, ^a Deus verax, omnis autem homo mendax. Item: ^b Non est Deus quasi homo, vt mentiatur. Quid his in locis & quantum dignitatis existimabimus tribui Deo? An illud tantum, quod actu quidem ipse non mentiatur, cū homines ferē mentiri soleant?

Exemplo confirmatur non posse Deum etiam potentia absoluta fallere.

Id etiam probari posse ex Scriptura.

^a Rom. 1.
^b Numer. 23.

leant? Atqui nonnullos etiam homines reperire liceat, qui prorsus à mendacio abstineant. Non igitur de actu ipso, sed de conditione atque discrimine naturæ utriusque, videlicet Dei & hominis, sermo ibi est. Nempe ut intelligamus, Deum omnino esse eiusmodi, ut naturâ suam mentiri & fallere non possit; hominem verò contrà ea natura præditum esse, ut id possit. Ut, cum simul^c Scriptura dicit; *Neque esse Deum, ut filium hominis, ut mutetur*; non tantum cerrè significat ipsum actu non mutari, sed omnino naturâ suam mutari nullo modo posse.

^c In eodem loco Num. 23.

Hebr. 6.

Negat Apostolus posse Deum etiam potentia absolutam fallere.

Ac sunt præterea duo Scripturæ loci, qui maximè valent ad hanc ipsam rem confirmandam. Alter est in epistola ad Hebræos: Vbi Apostolus, cum firmitatem promissionis, qua Deus Abraham, & semini eius, benedictionem gratiæ suæ pollicitus est, commendare vellet, ita inquit: *Volens Deus abundantius ostendere pollicitationis hereditatem immobilis consilij sui, interposuit iurandum; ut per duas res immobiles* (scilicet per promissionem, & iuramentum) *quibus impossibile est mentiri Deum, fortissimum solatium haberemus.* Hic sanè cum Divus Paulus negat, potuisse Deum vel in promissione, vel in iuramento mentiri, procul dubio secundum potentiam Dei etiam absolutam loquitur. Nam si solum negat, potuisse Deum mentiri posita ipsius promissione atque lege ordinaria; minimè fortissimum illud solatium haberemus, quod tamen nobis Paulus pollicetur. Vereremur enim, ne illa ipsa revelatione, qua legem eiusmodi & promissionem diuinam cognosceremus, Deus nos fefellisset, ut ex eo argumento patet, quod paulò antè fecimus.

2. Tim. 2.

Alter locus est in posteriori epistola ad Timotheum. Vbi cum similiter idem Apostolus homines certissimos reddere conaretur de diuina promissione qua præmium.

mium æternum piis operibus decretum est, ita inquit: *Ille* (videlicet Deus) *fidelis permanet: Negare se ipsum non potest.* Quo etiam loco sine dubio negat Deum vlla ratione fallere posse. Alioquē penitus certi de diuina promissione (vt vult Apostolus) esse non possemus, quemadmodum antè ostendimus.

Ad Scripturæ autem locos, qui ad confirmandum posse Deum fallere, obiciebantur, non est difficile respondere. Nam quod ad primum locum attinet, possumus in primis negare, Cain fuisse hominem illum, quem ^a Lamech interfecit. Neque enim id ex Scripturis constat, quin imò à pluribus putatur commentitium. Secundo, dato quòd fuerit, non idèò erit in Dei oratione mendaciū. Etenim cū is ad Cain dixit: *Nequaquā ita fiet:* sensus fuit: nequaquā impunè à quoquam interficiaris, sicut verebaris. Quæ expositio satis congruit cum ipso textu.

Ad secundum locum quod attinet, sunt qui concedant Abraham dissimulandi causā fuisse mentitum. Ita ^b Adrianus, quem ^c Canus sequitur. Consequenter ij dicunt, quòd Abraham mentitus sit, hoc illum ex instinctu Dei non fecisse; quod verò nesciens prophetauerit verum, hoc esse Deo adscribendum. Atq; ita interpretantur sententiam Diui ^d Ambrosij. Mihi sententia D. ^e Augustini magis placet, qui negat, Abraham tunc mentitum esse. Et si enim persuaderet sibi fore, vt immolaret filium, sperabat tamen etiam futurum vt confestim ille ad vitam diuinitus reuocaretur, quòd possent impleri promissiones. Ita verè potuit dicere: *Expectate hic, ego & puer illuc properantes, postquam adorauerimus, reuertemur ad vos.* Sententiam hanc Augustini sequitur ^f Gabriel, & ^g Carthusianus in illum locum. Neque obscurè illam insinuasse videtur Apostolus, cū dixit: *Fide Abraham obtulit*

*Responsio ad
Scriptura locos
suprà obiectos,
in quibus videri
posset Deum
fefellerisse.
Ad primum.
a Gen. 4.*

*Ad secundum
locum.
b Quodlibeto 1. ad 1. argum. principale.
c Lib. 2. de locis Theolog. cap. 4.
d Loco suprà citato, lib. 1. de Abraham, c. 8.
e Serm. 71. & 72. de temporibus.*

*f In 3. lib. sent. dist. 38.
g In illum locum Gen.*

Isaac Deo, cum tentaretur, qui susceperat repromissiones (ad quem dictum est, quia in Isaac vocabitur tibi semen) ARBITRANS quod & à mortuis suscitare potens est Deus, &c.

Afferret Carthusianus & aliam expositionem; ut nimirum quod solus Abraham erat suo iudicio præstiturus, nempe ut rediret, id iuxta vsitatam aliàs Scripturæ phrasim, se & filium facturos fuisse affirmaret. Ad quem modum intelligitur illud: ^h *Videntes autem discipuli, indignati sunt dicentes; ut quid perditio hæc? Quod tamen vnus Iudas dixit. Item illud: ⁱ Et qui cum eo crucifixi erant, conuiciabantur ei.*

b Math. 26.

i Marci 15.

Ad tertium locum.

Ad tertium locum quod attinet, plerique concedunt, Iacob minimè Spiritus sancti afflatu loquutum fuisse, sed ex se fuisse mentitum, cum diceret: *Ego sum primogenitus tuus Esau*; neque verò Innocentium aliquid contrà de ea re definiisse, sed exposuisse tantum priuatam suam opinionem, cum asseruit, Iacob, diuinitus inspiratum, ita fuisse loquutum. Cæterum communior sententia ^a Doctorum ac ^b Patrum est contraria, ut videre est etiam apud ^c Melchiorum Canum, loco citato. Quamuis enim Iacob naturâ non esset primogenitus: at iure erat ex diuina voluntate, quam vel priuata reuelatione cognouit, vel ex instructione Rebeckæ matris, quam constat diuinitus edoctam fuisse, fore, ^d *ut maior seruiret minori, &c.* Potuit ergo Iacob absque mendacio dicere: ^e *Ego sum primogenitus tuus*: intelligens, iure, non natura. Ad eum modum, quo populus gentilium, per eundem ipsum Iacob significatus ^f Rebeckæ, postquam per fidem, Abrahæ successit, potuit verè dicere, se iure & voluntate diuina semen esse verum & hæredem Abrahæ, quod ad diuinas promissiones attinet: uti perspicuè Diuus Paulus verbis illis ostendit; ^g *Non omnes qui ex Israel sunt, sunt Israelitæ,*

neg.

a Magistri in

3. d. 38. Alenf.

2. p. membro

6. D. Thom.

12. q. 110. art. 3.

&c.

b Innocentij

c. Gaudemus,

de diu. Ambr.

12. de Iacob &

vita beata. c. 2.

Aug. q. 74. in

Gen. & 1. 16. de

ciuit. Dei, cap.

37. Chrysof.

hom. 6. in ep.

ad Col. & 53.

in Gen. &c.

c Lib. 2. de lo-

cis Theol. c. 4.

d Gen. 25. ad

Rom. 9.

e Genes. 27.

f Genes. 25.

g Rom. 9.

neq. qui semen sunt Abraha, omnes filij eius sed qui filij sunt promissionis, æstimantur in semine.

Ad quartum locum respondetur primò, sententiam illam fuisse comminatoriam, quæ, vt rectè inter ceteros explanauit Canus, iuxta communem loquendi vsum, accipienda est tacita quadam conditione intellecta: Si nimirum is, ad quem dirigitur comminatio, non resipiscat. Resipuit autem Ezechias. Itaque nulla fuit in oratione Isaia falsitas, siquidem defuit conditio. Secundò ad eam responsionem & hoc addendum est: Deum per Prophetas solitum esse prænunciare, non modò id, quod omnibus consideratis futurum est; sed etiam id, quod attendendo ad aliquas inferiores causas; vt ad merita hominum, &c. verè iudicari potest esse futurum, tametsi ex voluntate diuina, & spectatis omnibus causis, secus futurum sit. Atque hoc modo Isaias eo loco verè prædixit mortem Ezechia, videlicet spectata quidem causa particulari, hoc est, solum respiciendo ad merita ipsius in præsentia. Ita similes quoque prophetias interpretatur rectissimè Diuus^h Thomas.

Ad quintum Scripturæ locum respondeo, non illo significari propriè Dei præceptum, quasi is positiuè (vt claritatis causa in Scholis loquimur) impulerit spiritum nequam ad decipiendum, sed significatur diuina permissio, quæ in Scripturis plerumque eodem genere sermonis designatur, quo præceptum & positua voluntas Dei. Ita intelligitur illud Christi, ad proditorem Iudam: *Quod facis, fac citius*, sicut^k Canus etiam rectè annotauit. Atque eodem modo ad omnes alios Scripturæ locos, qui sunt eiusdem generis, respondemus: neque aliter etiam intelligi debet Diuus Augustinus. Quodenim is ait, per spiritum malum Deum solitum esse decipere, non per bo-

Ad quartum locum.

Lib. 2. cap. 4.

Qui facit & aliquando non euenit quod fuit diuinitus prænunciatum.

^h I. parte Summæ q. 19. ar. 7. ad 2. arg. & 2. q. 171. ar. 6. ad 2. argum.

Ad quintum locum.

ⁱ Ioan. 13.

^k Lib. 2. de locis vbi suprà.

Lib. 83. qq. 9. 53.

num, ideò dicit, quòd spiritus malus sit, qui permittente Deo decipere solet; quod ille non solet permittere vt fiat per spiritum bonum. Ac est etiam illud hoc loco diligenter notandum: quamuis Deus ipse per se neminem (vt dictum est) in errorem aut etiam in peccatum impellat, tamen suo quodam iusto iudicio ad res quasdã per se alioquì non malas quandoque homines impellere, quibus rebus ipse præuidet eos ad errorem peccatumque abusus; idque ipsum vt fiat, certo quodam consilio statuit permittere. Atque hæc videlicet ratio est, quam ob rem in quibusdam præsertim Scripturæ locis ita significetur eiusmodi Dei permissio quasi ipse per se traderet homines in reprobum sensum ad peccandumque impelleret. Nimirum ita Scriptura loquitur, quoniam eius rei certe, ex qua sumit aliquis occasionem erroris peccati que, Deus (& quidem peculiari quandoque consilio & providentia) est causã. Quæ explicatio disputationes quoque D. Augustini de hoc genere, tum aliàs, tum maximè in libro de¹ gratia & libero arbitrio, non parum illustrare potest. Nam quòd non nisi permittendo alioquì Deus tradat in reprobum sensum, ipse etiam Augustinus ad extremum satis declarat in illo eodem^m libro. Sed de secundo argumento nimium multa fortassis.

AD TERTIUM respondetur. Nihil omnino in Scripturis esse, quod peculiari Spiritus sancti instinctu scriptum non sit. Quod patet profectò ex communi etiam consensu fidelium, manifesteque probatur ex eo, quòd si aliquid humano spiritu auctores sacri scribere potuerunt, magna ex parte Scripturarum labefactaretur auctoritas. Poterit enim quiuis dubitare, vbi nam spiritu proprio, vbi diuino auctor loqueretur. Neque facile esset discernere in hoc genere, quæ leuioris, quæ grauioris essent

1 Cap. 21. &
deinceps.

m Cap. 23.

Ad argum. III.
principale.

essent momenti: vt optimè ⁿ Canus differit ad coarguendum tum Erasmi, tum aliorum quorundam veterum errorem, quos ^o Hieronymus sensisse commemorat, Scriptores Canonicos in rebus maioris momēti Spiritu sancto afflatos scripsisse, in leuioribus autem potuisse hallucinari. Certè Diuus Paulus, *Omne Scripturam diuinitus inspiratam, vtilem esse pronunciat*. Itaq; nihil est in ea, quod vel per se, vel ad alia relatum, non sit magni momenti. Petrus quoque absolutè sine omni exceptione ait: *Spiritu Dei inspiratos, locutos esse sanctos Dei homines*. Quare dubium esse non debet, quin omnes & singulæ Scripturarum particulæ sint Spiritu sancto dictante exaratae. Id quod meritò etiam in Concilio Tridentino sub anathemate definitur.

ⁿ Lib. 2. de locis, cap. 10.

^o In caput 5. Michez.

2. Tim. 3.

2. Petri 1.

Sessio 4.

AD QVARTVM argumentum quid respondendum sit, facillè patet ex dictis. Vt cunq; enim Scriptura difficilis ad intelligendum sit, tamen ille sine omni dubitatione verus atq; genuinus Scripturæ est sensus, quem Ecclesia Spiritu sancto suggerente asserit. Atque ita non deest modus ex Scriptura depromendi infallibilia argumenta ad definiendas controuersias. Fatendum tamen est, multos esse locos Scripturæ, ex quibus, quoniam eorum sententia neq; euidenter per se patet, neq; auctoritate Ecclesiæ satis declarata est; nō potest argumentum firmum duci ad faciendam fidem. Sed & nonnullæ quoq; controuersię sunt, quæ per Scripturam solam definiri satis ac determinari nequeunt, vt suprà demonstrauiamus, atque etiam paulò pōst necessariò repetetur.

Ad arg. 1111.

AD postremum caput quod attinet, latissimè de ratione interpretandarum Scripturarum scripsit inter cæteros Driedo libro tertio de dogmatibus Scripturæ, & Caterinus de clauibus Scripturæ, & Michaël Medina.

V.

Qua innuere possint ad rectā Scripturæ interpretationē.

Nos breuiter præcipua quædam documenta ad eam rem trademus (quæ partim suprâ etiam attigimus, cùm de Scripturæ obscuritate ageremus) ex doctrina Diui Augustini potissimum collecta in libris quatuor de doctrina Christiana, quos ille hac dere doctissime scripsit.

*Documentū 1.
ad Scripturam
intelligendam
Gile.*

*Ex Aug. lib. 2.
de doctrina
Christi c. 8.*

Psal. 15.

Act. 24

*6 Aug. lib. 2.
de doct. Chri-
stian. cap. 25.
& 26.*

Docum. 11.

Primum documentum est, vt quis benè perspectos habere studeat libros omnes Scripturæ sacræ, in eorūq; lectione, quantumuis multa nō intelligat, assiduè versetur. *Erit enim, inquit Augustinus, diuinarum Scripturarum solertissimus indagator, qui primò totas legerit notasq; habuerit, si nondum intellectu, iam tamen lectione.* Et infrâ: *Prima, inquit, huius laboris obseruatio est, nosse istos libros, et si nondum ad intellectum, legēdo tamen vel mandare memoria, vel omnino incognitos non habere.* Ac ratio huius documenti est, quoniam multorū locorum obscuri sensus disertis verbis sunt aliis quibusdam in locis explicati, quos idcirco minimè ignorare is poterit, qui Scripturam totam assidua lectione reddiderit sibi familiarem. Sicut illud Psal: *Nec dabis sanctum tuum videre corruptionem;* sanctus Petrus ad Christi corpus in sepulchro positum pertinere est^a interpretatus, vt iam similia exempla multa prætereā. Accedit, quòd etsi sensus vnus loci obscurus in nullo alio loco disertè explanetur; tamen ex diligēti locorum^b collatione sæpe colligi poterit: quod sanè videmus passim, & magno cum fructu veteres Patres in Scripturis interpretandis facitâsse.

Secundum documentum est, vt quis similiter multum in lectione Patrum, Conciliorum, & Decretorum Pontificum versetur. Cuius documenti ratio serè eadem est. Passim enim à Conciliis, à Pontificibus, ab aliisque Patribus Scripturæ sacræ loci obscuriores declarantur.

Tertium

Tertium est, vt quis etiam probè teneat eam linguā qua sacrae literae vel traditae vel expositae sunt; itemq; figuras seu tropos loquendi in illa vsitatos: quorum est sane in sacra Scriptura frequentissimus idemq; multiplex ac varius vsus. Hinc enim quod de Christo dicitur, plerumq; decius membris intelligi oportet, & quod de vna ciuitate; de tota prouincia, &c. Et si autem ob hanc causam vtile sit Graecas etiam & Hebraicas literas, ob earum etiam proprios quosdam modos, callere: tamen vt rectè etiam notat Ioannes^c Driedo, & possumus quoq; colligere ex Diuo^d Augustino, non est id iam prorsus necessarium, posteaquam tam multi sunt, qui Latine beneq; doctè explicuerunt difficultates omnes, quae ex earum linguarum proprietate oriuntur.

Docum. III.
Aug. lib. 2. de doctr. Christ. c. 10. & 11.

^c Lib. 2. de dogmat. sacrae Script. tract. 1. cap. 2.
^d Lib. 2. de doctr. Christ. cap. 5. & c. 12.

Quartum documentum est, vt quis artium liberalium cognitione & scientia naturalium rerum, quoad eius fieri possit, instructus ad sacrarum literarū studium accedat. Ita enim earum rerum proprietates cognoscet, quarum nominibus diuina mysteria saepe in Scriptura sacra metaphoricè declarantur: atque adeò facilius etiam intelliget, quid Spiritus sanctus eiusmodi rerum similitudine significare voluerit. In primis autem Diuus Augustinus docet, vtilem esse Dialecticam ad discernendum in Scripturarum expositione quae sint fidem consequentia; & quae contra verae fidei repugnent. Itemque in vniuersum affirmat, nos omnino vri debere scientiis Philosophorum, repudiatis tamē eorum erroribus. Veritates enim (quas iniuste & indignè Philosophi possidebant) quasi thesaurum quendam erutum ex fodinis diuinæ prouidentiae vbique diffusae, debere nos nostro iure ad Scripturas intelligendas vsurpare. Sicut filij Israël reli-

Docum. IIII.
Aug. lib. 2. de doctr. Christ. c. 16. 28. & 29. 31. 36. 37. 40.

Lib. 2. de doctr. Christ. c. 31.

Ibidem c. 40.

ctis

Exod. 11. & 12. Atis Ægyptiorum idolis, cum ex Ægypto discederent, vas aurea & argentea illis surripuerunt.

Documen. V.
Aug. lib. 2. de
doctr. Christ.
c. 36. & lib. 3. c.
2. & 3. & 26.
& 27.

Quintum documentum, idq; latissimè patens, est, ut si quis locus est ambiguus; vel propter obscuritatem distinctionis, quia dubium est, quomodo sit distinguenda vel pronuncianda, num seriò an ironicè, absolutè an per interrogationem, &c. vel etiam ob significatarum rerum obscuritatem; consulat quis alia dogmata fidei clariora, antecedentiaq; & consequentia perpendat. His enim diligenter consideratis, quaecumq; sententiam aliquis ex eiusmodi Scripturæ loco eliciendam putet, modo fidei consentanea illa sit, & caritatem Dei & proximi, quæ^e finis est sacrarum literarum, promouere possit; *Non salletur perniciosè* (inquit sanctus^f Augustinus) etiamsi non assequatur id ipsum, quod Scriptor Canonicus intendit.

Documen. VI.
Quod potissimum colligitur ex lib. 3. de doctr. Christiana. cap. 12. & deinceps.
Matth. 12.

Sextum documentum est, ut consulatur etiam ratio naturalis. Nam etsi multa supra rationem naturalem doceat Scriptura; tamen nihil omnino contra illam docet. Ut cum dicitur: *Si oculus tuus scandalizat te, erue illum & proiice abs te*; Ipsa certè ratio admonere nos debet, ne huiusmodi locum intelligamus propriè sicut verba ipsa sonant. Atq; huius quidem documenti, quò quisque doctior & in animaduertenda vi rationis naturalis perspicacior fuerit, eò quoq; maiorem usum habere poterit. Deniq; intelligentia Scripturarum inprimis à Deo cum vera animi submissione petenda est, qui dat omnibus affluenter & nō impropere. Et hæc quidem de Scripturis sacris summatim exposuisse sufficiat.

DE TRADITIONIBVS APOSTOLICIS.

DE Traditionibus Apostolicis nunc dicendum. I. quæ sit ipsarum ratio & differentia. II. quanta auctoritas, quamque certum sit illas exstare. III. quomodo sint internoscendæ.

Traditiones in proposito dicuntur doctrinæ quædam dogmata, aut etiam morum instituta, quæ Apostoli vel ex ipsius Christi ore, vel ex Spiritus sancti suggestionibus, accepta, viua voce tradiderunt Ecclesiæ, quæque illi aut omnino non scripserunt, aut certè non nisi obscure scripto insinuârunt. Ita duplex (in vniuersum loquendo) Apostolicarum Traditionum genus est. Quædam ad doctrinam tantum pertinent. Vt, quod mater Dei fuerit perpetuò virgo: quod veteris & noui Testamenti libri omnes & singuli sint Spiritu sancto dictante scripti: quod distinctio diuinarum personarum sit per relationes: quod Christus Dominus in cœna *elevatis oculis* in cœlum benedixerit & fregerit panem: quod etiam illa verba in consecratione calicis dixerit, *Mysterium fidei*. Et alia id genus, quæ colligit Innocentius tertius. Aliæ verò Traditiones sunt practicæ, quæ proinde ad mores siue ad usum propriè pertinent. Quanquam vix quidem vlla est Traditio ad praxim pertinens, quæ non etiam veritatem aliquam ex fide credendam cõtineat: nempe rectum id esse omnino, quod circa usum à Traditione instituitur. Cuius generis passim in materia Sacramentorum Traditiones multæ occurrunt: vt paruulos esse baptizandos; Illam esse materiam & formam Ordinis, Confirmationis, Extremæ unctionis à Christo institutam, qua Ecclesia vtitur; Sacramenta quædam iteranda nõ esse. Huius generis est etiam Sanctorum, & Imaginum veneratio, vt habetur in Synodo septima: Item templorum vsus, luminarium, & alia.

I.

Qua sit ratio & differentia Traditionum.

Duplex in communi Traditionum genus.

Quædam pertinent ad doctrinam dogmata.

a Incap. Cùm Marthæ, de celebr. Missarum.

Alia ad morum instituta.

Practicæ Traditiones quatenus pertineant etiam ad doctrinam fidei.

rum similium rerum, quæ ad cultum & cæremonias Ecclesiasticas pertinept.

*Inter ipsas etiã
Traditiones præ
dictas esse di-
scrimen.*

A^{ctor.} 15.

A^{ctor.} 8.

Ac est præterea in hoc genere practicarum Traditionum, quatenus practicæ sunt, discrimen aliud obseruandum. Nam quædam eiusmodi instituta Apostoli tradiderunt ad certum duntaxat tempus duratura. Tale fuit Decretum illud de sanguine & suffocato, quod commemorat Diuus Lucas in Actis: Item etiam institutum illud Baptismi in nomine Christi. De quo etiam legimus in eadem Historia. Si tamen solius Christi (vt multorum sententia est) mentio in eo Baptismo fiebat, & nõ etiam exprimebatur Trinitas. Alia verò absq; vlla limitatione temporis tradiderunt Apostoli.

*Quædam Tra-
ditiones practi-
cæ mutari non
possunt.*

3. parte q. 66.
ar. 6. ad l. arg.

*Alia quædam
Traditiones mu-
tari possunt.*

Inter quæ rursus est differentia, quòd quædam huiusmodi sunt, vt ne ab ipsis quidem Apostolis ex officio & auctoritate sua propria, atq; adeò nec ab Ecclesia vnquam mutari posse credantur, seclusa extraordinaria aliqua & peculiari reuelatione Christi. Huiusmodi sunt ea, quæ Apostoli ex ore ipsius Christi Domini acceperunt: vt illa quæ pertinent ad substantiam Sacramentorum. Itaq; si aliquando Apostoli Baptismum in solius Christi nomine contulerunt, id Diuus Thomas & alij Theologi aiunt fecisse eos ex peculiari Christi Domini reuelatione pro eo tempore, quo nomen ipsius celebrari quàm maximè oportebat. Alia fuerunt ab Apostolis tradita absq; certa quidem temporis determinatione, sed quæ illi tamen ex auctoritate & officio proprio, Spiritu sancto suggerente, ad vtilitatem Ecclesiæ, circumstantiis temporum ac rerum omnibus consideratis, instituerunt. Et quæ huiusmodi sunt, quemadmodum Apostolica auctoritate, sic requirentibus temporum circumstantiis, constitui potuerunt, ita etiam postmodum

ab eo,

ab eo, qui Apostolica auctoritate fungitur, hoc est, à Romano Pontifice, mutari & aboleri, sicut & alia quoq; de nouo institui possunt. Vt enim circumstantiæ rerum progressu temporis variantur, sic etiam oportet rationem Ecclesiasticæ gubernationis esse in quibusdam rebus alio atq; alio tempore variam.

Atque ad hoc sanè genus multi ritus Ecclesiæ veteris pertinuerunt, qui modò non sunt in usu. Vt communio Laicorum sub vtraque specie, & aliquando quidem omnium, quicunque sacrificio Missæ interessent, & alia id genus, quæ in variis materiis Theologicis commemorantur. Hæc igitur Traditionum Apostolicarum varietas est. De quibus tamen hoc loco præcipuè tractamus, non quatenus ad praxim pleræq; illarum pertinent: sed quatenus, vt suprà diximus, omnes illæ ad fidei veritatē quadam etiam ratione spectant; nempe vt credi certè debet eas omnes esse rectas. Qua quidem ratione immutabiles omnes sunt. Nam quod semel verè per fidem credimus, ita esse aut non esse, sic rectè fieri aut nō fieri, ad tempus, siue perpetuò, &c. id semper manet de fide verum. Non enim, vt gubernationis, sic etiā veritatis ratio cum tempore & rerum circumstantiis mutatur. De primo igitur puncto hæc sint satis, quæ fusiùs Melchior Canus & alij multi Theologi persequuntur.

Traditiones omnes, quæ ratione ad fidem spectant, esse immutabiles;

Lib. 3. de locis.

QUOD ad secundū attinet, non dubitatur, quin si quæ sint dogmata ab Apostolis, Spiritu sancto suggerente, vel Christo auctore, tradita viua voce, perinde illa infallibilem auctoritatem habeant, ac si scripta fuissent. Neque hoc propriè vlli hæretici negauerunt. Intelligunt enim, doctrinam sacram infallibilem esse, non quia literis & atramento expressa est, sed hoc ipso quod est diuina, siue literis siue viua voce declaretur. Sed contro-

II.

Quæ sit Traditionū certitudo & auctoritas.

Quis propriè status sit controversiæ de Traditionibus cum hæreticis.

uersa omnis est, vtrum aliqua eiusmodi dogmata Apostoli viua voce tradiderint siue scripto, quæ nunc etiam in Ecclesia suppeditent ad fidei controuersias finiendas argumentum infallibile. Ac negant hæretici non modò recentiores nostri, sed etiam veteres penè omnes. Omnibus enim hæreticis hoc ferè in more fuit positum, vt ad Scripturas solas prouocarent, nec vllum præterea fidei principium admitteret. Sic Arrius, Nestorius, Eutyches, Dioscorus, fecerunt, vt ^a Basilius Ancyranus Episcopus refert, in confessione, quam exhibuit septimæ Synodo. Sic etiam Iconomachi, vt ex eadem Synodo pater. Sic Aëriani, vt auctor est ^b Epiphanius. Sic Marcion & Valentinus, vt videre est apud ^c Tertullianum. Sic VVicleffus apud ^d VValdenscm. Sic deniq; Lutherani Caluiniq; omnes. Fundamenta verò illorum eiusmodi sanè sunt, vt etiam ex illis ipsis, aduersus eos optimo iure retortis, Catholicæ Traditionum assertionem, quemadmodum videbimus, faciliè simus probaturi.

Primum autem est tale: Traditiones esse aliquas Apostolicas, quæ non etiam scriptæ sint, tum demum cõcedi oporteret, si non omnis doctrina diuinitus reuelata mandata est sacris literis. At omnis prorsus eiusmodi doctrina sacris literis consignata est. Perperam igitur tales afferuntur Traditiones. Id confirmant ex Apostolo, qui Scripturam affirmat *utilem esse, vt perfectus sis homo Dei ad omne opus bonum instructus*. Quo loco peculiariter Kemnitius vrget, quòd pluribus etiam verbis Apostolus eam Scripturæ vim atq; vsum declarauit. Ait enim, *utilem esse ad docendum, ad arguendum, ad corrigendum, ad erudendum in iustitia*. Vnde cõcludit Kemnitius sufficere ipsam posse etiam Euangelij ministro, vt omnes partes sui muneris explete possit. Et accedit huc sanè quod in Deute-

rono-

Commune fuisse omnibus ferè hæreticis à Traditionibus ad Scripturas solum prouocare.

^a In Synodo sept. anathemat. 7. Idem de Arrianis Aug. lib. 1. cõtra Maximin. ^b Hæresis 75. ^c Lib. de præscript. ^d Lib. 2. doct. fidei antiquæ, cap. 19.

Argumentum 1. hæreticorũ contra certitudinẽ & auctoritatẽ Traditionum.

2. Tim. 3.

Kemnit. in examine, sess. 4. Concil. Trid.

Deuter. 17.

ronomio non iuebantur fideles credere, nisi quæ sacerdos docuisset *iuxta legem Domini*, hoc est, secundū ipsum Dei verbum; tanquam hoc videlicet ad omnia diiudicanda sufficeret. Quod cū ita sit, sine causa (inquiunt) recipi doctrinas alias & *mandata hominum*. Id quod Phariseis Dominus in Euangelio Matthæi exprobrauit. Quin etiam contra præceptum illud ea re committi: *Quod precipio tibi, hoc tantū facito Domino, nec addas quicquam, nec minuas.*

Matth. 15.

Deut. 12.

Secundò, ostium ea ratione peruersis ac phanaticis erroribus aperitur. Facile enim cuius est, cū Scripturarum testimoniis destitutus fuerit, Traditionem cōminisci Apostolicam. Sic ^e Papias errorem illum suum de mille annis regni Christi in terris post resurrectionem futuri, commentitia Traditione Apostolica tueri conabatur. Quin imò Kemnitius contendit (vt postea videbimus) Traditionum prætextu errores alios qui vnquam in populo Dei fuerunt sparsos fuisse, eoq̃ue consilio & vetus & nouum Testamentum diuinitus fuisse mandatum literis, vt commentitiis Traditionibus scripto occurreretur. Adde quòd hæreticorum quidem morem & institutum Traditiones illæ redolent auriculares & clanculariæ. Cū contra Christus ^f *palam* mundo locutus sit: Et, si quid in tenebris dixit Apostolis, certè iussit, vt ^g *in lumine* id dicerent; itemq̃ue vt quod in aure audierunt *supra tecta* prædicarent. Non igitur sapiunt hæ Traditiones Christi doctrinam.

Argumentum II.

^e Euseb. lib. 5. hist. cap. vlt.

^f Ioan. 18.

^g Matth. 10.

Terriò, doctrinæ, inquiunt, cœlestis capita eo modo Apostoli Ecclesiæ tradiderunt, qui conuenientissimus esset, vt illa perpetuò pura atq; integra in Ecclesia conseruarentur. Sed talis modus non est, vt viua voce tantū sine scripto illa tradiderint. Ergo credendum non est, il-

Argumentum III.

Ios sic aliqua fidei capita tradidisse. Id confirmant. Quia vel impossibile vel difficile admodum est, ut quod auditione tantum accipitur, integrum retineatur & conseruetur. Aut enim qui audit non satis assequitur, aut certe postmodum obliuiscitur, aut aliis minus deinde fideliter tradit. Quo facile fit, ut paulatim ea ratione immutetur, & corrumpatur tandem doctrina. Itaque (quod maximè Kemnitius inculcat) & Apostoli idcirco scripserunt, ut celestis doctrina memoria retineri à fidelibus posset.

*Argumentum
III.*

h Tract. 49. in
Ioan.
i Lib. 1. de
peccator. me-
rit. & remiss.
cap. ult.
& In cap. 1. ep.
ad Titum.
l In cap. 1. Ag-
gæ.

Quartò, auctoritatem Patrum obiiiciunt. Nam^h Augustinus inter cætera ait: *Etsi multa Christi verba & gesta scripta non sint: illa tamen scripta esse, qua credentium saluti sufficerent.* Et rursus: *Vbi de re obscurissima disputatur, non adiuvantibus claris Scriptura testimoniis, cohibere se debet humana præsumptio.* Et^k Hieronymus: *Sine Scripturarum, inquit, auctoritate garrulitas non haberet fidem.* Et^l aliàs quoque ea dogmata damnat, quæ absque Scripturarum auctoritate & traditione Apostolica proferuntur. Itaque Traditionem veteris cuiusdam historiæ, quòd Zacharias Ioannis Baptistæ pater, fuerit is, quem Iudæi inter templum & altare occiderunt, idcirco etiam idem^m Hieronymus reiicit, *quia de Scripturis non habet auctoritatem.* ⁿ Origenes item ait: *Sine Scriptura testimoniis sensus nostros non habere fidem.* Item Constantinus in Cōcilio Nicæno, ut^o Theodoretus refert: *In disputationibus, inquit, rerum diuinarum habetur Spiritus sancti doctrina præscripta. Evangelici enim & Apostolici libri, cum Prophetarum antiquorum oraculis, planè nobis ostendunt sensum numinis, proinde sumamus ex dictis diuini spiritus explicationes questionum.*

m In cap. 23.
Matth.
n Homil. 16.
in Matth.

o Lib. 1. hist.
cap. 7.

*Exstat Apo-
stolica Tradi-
tione non scri-
ptas, ex iisdem
principiis cer-
tissime proba-*

Verùm his nihil obstantibus contrariam nos omnino veritatem ex iis ipsis principiis, quæ ad suum hæretici errorem peruersè accommodant, ostendemus, eadem-
que

quæ opera & sententiam Catholicam confirmabimus, & eas quas adduximus argumentationes hæreticorum refellemus.

*itur, qua perpe-
rā hæretici ad
contrarium er-
rorem suū sta-
bilendum as-
sumunt.*

PROBATIO I.

ATQUE vt eodem ordine ea nos principia aduer-
sus hæreticos pro veritate vsurpemus, quo sunt ab ipsis
pro mendacio perperam assumpta, sit hæc prima proba-
tio. Apostolicæ Traditiones non scriptæ, omnino conce-
dendæ sunt, si doctrina diuinitus reuelata non omnis est
consignata sacris literis. At planè non est. Igitur Traditio-
nes eiusmodi prorsus concedi debent. Etenim multa,
tanquam à Deo reuelata, ex fide credenda sunt, quæ in
Scriptura aut omnino non sunt, aut non ita sunt, vt ex il-
la tantum persuaderi queant, non dicam, contentiosis,
sed ne moderatis quidem hominibus. Id autem suprā Di-
ui Augustini aliorumque Patrum auctoritate probaui,
nuncque etiam confirmo exemplis paulò antè addu-
ctis, cum de Traditionum differentia & ratione dicerem.
Credimus enim & credidit semper Ecclesia, libros noui
ac veteris Testamenti sacros esse; quod tamen ex Scri-
pturis discere non possumus, sed ex Ecclesiæ Romanæ
Traditione, à qua vel ipsi etiam Lutherani aliiq; hæretici
libros sacros acceperunt. Vt (quemadmodum suprā ex
Diui Augustini sententia istis obieciebamus) mirum sit
eos fidem Ecclesiæ Romanæ in re tanti momenti adhi-
buisse, & eidem in cæteris negauisse tam facile.

*Multa esse cre-
denda ob Tra-
ditionem, qua
in Scripturis nō
sunt expressa,
probatur Ex-
emplis.*

Parte V. pro-
batione I L

Quòd si respondeant, diuina prouidentia factum ef-
se, vt libri sacri apud Romanam Ecclesiam seruarentur
incorrupti, ac proinde non potuisse illam supposititios
ac falsos obtrudere: Accipio sanè quod dicunt. Neque
enim aliquid auctoritatis Ecclesiæ tribuendum est, exclu-
sa Spiritus sancti cura & prouidentia. Sed cum id ita sit,
cur non etiam in dogmatibus aliis, quæ Ecclesia eadem

*Consultantur
causillationes
quibus Sediti
ab illo se argu-
mento expedi-
re conātur: Ec-
clesia tradenti
Scripturas cre-
dendū est. Igi-
tur etiam tra-
denti alia do-
gmata.*

Roma-

Romana tradit, regi illam ac protegi à Spiritu sancto concedunt, ac proinde non posse errare? Sed inquit Kemniti^{us}, ostendant prius Ecclesiam Romanam esse verè Apostolicam, vt credamus ei. Optimè verò. Iam enim euidentissimè suprà id ostendimus.

In exam Scil.
4. Concil. Tri-
dent.

Ibidem.

Sed quandā cauillationem potissimùm inculcat Kemniti^{us}, vt persuadeat; non illico reliqua dogmata ab Ecclesia Rom. accipiēda esse, si ab ea Scripturas ipsas oportuit accipere. Quidenim? An idèò Synagogæ Traditiōes, cōtra mandata Dei, vel olim à Iudæis fidelibus, vel etiā ab ipsis Christianis recipiendæ fuerunt, quoniā ipsas quoque Scripturas veteris Testamenti ab eadem illi Synagoga acceperunt? Ego verò ad cauillationem istam hunc in modum respondeo. Primùm, quod ad Christianos attinet, certissimum est, eos nec debuisse vnquam, neque debere iam ob Traditionem aliquam ac decretum Synagogæ recipere libros veteris Testamenti velut Canonicos ac infallibiles. Nulla enim nos illius Synagogæ sanctione legē tenemur, quin imò ne testimonio quidem ipsius opus habemus, vt libros illos Testamenti veteris sacros esse nobis persuaudeamus, cū abundè nobis ad eam rem sufficiat ipsum per se testimonium Christi & Apostolorum, quo eorum est auctoritas librorum commendata.

Responsio ad Se-
ctariorū causil-
lationē Kem-
niti^{us} contra Ca-
tholicorū argu-
mentū à certi-
tudine Traditi-
onis librorū sa-
crorū pro certi-
tudine aliarū
Traditionum
ductum.

Vnde Christia-
ni habeant ve-
teris Testamēti
libros.

Lib. 4. contra
Faustum, c. 2.
& lib. 2. de pec-
mer, cap. 7.

Itaque hos quidem libros non propter Synagogæ Traditionem nos Christiani (nam Sectarij, ipsi viderint, vtrum Iudæi esse malint) recipimus, sed quia de illorum vsu atque auctoritate (vt etiam disputat D. Augustinus) à Christo ipso & Apostolis, atque à Christi Ecclesia sumus eruditi. Id autem cū ita sit, nondum nobis quidem monstrant Sectarij aliquam eiusmodi auctoritatem à qua libros sacros, & non etiam alia dogmata similiter, recipere ipsi debeamus.

Quod

Quod autem attinet ad fideles ipsos, qui fuerunt ex illo populo Iudaico, itidem planè affirmo, qua ratione illi ex auctoritate Synagogæ debuerunt recipere libros sacros, consequenter etiam debuisse ex eadem auctoritate recipere eas quidem Traditiones, quæ similiter atque libri sacri à Synagoga commendarentur. Hoc autem ita declaro ac probō. Libri illi sacri ea ratione ritè tradebantur à Synagoga, quia & communi planè consensu fidelium omnium atque adeò totius illius Ecclesiæ, & legitimo iudicio sacerdotis, qui pro tempore in Cathedra Moſis præſidebat, commendabantur. Et voco legitimum iudicium sacerdotis illud, quod neque ex præiudicata planè ſententia illius Ecclesiæ & ſacerdotum antecſſorum, neque ex euidenti vitio electionis perſonæ, neque etiam ex diuina planè prædicatione Prophetarum, aut Chriſti & Apoſtolorum (quæ manifeſtè erat fide & aſſenſione digna) clarè deprehendi poſſet, non iam à Paſtore reuera ex auctoritate Ipsi diuinitus attributa decernendi de cauſis etiam religionis, ſed à lupo, maſtante & diſpergente oues, proficiſci. Quodcunque enim ſacerdotis iudicium tale eſſe manifeſtè aliquo modo ex dictis deprehendi non potuit, ei omnes fideles illius Ecclesiæ tanquam ſententiæ Superioris ſui & Præpoſiti ex Moſaica Cathedra profeſtæ, acquieſcere atque obtemperare oportuit, iuxta ^a præceptum Domini: & conſequenter iudicium fuit legitimum Paſtoris veri, cuius videlicet opera & auctoritate Eccleſiam quoque illam Deus regi voluit.

Iam igitur, ſi quæ etiam Traditiones communi illius Ecclesiæ conſenſu & legitimo Moſaicæ Cathedræ iudicio, ſimiliter atque libri illi ſacri commendabantur, eas

Quatenus Traditiones etiam nonſcriptæ debuerint recipi à populo Iudaorum.

^a Deut. 17.

etiam consequenter fuisse à fidelibus item recipiendas affirmo: quales profectò fuerunt quædam bonæ ac sanctæ Traditiones illius populi, quæ vel ad interpretationem ipsius scriptæ legis vel etiam ad quendam quoque cultum (vt in confutatione secundi argumenti hæreticorum, videbimus) spectabant. Etenim vt tota illa Ecclesia erraret, sententiamque sequens ex Moyſis Cathedra prolata, quam ipsa amplecti deberet (in re nimirum dubia aut nō aliter diuinitus ac manifestè præiudicata) falleretur, diuina^b promissio obstabat. Quamobrem & Christus ipse, quæcunque dicerent Pharisei & Scribæ ex sententia illius Cathedræ, fieri^c imperabat. Nam *de malis etiam Præpositis* (inquit D.^d Augustinus) *plebem securam faciebat, ne propter illos doctrinæ salutaris Cathedra defereretur, in qua (cū scilicet agitur de re dubia, nec aliter manifestè ab ipsa Ecclesia præiudicata) coguntur etiam mali bona dicere. Neque enim sua sunt quæ dicunt, sed Dei qui in Cathedra unitatis doctrinam posuit veritatis.* Atque inde etiam est, quòd licet olim Prophetæ diuinitus missi, multa contra vitia & errores quibus subinde obstringebantur in illo populo, cū alij, tum etiam (vt apparet) ipsi quandoq; sacerdotes, vt priuatæ personæ, qui proinde ex auctoritate illius sacerdotij & Cathedræ Moyſis ob infidelitatem decidebant, illiusque ad eò titulum non nisi perperam sibi ad defensionem erroris vendicabant: tamen nunquam eiusmodi Prophetæ in gradum ipsum auctoritatis sacerdotum, certitudinemque per se Mosaicæ illius Cathedræ sunt inuecti, nec aliam ipsi Cathedram tanquam altare contra altare erexerunt: vt verissimè etiam Donatistis hæreticis ab Augustino & aliis Catholicis iam olim est responsum. Sic enim in breuiculo collationis Augustini

&c

^b Deut. 17.
Malach. 2. & c.

^c Matth. 23.

^d Epist. 166.

Tom. 7 operū
D. Aug. c. 4. illius
libri, non

& aliorum Catholicorum cum Donatistis, legimus: *De Prophetis etiam, quia dixerant Donatista non eos communicare illis in quos mala tanta dixerunt: Responderunt Catholici, quòd unum templum fuerit, quo uniuersi utebantur, nec QUEMQUAM Prophetarum, qui tanta dixerunt in malos, constituisse sibi (audiant Sectarij) aliud templum, sacrificia, aut SACERDOTES.*

valde longè
ab initio.

Quæ autem dogmata seu traditiones non erant probatæ communi consensu illius Ecclesiæ, nec iudicio Moysicæ Cathedræ ita legitimo, ut antè explicauimus; eæ quidem minimè idcirco debuerunt recipi ab Iudaico populo, quoniam libros sacros ab illa Ecclesia traditos, recipere is debuit: non enim illæ similiter atque ipsi libri, neque eadem auctoritate, proponebantur. Ac tales omnino fuerunt Traditiones illæ contra mandata Dei, quas Christus etiam ipse manifestè ostendit, nequaquam defendi posse tanquam ex Moyse Cathedra, quæque procul dubio etiam vel manifestè ex præiudicata sententia Ecclesiæ erant damnatæ, vel ante ipsam certè testificationem Christi, legitimorum sacerdotum iudicio, minimè receptæ, sed tantum toleratæ; sicut multæ tales corruptelæ in illo populo, præsertim ad interitum Synagoga propius tendente, corrigi satis per sacerdotum auctoritatem non potuerunt. Item etiam eius generis fuit maximè sententia Synagogæ de Christi & Apostolorum doctrina; siquidem propter testimonium Christi & Apostolorum, manifestè diuinum, non eam sententiam ex Cathedra Moysis perficisci, sed illi potius repugnare, & quasi euandam esse (iuxta diuinas prædictiones) iam iam morientis Synagogæ vocem, omnes prudenter poterant & debebant credere.

Quas traditio-
nes non oportet
recipi à
populo Iudaico,

Quæ cum ita sint, firma prorsus nostra argumentandi forma manet ab auctoritate videlicet Ecclesiæ Catholicæ

in tradendis libris sacris ad certitudinem aliorum dogmatum, quæ eadem Ecclesia similiter tradit: Quin imò magis etiam id argumentum nostrum, Sectariorum illa cauillatione, quam ex Traditione Synagogæ petunt, confirmatum iam est. Ostendimus enim, Iudaici etiam populi temporibus, firma quoque consequentia rationis probari potuisse, illa dogmata fuisse certa, quæ ex eadem auctoritate, & similiter atque ipsi libri Canonici, tradebantur. Quantò igitur nunc magis ea consequentia, in quæstione de auctoritate Traditionum Ecclesiæ Catholicæ valebit, quæ & illustriores longè quàm Synagoga, de veritate promissiones habet, nec est porro unquam ipsa defectura, antiquanda uè (sicut Synagoga) per aliquam aliam formam legitimæ religionis?

Verùm ut alia Traditionum non scriptarum exempla (præter ipsam Traditionem^p Scripturæ) de quibus suprà etiam dictum est, nunc præteream, certè quædam ob diuinam reuelationem credi debere, quæ scripta non sint, vel Lutheranorum testimonio conuincere possumus. Nam, ut Ioannes quidam Gastius, & ipse Lutheranus, commemorat, cùm Basileæ à Lutheranis & Anabaptistis aliquando fuisset instituta disputatio: ex maleque intellectis Scripturis Anabaptistæ colligerent, paruulos baptizandos non esse, & alia quædam id genus peruersa dogmata; non habuerunt tandem Lutherani quod contrà obiiicerent, nisi communem Patrum atque ad eò Ecclesiæ consensum, quæ illos Scripturæ locos aliter intellexerit, atque Anabaptistæ interpretarentur. Et certè D.⁹ Augustinus sentit, consuetudinem baptizandi paruulos Traditione non scripta niti.

At enim, possunt tandem (inquit Kemnitius) eius etiam genetis dogmata (quod ad rem ipsam attinet) ex Scripturis

p Parte V.
probat.

In lib. de erroribus
Anabaptist.

9 Lib. 10. de
Genesi, ad li.
teram, cap. 23.

pturis confirmari, sicut etiam sunt confirmata à Patri-
bus. Quanam obsecro ratione tandem? Nunquid clarè
& euidenter? Non certè: sed benè quidem, vt res quæ sint
ipsi Scripturæ analogæ & consentaneæ, & quarum ratio
atque vis, adhibita forma cuiusdam argumentationis,
magis aut minus propè (vt est conditio subiectæ mate-
riæ) ex Scriptura ipsa deduci possit. Hoc autem modo,
quanam obsecro Traditio Ecclesiæ Catholicæ per Scri-
pturam etiam confirmari non potest? At sunt etiam ea-
rum Traditionum quædam à Scriptura abhorrētes, imò
pugnantes cum Scriptura. Ita quidem Sectarij ipsi iudi-
cant. Sed Ecclesia ipsa Christi vera & Catholica, cuius
iudicio qui repugnant, hæretici sunt, secus iudicat.

Accedit, quòd Scriptura ipsa non obscurè declarat,
verbo ten⁹ Apostolos multa tradidisse, quæ certè omnia
ipso literis mandasse, nunquam poterunt probare Se-
ctarij. ¹ *Quæ audisti* (inquit Apostolus) *à me per multos tes-*
tes, hæc commenda fidelibus. Et rursus: ² *O Timothee, deposti-*
tum custodi, hoc est, vt pluribus verbis persequitur vetus
auctor Vincentius Lyrinensis, doctrinam quam à me au-
diuisti. De qua item doctrina iterum eum sic admonet:
Formam (inquit) *habe sanorum verborum, quæ à me audisti,*
bonum depositum custodi. Atq; etiam ad Thessalonicenses:
³ *State, inquit, & tenete traditiones, quas accepistis, siue per epi-*
stolam, siue per sermonem. Quo ex testimonio luculenter
sanè Diuus⁴ Basilii & ⁵ Chrysostomus & alij Patres, vt
postea videbimus, auctoritatē Traditionum non scripta-
rum confirmant. Item: ⁶ *Laudo, inquit, vos quòd sicut tra-*
didi vobis precepta mea tenetis, &c. Et ibidem: *Cætera, cùm*
venero, disponam. Ex quo etiam loco Diuus Augustinus
constare putat, quæ ceremoniæ in sanctæ Eucharistiæ ce-
lebratione passim, atque vbique similiter, in Ecclesia ad-

*Aliqua nō scri-
pta, esse credē-
da probatur 2.
Scriptura testi-
monio.*

¹ 2. Tim. 2.
² 1. Tim. 6.

Lib. cōtra hæ-
reses.

³ 2. Thess. 2.

⁴ Lib. de Spi-
sancto, c. 29.

⁵ Homil. 4. in
epistol. 1. ad
Thessalon.

⁶ 1. Cor. 11.

Epist. 118 ad
Ianu. c. 6.

Epist. 1. versu
11.A^{CTOR.} I.

Ioan. ultimo.

A^{CTOR.} 10.Obiectio Secta-
riorum contra
testimonia Scri-
ptura pro Tra-
ditione.

hiberi sint solitæ, eas à Diuo Paulo sine scripto traditas esse. Præterea Diuus Ioannes: *Plura, inquit, habens vobis scribere, nolui per chartam & atramentum: Spero enim me futurum apud vos & ore ad os loqui.* Nec dubium est, quin toto illo tempore, quo post resurrectionem Christus cum discipulis suis versatus est, & locutus de regno Dei (vt Lucas refert) plurima Ecclesiæ salutaria eos docuerit, ex quibus pauca tamen illi literis prodiderunt. Neq; verò tacuisse illos prorsus credendum est, sed viua voce pleraq; ex illis Ecclesiæ tradidisse. Ioannes rursus ait: *Sunt & alia multa, quæ fecit Iesus, quæ si scriberentur per singula, nec ipsum arbitror mundum capere posse, qui scribendi sunt, libros.* Sicut autem multa Christi facta scripta non sunt, ita procul dubio multa verba atq; præcepta illius, quæ Apostoli minimè quidē negligenda putârint, sed ad vtilitatem Ecclesiæ viua voce tradiderint. Vnde etiam Diuus Paulus dictum illud Christi commemorat, ab Euangelistarum nemine scriptum: *Beatius est dare quàm accipere.* Neq; verba hæc solùm, sed etiam ipsa sententia planè (quidquid Kemnitijs & alij Sectarij fingant) in Euangelica historia desideratur. Vbinam enim illa comparatio in Euangelijs perspicuè significata est, non modò bonum esse in alios esse munificum, sed etiam melius, quàm beneficium accipere?

Iam verò, quæ ad infirmandas has Traditionum probationes ex Scriptura à Catholicis duci solitas, Sectarij disputant, nullius profectò sunt ponderis. Contendunt, singulos quosq; Scriptores sacros, noui Testamenti, eo consilio ac in eum vsum fidei dogmata mandâsse literis, vt doctrina cœlestis custodita scriptis tutior esset à commentitiarum Traditionum corruptelis. Nos verò, quin pleraque ab Apostolis (præsertim à Diuo Paulo) aduer-
sus

sus adulterinas Traditiones hominum, scripto disputata sint, minimè quidem negamus. Oportuit enim etiam absentes, vt & res postulabat, & occasio dabatur, ab ipsis Apostolis quandiu superstites fuerunt, doceri, & de erroribus quierant vitandi commonesceri, quò ita demum auctoritate Apostolica, partim scriptis, partim prædicatione Ecclesia Christi facilius coalesceret. Cæterùm id fuisse cōsiliū Apostolorum, vt quidquid esset fidei dogmatum, hoc totum scriptis mandarent, nec nisi Traditione ab ipsis scripta in Ecclesia deinceps custodiretur; planè commentum est Sectariorum vanissimum, quod probare non possunt. Quis enim locus in Scriptura noui Testamenti est, vbi vel vnus vel aliquis Apostolorum vel omnes illi omnia fuisse scribēda significauerint? Non certè vel omnes simul, vel aliqui eorum id asseuerarunt. Quisnam illorū igitur? Sanè discussit Kemnitius scripta omnia & libros noui Testamenti, vt tale aliquod testimonium de consilio eiusmodi Apostolorum inueniret, sed nihil omninò in eo genere inde proferre potuit, quo planè concludatur omnia prorsus dogmata fidei mandata literis fuisse, nisi quòd præstigiis quibusdam, & nescio qua proluxa verbositate Lectori fucum videtur facere. Etenim cogitur ipse tandem agnoscere nullum aliquem noui Testamenti Scriptorem omnia fidei dogmata fuisse in aliquo libro complexum, ne ipsum quidem Diuum Paulum in Epistola ad Romanos, quam ramen illi alioquì, propter doctrinæ copiam, appellare solent Christianæ fidei methodum. Hoc autē concesso (quod certè est euentissimum) manifestè consequitur, nullum Apostolorum vel Euangelistarum ynquam significauisse omnia omnino fidei dogmata fuisse scribenda. Quicunq; enim illorum aliquid fuisse scribendum dixit,

In examine
sess. 4. Concilij
Trid.

Ita Kemnit.
cū agit de
illa epist. loco
citato.

non

non nisi de iis fidei dogmatibus, quę ipse scripserat aut instituebat scribere, id dixit: Sicut ex omnibus eiusmodi locis noui^a Testamenti, in quibus scriptio fit mentio apparet. Ita fit, vt nullus omnino eorum Scriptorum significārit, aut dixerit, omnia dogmata fidei fuisse scribenda, sed quędam, nempe illa, quę ipse instituit scribere. Quid igitur est, quod ex Scriptura noui Testamenti conatur nobis persuadere Kemnitius omnia fuisse scribenda, si neque omnes, neque aliqui Scriptores noui Testamenti, neque vllus illorum id significauit aut dixit?

At vrget Kemnitius. 1. propterea scripsisse illos sacros auctores, ne habere locum possent cōmentitię^b Traditiones. 2. Significare etiam, se illa eadem^c scribere, quę antea voce tradiderāt. 3. Id fecisse vt^d credentes salui esse possint. 4. Non satis esse putauisse, si aliquos mitterent, qui verbo doctrinam explicarent, sed adiunxisse etiam^e literas, vt absentes illi, quęnam esset doctrina Apostolica, certò cognoscere possent. 5. Voluisse ad eos scribere, qui ab ipsis quidem Apostolis viua voce^f coram non erudiebantur: quales nos etiam sumus, & reliqui omnes fideles, quibus videre & audire ipsos Apostolos non contigit. 6. Si ipso tempore Apostolorū, scriptis Apostolorum aduersus fictitias Traditiones opus fuit: multò magis postremis his temporibus. 7. Vocasse Apostolum Scripturam suam Canonem &^g Regulam, quam qui sequerentur, pacem essent habituri. 8. Scripsisse illum ita, vt intelligi posset^h mysterium Christi, atq; etiā illa, quę extruenda essent super id fundamentum: præter quę nihil amplius est desiderandū, &c. Hęc enim præcipua capita probationis Kemnitianę sunt, ad quę reuocantur omnia, quę prolixè & verbose de hac ille re frustra inculcat & repetit. Quibus nos breuiter & ordine sic respondemus.

I. Quòd

^a Luc. 1. Ioan. 21. Act. 15. Rom. 15. 1. Cor. 1. 5. 2. Cor. 1. Galat. 1. Philipp. 3. 2. Thessa. 3. Ephes. 3. Hebr. 13. 1. Petri 5. 2. Pet. 3. 1. Ioan. 1. 2. 5. &c.

^b Coloss. 2. ^c 2. Corint. 1. & 2. ^d Ioan. 20.

^e Act. 15. 1. Corint. 4. 1. Petri ult.

^f Coloss. 2. &c.

^g Galat. 6.

^h Ephes. 3.

1. Quod voluerint Apostoli scriptis etiam suis confutare commentitias priuatorum hominum Traditiones; id sanè nō idem est, atq; voluisse, vt nullæ exstarent communi Ecclesiæ auctoritate probatæ atq; custoditæ Traditiones non scriptæ. Multum enim inter has & illas Traditiones differt: nec nos illas, sed has defendimus: nec Sectarij disputationem vllius Apostoli, aut Euangelistæ, aut Orthodoxi alicuius Patris proferre possunt, aduersus communem aliquam ipsarum Ecclesiarum Traditionem, institutam; sicut iam ipsi Sectarij contra receptas à cuncta Christi Ecclesia Traditiones, ex insolentissima insania (vt postea ex Augustino audiemus) disputant. Quin imò & ipse D. Paulus communem vsum & Traditionem Ecclesiarum opponendam cōtentiosis hominibus existimauit.

*Quæ contracō-
mentitias pri-
uatorum hære-
ticorum Traditio-
nes ab Apost.
disputata sunt,
frustra obici
contra Tradit.
Ecclesiæ.*

2. Frustra verò isti laborant, vt ostendant illa eadem, quæ ante Apostoli viua voce tradiderant, postea etiam scripsisse. Quis enim hoc negat? Quod autem OMNIA prorsus quæ voce tradiderunt, mandârint etiam literis, id verò est, quod nusquam (vt antè ostendi) in Scriptura noui Testamenti Sectarij legunt. Itaq; D. Irenæus, cū antè dixisset, *Euāgelium quod prius Apostoli praconiauerunt, postea ipsos per Dei voluntatem nobis in Scripturis tradidisse fundamentum & columnam fidei nostra futurum*: tamen paulò post nihilominus disertis verbis docet, solitos fuisse Orthodoxos ad Traditionem Apostolicam præter Scripturam prouocare hæreticos, sicut suprâ etiā illius verba recitauimus. Vnde perspicuè apparet non omnia omnino dogmata, quæ ad Euangelicam doctrinam pertinent, significasse ibi Irenæum fuisse mandata literis (vt perperam Kemnitius contendit) sed præcipua quædam eius capita, qualia sunt de vita & morte Christi & redem-

Lib. 3. c. 2.

Eodem lib.
cap. 2.

ptione generis humani per ipsum facta, & reliqua, quæ ipsi certè quatuor Euangelistæ literis consignauerunt. De horum enim Scriptura duntaxat se ibi loqui declarat Irenæus (quam etiam verissimè columnam nostræ fidei atq; fundamentum appellat) nō autem de omni doctrina fidei, neque etiam de tota Scriptura noui Testamēti, vt Kemnitius comminiscitur, Irenæi sentētiā suo more deprauans.

In exam. fess.
4. Cong. Trid.

3. Ita, nec sequitur, illos libros continere omnia fidei dogmata, qui ideò scripti dicuntur, vt credētes salui fiant. Non enim vniuersa solūm fidei doctrina, sed quæcunque etiam eius pars ad eum finem traditur, atque ad eò scribitur: nempe, vt credendo illam, & (quatenus id quidem necesse sit) reliquas omnes partes doctrinæ, salutem cōsequi valeamus. Vt præteream plerosq; Scripturæ libros ferè continere præcipuos illos articulos, quos absolute quidem & explicitè satis est fideles scire & credere, vt salutem consequi possint. Sed patere tamen doctrinam fidei multò, quàm illos articulos, latius, suprā explicauimus.

Parte V. pb. 1.

4. Literas autem ad nuncios ideò Apostoli quandoq; etiam addiderunt, quoniam vel homines nimirum mittebant priuatæ auctoritatis, quam proinde Apostolico quasi sigillo communire oportuit, vt fidem certioremereretur; vel quia exemplū etiam Decreti, Apostolici Concilij, cum pluribus absentibus communicandū fuit, Actor. 15. At Ecclesiæ auctoritas, qua nobis Traditiones Apostolicæ quædam non scriptæ commendantur, non priuata, sed cōmunis & infallibilis auctoritas, tanquam columen firmum veritatis est, cui etiam sine sigillo & literis Apostolicis fidem necesse est adhibere.

5. Iam

5. Iam antè diximus, in illis quidem Ecclesiæ initiis, superstitionibus adhuc Apostolis, omnes oportuisse, ad maiorem conciliandam doctrinæ auctoritatem, Apostolico ministerio vel voce in præsentia vel scripto in absentia crudiri. Apostolis autem vita defunctis, ipsius etiam Ecclesiæ per illos plantatæ auctoritatem clarissimam satis fidelibus esse debuisse, ut crederent quoque; viuæ vocis Traditiones Apostolicas ab Ecclesia propositas atque commendatas. Itaque accipio sanè quod profitetur Kementius, si tam certò constaret, eas, quæ nunc proponuntur Traditiones Apostolico titulo, doctrinam Apostolicam continere, quàm ipsam Scripturam, quæ pro Apostolica iam habetur, ab omnibus tales Traditiones eque atque Scripturam ipsam esse recipiendas. Accipio hoc, inquam, atque ita deinde subsumo: Omnino æquè certò utrumque; constat: nempe eiusdem Ecclesiæ auctoritate, à qua sola similiter certò & infallibiliter accepimus, libros illos, qui Apostolorum nomine sunt inscripti, esse planè Apostolicos. Consequitur igitur, vel ipsis Sectariis iudicibus, Traditiones quas Ecclesia Catholica, ut Apostolicas commendat, æquè ab omnibus recipiendas esse, atque Scripturas ipsas Apostolicas.

*Confirmatur
Trad. auctori-
tas ex eo quod
concedunt Se-
ctarij.*

6. Verum quidem est, multò etiam nunc magis Scripturæ Apostolicæ aduersus commentitias Traditiones particularium seductorum, quæ cum vera Traditione Apostolica scripta, & non scripta, pugnent, usum esse posse. Sed ut tempore ipso Apostolorum nullus vnquam Scripturæ Apostolicæ contra Traditiones communi Ecclesiæ sententia & auctoritate receptas usus fuit, ita neque illis futuris temporibus esse aut potuit aut debuit: cum eodem spiritu veritatis, omni tempore Ecclesia regatur.

7. Non modò Scriptura vniuersa, sed etiam illius pars rectè dicitur Regula fidei, & Canon, modo suo sufficiens ad id quidem infallibiliter credendum quod tradit. Cæterùm Apostolus nusquam dixit, vel suam aliquam, vel etiam totā Scripturam esse *SUFFICIENTEM* fidei Regulā seu Canonem in omnibus omnino quæst. Sed dogma quoddam certè quod aduersus Galatarum errorem confirmârat, rectè dixit esse fidei quandam Regulam & Canonem: nempe illud quod his verbis expresserat: *In Christo Iesu neg, circumciso aliquid valet neg, præputium, sed noua creatura.* Tum subiunxit: *Quicumque hanc Regulam sequuti fuerint, pax super illos & misericordia.* Nempe quia & eum etiam articulum de salute per solum Christum parta vel maximè tenere necesse est, ad veram animi pacem atq; iustitiam beneficio diuinæ misericordiæ comparandam. Cum igitur Kemnitius contendit, nō posse Regulam fidei id appellari, quod ad omnes omnino quæstiones fidei non sufficiat: non tam contra nos contendit, quàm cōtra ipsum Apostolum Paulum, qui vnum quoddā fidei dogma (sicut iam dictum est) vocat etiam suo modo credendi Regulam: quæ proinde, si materia quidem, de qua propriè est id dogma, spectetur, additamento non indiget, vt de amussi & regula ratiocinatur Diuus Basilii, à Kemnitio non intellectus.

8. Sanè verò, si non ita & D. Paulus & reliqui Apostoli scripssent, vt intelligi tandem posset, quid de Christi mysterio & reliquis fidei dogmatibus, quæ scripto tractârunt, dicerent, frustra scripssent. Sed qua tandem ratione hinc sequitur, omnia prorsus dogmata, quæ quomodocunq; pertinerent ad structuram fidei, Apostolos tractauisse? Certè nusquam hoc illi dicunt, vt antea demonstratum est. Neque verò, si quædam intelligibiliter satis

Aposto-

*Aliquam etiā
partem doctri-
nae fidei posse
dicere Regulam.*

Galat. 6.

*Kemnitium cō-
tra D. Paulum
disputare.*

Lib. 1. contra
Eunom.

Apostolus scripsit de ipso mysterio Christi, ideò omnia omnino, quæ in Scriptura sunt illius & aliorum Apostolorum, putare debemus esse prorsus clara & intellectu facilia. Quin imò quædam sunt & in D. Pauli epistolis & in aliis libris sacris intellectu difficilia, quæ instabiles homines deprauant ad suam perditionem, vt superiùs ex D. Petri sententia satis conuicimus. Est igitur planè commentitium quod Sectarij dicunt, absoluto atque perfectò iam vniuerso Scripturæ noui Testamenti Canone, nihil præterea de dogmatibus fidei superesse, quod illo non fuerit comprehensum, ideoque non licere iam ad Traditionum probationem vsurpare, quod Diuus Paulus ad Thessalonicenses, de Traditionibus per sermonem acceptis, scripsit, cùm nondum esset Scripturarum Canon completus. Defendimus enim hætenus, probari nulla ratione posse, quòd in ipsa etiam tota Scriptura comprehendantur omnia.

Quæ cùm ita sint, falsissimum illud est, quod hæretici putant, Dei verbum vniuersum sacris libris contineri. Rectius ac verius multo de reuelata doctrina siue de verbo Dei Orthodoxi docent, cùm aiunt: Dei verbum duplex esse, siue potius dupliciter illud existere; impressum, & expressum. Impressum dicitur vt interna notitia Prophetæ vel Apostoli, quem Spiritus sanctus inspiratione sua primò docuit, cōrinetur. Expressum autem, vt idem per Prophetas & Apostolos est hominibus aliis patefactum. Hoc rursus verbum expressum esse item duplex: Vnum quod dictante Spiritu sancto Apostoli aut Prophetæ literis consignârunt. Alterum quod viua voce tradiderunt. Proinde doctrinam reuelatam siue Dei verbum latius multò patere quàm Scripturam, neque illud esse ad mutas literas alligatum. Itaq; & ante legem scri-

2. Petri j.

Orthodoxa doctrina de Dei Verbo.

Dei Verbum impressum.

Id est expressum.

Scriptum. Non scriptum.

Verbū Dei latius patet, quàm Verbum scriptum, probatur.

ptam per Moysen, in Ecclesia fuit procul dubio doctrina reuelata aliquarum Propositionum fidei, atq; adeò Dei verbum, quod proinde viua vocis Traditione custodiebatur. Sed & Ecclesia ipsa Christiana, Apostolorum & Euangelistarum scriptis est antiquior; neque tamen illa vnquam verbo Dei siue doctrina reuelata caruit. Prius enim Apostoli Euangelium viua voce quàm scriptis tradiderunt. Vt videre est apud ^a Eusebium, & ^b Hieronymum, item quæ apud Diuum ^c Chrysostomum. Quod ipsum Diuus Lucas initio Euangelij sui apertè indicat, cùm sic præfatur: *Quoniam multi, inquit, conati sunt, ordinare narrationem, qua in nobis completa sunt, rerum, sicut TRADIDERUNT nobis, qui ab initio ipsi viderunt & ministri fuerunt sermonis, visum est mihi affecuto omnia à principio diligenter, ex ordine tibi scribere, optime Theophile.* Qua ratione igitur verbum Dei aliquando totum Traditione consistebat, eadem nunc etiam quadam ex parte in Ecclesia (vt probaui) viuæ vocis Traditione conseruatur: vt eo verius sit illud, quod de Ecclesia Dominus prædixerat per Isaiam: *Verba mea, qua posui in ORE tuo, non recedent de ORE tuo, & de ORE seminis tui, amodò & vsque in sempiternum.*

^a Lib. 3. hist. cap. 24.

^b In Catalog. script. Eccles. de Matth & de Ioanne.

^c Homil. 1. in Matth.

Lucæ 1.

Isai. 59.

Responsio ad 1. argumentum Sectariorum.

QVIBVS rebus explicatis, nullo iam negotio conuellitur primum illud hæreticorum fundamentum supra positum. Nam quod ex Apostolo assumunt, Scripturam, doctrinam vtilem ad omnia continere, id non ita intelligi debet, quasi ipsa sola propriè & per se omnia distinctè tradat, quæ vel credenda vel facienda sunt, sed quoniam quæ sunt credenda & facienda, aut ipsamet tradit, aut certè regulam indicat, ex qua ea sint discenda, nempe Ecclesiæ & Traditionum auctoritatem, quam ipsa quoque Scriptura commendat. Hoc modo Apostolus vult, &

Orthodo-

Orthodoxi etiam docent, Scripturam continere quæ sunt ad salutem necessaria; vt superius etiam explicauimus. Ita fit, vt suus etiam Traditionibus sit locus: atque etiam, vt ea quidem ratione, ministro Euangelij (quod vrgebat Kemnirius) utilis Scriptura sit ad munus suum absolutè explendum: siquidem cum ipsa admonet Ecclesiæ quoque & Traditionum auctoritate in functione muneris Ecclesiastici esse vtendum.

Parte V. probat. 2.

Quod verò in primo illo fundamento Sectariorum ex Deuteronomio addebatur, credendum esse sacerdoti iudicanti secundum legem & non aliter, libenter id sanè damus Sectariis. Sed duo tamen hîc eos meminisse oportet. Alterū, quod, vt paulò antè dicebamus, lex siue Dei verbum latius multò quàm lex siue Dei verbū scriptum patet. Alterum, quod nemini subditorum tamen fas erat iudiciū sibi de Iudicis sui sacerdotisq; definitione arrogare (cū res aliter manifestè præiudicata nō erat) num diuinæ legi esset consentanea; quin simpliciter oēs iubebantur sacerdoti de rebus controuerfis aliquid statuenti acquiescere. *Qui enim, inquit, superbierit, nolens obedire sacer-*

Parte V. probat. 2.

In eo quod Scriptura dicit obtemperandum esse sacerdoti iudicanti secundum Dei legem, quid sit considerandū.

Deut. 17.

dotis imperio, morietur homo ille. Itaque cū sine contradictione vlla obedire homines iussi sunt sacerdoti iudicanti secundum diuinam legem; persuadere sibi etiam diuinitus iussi sunt, illum cū de rebus cōtrouerfis iudicabat, omnino iudicare secundum diuinam legem: Quod ipsum multò etiam maximè persuadere nobis de summo Ecclesiæ Pastore, cū ex Traditione Ecclesiastica controuerfias religionis definit, nunc iubemur.

Neque verò (quod in eodem argumento addebatur) si Traditiones Ecclesiasticas sequimur, ea hominum instituta sequimur, quæ Christus repudiari vult, nempe quæ pugnent cum lege diuina. Non enim eiusmodi nos

Traditio-

Traditiones tuemur, sed eas quæ rectissimæ sunt & auctoritatem etiam habent diuinam. Quare neque in illud etiam præceptum: *Non addetis, &c.* ea ratione quicquam committimus. Non enim addere & detrahere, hoc & similibus locis intelligitur, nisi is qui aliquid contra Dei legem vel doctrinam, aut agit, aut agere prætermittit. Aliàs nec Prophætis post Moysen, nec Apostolis post Evangelistas scribere quicquam licuisset. Qua de re quoniam^a aliis etiam in locis multa contra Sectarios ad explanationem eius præcepti, de non addendo, disputauimus, non est operæpretium hîc plura dicere.

Deut. 12.

^a In Apolog. præsertim de idololatria & in confutatione spongiæ Herbrandi, cap. 2. & in tractatu, itemq; Apolog. de sacrific. Missæ, ca. 4 probat. 3.

PROBATIO
II.

SECUNDA probatio. Si fidei ac religionis negotium doctrina tantum scripta contineretur, magnum hæreticis ad errores in Ecclesiam inuehendos pateret ostium. Sed, ut argumento suo secundo hæretici ipsi sumunt, credendum non est, Apostolos usque adeò apertum ostium erroribus reliquisse. Ergo minimè existimandum est, eos tradidisse omnia scripto. Id confirmatur. Nam doctrina Scripturæ, cum (ut suprâ conuicimus) obscura sit, & multis literis inclusa, quæ neque declarare palam seipsa, neque in controuersia tueri aduersus nouarum interpretationum corruptelas potest; facillimè à contentiosis calidisque ingeniis adulteratur. Contrâ verò Traditio successione continua uiuit in animis fidelium semper, inprimisque Catholicorum Doctorum, qui à Maioribus illam acceperunt. Proinde ab hæreticis reiici quidem nequiter Traditio Ecclesiæ communis potest; adulterari autem & corrumpi, sicut Scriptura, non potest.

Parte V. probat. I.

Scripturam multo quam Traditionē facilius ab hæreticis adulterari possent.

Id probatur ab ipsa experientia

^b Lib. 3. hist. cap. 32.

Cuius rei argumentum clarissimum est, quod Egesippus, referente^b Eusebio, scribit, quo tempore superstitionibus adhuc Apostolis uiuæ vocis Traditio magis vigeat, eo virginem mundam & immaculatam mansisse Ecclesiam; verbi

verbi Dei temeratoribus aut nusquam omnino exstantibus, aucterè delitescantibus. Vbi verò Apostolorum chorus, & omnis ætas illa, quæ à Domino susceperat viue vocis auditum, de hac luce decessit, tunc, velut in vacuam domum, falsa doctrina impium se immeruisse errorem; & tanquam nullus iam diuini sensus defensor existeret, nudato, ut aiunt, capite corripientes verba mendacij oppugnare Apostolicam veritatem hæreticos cæpisse.

Item huic rei argumento est omnium hæreticorum institutum, quibus nisi Ecclesiastica Traditio tam esset contraria, tamque Scriptura facilis ad corrumpendum, non illi tantoperè omnem Traditionem execrarentur & amplecterentur solam Scripturam. Videas, inquit Vincentius Lyrinensis, illos volare per singula quæq; sacræ legis volumina, per Moysis, per Regnorum libros, per Psalmos, per Apostolos, per Euangelia, per Prophetas. Siue enim apud suos, siue alienos, siue priuatim, siue publicè, siue in sermonibus, siue libris, siue conuiuiis (videtur de nostris in Germania Sectariis loqui) siue in plateis, nihil unquam de suo proferunt, quod non etiam Scriptura verbis adumbrare contentur. Et paulò post: Sciunt enim factores suos nulli ferè placituros, si nudè & simpliciter exhalentur. Atque idcirco illos cælestis eloquij verbis velut quoddam aromate aspergunt. Et post aliqua: Quònam modo igitur Catholici, in Scripturis sanctis veritatem à falsitate discernent? Diuinum, inquit, Canonem secundum vniuersalis Ecclesiæ Traditiones, & iuxta Catholici dogmatis Regulas interpretentur. In eandemque sententiam multa præclarè Diuus^c Hilarius & ^d Irenæus scripta reliquerunt. Quocirca meritò ^e Tertullianus in libro de Præscription. hæreticorum monet, aduersus illos Traditione magis quàm Scriptura agendum esse. Et ^f Ignatius apud Eusebium ea ratione docet hæreticorum vitari posse contagia, si diligentius Traditioni inhæreamus, Quod idem pluribus argumen-

^c Ad Constantinum.

^d Lib. 1. c. 1. & 1. 3. c. 2. & 4.

^e Lib. de Præscript.

^f Apud Euseb. lib. 3. cap. 36.

tis Vincentius Lyrinensis, in libro illo suo pulcherrimo sapienter admodum ostendit.

*Responsio ad
II. argumentū
hæreticorum.*

EX QVIBVS secundum illud hæreticorum argumentum facilè refutatur. Nam sine comparatione vlla plures hæretici sunt atque fuerunt, qui Scriptura ad errorem abuterentur, quàm qui comminiscerentur falsas Traditiones. Et nos non vanas atque Apocryphas tuemur Traditiones, sed illas tantùm, de quibus legitima via rationeque (iudicio Ecclesiæ) constiterit.

*In exam. scil.
4. Concil. Tri-
dent.*

Cap. 13. & 14.

Ac est planè vanissimum figmentum, quod Kemnitius contendit, errores eos, qui ante scriptam legem circa verum Dei cultum religionemque irrepperunt, prætextu Traditionum susceptos ab hominibus atque defensos fuisse. Vbinam enim hoc iste legit? Certè in libro Sapientiæ origo idololatriæ, quæ temporibus illis longè lateque serpsit, non aliqua ementita Traditio, tanquam à primis Patriarchis accepta, esse dicitur, sed aliæ causæ eius erroris fuisse narrantur. Quanquam si maximè homines illi Traditionem etiam Maiorum, ad erroris prætextū commenti sint, quid hoc, obsecro, nobis obstat? An inde statim consequitur, pari modo posse communi errore ab Ecclesia ipsa probari & retineri commentitias Traditiones?

Loco citat.

Sic & illud etiam est Kemnitij figmentum, quòd ait, eo consilio à Moyse & ab aliis deinceps doctrinam cœlestem diuinitus mandatam literis fuisse, vt Scriptura sola vnoquoque tempore esset fidei norma, neque vllus locus Traditionibus relinqueretur, ex quo homines occasionem sumere possent commentitias Traditiones fingendi: itemq; vt non foret opus præter Scripturam ipsam peculiaribus porrò reuelationibus. Hæc dico à Kemnitio non probari, sed fingi. Primùm enim, quòd post scriptam legem

legem nullæ fuerint, communi iudicio illius Ecclesiæ veteris, bonæ ac probatæ Traditiones, quæ vel ad cultum, vel ad sententiam & interpretationem legis, de fide præsertim in Christum, pertinerent; prorsus falsum est. Suppetebat enim procul dubio remedium aliquod sceminiæ proli, etiam post scriptam legem, ad expiationem peccati originalis: neque vsquã tamen id remedium scriptum in veteri Testamento reperitur. Item commemorat (vt alia omittamus) & laudat Scriptura Traditiones plures non scriptas Rechabitarum. Neque certè etiam dubitandum est, quin orandi institutum pro defunctis ex maiorum Traditione Machabæi acceperint: cùm in lege quidem nihil ea de re sit scriptum. Deinde si libri veteris Testamenti eo consilio scripti fuerunt, vt præterea non esset opus reuelationibus; quò factum est, vt post scriptã etiam legem nunquam Prophetæ & Prophetiæ defuerint?

Jerem. 35.

2. Machab. 12.

Scripturæ igitur veteris aliæ procul dubio causæ fuerunt. 1. Vt ea etiam ratione, per se quoque optima, hominum saluti consuleretur. 2. Vt ad plures cognitio cœlestis doctrinæ, propius imminente tempore gratiæ, facilius deriuari posset. 3. Vt quia latissimè patebat ratio eius legis quam Deus per Moysen sancire stabilireque voluit, descripta esset in promptu. 4. Vt, vel ipsis Iudæis inuitis, Christianus populus aliquando copiam eius doctrinæ haberet ad comprobandam illius etiam auctoritate atque antiquitate rationem Christianæ doctrinæ tanquam ex suo quodam teste & typo, &c.

Scriptura Veteris Testamenti causa.

Quod verò alij hæretici in illo secundo argumento addebant, Traditiones nimirum Ecclesiasticas clanculariam, ac proinde falsam doctrinam redolere; id vanissimè ab illis dicitur. Aliud enim est, celari omnino doctrinam

Traditionum doctrinam non esse clanculariam.

(quod hæretici interdum faciunt, ne illorum errores à doctioribus redarguantur) aliud, non passim vulgari totam scripto, sed apud doctiores capita quædam conseruari, aliisque non nisi habita ratione personarum & loci & temporis pateferi: id quod iam iam probabimus, plurimum expedire.

PROBATIO
III.

TERTIA probatio. Doctrina cœlestis eo modo fuit ab Apostolis Ecclesiæ tradenda, quo pura conseruari commodissimè possit, vt ipsi etiam vrgent hæretici. Sed talis omnino moduserat, vt non omnia Apostoli scripta traderent, sed quædam tantummodo viuâ voce. Ergo confitendum est, sic ab Apostolis factum esse. Id verò & exemplis & ratione confirmamus. Exemplâ sanè quàm plurima refert^b Canus, ex quibus illud memorabile satis esse videtur, quòd toto tempore legis naturæ ante Moysen Ecclesia fidelium viuæ duntaxat vocis Traditionibus conseruata & gubernata est. Quod profectò Dei consilium optima & congruentissima ratione carere nō potuit.

*Oportuisse ad
doctrinæ conser-
uationem vima
tantum voce
quædam ab A-
postolis tradi.
g. Lib. 3. de lo-
cis Theolog.
cap. 3.*

Sententiæ præterea non Hebræorum solum, sed etiam Diui^h Hilarij, & ⁱ Origenis est; Moysen non modò legem à Domino in monte accepisse, verum etiam arcana quædam mysteria, quæ ad legis interpretationem & expositionem pertinerent; iussuque fuisse, vt legem quidem ipsam scriberet, illius autem interpretationem viuâ tantum voce ministro suo Iosue secretò traderet, vt is deinceps cum sacerdotibus aliis similiter eam communicaret, perpetua vt Traditione apud illos conseruaretur. Cui sententiæ consentaneum est, quod de Deo legimus in libro quarto Esdræ. *Enarraui, inquit, Moysi mirabilia multa, & præcepi ei dicens: Hac in palam facies verba, & hæc abscondes.* Quod certè diuinum consilium (verum enim ab illis Patribus, atque etiam in eo libro Esdræ, licet non planè

^h In Psal. 2.
ⁱ Homil. 5. in
Numer.

4. Esd. cap. 14.

planè Canonico, narrari videtur) ratione similiter care-
re minimè potuit. Nec, si occasione diuini eius consilij
Hebræi Thalmudici ad fingendum postea falsas Tradi-
tiones quasdam abusi sunt, idcirco sua veris Traditioni-
bus, quæ essent communi iudicio populi Dei probatæ,
periit (illo tempore) auctoritas. Vt neque ideò Scriptu-
ra suam amittit auctoritatem, quoniam sine compara-
tione plures illius nomine quàm Traditionum titulo ad
patrocinium erroris sunt abusi: magna profectò, vt sit
impudentia Kemnitij, quòd similiter ad Traditiones cō-
muni Ecclesiæ Catholicæ iudicio probatas pertinere illa
velit, quæ in commentitiis quibusdam Thalmudicorū
Traditionibus meritò reprehendi possunt.

Sed omisis veteribus exemplis, ostendamus rationi-
bus, quam ob rem oportuerit, vt aliqua per Apostolos
viua duntaxat voce traderentur. Primum, maiori certè
in pretio ac veneratione habetur doctrina sacra, dum
non omnia illius capita quibusuis de media plebe homi-
nibus scripto euulgantur, sed aliqua apud doctiores, ve-
lut thesauri quidam reconditi custodiuntur, vt ea, quæ
scripta sunt, facilius illi, vbi, & quādo, & quibus opus est,
exponere possint. Qua sanè ratione Diuus⁶ Basilius, atq;
etiam¹ Origenes auctoritatem Traditionum Apostoli-
carum nō scriptarum probant, eandemq; exemplo Mo-
sis confirmant, qui nec omnibus omnino loca omnia
templi patere olim voluerit, *Probè gnarus*, inquit Basilius,
ei quod conculcatum est, & per se apprehendi potest, imminere
contemptum: quod verò remotum est ac rarum; ei naturaliter
quodammodo esse coniunctam admirationem. Sic etiam Diuus
Paulus delectum non mediocrem habebat earum per-
sonarum, quibus essent exponenda diuina mysteria, ne
omnia promiscuè omnibus euulgarentur.^m *Non iudicauit,*

*In maiori ve-
neratione ha-
beri doctrinā,
quæ non omni-
bus passim vul-
gatur.*

† Lib. de Spir.
sancto, c. 27.
/ Homil. 5. in
Num.

m 1. Cor. 1.

inquit, *me scire aliquid inter vos, nisi Christum & hunc crucifixum: SAPIENTIAM autem loquimur inter perfectos. Quam etiam in docendo discretionem Timotheo cōmendat: Formam, inquit, habet sanorum verborum, & qua audisti à me per multos testes, hac commenda fidelibus hominibus, qui IDONEI erunt, & alios docere. Atq; id ipsum diligenter monet Diuus^P Dionysius. Neq; tamen idcirco volumus, vt doctrinæ cœlestis Traditiones perpetuò vulgaribus hominibus ignotæ sint: sed ne, si omnis doctrinæ ratio exposita scripto atq; in promptu passim sit omnibus, contemptui pateat. Alioquî, vt postea dicemus, neminem sanè, cùm id est opportunum, celat Ecclesia Traditionum mysteria.*

*Ex obscuritate
Scripturarum
colligi Traditionum necessitatem.*

Huc accedit, quòd Scripturam, sicut superiùs demonstrauimus, obscuram esse voluit Spiritus sanctus, nec id sine magna ratione: nec verò expediebat, vt iidem sacri auctores in suos ipsi libros scriberent commentarios clariore. Oportuit igitur, vt Scripturæ sensus genuinos & proprios Apostoli saltem viua voce traderent, vt de aure in aurem ad posteros quosq; fideles deriuarentur. Denique & hac ratione ordo Ecclesiasticæ Hierarchiæ longè melius conseruatur, si quod ad doctrinam adeoq; religionem attinet, inferiores à Maiorum & doctiorum Traditione pendeant. Quæ mihi satis esse videntur ad congruentiam quidem Traditionum ostendendam.

*Responsio ad 1.
argum. hæreticorum.*

Ex QUIBUS etiam facilè tertium hæreticorum fundamentum refellitur. Nam quod aiebant, vix fieri posse, vt Traditione non immutetur atque corrumpatur tandem doctrina, id profectò friuolum est. Non enim humana tantùm industria & cura conseruatum iri in Ecclesia Traditiones Apostolicas putandum est, sed eadem inprimis Spiritus sancti prouidentia singulari, qua regitur

Non esse timendum ne Traditione custodita doctrina vel intereat vel corrumpatur.

tur Ecclesia. Quocirca minimè timendum est, ne Traditionum doctrina intereat: non magis certè quàm ne Scripturam aliquando amittat Ecclesia. Quæ tamen ipsa, si humanam providentiam tantùm cogitaremus, facilè etiam ita posset interire, quòmodo pleraque veterum tum Philosophorum, tum Ecclesiasticorum etiam auctorum monumenta interierunt.

ita posse cōseruari Traditionem, sicut Scripturam.

Ergo Deus, qui Traditionem fidei toto tempore legisnaturæ absque ullis Scripturis conseruauit, nunc etiam & Scripturam & Traditionem haud difficiliter conseruabit in Ecclesia perpetuò. Vt interim taceam, eas Traditiones fidei, quas habemus non omnino nullis in Scripturis modo conseruari. Exstant enim sparsim certè in veterum libris & Conciliorum voluminibus, definitionibusque Pontificum, vt postea dicemus. Sed tamen dicuntur viuæ vocis duntaxat Traditiones, quia ab Apostolis certè ita scriptæ non fuerunt, vt cæteri libri Canonici, sed solùm viuâ voce pronuntiata. Quod autem Kemnitius inculcat, memoriæ etiam causâ scripsisse Apostolos: id verò nihil planè Sectariorum causam contra Traditiones iuuat. Quid enim obstat, quò minus & ad vsum memoriæ certiore quædam Apostoli scripserint, & quædam etiam propter alias causas (de quibus dictum est) viuâ tantùm voce tradiderint?

Traditiones Ecclesiasticas scriptis etiam conseruari.

QUARTO loco Patrum, pro asserendis Traditionibus, auctoritas hæreticis opponenda est, vt illorum etiam fundamentum postremum, quod ex Patribus malè intellectis constituebant, ex iisdem Patribus refellamus. Diuus Dionysius Arcopagita initio libri de Ecclesiastica Hierarchia expositurum se, quæ ad Hierarchicum Ecclesiæ ordinem spectant, præfatur, *secundum sacratissima eloquia & Traditiones*. Ex quo quidem genere pleraque de ritu

PROBATIO
IIII. ex testimoniis Patrum.

ritu & administratione Sacramentorum in illo deinceps libro docet, quæ nusquam sunt in sacris Bibliis scripta.

^a Apud Irenæum lib. 3. cap. 3.
^b Apud Euseb. lib. 3. hist. c. 36.

^a Clemens Romanus literas ad Corinthios scripsit: *An-nuncians, quam in recenti ab Apostolis acceperat Traditionem*, ut de illo Divus Irenæus disertis verbis testatur. ^b Ignatius: *Facilius, existimavit, posse confutari hæreses, si diligentius ac tenacius inhæreatur Traditionibus Apostolicis, teste Eusebio.*

Quas Traditiones (inquit de Ignatio idem Eusebius) *cautionis gratia, etiam scriptas se asserit reliquisse.* Et tamen usq; ad eò Kemnitius Traditionum odio obæcatus fuit, ut negauerit, Ignatium eo ipso sensisse aliquas Apostolorum Traditiones præter Scripturam necessarias esse ad perfectionem Christianæ religionis. Quomodo autem id non sensisse Ignatium probat? Cùm enim, inquit, sub titulo Traditionum non scriptarum multa peregrina & falsa obtruderentur Ecclesiis, Ignatius iudicavit, necessariam esse scriptam demonstrationem, quæ Traditiones verè essent Apostolicæ. Haftenus tantùm de eo testimonio Ignatii Kemnitius. Qui an non evidentissimè potius sese ipse redarguir, & testimonium confirmat à nobis adductum pro Traditionibus? Si enim illæ Traditiones ab ipsis Apostolis iam scriptæ exstabant: quorsum Ignatius iudicavit necessarium esse, ut cautionis gratia, etiam scriberentur? Porro sæpe quoq; idem ^c Ignatius à Traditionibus est argumentatus. ^d Tertullianus similiter affirmat potius Traditione quàm Scripturis contra hæreticos agi oportere, ipseq; multas in alio loco ^e Traditiones Apostolicas (præsertim de Baptismo & Eucharistia) non scriptas asserit & enumerat. ^f Irenæus: *Traditionem*, inquit, *Apostolorum in toto mundo manifestatam in Ecclesiis perspicere omnibus, qui vera velint audire.* Loquitur autem de Traditione, quam paulò antè ^g dixerat obii-

In examine
fess. 4. Concil.
Trident.

^e In epist. ad
Philadelph. &
in epistol. ad
Heronem.
^d In lib. de
Præscript.
^e In lib. de Co-
rona militis.
^f Lib. 3. cap. 3.
initio.

^g Eodem lib.
c. 2. in fine.

obiiciendam quoq; præter Scripturam hæreticis esse, vt
^h suprà etiam notauimus? Item inquit: *Quid autem si ne-
 que Scripturas quidem Apostoli reliquissent nobis? Nonne
 oportebat ordinem sequi Traditionis quam tradiderunt iis, qui-
 bus committebant Ecclesias?* Quo certè loco de Traditione
 tantum illa, quæ est in ipsa Scriptura sacra minimè lo-
 quitur, Irenæus: Siquidem apud quoscunque hæreticos
 etiam reperire licet ipsam Scripturam atq; adeò Tradi-
 tionem, vt in Scriptura continetur. At veritatis Tradi-
 tionem quam Irenæus hîc dicit esse in Ecclesia; in ea tan-
 tummodo (*quasi in quodam depositorio diuisi*) vt antea ibi
 dicit, ab Apostolis relictam esse censet. Ac est contra
 Kemnitij aliorumq; Sectariorum cauillationes hoc
 loco obseruandum, ad Traditionum auctoritatem te-
 stimonio Irenæi, Tertulliani, & aliorum Patrum confir-
 mandam, omnino nihil interesse, in quibusquæstioni-
 bus hi Patres putârint Traditiones Apostolicas hæreti-
 cis opponi debere: postquam certè constat, eos à Tradi-
 tione argumentandum esse censuisse, non modò, vt illa
 in ipsis Scripturis continetur, sed maximè etiam, vt con-
 seruatur testificatione communi Ecclesiarum & mini-
 strorum Ecclesiasticorum, qui legitima serie in Aposto-
 lorum locū succedunt. Inde enim euidentissimè conse-
 quitur, sententiâ Irenæi, Tertulliani & aliorum Patrum,
 ea omnia dogmata necessariò recipienda esse, quæ com-
 muni illa testificatione ministrorū & Ecclesiarum, tan-
 quam ab Apostolis accepta traduntur, siue illa quidem
 alioquî demonstrari etiam possint ex Scripturis, siue non
 possint. Nam si testificatio eiusmodi communis Eccle-
 siæ, iudicio Patrum, per se quoq; ipsa est infallibilis, ido-
 neaque, vt in primis præter Scripturam hæreticis oppo-
 natur: necesse est profectò, vt eorundem Patrum iudicio,

h Parte V. pro
 batione 1. sub
 finem.

i Lib. 3. c. 4.

In testimoniis
 Patrum, qua
 pro Traditio-
 nibus offerun-
 tur, quid contra
 Sectariorū ca-
 uillationes ob-
 seruandum.

certa sint atque infallibilia quæcunque dogmata ab illa eadem communi Ecclesiæ testificatione tradantur. Quare diligenter animaduersa, cauillationes Sectariorum, quibus se in hac quæstione à quibusdam Patrum testimoniis expedire conantur, facile omnes refutari possunt.

Porrò^l Cyprianus aquam miscendam vino esse in calice ex Christi institutione probat: quæ tamen institutio nusquam scripta reperitur: licet Kemnitius (fortè somniās) affirmet, mixtionis huius Traditionem scriptam exstare.

¹ Origenes: *Eucharistia*, inquit, *percipienda, vel eo ritu quo geritur, explicanda, & eorum qua geruntur in Baptismo, verborum gestorumq; & ordinum, atq; interrogationum, & responsonum, quis facile explicet rationem? Et tamen hac omnia, inquit, implemus & exequimur, ut à magno Pontifice (Christo) & eius filiis (Apostolis) tradita & commendata suscepimus.*

Acrursus in alio loco: ^m *Quoties hæretici, inquit, Canonicas proferunt Scripturas, videntur dicere; Ecce in domibus est veritatis. Sed nos illis credere non debemus, nec exire à prima & Ecclesiastica TRADITIONE, neq; aliter credere, nisi quemadmodum per successionē Ecclesiæ Dei tradiderunt nobis. Item*

Diuusⁿ Basilius: *Apostolicum, inquit, arbitror esse, etiam in nō scriptis Traditionibus perseuerare. Laudo enim, inquit^o Apostolus, vos, quòd omnia mea meministis, & quemadmodum tradidi vobis Traditiones continetis, & obtinetis^p Traditiones*

quas accepistis siue per sermonem, siue per epistolam. Nec minus sanè vel luculenta, vel grauis in eundem locum Apostoli Diui Chrysostomi oratio est. Hinc patet, ^q inquit, quòd non omnia per epistolam Apostoli tradiderint, sed multa etiam sine literis. Eadem verò fide digna sunt tam illa quàm ista. Itaque Traditionem Ecclesiæ, fide dignam, putamus. Traditio est: nihil

quæras amplius. Hæc enus Chrysostomus. Item^r Augustinus: Multa, inquit, non inueniuntur in literis Apostolorum,

† Lib. 2. ep. 3.
ad Cæcili.

Kemnit. in examine sess. 4.
Concil. Trid.
/ Homil. 5. in Numer.

m Tracta. 29.
in Matth.

n Lib. de Spir. sancto, c. 29.
o 1. Cor. 11.

p 2. Thess. 2.

q Homil. 4. in 2. epistol. ad Thessal.

r Li. 2. de Baptif. contra Don. c. 7.

rum, & tamen quia custodiuntur per vniuersam Ecclesiam non nisi ab ipsis tradita & commendata creduntur. Quod & sæpissimè Augustinus aliàs^r repetit. Hieronymus passim contra Vigilantium Traditionem nō scripta nititur. Itemque contra Luciferianos: vbi inter cætera hæreticos non esse rebaptizandos ait; *Quoniam ita, inquit, nostri tradidē rem maiores.* Ibi etiam Aduersario concedit, *multa in Ecclesiaper Traditionem, quæ scripta non sunt, auctoritatem sibi præscripta legis usurpare posse.* Ambrosius quoq; idem omnino agnoscit. Et Orthodoxa est planè (ne omnes recenseam) illa Diui^v Ioannis Damasceni sententia: *Multa, inquit, sine scripto nobis Apostoli tradiderunt.* Huc & Conciliorum auctoritas accedit, quorum quidem definitiones magna ex parte Ecclesiastica Traditione nituntur: vt præsertim videre est in septima Synodo generali. Cuius in actione septima Traditiones Ecclesiasticæ probantur. Itaque non immeritò huiusmodi etiam Traditionum assertio in Concilio Tridentino sub anathemate confirmata est.

/ Vide suprà parte V. probatione 2.

r Serm. 34. qui est de quadagesima.
¶ Lib. 4. fidei Orthodoxæ. cap. 13.

Sessione 4.

N V N C breuiter ad auctoritates Patrum, quas pro hæreticis quarto loco posuimus, respondendū est, quod facilè à nobis iam fieri poterit, quandoquidem eorundem ipsorum Patrum, quos perperam nobis obiciunt Sæctarij, testimonia pro Traditionum auctoritate clarissima protulimus. Igitur quod ad priorem locum Augustini attinet, de his ille rebus ibi loquitur, quæ ad personam Christi & gesta pertinebant, non de omnibus omnino Christianæ doctrinæ capitibus. In posteriori autem loco non est intelligendus excludere Traditiones, quas aliàs passim commēdat, sed sensus Augustini verborum est, in rebus fidei controuersis argumentandum esse ex Scripturis, vel ex iis principiis certè, quæ eandem cum

Responso ad testimonia Patrum, quibus abutuntur hæretici contra Traditiones.

Vide suprà in argumento hæreticorū 4.

Parte V. pro-
batione 2.

August. lib. de
vñit. Eccl. c. 3.
Similiter lo-
quuntur Hie-
ronymus in
Psalm. 86.
Chrysost. ho-
mil. 13. in 2.
Corint. &c.
Theodor. li. 1.
cap. 7.
Lib. 3. de locis
cap. vlt.

Scripturis, hoc est, quæ diuinam habent auctoritatem, non ex aliis vanis aut rationibus aut coniecturis. Atque eadem Diui Hieronymi mens est. Nam si is Traditiones alias, præter vanas, quæ cum veritate Scripturarû & doctrinæ Ecclesiasticæ pugnant, reiicere voluisset, nunquam Ecclesiastica Traditione aduersum Luciferianos & Vigilantianos passim, vt fecit, egisset. Tantundem de Origene dictum sit. Non enim is de earum Traditionum fide dubitat, quas Scriptura commēdat, hoc est, quas Ecclesia legitimè recipit, sed de aliis argumentis, quæ diuina non nituntur auctoritate. Atque, vt superius etiam notabam, quemadmodum Theologi dicere solent, cū in Scriptura vni tantū diuinæ personæ attribuitur aliqua absoluta perfectio, non excludi ab ea perfectione personas aliaseiusdem naturæ, sed tantummodo creaturas: ita Patres, si quādo solius Scripturæ auctoritatem idoneam esse ad fidem faciendam pronūciant; Traditiones ab Ecclesia receptas, quæ eiusdem sunt cum Scriptura auctoritatis, nempe diuinæ, minimè excludi volunt, sed alia humana priuatæque auctoritatis vel testimonia vel argumenta. Inquam planè sententiam Augustinus inquit: Non audiamus: Hoc dico, Hæc dicis. Sed audiamus: Hæc dicit DOMINVS. Atque eo sanè modo & Constantini testimonium, quod in illo quarto hæreticorum fundamento referebamus, & à Caluino in primis vrgetur, accipi debet. Vbi tamen, textus Theodoretī non habet *plenè* sicut Caluinus recitat, sed *planè* (σάφως). Et verò, vt rectè Melchior Canus notat, licet Constantinus aliquid illa oratione asseruisset falsum, tamen non propterea debuisset illico à Concilij Patribus interpellari. Dissimulant enim illi prudenter aliqua, quæ non sunt definitionibus fidei factura aut detractura fidem.

RESTAT

RESTAT nunc, vt breuiter expediamus postremum illud caput de Traditionibus propositū, qua videlicet ratione certò dignosci queat Apostolica Traditio. Quā ad rem quatuor quasi viæ certissimæq; Regulæ communiter tradisolent. Prima est in Ecclesiæ auctoritate sita. Nam si quid illa tanquam Apostolicam Traditionem recipit; idque fidelibus omnibus, vt credatur proponit, sine vlla dubitatione pro Apostolica Traditione recipiendum est. Sic Patres in septima Synodo imaginum venerationem, vt ab Apostolis traditam probauerunt. Quod si verò obiicias: Ecclesiam ex Apostolica Traditione iudicare debere, tãquam ex vna quadam definienti Regula; ac proinde illius munus non esse, quæ sit Apostolica Traditio determinare: facillimè id quidem expeditur. Sicut enim Ecclesia ex Scriptura iudicat, nec tamen idèò (vt suprā declarauimus) incommodum est, illam ipsam quoque, quæ sit Scriptura sacra, determinare; ita etiam nullum incommodum censi debet, quod eadem Traditiones Apostolicas iudicet, ex quibus fidei controuersias determinet. Vtrumq; enim Spiritu sancto suggerente certissimè facit.

Secunda Regula sumitur ex Patrum sententia concordī, idque dupliciter. Vno modo, si illi omnes recipiant dogma aliquod, tanquam de fide, contrariumque damnent vt hæreticum. Altero modo, si expressè etiam asserant, sententiam aliquam, seu institutum, esse Apostolicam Traditionem. Quod enim alterutro modo aut utroque illi asseuerant, nec in Scripturis alioquū est expressum; credendum est, ex Traditione manare Apostolica. Non enim possunt omnes errare, vt paulò post ostendetur. Ac priori quidem modo sententiā Patrum per Traditionem constat perpetua virginitas sanctissimæ

III.

*Traditio Verè
Apostolica quo
modo dignoscē.
da: quam ad
rem 4. assignā.
tur Regula.
Regula I.*

7. Synod.
acti. 6.

*Non esse incom
modum, quid
Ecclesia iudi
cet de auctori
tate ipsius Tra
ditionis, ex qua
item determi
nare cōtrouer
siam debet.*

Regula II.

Dei matris Mariæ. Posteriori autem veneratio imaginum, Apostolicum Symbolum, & id genus alia.

Regula III.

Tertia Regula est, communis consensus fidelium, si quid illo approbari constat, quod aliqui Scriptura non tradit; præsertim si maius quiddam & excellentius id est, quàm ut humana auctoritate constitui potuerit. Quæ enim eiusmodi sunt, credendum est, Apostolos diuinitus inspiratos Ecclesiæ tradidisse. Quo sanè pacto per Traditionem probari potest auctoritas, quam habet Ecclesia dispensandi in votis & relaxandi iuramenta. Itemque diremptio matrimonij rati per votum solenne religionis, &c.

Regula IIII.

Lib. 4. de bapt. contra Donatist. c. 24. Vide etiã epist. 118. ad Ianu. c. 5. ubi insolentissimam infamiam esse dicit de his rebus disputare, quas vniuersa Ecclesia vsurpat.
Lib. 3. de locis, cap. 4.

Quia illarum quatuor Regularum sit usus.

Quarta eaque latissimè patens Regula est, quam Diuus Augustinus, magno Orthodoxorum omnium consensu, tradit: *Quod vniuersa, inquit, tenet Ecclesia, nec Conciliis institutum, sed semper retentum est, non nisi ab Apostolica auctoritate traditum, rectissimè creditur.* Ac ratio est manifesta. Quia si ante quemcunque vel Patrem vel Concilium mentio alicuius vel dogmatis vel instituti facta in Ecclesia est, initium sine dubio habuerit oportet ab Apostolis. Huius generis sunt ordines minores, Ieiunium quadragesimæ, & similia, de quibus rebus rectè mihi inter cæteros Melchior Canus scripsisse videtur.

Illud tantummodo hoc loco addam: quum dicimus, quatuor has esse Regulas cognoscendarum Traditionum, non hoc ita intelligendum esse, quasi velimus aliquas esse Traditiones, quæ tantum ex vna vel ex altera eiusmodi Regularum constent (constant enim ferè omnes ex illis omnibus) tantum volumus, quamlibet earum Regularum esse ad Traditionem Apostolicam cognoscendam per se sufficientem. Quo fit, ut certiores sint Ecclesiæ Traditiones, quòd ex illis Regularum
lis

lis ferè omnibus sunt compertæ. Atque hæc quidem de Traditionibus nunc sufficiant.

DE CONCILIIS.

DEINDE dicendum est de Conciliis, primùm, quæ illorum sit ratio & varietas, tum quanta auctoritas in definitione fidei.

SYNODI vel Concilij nomine intelligimus generatim loquendo Episcopos vel Sacerdotes in vnum locum conuenientes ad constituendum de negotiis Ecclesiasticis, quæ ad religionem pertinent, hoc est, de fide aut cultu, aut moribus. Porro Conciliorum triplex genus est. Alia sunt Oecumenica siue vniuersalia. Alia prouincialia. Alia Episcopalia.

I.

*Conciliorum
ratio & Vari-
etas.*

VNIERSALIA Concilia dicuntur ea, quæ coguntur summi Pontificis auctoritate, præcipuos Ecclesiæ Prælatos, hoc est, Episcopos, & iis superiores Antistites conuocantis. Nec verò est opus, vt omnes omnino euocet; multo quæ minus, vt omnes veniant. Satis fuerit magnam partem illorum euocari atque congregari, vt rectè ^a Canus & Ioannes à ^b Turrecremata declarāt. Potest autem ac solet Pontifex alias graues personas Ecclesiasticas (cuiusmodi sunt Generales religionum) vt in Concilio sententiam dicant accersere, tametsi Episcopi non sint. Item quæ; adhibentur alij docti viri Ecclesiastici, tantum vt de rebus tractandis differāt. De quibus & aliis id genus rebus, quæ ad formam ac modum Concilij vniuersalis pertinent, copiosè sanè ac diligenter scriptum est à ^c Turrecremata. Quod autem volunt Sectarij Laicos etiam homines sacrarum literarum peritos in Concilio vniuersali adhibendos esse, id quidem prolixa refutatione non indiget.

*Concilia vni-
uersalia.*

^a Lib. 5. de locis c. 2.

^b Lib. 3. de Eccles. c. 16.

^c Lib. 3. de Eccles. cap. 6. & seq.

Quid

*Laicos non esse
adhibendos in
Concilio.*

d Ephes 4.

e Jerem. 3.

f Deuter 17.

*g Lib. 3. de Ec-
cles c. 12.*

*Concilia pro-
vincialia.*

Episcopalia.

II.

*Conciliorum
quanta aucto-
ritas sit.*

*Responderetur ei
quaestioni dua-
bus assertio.*

1.

2.

*Nullum Conci-
lium esse infal-
libile sine Ro-
mani Pontificis
approbatione.
Probatio I.*

Quid enim à ratione magis alienum sit, quàm si ubi agitur de discernendis doctrinæ pascuis salutaribus ab noxiis, iudicium ea de re ipsis ouibus committatur? Pastorum hoc certè proprium munus est. Quam ob rem Diuus Paulus officium Pastoris & Doctoris cōiunxit: ^a *Alios dedit, inquit, Pastores & Doctores.* Et ipse Dominus per Ieremiam: ^e *Dabo, inquit, Pastores, & pascunt vos scientia & doctrina.* Itemq; in ^f *Deuteronomio: Si difficile & ambiguum apud te iudicium esse perspexeris, venies ad sacerdotes (ad sacerdotes inquit) Leuitici generis, &c.* Denique perpetua quoque fuit in Ecclesia Christiana consuetudo, ut Prælati tantum maiores ad Concilium euocarentur, quemadmodum eruditè ostendit ^g *Turrecremata.* Iam Concilia *Provincialia* sunt, quæ congregantur auctoritate Metropolitanis vel Primatis euocantis Episcopos vnius provinciae aut regni. *Episcopalia* verò, quæ auctoritate Episcopi conuocantis sacerdotes suæ diocesis.

HIS ITA breuiter positis quæstio huius loci propria ac præcipua est, qualem & quantam auctoritatem habeant Concilia in iis rebus, quæ ad fidem spectant, determinandis? Cui quæstioni breuiter duabus assertionibus responderi potest. Prima. Nullum Concilium infallibilem auctoritatem definiendi per se habet seclusa Romani Pontificis approbatione. Secunda. Accedente Romani Pontificis confirmatione Concilium quoduis est infallibile.

Primam assertionem ea ratione manifestè probamus, quòd aliqua Concilia etiam vniuersalia per Pontificem non confirmata quandoque errauerunt. Ut Ephesinum secundum cum Dioscoro, à Leone quidem inditum, sed non confirmatum. Item Basilienſe sub Eugenio quarto, ut infra videbimus. Item Ariminense, sexcentorum

torum Episcoporum cum Arrio; & Constantinopolitanum sub Leone Imperatore, trecentorum Episcoporum. Quanquam neque hæc duo postrema, Romani Pontificis auctoritate congregata sunt; vt neque quoddam aliud Pisanum, quod à Schismaticis quibusdam Cardinalibus congregatum fuit anno Domini 408. Atque ita ex ea etiam parte facilius eiusmodi Concilia errare potuerunt. Concilium enim vniuersale, quod à Pontifice, vniuersalis Ecclesiæ Pastore, non indicitur, ne Concilij quidem nomine dignum est, sed Conciliabulum potius est appellandum, vt ait ^h Pelagius Pontifex. Etenim ab omni ratione alienissimum est, vt de iis rebus, quæ ad vniuersam Ecclesiam pertinent, cum auctoritate agatur, nisi ex eius præscripto, qui præest Ecclesiæ vniuersæ.

^h Distinct. 17.
Can. Multis.

AC EXSTANT præterea pro eadem illa assertionem plurima testimonia nō modò veterum Pontificum, sed etiam ipsorum Conciliorum ac aliorum Patrum, quorum plerasque sententias suprā in confirmatione Primatus Romani Pontificis allegauimus. Peculiariter id asserunt, ⁱ Alexander primus, ^k Sixtus primus, ^l Anicetus, ^m Zepherinus, ⁿ Calixtus, ^o Marcellus, ^p Melchiades, ^q Iulius primus, ^r Damasus, & alij eiusmodi antiqui Pontifices, vel gloria martyrij vel sanctitatis atq; doctrinæ laude ita clari, vt illorum hac de re testimonium, quasi ambitiosè atque falsò & temerè propriam tantum causam egerint, à nemine sine summa leuitate reiici possit: maxime cum illis id palam docētibz nullus illis temporibus Scriptor Catholicus, tanquam falsam sibi dignitatem arrogarent, contradixerit. Idemq; asseritur in ^s septima & ^t octaua Synodo generali, & in Synodo Romā. sub ^v Symmacho, itemq; in alia Romana sub ^x Damaso, & in Concilio ^y Florentino, &c. Et verò Concilium Nicænum à

Pobatio II.

ⁱ Epistol. 1.
^k Epistol. 2.
^l Epistol. 1.
^m Epistol. 1.
ⁿ Epistol. 1.
^o Epistol. 1.
^p In epistol. vni-
ca decretali.
^q Epistol. 1. & 2.
^r Epistol. 3. c. 1.
^s Acti. 6. to-
mo 1.
^t Acti. 1. & 7.
^v Distinct. 96.
cap. Bene.
^x Lib. 5. hist.
trip. c. 19.
^y In Decreto
supervisione
Iacobinor.

E c

Syluestro

Syluestro Pontifice: Constantinopolitanum primum à Damaso: Ephesinum à Cælestino: Chalcedonense à Leone: Omnia deniq; quæcunq; in Ecclesia habuerūt auctoritatem, à Romano Pontifice cōfirmata sunt, vt superiùs etiam cōmemorauimus. Quod etiam testatur ^a Paschalis Papa: *Omnia, inquit, Concilia per Romana Ecclesia auctoritatem, & facta sunt, & robur acceperunt.* Et ^a Symmachus de prouincialibus Conciliis à Pontifice non confirmatis ait: *Quòd quia non habent præsensiam, id est, auctoritatem, Pontificis, valetudinem perdiderunt.* Qua de re multa sanè eaq; luculentissima testimonia cōgessit in sua summa de Ecclesia Ioannes à ^b Turrecremata.

POSTREMO eadem assertio facilè probatur ex his, quæ suprà de Romani Pontificis primatu cōstituiamus: ex quibus ita formo rationem. Eius tantùm est controuersias fidei cum auctoritate infallibili determinare, cuius est in Ecclesia suprema post Christum potestas spiritalis. Sed suprema hæc potestas, Romani duntaxat Pontificis est, non autem vllius Concilij etiam vniuersalis secluso Pontifice. Ergo solius Pontificis siue per se, siue conuocato ad id etiam Concilio, est infallibiliter determinare controuersias fidei, non autem vllius Concilij per se, secluso Pontifice.

Maiorem huius rationis propositionem confirmo primò. Nam Christi promissiones, quibus ille pollicitus Ecclesiæ est cognitionem omnem veritatis, satis superque adimplebuntur, si per supremam in Ecclesia potestatem, controuersia omnes fidei cum auctoritate infallibili definiri possint. Frustra igitur ac sine fundamento in alio vel aliis, qui potestatem eiusmodi in omnes fideles supremam non habeant, infallibilis ea auctoritas assereretur. Deus enim, vt non deficit in necessariis rebus,

^a Ad Archiepisc. Panorm. & refertur, de electiōe, cap. Significasti.
^a Distinct. 17. Can. Concilia.

^b Li. 3. de Eccl. cap. 32.
33. 34.

Probatio III.

Sine Pontificis auctoritate nihil posse infallibiliter definiti in Ecclesia.

Munus infallibiliter definiti de solius auctoritate in Ecclesia suprema esse, probatur.

1.

bus, ita nec illius prouidentia superuacaneè abundat. Secundo probatur eadem propositio. Quoniam infallibilis definitio fidei vniuersam obligat Ecclesiam, hoc est, omnes omnino fideles. Ergo munus infallibiliter definiendi solius potestatis in Ecclesia supremæ est. Tertiò. Quia definitionem fidei infallibilem etiam ille debet recipere, qui supremam in Ecclesia potestatem habuerit; ergo non potest illa fieri per aliquem vel per aliquos inferiores, qui scilicet potestatem eiusmodi supremam nō habeant. Per absurdum est enim, vt superior teneatur id decretū acceptare, quod nec ipsemet, nec aliquis superior faciat, sed is potius qui illo inferior sit, & de cuius proinde facto iudicandi auctoritatem ipse habeat.

Iam confirmo similiter propositionē alteram minorem, videlicet solum Pont. Romanum præditum esse supremam post Christum potestate in oēs fideles. Nam quod ipse certè Rom. Pontifex supremam potestatem habeat, suprà probatū est, cum & Euangelij & omnis antiquitatis testimoniis ostendimus, præfecisse Christum Petrū eiusq; successores vniuersæ Ecclesiæ. At nō sunt nec esse possunt in Ecclesia duæ supremæ potestates tales; hoc est, nequeunt esse quasi magistratus duo, quorū quilibet per se supremam in omnes omnino fideles potestatem habeat. Solum igitur Romanū Pontificem habere eiusmodi potestatem supremam, confitendum est. Etenim, si duæ tales essent potestates supremæ; quælibet illarū, & neutra illarum esset suprema: quod ne intelligi quidē potest. Quælibet: quoniam ita tu certè ponerēs. Neutra: quoniā vnaquæq; haberet alterā se superiorem, siquidem altera etiā esset simpliciter suprema, hoc est, super omnes omnino oues pertinentes ad Christi ouile, qualē certè potestatem superius probatum est Petrum & eius successores habere.

Supremam post
Christum au-
thoritatem in
solo Romano
Pontifice esse.

a Li. 3. de Ec-
clesiæ cap. 18. &

44.
b Libris tribus
de eo argum.

c In tract. de
auctoritate
Pont. & Con-
cilij cap. 7. &
seq.

*Quodlibet Cō-
cilium acceden-
te Pontificis au-
thoritate esse
infallibile.*

Atq; hinc profectò illorum auctorum sententia ma-
nifestè reuincitur, qui Concilium vniuersale Pontifice
superius faciunt. Pugnant enim illi reuera (licet non ad-
uertentes) cum certissima fide de Diui Petri ac Romani
Pontificis in Ecclesia primatu. Refellunt autem eam o-
pinionē copiosius Ioannes ^a Turrecremata & ^b Franci-
scus Turrianus, & ^c Caietanus, qui mihi quidem his de re-
bus admodum eruditè scripsisse videtur.

Nunc prima assertione probata, facilè ex eodem
fundamento cōfirmari poterit secunda, videlicet quod-
libet Concilium, accedente approbatione Pontificis, es-
se infallibilis auctoritatis. Nam auctoritas Pontificis ad
definiendum, infallibilis est, vt suprà copiosè ostendi-
mus. Sed Concilium, quod Pontificis auctoritate con-
firmatum est, Pontificis auctoritatem habere cense-
tur; siue illud generale, siue prouinciale, siue Episcopale
sit. Ego quoduis Cōcilium à Pontifice confirmatum in-
fallibile est, siue infallibilem auctoritatem habet. Atq;
hoc ipsum ostendit perpetua Ecclesiæ traditio & vsus.
Etenim illi semper in Ecclesia hæretici sunt habiti, qui
Conciliis à Pontifice confirmatis (cuiuscunque generis
ca fuerint) damnati sunt.

d Lib. 5. de lo-
cis, cap. 5.

*Auctoritas in-
fallibilis Pont.
Ecclesiæ, & Cō-
cilij, vna & ea-
dem est.*

Porro ex hac assertione sequitur, verum omnino esse
illud, quod suprà de Ecclesia circa septimam eius pro-
prietatem diximus, & animaduertit etiam rectè ^d Mel-
chior Canus: videlicet, eandem prorsus auctoritatem in-
fallibilem ad definiendum esse illam, quæ Pontifici sum-
mo, & quæ Ecclesiæ Catholicæ, & quæ Conciliis tribui-
tur. Neque enim putandum est, auctoritatem vnā in-
fallibilem habere Pontificem, alteram Ecclesiam, alte-
ram Concilium. Id non ita est. Quin imò illa ipsa aucto-
ritas, quæ in vno Pontifice residet; auctoritas etiam dici-
tur

tur esse Ecclesiæ; quippe cū Ecclesia nimirum quodam quasi corpus sit, cuius caput est Pontifex, vt proinde in ea quoq; esse meritō censeatur illa auctoritas, quæ in ipsius est capite. Atque eadem item Pontificis auctoritas, Conciliorum auctoritas esse dicitur, quatenus eorum acta & determinationes ille confirmauit. Itaque Conciliorum auctoritas, vt est quidem infallibilis, non alia quædam auctoritas est per se distincta ab auctoritate Pontificis, sed eadem planè, vno quodam modo usurpata ex multis, quibus, vt infra docebimus, potest Pontifex suam infallibiliter definiendi auctoritatē exercere.

Quæret autem hīc aliquis, Ecquæ sint Concilia per Pontifices confirmata? Respondeo, ex vniuersalibus quidem illa confirmata sunt, quæ in Tomis ipsis Conciliorum referuntur, Basilienſi excepto. Cuius vitia & defectus à^e Turrecremata & à^f Caietano demonstrati sunt. Præterea pleraque Concilia Romana sunt Romæ per Pontifices ipsos celebrata, quæ proinde Pontificis quoque auctoritatem habēt. Quin etiam licet non conuenerint in eiusmodi aliquibus Romanis Conciliis Episcoporum variarum prouinciarum, tamen ratione Pontificiæ auctoritatis, quæ vniuersalis est, vniuersalia quodammodo dici possunt: vt notauit^g Turrecremata. Quod verò attinet ad alia prouincialia Concilia Episcoporum, primū quædam ex illis sunt expresse per Pontifices confirmata. Vt Concilia Carthaginensia & Ancyritanum, Neocæsariense, Gangrense, Sardicēse, Africanum, à^h Leone quarto. Sicut etiamⁱ Trullana quoque Synodus, quæ aliàs quinisexta dicitur, quædam Concilia prouincialia probauit. Deinde reliqua Concilia prouincialia antiqua, quæ ad communem quidem Ecclesiæ notitiam perueniunt, neq; reprobata sunt, sed potius in usu ac vene-

Qua sint Concilia Pontificis auctoritate confirmata.

e Lib. 3. de Eccles. c. 100.

f In tract. de auct. Pont. & Concilij, c. 8.

g Lib. 3. de Eccles. cap. 3.

h Distinctio 20. Can. de libellis.

i In Canonib. additis ad VI. Synodū, Can.

2. De quibus Canonib. lege Franciscū

Turrianū, in tractatu de 6.

& 7. Synodo, & Canū lib. 3. de locis c. ult. ad

5. argū. & Bartholomæum Carrancam in

summula Conciliorū, de Can. 1b. Trullanis.

Lib. 5. de lo-
cis, cap. 4.

ratione apud omnes habetur; tacitè hoc ipso ab Ecclesia approbata censi possunt, vt rectè ¹ Canus notat. Iam verò ex Episcopalibus Conciliis vnum illud fertur per sedem Apostolicam expressè confirmatum esse, nimirum Complutense sub Alfonso Carillo Archiepiscopo Toletano, in quo errores damnati sunt cuiusdam Petri Oxomensis, qui de clauibus & de poenitentię Sacramento falsò docebat. Fuit autem Synodus hæc per Sixtum quartum confirmata. His ita explicatis, argumenta quædam diluenda sunt, quæ cōtra primam assertionem probare videntur, Concilium saltem vniuersale per se infallibiliter posse sine Pontificis auctoritate definire.

Cōfutatio quorundam argumentorum pro Conciliorū infallibilitate, seclusa Pontificis approbatione.

ARGV. I.

PRIMUM argumentum. Concilium vniuersale Ecclesiam totam repræsentat, vt definiuit Martinus V. in fine Cōcilij Constantiensis; hoc est, tenet veluti vicem totius Ecclesiæ, quæ non potest videlicet alio modo cōgregari, nisi quatenus Prælati cōueniunt vice atq; loco fidelium omnium. Sed vniuersalis Ecclesia errare non potest. Ergo neq; vniuersale Concilium, quod virtute nimirum est quasi tota Ecclesia. Atq; id rursus confirmatur. Nam saltem quando Concilio intersunt Legati Pontificis, nihil videtur deesse, quo minus Concilium habeat tanquam totius Ecclesiæ auctoritatem. Tunc igitur certè confirmatio Pontificis necessaria non erit.

Respondetur.

Concilium sine capite non repræsentat perfectè ipsam Eccle-

Respondendum est, secluso Pontifice Conciliū ἀκέφαλον non repræsentare perfectè totā Ecclesiam, ac proinde errare illud posse. Deinde, si maximè concederemus Concilium ἀκέφαλον Ecclesiā simpliciter repræsentare, tamen ex ea re solum consequetur, omnes Patres Cōcilij ad vnum vsq; errare nō posse, sicut nec errare possunt simul omnes fideles. At posset tamen nihilominus errare maior illorum pars, atq; adeò ipsum etiam Concilium, quippe

quippe cū ex sententia maioris partis congregatorum decreta Concilij confici soleant. Ita sanè respondet ad hoc argumentum ^a Melchior Canus. Sed prior mihi responsio magis placet, quæ est doctissimi ^b Caietani.

Ad confirmationem verò eius argumenti cum distinctione respondendum est. Nam si Legati sequuntur instructionem & quasi conceptam iam ante definitionem Pontificis, quam ab ipso prius acceperint; tunc sanè eo ipso, quod Concilium habear auctoritatem Legatorum, habet etiam ipsius Pontificis, ac proinde errare nequit: Si autem talem à Pontifice instructionem nondum illi acceperunt, aut eam nō sequuntur, errare Concilium ipsis etiam cōsentientibus, potest. Quia ut ^c Turrecremata & ^d Canus rectè docent, potestas ipsa Pontificis ad infallibiliter definiendum delegari aliis nequit. Quare ante Pontificis confirmationem minimè constat esse rata Concilij decreta.

SECUNDVM argumentum. Si infallibilitas omnis Conciliorum à Pontifice pendet; frustra igitur illa coguntur; siquidem æquè certò ab ipso Pontifice solo posset res definiri.

Respondetur, nequaquam propterea frustra institui Concilia. Quò enim maiorin illis inquisitio firmamētorum veritatis sit, ex pluriumq; sententia decernitur, cō in iis rebus, quas cum Cōcilio dēfinit Pontifex, plus est momenti ac ponderis, ut ipsi certè homines sibi persuadere possint, verum atq; ratum id esse, quod tanto studio atq; diligentia adhibita, tantoq; consensu definitur. Quare omnino est saluberrima in Ecclesia (ut præclare D. Augustinus inquit) Conciliorum auctoritas, sapienterq; facit Pontifex, si cū ita vel hereticorum pertinacia, vel alia grauis causā postulare videtur, nō nisi conuocato Concilio rem esse definiendam existimat.

^a Lib. 5. de locis Theolog. cap. 5.

^b In tract. de auct. Pont. & Concil. c. 9.

^c Lib. 3. de Ecclesiis. cap. 6. 8. & 38.

^d Lib. 5. de locis, cap. 5.

ARGVM. II.

Respon.

Quam ob causam in Concilio res definiuntur.

TER-

ARGVM. III.
Matth. 18.

TERTIVM argumentum. Christus ait: *Vbi fuerint duo aut tres congregati in nomine meo, ibi sum in medio eorum.* Ergo multò magis vbi tam multi congregantur.

Respon.

Explicatur lo-
cus ille: *Vbi cūq;
sunt duo vel
tres, &c.*

Quomodo ad
Concilij certu-
tudinem ille
locus accommo-
dari possit.

Verùm hoc facillimè expeditur. Non enim ad infallibilem certitudinem alicuius sententiæ, in quam plures in nomine Christi consentiant, locus hic Euangelij propriè accommodari debet, sed ad efficaciam consensio-
nis plurium ad id impetrandū quod vnanimiter in Christi nomine petunt, si id quidem ad eorum salutem expediat. Secus enim, non modò ex illo loco probabitur, infallibilem esse sine Pontificis assensu definitionem Concilij vniuersalis, sed etiam prouincialis, imò & Episcopalis, imò & aliorum quorumcunq; duorum aut trium in nomine Christi conuenientium ad aliquid statuendum. Quod si ad Concilij etiam congregationem, quæ maximè fit in Christi nomine, cum Euangelij locum accommodare velimus; dicam equidem, eatenus Concilij Patribus Christum sua prouidentia adesse, vt eorum doctrina atque definitio per Pontificem confirmetur, si vera fuerit, si autem falsa, per eundem corrigatur.

ARGVM. IIII.

QVARTVM argumentum. Patres Concilij vniuersalis pronunciant de rebus fidei tanquam iudices: Nempe cū dicunt: *Ita statuit sancta Synodus. Qui aliud dixerit, anathema sit, &c.* Infallibiliter igitur pronunciant. Quod ea ratione confirmari potest; quia Ecclesia certè vniuersa tenetur eos audire, si vt iudices in vniuersali Concilio (quod iam ostensum est) pronunciant; ac proinde, si non illi infallibiliter pronunciarent, tota Ecclesia ipsos audiendo posset imò teneretur errare. Quod absurdissimū est. Item, quia si vt iudices pronunciant de fide; ergo ex auctoritate diuina pronunciant. Humana enim auctoritas non videtur per se tantum valere, vt fidei materiam deter-

determinare ipsa possit. Quod si auctoritate diuina Concilij vniuersalis Patres pronunciant; consequitur certè, infallibiliter eos pronunciare: Siquidem non potest ab auctoritate diuina prodire vlla falsitas. Accedit quòd si Patres per se non definiunt infallibiliter, minimè ipsi, Iudices esse controuerſiarum fidei, censi debebunt, sed quasi quidam tantum Pontificis Consiliarij, quorū munus videlicet sit Pontifici proponere quidnam esse definiendum videatur. At sunt omnino Iudices, vt antè probatum est. Infallibiliter igitur ipsi definiunt.

Respondeo. Quod Patres statuunt in Concilio vt Iudices, non est sanè negandum. Hinc tamen non illico sequitur, ipsos infallibiliter per se definire. Nam quod primò ad eius rei confirmationem obiiciebatur, Ecclesiam vniuersam debere eos audire, id verò non ita est, donec per confirmationem Pontificis innotescat, eos verè definiuisse. Ea verò Pontificis confirmatio cum accesserit, iam tum vniuersa Ecclesia debet Concilij decreta recipere, non modò quatenus Pontificis decreta sunt, sed etiam quatenus Concilij quoq; Patrum auctoritatem habent. Porro auctoritas hæc Patrum, per quam scilicet de fide pronunciant, nō est (vt deinde obiiciebatur) propriè diuina, quæ scilicet in assistentia peculiari Spiritus sancti ad definiendum, quam ipsi per se Patres habeant, consistat: Sed est humana Ecclesiastica, deriuata quidem à diuina & concessa illis à Pontifice, vt ipsi nimirum soli possint ritè atque ex ordine ad totius bonum Ecclesiæ iudicare de rebus fidei, atque adeò ita demum ad credendum Ecclesiam vniuersam obligare, si iudicium suum fuerit Pontificis approbatione confirmatum. Vt verò ita dependenter à sententia summi Pontificis, definiant

Respon.

Patres in Concilio, tanquam Iudices, statuunt.

Quaratione ad intelligi debet.

illi res fidei, satis ipsi est auctoritas illa Ecclesiastica, nec per se opus habent infallibili assistentia diuina.

*Quaestio esse
de nomine, &
trum Concilij
Patres sint
quasi Consilia-
rij Pontificis in
definendo.*

Quod si propterea, quod Pontifex huiusmodi Patrū opera atq; iudicio in determinanda fidei sentētia utitur, idcirco quis putet Pontificis quasi Cōsiliarios eos appellari posse, non est de vocabulo magnoperè laborandum.

Nam neq; eiusmodi certè appellatio fundamento prorsus careret: siquidem sæpe dicitur Pontifex hoc aut illud statuere sancto *approbante* Concilio. Quæ cum ita sint, facile conciliari hoc in loco possunt opiniones duæ, quas

• Lib. 5. de locis Theolog. cap. 5.

• Canus tanquam dissidentes cōmemorat. Vna est, Concilij Patres esse Pontificis Consiliarios in fidei negotio. Altera, eosdem esse sanè Iudices. Vtrumque enim verum est diuersa ratione, ut ex dictis intelligi potest.

ARGUM. V.

QVINTVM argumentum. Concilij Patres asserunt. se in *Spiritu sancto legitimè cōgregari*: itemq; statuunt *sub anathemate, &c.* At nisi infallibiliter per se definiunt, arroganter id quidem ab illis vel dici vel fieri videri posset. Aut sunt igitur arrogantes, quod putandum non est, aut infallibiliter profectò definiunt.

Respon.

Respondeo. In Spiritu sancto legitimè congregari Concilium non aliud est, quàm omnino placere Deo, ut ex præscripto Pontificis conueniant Patres ad decernendum, eisq; proinde Spiritum sanctū assistere, ut per Pontificem postea, vel confirmantem vel emendantem eorū decreta, infallibiliter de veritate doceantur. Quod verò statuunt sub anathemate, faciunt quidē hoc illi, ut quantum est in se astringant hac ratione magis obligationem eam, quam sperant per Pontificis futuram confirmationem, robur habituram. Et verò Concilia olim nisi prius accepissent sedis Apostolicæ decretum, controuersias fidei

*Quidnam sit,
Cōcilium in Spi-
ritu sancto le-
gitimè congregari.*

dei non definiebant, vt ostendit ^b Turrecremata. Quod ipsum magno argumēto est, verissimum id esse quod docemus, Concilij vniuersalis decreta ante Pontificis confirmationem non habere certitudinem infallibilem.

Sextum argumentum. Suprema potestas clauium non Pontifici, sed Ecclesiæ ipsi propriè collata à Christo est. Ergo Cōcilium vniuersale, quod est vice Ecclesiæ, infallibiliter potest definire sine Pontifice. Id autem multis sanè modis probatur. Primò, auctoritate D. Augustini, qui sæpe affirmat Ecclesiæ datas illas clauēs esse, cum datæ sunt D. Petro. Secundò. Quia in Euangelio Matthæi Apostolis, qui repræsentabant Ecclesiam, sine exceptione dicit Christus: *Quodcumq; ligaueritis, &c.* Quare videtur Ecclesia etiam in Pōtificem ipsum habere ligandi & soluendi potestatem. Tertiò, quia ibidem quoque Christus omnem illum, qui frater censeri potest, subiecit Ecclesiæ, atque adeò etiam ipsum Diuum Petrum cum dixit: *Si peccauerit in te frater tuus, &c.* Et tandem: *Si Ecclesiam non audierit, sit tibi sicut Ethnicus & Publicanus.* Quartò, quia ipsum etiam Petrum remittit ibi ad Ecclesiam, cum non minus illi, quàm discipulis aliis præcipit: *Dic Ecclesiæ.* Itaq; ipse postmodum interrogat: *Domine, quoties peccabit in me frater meus, & dimittā ei.* Quintò, quia Ecclesia potest Cōcilium congregare sine Pontifice. Vt si quando Pontifex aliquis non sine controuersia pro Pontifice haberetur. Quemadmodū euenit tempore Concilij Cōstantiensis: vel si fortè esset hæreticus. Quo casu posset ille etiam ab Ecclesia deponi. Sextò, quia cum Pontifex sit vnus quidā homo, qui proinde videretur errare posse; cōsentaneum sanè erat, vt Ecclesiæ in illū auctoritas daretur, vt si quid fortè peccaret, ab ea corrigeretur. Septimò, quia id etiā est definitum in Concilio Constantiensi, sessione quinta,

^b Lib. 3. de Eccles. c. 33.

ARGV. VI.
Obiectio quod clauēs sint datæ, non nisi ipsi Ecclesiæ: Confirmatur.

1.

Vide suprà parte VII. circa locū Matt. 16.

2.

Matth. 18.

3.

4.

5.

6.

7.

8. cuius Concilij Decreta ad fidem pertinentia confirma-
uit Martinus quintus: Itemque postea in Basiliensi. Osta-
uò, quia non sanè obstat, quod Pontifex à Christo acce-
perit in Ecclesia primatum. Habet enim illum certè re-
spectu singularum personarum, aut etiam respectu qua-
rumcunq; prouinciarum, non tamen respectu totius Ec-
clesiæ, vt est vnum quoddam corpus ex omnibus suis par-
tibus simul coniunctum: atq; adeò nec respectu vniuer-
9. salis Concilij, quod est vice Ecclesiæ totius. Nonò, quia
non bene aliàs Christus Ecclesiæ suæ prouidisset, si coge-
retur illa nimirum ferre Pontificem quantumuis impium,
nec haberet in eum aliquam potestatem.

Respon.
Ad argu. VI. Atque hæc ferè sunt, quæ quosdam mouerunt, vt &
Concilia esse per se infallibilia & in ipsam etiam Pontifi-
cem auctoritatem habere disputarent. Sed ea tamen o-
mnia mouere similiter nos minimè debent, vt à verissi-
ma sententia superiùs probata desistamus. Quare respõ-
dendum ad argumentum est, omnino falsum id esse,
quod in illo assumebatur, nempe non ipsi Pontifici pro-
priè, sed Ecclesiæ toti clauis à Christo datas esse. Pugnat
enim hoc prorsus cum certissima fide, de primatu Di-
ui Petri, quæ suprà multis & testimoniis & argumentis
confirmata est.

Ad probat. I. Ad primam verò eius assumpti probationem respõ-
detur, sententiam Diui Augustini non esse, nisi quod ac-
cepit Petrus singulariter clauis in persona Ecclesiæ tan-
quam illius præpositus in eiusdemque vtilitatem vt su-
prà satis à nobis explicatum est.

Parte VII.

Ad prob. 2.

• In tract. de
auct. Pont. &
Con. c. 9.

Ad secundam respondet optimè * Caietanus, Pote-
statem illam à Christo datam esse Apostolis, vt eam qui-
dem exercerēt in quibuscunq; sibi subiectis. Papa autem
non est subiectus ulli alteri potestati, cum ipse habeat po-
testatem

testatem supremam, vt suprà probatum est. Quamuis ipsemet etiam lege diuina teneatur id credere quod in materia fidei determinat, sicut etiam illius successores.

Ad tertiam probationem similiter respondetur, agi Ad probat. 3.
nimirum ibi de *fratribus* subiectis. Quæ profeſſio expoſi-
tio vel ea ratione apertè confirmatur, quòd ibi nomine
Ecclesiæ intelligitur etiam quicumque Prælati, qui pec-
cantem possit excommunicare, & quem possimus statim
adire: vt auctoritate sanctorum Patrum confirmat Cai-
etanus. Certum autem est, Prælatus non habere potesta-
tem, nisi in sibi subiectos. Quare non nisi de subiectis *fra-*
tribus ille locus intelligi debet; ac proinde, si quis est nul-
li omnino potestati in Ecclesia subiectus (vt Pontificem
nō esse suprà ostendimus) is ab eo loco prorsus excipien-
dus necessariò est.

Ad quartam probationem respondeo, Christum ibi Ad probat. 4.
non cum persona Petri, vt erat futurus summus Ecclesiæ
Pastor, loquutum esse; sed doctrinam tradidit in com-
muni pro fidelibus omnibus, qui Ecclesiæ Prælati vnquā
futuri essent, quiq; ab illo collegio discipulorum, cum
quibus Christus agebat, repræsentabantur.

Ad quintam probationem respondeo, posse quidem Ad probat. 5.
in illis duntaxat casibus Ecclesiam id facere non ex au-
thoritate, quam habeat supremā & ordinariam ad omnia
quæ sint eius generis, facienda, sicut habet Pontifex, sed
ex quadam imperfecta auctoritate, quam habet tantum
in illis duobus casibus, ad personam videlicet Pontificis
vel eligendam peculiari modo, vel deponendam, seu po-
tius ad declarandum, quòd sit iam à Christo deposita.
Hanc auctoritatem Ecclesiæ in his casibus appellat ^b Cai-
etanus ministerialem. Et potest sanè ita appellari, qua
ratione in aliquo eiusmodi casu Ecclesia Pontificem

*Quatenus &
in quibus casibus
Ecclesia nō
nullam habeat
auctoritatem
circa personam
Pontificis.*

*b In tract. de
auct. Pont. &
Con. cap. 10.*

Parte VII.

eligit. Vt enim superius expositum est non ipsa Ecclesia propriè constituit Pontificem, sed determinat duntaxat personam, & quasi offert illam Christo, vt ab eo demum accipiat supremam regendi potestatem. Si quando autem Ecclesia congregaretur ad mouendum loco Pontificem hæreticum, non propriè illa diceretur per auctoritatem ministerialem cum deponere, quasi tunc primum Christus per Ecclesiæ ministerium eiusmodi Pontificem deponeret. Hoc enim ipso quod Pontifex in hæresin siue occultam siue manifestā laberetur, Pontificia auctoritate per se caderet, vt asserit certior atque communior Theologorum sententia. Quare Ecclesia in eo casu, ne ministerialiter quidem talem Pontificem deponeret, sed efficaciter ipsa per se declararet, ipsum iam esse à Christo depositum.

Ad probat. 6.

Ad sextam probationem respondetur, Pontificē in fidei quidem iudicio non posse errare, vt suprā ostensum est. Nec verò minus potest Christus assistere ipsi per se Pontifici, quàm toti Ecclesiæ, ne aberrer. Imò toti Ecclesiæ ille assistit, quatenus assistit semper Vicario suo ne in regendo erret. Itaq; minimè profectò decuit, vt Vicarij sui curam alteri alicui potestati Christus committeret; sicut nec decet, vt princeps aliquis quempiam alium præficiat Vicario suo, cui ille præsens adest.

Ad probat. 7.

Ad septimam probationem respondetur, decreta illius quidem sessionis Concilij Constantiensis nō habere certam auctoritatem. Nam ea tantum Martinus quintus probauit, quæ essent circa fidem determinata (vt inquit) *conciliariter*, hoc est, adhibita prius disputatione; & sententiarum collatione rectè atq; sedatè, sicut fieri in Conciliis assoler, instituta. Illa verò sessio quinta Concilij Cōstantiensis edita fuit importunitate tantum quorundam

dam Schismaticorum non nisi admodum tumultuariè, vt exactis Concilij constat, & benè à Caietano & ab alijs animaduersum est. Porro Concilium Basiliense nunquam fuit confirmatum: etsi ante apertum sanè schisma fuerit habitum pro legitimo, quod ad inchoationem quidem & prosecutionem eius Concilij attinebat, vt rectè quoq; notauit Caietanus.

e In tract. de auct. Pont. & Concile 9.

d In illo tractat. c. 8,

Ad probat. 8.

Pontificem habere auctoritatem in totam Eccl. simul consideratam.

Ad octauam probationem respondetur, primatum Petri vel maximè etiam esse erga Ecclesiam totam collectiue (sicut in Scholis loquimur) consideratam. Hoc inde patet, quod *Ecclesia* nomen, collectiuum (vt vocât) est, sicut etiam nomen *ouile*. Quare loca Euangelij, quibus Christus tradidit Petro & successoribus potestatem supremam in Ecclesiam suam suumque ouile, in primis de tota Ecclesia collectiue intelligi debent, quomodo etiam intellexerunt semper Concilia & Patres magno numero supra citati. Ac discrimen diligenter perpendi debet, quod est inter potestatem Ecclesiasticam Christi Vicarij, & potestatem cuiuspiam alterius monarchæ seu principis secularis. Princeps enim secularis, potestatem ab ipsa communitate, cui præest, obtinuit. Vnde fit, vt quibilibet partibus communitatis superior sit; nõ perinde autem tota ipsa communitate coniunctim spectata, saltem in omnibus casibus. At verò Christi Vicarius supremam potestatem accepit propriè ab ipso Christo, non ab Ecclesiæ communitate; qua proinde non solum diuisim, sed etiam coniunctim spectata in omni casu superior est, quandiu quidem verus Pontifex manet. Itaque quod Deus per Esaiam promisit Eliachim, filio Helchiæ, futuro veteris Synagogæ Pontifici, inquit: *Et dabo illi clauem domus David supra humerum eius* (quod est Symbolum supremæ potestatis) & aperiet & nemo claudet:

Id confirmari ex discrimine, quod est inter Pont. auctoritatem, & auct. secular. principum.

Isai. 224

claudet

claudet & nemo aperiet, &c. hoc certè Divus Petrus, eiusque successor Romanus Pontifex à Christo accipere existimandus est, cui longè etiam luculentius claves regiminis Ecclesiastici promissæ sunt; nempe, ut quod auctoritate eiusmodi clauium ipse Pontifex in Ecclesia aperuerit vel clauscrit, nulla alia potestas in terris, contra claudere vel aperire possit, quemadmodum eruditè persequitur Franciscus ^a Turrianus, de qua re etiam suprà à nobis copiosè disputatum est.

^a Lib. 1. de auctoritate Pontificis.

Ad probat. 9.

Ad nonam probationem respondetur, alia superesse remedia in eiusmodi casu, etiam si non habeat Ecclesia auctoritatem coercendi Pontificem. Primum enim, qualiscunq; ipse Pontifex, quod ad suam personam attinet, sit, nunquam tamen Deus permittet, ut aliquid efficiat quod cum Ecclesiæ perniciæ sit coniunctum. Deinde variis rationibus admoneri officij sui posset. Itemque assidue esset orandus Deus, qui Ecclesiæ suæ, præsertim afflictæ, nunquam non est adfuturus. De quibus & aliis id genus remediis copiosè à ^b Turrecremata est scriptum.

^b Lib. 1. de Ecclesiæ, cap. 106.

Aliud quoddam argumentum, quo ex contrario Sectarij probare nituntur, Concilia etiam accedente Pontificis approbatione posse errare.

Kemnitius in præfat. 1. p. exam. Concil. Trident. 1. Ioan. 4.

VNUM AD extremum in hoc loco argumentum superest, quo non iam solum videatur probari, Concilium sine auctoritate summi Pontificis errare posse (ut hactenus à nobis concessum atque defensum est) sed etiam si maximè fuerit à Pontifice summo confirmatum, putari posse fallibile, quod in assertione altera negauimus. Scriptura enim affirmat (inquit superbissimus quidam Sectarius) esse quædam Concilia malignantium, quædam vanitatis, quædam impiorum. Habemus autem seuerissimum mandatum: *Nolite omni spiritui credere*, sed probate spiritus si ex Deo sint. Rectè igitur & necessario is facit, qui non statim atq; aliquid à Concilio quantumvis Pontificia auctoritate munito definitum est, id putat

Hebr. 13.

tiente, proponi eam animaduertimus. Hic quisquis non acquiescit, sed ulterius iudiciū sibi in suos Iudices arrogare vult, in disputationemq; reuocare verane sint, quæ ab Ecclesiæ Præpositis, p quos nos Spiritus sanctus doceri voluit, definita sunt, non utiq; exequitur, sed transgreditur superbè ac cōtumaciter modum probandi Spiritus à diuina lege præscriptū, planeq; conuincitur esse hæreticus, nisi omnino negādum sit, vllō vnquam in mundo existisse hæreticos. Quis enim aliquando hæreticorum fuit, qui non hoc ipso prætextu & modo, nempe ad Scripturæ normam (vt illi dicunt) ea exigēdo, quæ ab Ecclesiæ Præpositis essent fidelibus ad credendum proposita?

Remittitur & alios examinatores Cōc. Trid. id planè facere, quod fuit omnium hæreticorum propriū.

Probat ut manifestissimè eos qui nunc Tridentino Conci. se repugnant esse planè hæreticos.

At illi veteres hæretici (inquiunt nunc isti noui) falso ac perperam id examen doctrinæ instituebāt. Cuiusnam obsecro id iudicio? Certè non nisi eorundem Ecclesiæ Præpositorū, aliorumq; Orthodoxorum, quibus cōtradicebant. Ipsi enim hæretici, quicunq; olim exstiterunt, non minus profectò pertinaciter, quàm hodie Sectarij, in sententia persistebant, perpetuoq; contendebant, se id ipsum docere planè, quod in Scriptura contineretur. Cū igitur hodie etiam Sectarij iudicio similiter Ecclesiæ Præpositorum aliorumq; omnium quibus contradicunt, perperam etiam iam examen instituant eorum, quæ in Oecumenico Concilio definita sunt, profectò consequitur, illos eodem ipso modo atque ratione esse hæreticos, qua fuerunt vnquam ij hæretici, qui sine controuersia olim hæretici fuerunt.

Non effugere illo modo hæresis notam Sectarios, cum dicunt, se non esse à legitima Ecclesia damnata.

Nam quod rursus ex desperatione quadam dicunt, nō esse legitimam Ecclesiam illam, cuius à Præpositis ipsi condemnantur: Similiter hīc interrogādi sunt, quorumnam illa iudicio Ecclesia legitima non sit? Certè non nisi ipsorum Sectariorum. Atqui similiter etiam Ecclesia illa

illa vetus, cuius à Præpositis hæretici veteres condemna-
bantur, iudicio quidem ipsorum hæreticorum, legitima
Ecclesia non erat. Et tamen quoniam ab illa Ecclesia da-
mnabantur, quæ ante ipsos in orbe pro legitima Ecclesia
habita fuerat, & adhuc à cæteris omnibus præter ipsos
habebatur, verissimè illi fuerunt hæretici. Cum igitur si-
militer hodie Sectarij ab eius Ecclesiæ Præpositis in Cō-
cilio damnati sint, quæ ante ipsos in orbè pro legitima
Ecclesia habebatur, & etiamnum ab omnibus præter
ipsos habetur; profectò consequitur, eos si Concilio re-
pugnare pergant, illo eodem modo ex omni parte esse
hæreticos, quo hæretici olim veteres, hæretici fue-
runt. Tantummodò enim iudicio suo proprio hæretici
non sunt; quo quidem pacto nec vlli vnquam in mundo
hæretici fuerunt; nec tamen propterea satis illi ab hære-
sis nota absoluti sunt, sed multo etiam magis iudicio suo
proprio (hoc est, ob eam pertinaciam) sicut inquit Apo-
stolus *condemnati*.

ros, sed hoc ipso
potius cōmunes,
eo illo ipso mo-
do esse hæreti-
cos, quo vnquā
aliqui hæretici
fuerunt.

Tit. 3.

Quæ sanè omnia sapienter admodum considerata
olim esse apparet, tum à religiosissimo Imperatore Mar-
tiano, tum etiam ab iis, qui suafores ei fuerunt; vt seue-
rissima lege, quæ & hodie exstat, caueret: *Ne quis*, inquit,
in Synodo semel iudicata & rectè disposita, disputando reuoluat,
 tumultus aut perfidia occasionem inde quarens. Cuius Impe-
ratoris & illa etiam in actis Concilij^a Chalcedonensis re-
feruntur hac de re verba: *Cesset iam*, inquit, *prophana con-*
tentio: Nam verè impius & sacrilegus est, qui post tot sacer-
dotum sententiam opinioni suæ aliquid tractandum relinquit.
Extrema quippè dementia est, in medio & perspicuo die com-
mentitium lumen inquirere: Quisquis enim post veritatem
repertam aliquid ulterius discussit (examen Kemnitij) men-
dacium quarit.

In Codice, de
summa Trin:
& fide Catho.
lege. Nemo.

a Actione 3.

In præfatione
1. partis exam.

*Kemnitij præ-
textus quãob-
rem Concilium
Tridentinum
examinandum
putaverit.*

*Confutatur
evidenter illi
prætextus, & o-
stenditur, ex-
amen illud
Kemnitij ef-
fe planè HÆ-
RETICVM.*

*Kemnitius no-
tam hæresim a-
nifestam effu-
gere nõ potest,
nisi ridiculum
planè & inane
faciat decretum
Imperatoris
Martiani.*

6 In illa præ-
fatione 2. p.
examina.

At religiosissimus Imperator (inquit examinatore ille) *qua rectè disposita sunt*, non esse in disputationem reuocanda dicit. Item ait: *Post veritatem repertam*. Inter nos verò (inquit iste) ardua illa quæstio controuertitur, an ea, quæ in Synodo Tridentina iudicata sunt, rectè sint disposita? An de controuersis horum temporum veritas sit ibi reperta? Et his, inquit, disputationibus non quærimus tumultus & perfidiæ occasionem, quod Imperator Martianus rectè prohibet.]

Sed quæro ego nunc ab egregio isto examinatore, vel si illum respondere pudebit, ab iis, qui examen illud ipsius passim in Germania legunt, quæro inquam, vtrum post repertam in Synodo veritatem, iudicio ipsius Synodi, an non nisi post repertam, iudicio etiam quorumvis aliorum, Martianus ibi prohibuerit, præterea de rebus definitis disputationem institui? Certè nisi velimus ridiculum planè Martiani decretum facere, confiteri oportet, cum post repertam veritatem, iudicio quidem ipsius Synodi, disputationes eiusmodi prohibuisse. Eas enim procul dubio disputationes prohibere voluit, quas solent nimirum hæretici contra iudicium Synodi præterea instituere, dum ipsi quidē non iudicant veritatē in Synodo repertam esse, aut omnia ibi esse rectè disposita. Ac propterea Martianus addidit (quod ^b falsariè Kemnitius suo more, in recitatione illius decreti prætermisit) *Impium & sacrilegum esse, qui post tot SACERDOTVM sententiam OPINIONI SVÆ aliquid tractandum relinquit*. Item: *Extremam dementiam esse in medio die*, (hoc est, in luce doctrinæ per Synodum monstrata) *commentitium lumen* (per vltius videlicet EXAMEN) *inquirere*. Quod si tantummodò Martianus prohibuisset, ne quis, postquā ipse etiam iudicet, veritatem in Synodo repertam esse,

de

de rebus ibi definitis disputaret, nemo non videt, quàm fuisset Martiani decretum non modò ridiculum, vt antè dixi, sed planè etiam nullum. Quotus enim quisque hæreticorum (quorum ibi Martianus coërcere voluit audaciam) est, qui iudicans ipse verum id esse, quod in Concilio definitum sit, de eo præterea contentiosè disputet? Cùm igitur examinatus Concilij Kemnitius negare non possit, quin contra ea disputet, quæ iudicio quidem eius Synodi, quam oppugnat, vera sunt recteque disposita; fateri etiam prorsus & ipse & quotquot habet sibi assentientes coguntur, contra legem se planè religiosissimi (vt appellat) Martiani Imperatoris committere, eiusque adèò, aliorumq; Patrum veterum iudicio, tam verè se hæreticos esse quàm fuerunt illi, quorum pertinacissimam contumaciam seueritate illius legis coërcendam esse antiquitas existimauit.

Ipsum Kemnitium, velis nolis, debere concludere se suosque collegas ex hæreticorum numero prorsus esse.

Atque eadem omnino ratione euidentissimè demonstramus, non nisi mendacium istos occasionemq; perfidia (vt Martianus etiam inquit) post definitionem Concilij disputando quærere. Hoc enim quærunt, qui contra veritatem, sententiã quidem Synodi, repertam, disputant, vt ostensum est: id quod isti nunc pertinacissimè faciunt. Cuius certè rei consideratio vel sola sufficere prudentibus hominibus deberet, vt tandem euigilarent aliquando, apertisque oculis clarissimè hæresum laqueos intuerentur, quibus Sectariorum Prædicantium fraude atque perfidia implicati tenentur. Sed satis hætenus, vt arbitror, pro instituto nostro, de Conciliis dictum est.

Mendacium occasionemq; perfidia ab examinatis Concilij Trid. quærens, sententiã Martiani Imperatoris.

DE CONSENSU DOCTORVM.

IN definiendis controuersis fidei concordis etiam sententiæ Patrum siue Doctorum omnium idcirco ha-

Infallibilem quoque regulam definiendi esse vnanimè sententiã Patrum.

Ephes. 4.

beri ratio debet, quia quod illi vnanimi consensu circa religionē tradunt, infallibiliter verum est. Sunt namq; illi diuinitus Ecclesiæ dati, *ut nō circumferatur omni vento doctrina*: sicut Apostolus docet. Ex quo loco formare possumus hanc rationem. Quod vniuersi Doctores vnanimi consensu tradunt, id sibi vniuersa potest ac debet persuadere Ecclesia; vt colligitur ex eo loco Apostoli. Sed quod vniuersa Ecclesia potest ac debet credere, id infallibiliter verum est, vt suprā sæpe probatū est. Ergo quidquid vniuersi Doctores tradunt id est infallibile. Accedit quod id sunt (propter doctrinæ lumē) Doctores in Ecclesia, quod sunt oculi in corpore humano. Sed quod oculus videt, aut non videt, id corpus ipsū videre, aut nō videre meritò censetur. Ergo similiter quod vniuersi Ecclesiæ Doctores sentiunt, id Ecclesia ipsa sentire censenda est. Nihil autē Ecclesia vniuersa sentire potest, nisi verum, cū habeat illa perpetuò veritatis spiritum sibi assistentem. Nihil igitur nisi verum vniuersi Ecclesiæ Doctores docent.

*Quorumnam
Ecclesia Docto-
rum sententia
concord sit in
fallibilis.*

SED quæret hīc aliquis: Quinam in proposito dicantur Ecclesiæ Doctores? Respondeo, primū illi, quos iam inde à tempore Apostolorū variis ætatibus Ecclesia tanquam Patres venerata est, ac fidei magistrorum loco habuit, quorum exstant illustria doctrinæ monimenta. Deinde etiam illi, quos habet quauis ætate præsentēs. Ac priorum quidem illorum sententiam concordem à Spiritu sancto esse profectā, atq; ad eò esse infallibilē, eò certius apud nos esse debet, quò minus videtur fieri humanitus potuisse, vt tot talesq; viri doctissimi & sanctissimi, qui tam variis locis ac temporibus vixerunt, in eandem sententiam conuenirent, quemadmodum rectè expendit Diuus Augustinus. Ac de his quidem loquitur Diuus Hieronymus, cū super illa verba Apostoli ad Philemo-

*Lib. 1. & 2. cō-
tra Iulianum.*

lemo-

lemonem: *Audiens fidem, quam habes in Domino Iesu, & in omnes Sanctos; sic inquit: Non est in Deum perfecta fides illa, quæ infidelitate erga ipsius ministros extenuatur.* Ad illos quoque idem Hieronymus accommodat illud ex libro Ecclesiastico: *Verba sapientum, sicut stimuli, & quasi clavi in altum defixi, quæ per magistrorum Consilium data sunt à Pastore vno: iis, fili mi, ne amplius requiras.* Itaq; meritò in Pōtificum & Conciliorū deliberationibus, cū aliquid fuit definiendum, concors Patrum sententia, verissima atq; infallibilis semper est habita. Quæ de re plurimā testimonia diligenter sanè collegerūt Thomas VValdensis & Melchior Canus. Et exstat demum hac de re post aliorum^a Conciliorum decreta, Cōcilij quoq;^b Tridentini definitio, quæ iure idè vetat Scripturam exponere contra vnanimem consensum Patrum, vt qui sit prorsus infallibilis.

Addidi verò, cū dicimus, concordem sententiam omnium Doctorum esse infallibilem; intelligendos etiam in proposito esse Doctores omnes Catholicos, quos vnoquoq; tempore præsentés habet Ecclesia. Quod ita sanè probò: Ecclesia quouis omnino tempore, quasi corpus quoddam perfectum atq; absolutum est, quod suos proinde oculos omni tempore habet, suumq; spiritum veritatis, instar animæ, perpetuò secum manentē, membraq; ipsius, pro cōditione cuiusq; illorum vegetantem. Sed, vt probatū est, Ecclesiæ quasi oculi sunt Doctores; quorum conditio ea est, vt nunquam omnes circa religionem errare possint. Ergo quouis tempore in Ecclesia Doctores esse existimandum est, qui à Spiritu sancto cum quasi vitæ influxum percipiant, vt nunquam omnes à superiorum Patrum & Doctorum concordia sententia, atque adèò nec à vera doctrina fidei, vel ipsi aberrrent, vel alios auertant.

Ecclesi. 11.

VVald. lib. 2. doctr. fidei antiqu. c. 22. & 23. Canus li. 7. de locis, c. 3.

^a Cōc. Ephesini, teste Vincentio Lytino in lib. aduers^a hæreses. Et in sexta Synodo, acti. 17. & 18. ^b Sess. 4.

Vnanimē quoque sententiā omnium Doctorum, qui vnoquoq; tempore fiorent in Ecclesia, esse infallibilem.

Quan-

Quamquam fatendum est tamen, rarò accidere posse, ut quæ sit Doctorum omnium, vno tempore viuentium, de religione sententia, satis cognoscatur. Sunt enim Catholici Doctores in Ecclesia vbique diffusa plurimi, qui proinde omnes nec facillè congregari, nec interrogari possunt, quid sentiant. Illud solum assero, vbi contingeret, notam esse Doctorum huiusmodi omnium de re aliqua controuersa concordem sententiam, posse ac debere Pontificem in fidei definitione illa niti.

Fit autem frequentius, ut in definiendo nitatur Pontifex sententia concordie eorum Doctorum, qui variis ætatibus religionem suis scriptis illustrauerunt: eo quòd hi, & celebriores, nec ita multi sunt. In quorum sanè numero scholasticos Doctores omnino ponēdos iudico, quod attinet ad propositum. Nam & hi quoq; fuerūt Catholici ac celebres, & idem quod Patres alij, tametsi diuersa ratione, de religione tradiderunt. Solum est in eo discrimen, quod si quid vniuersi Patres de religione tradunt concorditer, id statim, tanquam dogma commune Doctorum omnium, qui variis ætatibus vixerunt, recipitur, quoniam illud etiam scholastici Doctores (saltem pro maiore parte) recipiunt, ut qui in materia fidei atque religionis sanctos Patres duces sequuntur. At non vicissim quicquid scholastici Doctores concorditer tradunt, id existimandum est Ecclesiæ alios Doctores omnes, qui variis ætatibus vixerunt, tradidisse. Multa enim Scholastici ad doctrinam Patrum explicatius addiderunt. Atq; hæc causa est, cur sanctorum Patrum omnium dogma illico censetur esse infallibile; dogma verò omnium Scholasticorum non item, nisi quoq; omnium Patrum fuerit. Et si negare quidem commune placitum Doctorum scholasticorum valde sit temerarium.

Scholasticos etiam Doctores in Doctorum Ecclesiasticorum numero cēsendos esse.

SED RESTAT præterea exponendum, quinam in proposito existimandi sint omnes omnino Doctores; cum illorum etiam concordia sententia Pontificem niti posse asserimus. Nam qui sint Doctores hoc loco intelligendi iam diximus. Quinam igitur omnes esse censeri debent? Quod sanè perinde quæri potest, siue de iis sermo sit, qui variis ætatibus de religione scripserunt, siue de iis, qui vnoquoq; tempore in Ecclesia viuunt. Respondeo, Doctores omnes in proposito dici, non omnes mathematicè tantùm loquendo, id est, nullo planè excepto, sed etiam moraliter. Quo quidem pacto omnes esse censentur ij, quorum auctoritatis pondus tantum est, circumstantiis omnibus consideratis, eruditionis, pietatis, multitudinis, &c. vt à prudentibus certè eorum solummodò ratio haberi debeat, cæteris neglectis, quasi nihil sint, si cum illis conferantur. Atque hoc rectè mihi videtur Vincentius Lyrinensis attigisse, cum in libro aduersus hæreses inquit: *Consensionem verò Doctorum sequemur, si in ipsa vetustate, sacerdotum omnium, aut penè omnium, & magistrorum iudicium atq; sententiam sectemur.* Ita via nobis patebit vrgendi errantem Doctorem vnum aut alterum, aut etiam plures auctoritate reliquorum. Quod si per sententiam Doctorum aliqua fidei controuersia non satis commodè componi posset (cò quòd de illorum consensu nō aperte constaret) sua tunc constat auctoritas Pontifici, vt consultis aliis ad definiendum regulis, de quibus antè est dictum, Ecclesiæ proponat quid sit sentiendum. Quod munus ad nullum alium præterquam ad legitimum Ecclesiæ Pastorem spectat, vt i suprà ostensum est.

Obiiciunt autem hæretici: Patres homines fuisse, qui interdum etiam errauerunt, sæpe inter se pugnârunt, &c. Quare auctoritatem illorum magnificandam non esse.

Hh

Quasi

Quinam censentur omnes Doctores esse.

Lib. contra hæreses.

Sectariorum obiecto contra Patrum auctoritatem.

*Eiusdem con-
suetudo.*

Quasi verò, quòd Patres atq; Doctores Catholici homines sint, ob stare debeat, quò minus à Spiritu sancto ita dirigantur, vt errare omnes quidem non possint in materia religionis. Quid enim Prophetæ & Euangelistæ? An non homines fuerunt? Cur igitur illorum sententia habetur infallibilis? Nempe, quia etsi homines essent, tamen cùm Spiritu sancto distante scriberent, errare minimè potuerunt. At est inter Scriptores sacros & alios Ecclesiæ Doctores discrimen. Fateor. Attamen id discriminē ad rem, de qua nunc quidem agimus, prorsus nihil pertinet. Solum enim volumus, sicut Scriptores Canonici, tametsi homines essent, Spiritu veritatis dirigi suo modo potuerunt, ne vnquam videlicet erraret illorum aliquis: ita etiā ab eodem spiritu dirigi Doctores modo quodā suo, ne videlicet illi omnes errēt. Quòd verò addunt hæretici, Patres interdum errauisse, ac inter se pugnare, id nihil nobis obstat. Non enim singulorum auctoritatem vt infallibilem asserimus, sed omnium. Ac quantum etiam singulorum aut plurium auctoritati tribui debeat, in alio loco aduersus Sectariorum in hoc genere arrogātiā atq; temeritatem diligēter explicuimus. Maneat nunc igitur, in his regulis, quas Pontifex, vt infallibiliter definiat, consulere debet, Doctorum etiam sententiam concordem esse numerandam.

DE CONSENSU FIDELIUM.

*In fidei defini-
tionibus qua-
sentia etiā ha-
benda sit ratio
consensus fide-
lium.*

EST etiam in definitionibus fidei, sicut suprà diximus, habenda ratio, quoad fieri potest, consensus fidelium, quoniam & ij sanè, quatenus ex ipsis cōstat Ecclesia, sic Spiritu sancto assistente diuinas reuelationes integrè ac purè conseruant, vt omnes illi quidem aberrare non possint, sicut patet ex superius dictis circa septimam Ecclesiæ proprietatem. Neque tamen idcirco volo, debere

Ponti-

Pontificem, de quavis controuersia, fidelium omnium sententiam inquirere. Hoc enim neq; fieri potest, neq; si posset, expediret. Ferè enim eiusmodi sunt quæ in cōtrouersiam fidei adducuntur, vt caprum vulgarium fidelium longè superent. Illud solum contendo: Si quando de re aliqua in materia religionis controuersa constaret, fidelium omnium concordem esse sententiam (solet autem id cōstare vel ex ipsa praxi, alicuius cultus communiter apud Christianos populos recepta, vel ex scandalo & offensione cōmuni, quæ ex opinione aliqua oritur, &c.) meritò posse ac debere Pontificem illâ niti, vt quæ esset Ecclesiæ sententia infallibilis. Atque hoc mihi tantum voluisse ^a Thomas VValdensis videtur, cū ait, Ecclesiam, cuius est determinare doctrinā fidei, testimonium communium fidelium non excludere, sed includere, tametsi non soleant (inquit) interrogari, quòd minus cōmodè valcant sententiam explicare suam. Quare minime debuit ^b Canus hanc VValdensis sententiam reprehendere.

^a Libr. 2. doctrinal. fidei, cap. 20.

^b Lib. 1. de locis Theolog. cap. 7.

QUEM MODVM DEBEAT TENERE PONTIFEX in definiendo secundum prædictas regulas.

SED existit hīc ad extremum quæstio, quæ ex dictis oritur. Nam si regulæ infallibiles ad controuersiam fidei constituendam tam multæ sunt, tamq; latè patent, dubium esse potest, vtrum Pontifex determinatè debeat illas omnes cōsultare, vel certè aliquam, aut aliquas? Item vtrum determinatè debeat in eiusmodi inquisitione, & studio, aliorum quoq; vti opera; vt Episcoporū, vel Cardinalium, &c. an verò omnia ista sint planè in illius arbitrio posita: nimirum vt in adhibenda diligentia cum ipse modum teneat, quem expedire magis putauerit?

Qua ratione Pontificem oporteat in definiendo & in prædictis regulis.

*Aliquos etiam
alios rerum di-
ninarum peri-
tos consulendos
esse à Pontifice.*

Respondeo. Primùm, vt alios etiam, qui in diuinis li-
teris rebusque Theologicis exercitati sint, consulat, eo-
rumque opera vtatur, omnino est consentaneum. Hoc
enim & ipsa rei conditio postulat, quæ sanè est grauissi-
ma, & perpetuus etiam Pontificum vsus declarat, quan-
docunq; illis fuit aliquid in materia fidei cõstituendum.
Cætera verò, quæ ad diligentia modum in definiendo
adhibendum attinent, planè pendent ex libero Pontifi-
cis arbitrio: nempe vt opera horum vel illorum Docto-
rum potius vtatur, siue Cardinales illi, siue Episcopi, siue
alij sint: Item vt hanc vel illam vel illas regulas consulat,
quatenus requiret ratio subiectæ materiæ. Satis enim ad
rectè definiendum fuerit, si eam ille diligẽtiam adhibeat,
quæ ad ipsam rem, qua de agitur, iudicari possit sufficiẽs.
Vt enim in aliis negotiis, ita etiam in hoc necessaria &
sufficiens diligentia multum latè patet. Id quod etiam
ex Pontificum more in definiendis controuersis confir-
mare possumus. Multæ enim ac varia illorum definitio-
nes exstant in Ecclesia, quæ omnes habentur infallibiles;
neque tamen illi semper ratione eadem ad definiendum
procefferunt. Aliquando enim ad id conuocârunt Epi-
scoporum Concilium (Nam & Concilij definitionis au-
ctoritas non ex multitudine, sed ex Pontificis auctoritate
potissimùm pender, sicut suprà confirmatum est) aliquã-
do sine Concilio ipsi definierunt. Quare sicut in hoc, ar-
bitrio suo sunt vsi, sic etiam in aliis, quæ ad modum dili-
gentiæ spectant, illo citra culpam aliquam vti posse vi-
dentur.

*Sententia qua-
dam falsa de
vsu auctorita-
tis Romani
Pontificis.*

Ex quo nouitia cuiusdam auctoris, eaq; minimè to-
lerabilis, opinio reuincitur. Qui Pontifici in vtenda sua
auctoritate vsque ad eò angustos limites præscribit, vt
censeat, illum infallibiliter non definire, nisi de consensu

Cardi-

Cardinalium definiat. Itaque distinguit hoc loco inter Romanam Ecclesiam seu Apostolicam sedem, & ipsum Romanum Pontificem. Apostolicam sedem ait nō Pontificem modò, sed etiam collegium Cardinalium continere. Hanc proinde dicit errare in definiendo non posse. Pontificem verò, si absque consensu & approbatione Cardinalium definiat, errare posse. Hæc sententia meritò viris^a doctissimis valde displicet. In alterutrum enim incommodum incurrit, quorum vtrumque maximum, neque vllò modo ferendum est; videlicet, aut auctoritatem infallibiliter confirmandi fratres in fide non Petro tantum, & illius successoribus à Christo Domino collatam fuisse, sed etiam Cardinalibus; qui est error in fide manifestus: aut certè auctoritatem hanc Pontificis, quod attinet ad eius usum infallibilem, esse Cardinalium sententiæ quasi alligatam, hoc est, si Pontifex sine illorum consensu aliquid in fidei controuersia definiat, non obligari Ecclesiam ad ipsum audiendum iure diuino, siquidem ita errare possit. Quod etiam planè commētitiū atq; absurdum est, cū semper teneatur Ecclesia Pastori suo assentiri, quem solum fidei magistrum infallibilem ab ipso Christo accepit, vt ex suprà dictis patet.

Neque verò nego, quin Pontifices conuenientissimè faciant, quòd Cardinalium de controuersis fidei iudicia consulunt, in definiendo. Solum assero non esse hoc ita necessarium, vt nisi fiat, errare Pontifex possit, aut etiam contra officium suum sit peccaturus in definiendo. Quin imò dicimus, posse illum pro negotij conditione aliorum duntaxat Doctorum opera ad eam rem vri: sicut sine controuersia posset, quando Cardinales ipsi inter se minimè consentirent, & oporteret quæstionem à Pōtifice definiri. Quare rectissimè Melchior^b

^a Lege præfertim Canō, lib. 6. de locis Theolog. cap. vltimo.

Incommoda illius falsa opinio.

Reslè consulti à Pōt. de religio-nis controuer-sis collegium Cardinalium. Id tamen non esse alioqui penitus necessarium.

^b Loco. suprà citato.

nus notat, in iudicio fidei non esse inter Apostolicam sedem seu Romanam Ecclesiam, & Romanum Pontificem ita distinguendum, quasi iudicium sedis siue Ecclesiæ Romanæ sit infallibile, iudicium verò Romani Pontificis nō item: quin potius esse hæc re ipsa vnum & idem. Propterea enim sedes Apostolica seu Romana Ecclesia infallibilis dicitur, quia is, qui præest illi, auctoritatem habet per se infallibilem.

Ostendimus igitur in hac postrema parte nostræ tractationis, Pontificis sententiam, cū in rebus definiendis auctoritate sua vtitur, ab omnibus fidelibus recipi debere. Itemq; toties ea illum auctoritate vti, quoties in quæstionibus fidei controuersis sic alteram sententiam determinat, vt ad eam recipiendam obligare velit vniuersam Ecclesiam: & quas denique velut definiendi regulas, & qua ratione consulere ipsum oporteat, vt auctoritate illa sua legitimè etiam, hoc est, sine culpa, vtatur.

Romanū Pontificem iudicē esse causarum religionis, confirmatur ad extremum perpetua Ecclesiæ consuetudine.

Quæ Pontificis auctoritas, in iudicando de causis religionis, cū aliis argumentis omnis generis (quæ in superioribus adducta sunt) tum illo quod sumitur ex ipsa Ecclesiæ praxi perpetua (de qua multa quoque parte præcedenti commemorauimus) clarissimè confirmatur. Si enim iam vsque ab exordio Ecclesiæ memoriam temporis ordine repetamus, constat profectò controuersias omnes de religione motas, ex Diui Petri cathedra fuisse iudicatas, eosque tandem & solos, communi Ecclesiæ iudicio, hæreticos esse habitos, qui repugnârunt definitioni eius cathedræ. Etenim ortam quæstionem de obseruatione legalium imprimis ipse Diuus Petrus in^a Apostolico Concilio terminauit. Deinde qui volebant Pascha non nisi decimaquarta luna, etiam si Dominicus

dies

dies tunc non esset, celebrari debere, tandem obtinente
sententia atque definitione Romani Pontificis^b Victo-
ris, hæretici sunt habiti, & à propria secta (vt fit) nomina-
ti^c Quartadecimani. ^d Cornelius in Concilio Romano
Nouatianorum damnauit errorem. Item damnauit
idem^e Cornelius atq; etiam^f Stephanus errorem rebap-
tizantium hæreticos. Item^g Arriani in Concilio Ni-
cæno, Syluestri Legatis, Vito & Vincentio & Hosio, in co-
præsidentibus, & eodem postea Syluestro, ad Patrum pe-
titionem, Concilium id cōfirmante, damnati sunt. Item
Macedoniani in Concilio primo Constantinopolitano,
quod^h Damasus Pontifex ad eum finem suis literis man-
dauit cōgregari. Itemⁱ Nestoriani in Cōc. Ephesino, Cæ-
lestini Pontificis vices gerente D. Cyrillo. Itē Eutychiani
in Concilio Chalcedonensi, Paschasino & Lucentio, lo-
cum^k Leonis tenentibus. Item^l Pelagiani ab Innocen-
tio & Zozimo. Item Monothelitæ in Synodo sexta, &
Iconomachi in septima, similiter^m præsidentibus Ro-
mani Pontificis legatis. Item error Berengarij àⁿ Leone
nono & Nicolao secundo: & Petri Abailardi ab^o Inno-
centio secundo: & Gilberti Porretani ab^p Eugenio ter-
tio: & Abbatis Ioachimi ab^q Innocentio tertio: & Begar-
dorum ac Beguinarum à^r Clemente V. & Ioannis V Vic-
lephi, & Ioannis Hufs à^s Martino V. & Græcorum ab
Eugenio quarto: Vt dubitare iam nemo possit, quin sen-
tentia quoq; nostri temporis Sectariorum, similiter à di-
uersis hoc nostro seculo Pontificibus condemnata, hæ-
reticæ sint.

^b Euseb. lib. 5. c. 23. & 24.
^c Epiph. li. 2. tom. 1. hæres. 50. Augustin. hæresi 29.
^d Euseb. li. 6. cap. 33.
^e Euseb. li. 7. cap. 2.
^f Teste D. Augustino lib. 5. de bapt. contra Donat. c. 23. Idq; appareret etiam ex D. Cypriano in epist. ad Pōpeum, quam epistolam Diuus etiā Augustinus illie commemo- rat.
^g In actis eius Concilij.
^h Theodoretus lib. 5. c. 9.
ⁱ Euag. lib. 1. cap. 4.
^k In actis eius Concilij.
^l Augustinus lib. 2. Retract. cap. 50.
^m In actis illorum Concil.
ⁿ In Cōcilio Vercell.
^o In Concilio Romano, & ab alijs etiam Pontificibus.

Quibus

^p Epist. 175. inter epist. Diui Bernardi. ^q In Concilio Remensi, teste Diuo Bernardo, sermo-
ne 80. in Cantica circa finem. ^r In magno Concilio Lateran. sub eodem Pont. ^s In Cle-
mentina ad uostrum, de hæreticis. ^t In Conc. Constantiensi. ^v In Concilio Florentino.

Quibus rebusexplicatis, non mihi iam aliquid ex iis, quæ initio proposui superest, quod præterea dicam, sed est tamen quod prudentem Lectorem ad extremum obsecrem, vt vel ipsa serie atque ratione huius Analysis fidei repetita, quanto perè à vera fide atque religione, qui sunt hodie Sectis addicti, aberrent, velit secum perpendere. Nam, si Christianæ doctrinæ assensum præbere necesse est: Si prorsus nihil in vlla quæstione de ea doctrina, quantumuis per se difficili, quod à verissima sententia abhorreat, absque iactura salutis, sentire licet: Si auctoritas exstat aliqua, cuius magisterio commodè possint omnis conditionis homines, quantumuis rudes atq; imperiti, discere, atq; intelligere, quid in omni controuersia cauendum, quid sequendum sit: Si auctoritatem huiusmodi, humanam etiam (diuina virtute suffultam) vt cum hominibus ipsis palàm loqui possit, esse oportet: Si ad eundem etiam finem perpetuò ea auctoritas in vera Ecclesia fidelium præsens vt vigeat, necesse est: Si eiusmodi fidelium Ecclesia, aut omnino nulla est (quod cogitare impium est) aut illa est, quæ Romano Pontifici tanquam pastori suo grex, adunata (vt Cyprianus inquit) adhæret: Si in ea ipsa vera Ecclesia fidelium ille idem Romanus Pontifex (vt successor Diui Petri) is est, super quem, tanquam super fundamentum firmum & immobile, ædificium Ecclesiæ totum spirituale consistit, atque adeò docendi auctoritas constituta est; vt & Christus ipse & omnis antiquitas iis verbis asseuerauit, quibus si negasset, nihil præterea ad perspicuam & planam determinationem eius quæstionis (vt suprà notauimus) desiderarent Sectarij: Si hæc, inquam, omnia ita se habent; quod hætenus certè in hoc libro (si omnino quicquam

*Summa totius
Analysis.*

Parte VII. probat. 6. proprium Diui Petri.


quam in causâ religionis probari atque defendi potest) probatum à nobis, atque defensum est: quomodo non illi omnes in errore maximo religionis versentur, qui errantes extra vnum istud Ecclesiæ Catholicæ ouile sub vno Pastore constitutum, ad vocem Christi verissimam in suo Vicario loquentis obsurdescunt? Etenim, quod ipsi per se sibi videntur & loquentem in Scripturis Christum audire (cū tamen eam ille vocem suam non nisi ex ore Ecclesiæ percipi velit) & lumen in iisdem Scripturis videre; (cū tamen in tenebris proprii & exigui iudicii sui Scripturæ lucernam, tanquam sub modio posuerint) id verò blandiente (inquit verissimè D. Cyprianus) *aduersario, atq; fallente sit, qui, secundum Apostoli vocem, transfiguratur se velut Angelum lucis, & ministros subornat suos, asserentes noctem pro die, interitum pro salute, desperationem sub obtentu spei, perfidiam sub prætexitu fidei, Antichristum, & vocabulo Christi: ut dum verisimilia mentiuntur, veritatem frustrentur.* Vbi è vestigio, illa ipsa ferè, qua nos, Analyti fidei, eodemque compendio, ad eiusmodi Pseudochristianorum errorem cōuincendum, vtens Diuus Cyprianus: *Hoc, inquit, idè sit, fratres dilectissimi, quia ad veritatis originem non reditur, nec caput quaritur, nec magistri cœlestis doctrina seruatur. Qua, si quis consideret & examinet, tractatu longo, atq; argumentis opus non est. Probatio est enim ad fidem facilis* COMPENDIO *veritatis. Loquitur Dominus ad Petrum: Ego dico tibi, inquit, quia tu es Petrus, & super istam petram adificabo Ecclesiam meam, & porta inferorum non vincunt eam, &c.* En sententiâ Cypriani, quod sit compendium probandæ veritatis? nempe, vt ad eam auctoritatem, quam Diuo Petro & successoribus Christus attribuit, tanquam ad regulam certam, atq; amussim verita-

Lib. de vnit.
Eccles.

Ibidem.

ris, doctrina exigatur. *Quomodo enim, inquit, qui cathedram Petri, super quam fundata est Ecclesia, deserit, in Ecclesia se esse confidit? Te, Christe, precor, ut & nobis, qui summo gratiæ tuæ beneficio sanctissimam religionem ex hac cathedra discimus, eidem etiam in posterum perpetua communione consociari, & iis, qui nefario errore illi resistunt, ad eam aliquando tandem redire, quæ tua est benignitas atq; clementia, contingat.*

Laus DEO & beatissimæ Virgini sanctissimæ Domina nostræ.



QVÆDAM ALIQVIBVS IN LOCIS EO
MODO, QVI SVBIVNGITVR, ADDENDA.

Pagina 82. versu 10. post dictionem, fideles; hac è vestigio sunt addenda.

NAM quod phanatici illi Sectarij, qui contempta Scriptura solis somniis priuatarum reuelationum niti volunt, illud præterea Diui Pauli utgere solent: *Literæ occidit, Spiritus autem vivificat*; confutatione vix indiger. Neque enim his verbis Apostolus aut perniciosam aut inutilem ipsam per se Scripturam (quam aliàs prodesse, *Si perfectus sit homo Dei* verissimè affirmat) significauit, sed vel ab ipsa certè illos redargui & damnari, qui spiritu gratiæ & charitatis non eius præceptis obsequuntur, quique nudis illius verbis, neglecto vero sensu, ad errorem abutuntur, ut fecerunt Iudæi & faciunt omnes hæretici: utroque enim modo eum locum D. Augustinus benè interpretatus est.

Pag. 101. versu 24. post dictionem, exposuimus; hoc inseratur.

QVIN omnes alij quoque Scripturæ loci, qui propriis & planis verbis sunt scripti, ed etiam clariores, ex ea parte, quàm aliæ Scripturæ propheticarum auctorum, censerì possunt, quòd minus humanæ eloquentiæ artificio fucati sunt. Quæ quidem ratione rectè Patres affirmare solent Scripturam facilem & planam esse; videlicet per se, quatenus ferè vitur proprio & simplici sermone.

Pag.

2. Corinth. 3.

3. Timoth. 3.

Lib. de Spiritu
& lit. c. 4. & 5.
& lib. 15. cōtra
Faustum, c. 8.
& serm. 70. de
tempore, &
alias.
Vide D. Cyrillū
lib. 7. cōtra Iu-
lianum, circa
medium.

QVÆDAM ADDENDA.

*Pag. 116. versu ultimo, post dictionem, decipiat; hoc etiam
argumentum addatur septimo loco.*

SEPTIMO. Si ex Scripturis solis discenda esset fides; non oporteret ex diuino mandato, Ecclesiam in credendo obedire; illius iudicio proflus acquiescendo, eique submittendo iudicium proprium. Liceret enim semper illi tesfragari prætextu Scripturæ, si præter Scripturam nulla in ea auctoritas sit, quæ certo & infallibiliter doceat de fide. At veram & Christianam fidem cum quadam obedientia mentis (nempe erga Ecclesiam per cuius os Deus loquitur & auditur) coniunctam esse necesse est, ut supra parte tertia certissimè demonstrauimus. Non est igitur fides ex Scriptura sola, tanquam ex iudice controversarum omnium, discenda.

*Pag. 169. versu 29. post dictionem, auctoritatem;
hoc inferendum.*

QUæ rursus ibidem pluribus verbis contestatur, eadem Ecclesiam celeberrima auctoritare, retentum etiam in Ecclesia fuisse se, nempe ut pergeret credere: magna profectò, ut fuerit impudètia Kemnitij & Caluini, quod Augustinum motum initio Ecclesiam auctoritate fuisse, ut fidè Euangelio adhibere inciperet, non autem postea, ut in ea item fide perseveraret, huxerunt.

*Kem. in exam.
sess. 4. Cœ. Trid.
Caluin. lib. 1. in
ssu. cap. 7.*

Pag. 339. versu 2. post dictionem, notandum; inseratur hoc.

ITaque licet alienbi memorer Diuus Augustinus, sapientiæ librum à quibusdam receptum non fuisse; tamen disertis verbis eodem loco confirmat, eum esse diuinum: *Non debuit, inquit, repudiari sententia libri sapientiæ, qui meruit in Ecclesia Christi, de gradu Lectorum Ecclesia Christi tam longa annositate recitari, et ab omnibus Christianis, ab Episcopis & q̃q̃, ad extremos Laicos fideles, patientes, catechumenos, cum veneratione DIVINAE auctoritatis audiri.* Et infra: *Qui sententiæ, inquit, tractatorum instrus voluit, oportet ut istum librum sapientiæ omnibus tractatoribus anteponant, quoniam sibi eum anteposuerunt, etiam temporibus proximi Apostolorum, egregij tractatores, qui testem istum adhibentes, nihil se adhibere, nisi diuinum testimonium crediderunt.* Et tamen tam perfrictæ frontis fuit Kemnitius, ut dissimulatis, fraude qua soler, his omnibus Augustini verbis, scribere non erubuerit, non defendi (vtor istius verbis) ab Augustino in eo loco, librum sapientiæ esse verè Canonicum: quia scilicet ibi Augustinus dicit, sententiæ illam (*Raptus est ne malitia mutaret intellectum*) quam ex eo libro citat, etiam sine libri huius attestacione per se esse alioqui cerram. Atqui Diuus Augustinus non idèd hoc dixit, quod ipse putaret hunc librum non esse Canonicum, sed ut iis, qui auctoritatem eius libri in dubium reuocabant, aliunde quoque sententiæ illam comprobaret.

*Li. 1. de præde-
stin. Sanctior.
cap. 14.*

*In exam. Come.
Trid. sess. 4.*

Sapient. 4.

Pag. 368. versu 5. post dictionem, ostendimus; hoc inferendum.

AT dicent istorum aliqui fortassis, nec se, nec maiores suos (Lutherum, videlicet, Caluinum, & similes hæresarchas) ob Ecclesiam Romanæ traditionem & testimonium Scripturam sacram pro diuina recepisse. Vnde nam igitur illam habent? An in ipsamet Scriptura vsquam legerunt, hos libros ad numerum esse omnes sacros? Aurid habent ex reuelacione diuina sine illo vel Scripturæ, vel Ecclesie præsentis testimonio, cuius ex audiri ti-

Roman. 10.

des de istorum auctoritate librorum eœcipiatur? At suprà conuicimus, Deum sine ministerio auctoritatis humanæ nequaquam de rebus fidei docere. Sed neque dicere possunt, Scripturam receperisse se propter solum testimonium antiquioris Ecclesiæ, quæ longè antè præterit. Non enim eius Ecclesiæ testimonium *audiri* ipsi percipere potuerunt. Fides autem (de tali præsertim articulo, qui quasi caput est omnium) necesse est, ut ex *auditu*, hoc est, ex ministerio legitimo veræ Ecclesiæ, omni tempore (iuxta Christi promissiones) perdurantibus, concepiatur: maximè cum ne testificationem quidem Ecclesiæ antiquioris, nisi ab Ecclesia præsentī habere possimus. A quam igitur Ecclesia præsentē Sectarij Scripturam tanquam certam & infallibilem acceperunt, si non eam acceperunt ab Ecclesia Romana? An ab Ecclesia illa sua inuisibili, à qua, cum inuisibilis esset, nihil accipi potuit?

Pag. 396. post versum ultimum hæc addenda sunt:

OPPONIT præterea Kemnitius alia nonnulla veterum testimonia, sed eiusmodi tamen, quæ aut solum continent simplicem Scripturæ commendationem; aut illam quidem sufficere significat in quibusdam historicis narrationibus, certisquæ quæstionibus, ac in aliquibus fidei articulis, qui ab omnibus explicite seiri atque credi debent; aut erroribus tantum à Scriptura ipsa alienis, vel proptiis opinionionibus, quæ non modò Scripturæ, sed etiam Ecclesiæ & Doctorem auctoritate destituantur, fidem detrahunt, non autem probatis Ecclesiæ Traditionibus: sicut ex ipsa sententia Patrum iam explicatum est. Neque tamen quædam eius generis testimonia Kemnitius recitè citat. Verbi gratia, Dixit (secundum veram & vulgatam iam pridem interpretationem) Diuus Athanasius, *Sufficere Scripturæ ad Veritatis indicationem*: in articulis nimirum illis de vno Deo & de Incarnatione Verbi, quos à duersis errores Ethnicorum Macario confirmare instituebat. Kemnitius autem nunc citat, Diuum Athanasium ibi dixisse, *Sufficere Scripturæ ad omnem instructionem Veritatis*. Item recitat hæc verba ex Diuo Augustino: *Cruis Dei credit Scripturæ sanctæ, Veteribus & nouis, quas Canonice appellamus, unde fides ipsa concepta est, ex qua iustus uiuit, per quam sine dubitatione ambulamus, quando peregrinamur à Domino*. Dissimulat autem quod in eadem periodo continenter Diuus Augustinus ita subiungit: *Quæ (fide) salua atq; certa, de quibusdam rebus, quas neq; sensu neq; ratione percipimus, neq; nobis per Scripturam Canonicam clauerunt, nec per TESTES, QUIBUS NON CREDERE ABSURDUM EST, in nostram nostram perueniunt sine insuperprehensione dubitamus*. Ex quibus verbis au non clarissimum est, ita D. Augustinum Scripturæ sacre suam auctoritatem tribuere, ut ramen etiam censuerit, communi Ecclesiæ Traditioni credendum, cuius testimonio nō credere non modò absurdum, sed etiam (ut idem alias affirmat) insolentissima infamia est? Item citat Hieronymum, quasi ita dixerit: *Quidquid de Scripturæ sacre auctoritate non habes, eadem facilitate contemnatur, qua probatur*. Hieronymus autem nō dicit generatim, *Quod*, aut *Quidquid*, quasi etiam illud quod habet Ecclesiæ quidem, nou autem Scripturæ auctoritatem, reiciendum sit. Sed nominatim disputans contra eorum opinionem, qui ex *quibusdam*, inquit, *Apoctrophorum somniis* Zachariam illum, inter templum & altare oecisum, patrem ipsum Ioannis Baptistæ esse contenderunt; ita subiungit: *Hoc, qui de Scripturæ non habet auctoritatem eadem facilitate contemnatur, qua probatur*: Nempe, quia Apoctrophum alioqui commentum id est, quod neque Ecclesiæ, neque adeo Scripturæ

*In exam. sess. 4.
Concl. Trid.*

*In oratione cō-
tra idola aduer-
sus Gentes, in-
110.*

*Lib. 19. de ciuit.
cap. 18.*

*In exam. loco
cit. pag. 115.
Hieron. in cap.
23. Matth.*

ADDE NDA.

pturæ illo modo habet auctoritatem. Item redarguens idem Hieronymus hæreticorum in vituperanda Scriptura impudentiam, idecirco eius testimoniis illos ut solitos esse dicit: quia *sine auctoritate*, inquit, *Scripturarum garrulitas* (nempe eorundem hæreticorum) *non HABERET fidem*: Nempe quoniam aliqui auctoritate etiam Ecclesiæ, quam Scriptura commendat, tales seductores in primis deserviuntur. Kemnitius autem absolute & præcisè citat Hieronymum ita dixisse: *Sine auctoritate Scripturarum garrulitas non HABET fidem*. Ex qua sententia, ita præcisè posita, facile quispiam posset colligere Hieronymum sensisse, illud omne quod sine Scripturæ testimonio profertur, quantumcumque aliqui Ecclesiæ auctoritate confirmatum sit, esse velut garrulitatem quandam inanem seitiendum, nec in materia religionis fidem ullam mereri. Item citat illa verba Epiphani: *Nos vniuersusque quæstionum inuentionem non ex propriis ratiocinationibus dicere possumus, sed ex Scripturarum consequentiis*. Et tamen idem ipse Kemnitius aded agnoscit Epiphani mentem, eo loco non esse excludere Traditiones Apostolicas non scriptas, quæ à Scriptura ipsa commendantur, ut etiam Epiphanius fugillet quod plus nimio eiusmodi Traditionibus delectatus (hoc enim iste vocabulo vitur) fuerit. Exstat enim de auctoritate Traditionum non scriptarum luculentissim. in hoc Epiphani testimonium: *Oportet ex Traditione vti. Non enim omnia à diuina Scriptura accipi possunt. Quæ propter aliquam in Scripturis, aliqua in Traditione, sancti Apostoli tradiderunt*. Quod igitur ait, ex Scripturarum consequentia quæstionum explicationem esse petendam, non sic accipi vult, quasi non liceat ex legitima Traditione, quæ patet etiam cum ipsa Scriptura auctoritatem habet, argumentari, sed quia non sunt certè ex proprio ingenio determinandæ fidei quæstiones. Item D. Basilius ita inquit: *Omne quod extra diuinitus inspiratam Scripturam non ex fide est, peccatum est*. Intelligit autem quod ita est extra Scripturam ut non sit ei consentaneum, sed potius repugnans, quodque aded non est ex fide, sed potius peccatum contra fidem, dignum illo anathemate, de quo Apostolus inquit: *Si nos aut Angelus de celo euangelizet, et vobis præterquam quod euangelizamus, anathema sit*. quem locum idem D. Basilius ad hoc ipsum propositum antea usurpauerat. Kemnitius autem hunc D. Basilij locum sic tecitauit: *Omne quod extra Scripturam diuinitus inspiratam, QUIA non ex fide est, peccatum est*. Assuit autem ipse de suo illud, *QUIA*, ut verisimilius Lector decipi posset, quasi Basilius significauisset, hoc ipso aliquid non esse ex fide, quia non contineatur in Scriptura. Basilius autem non hoc voluit: sed dicit simpliciter, illud quod extra Scripturam non est ex fide (cùm scilicet & à Scriptura, & à Traditione etiam quæ in Scriptura commendatur, cuique assentiri, secundum eundem Basilium, ut supra vidimus, Apostolicum est) peccatum esse. Græcè Basilius eodem modo habet: *ὅτι οὐκ ἐκ πί*

στεως ὁ π. Sed quis vbiq; enumerare facillè possit Kemnitij corruptelas & imposturas omnes aduersus doctrinam Catholicorum?

*In comm. in epi.
ad Tit. 1.*

Hæres. 65.

*In exam. eiusdē
Sess. 4. Conestij
Trad. Vbi agit
de Traditione.
Epiph. hæres.
61. paulo post
medium.*

*In Moralibus,
summa 10. c. 15.*

*Galat. 3.
Eodem li. sum.
ma 72. c. 1.*

INDEX

LOCORVM SACRAE SCRIPTVRAE, QUI IN HOC LIBRO CITANTVR, ET MAGNA etiam ex parte explicantur.

EX VETERI TESTA- MENTO.

Capita.	Genesis.	Paginz.
2.	<i>Hoc nunc os ex osibus meis.</i>	90
3.	<i>Ipsa conteret caput tuum.</i>	30.347
4.	<i>Nequaquam ita fiet.</i>	343.353
17.	<i>Nec vlrà vocabitur nomen tuum Abram, sed appellaberis Abra- ham.</i>	222.225
22.	<i>Expellite hic: ego & puer illuc vsque properantes, &c. reuertemur ad vos.</i>	343.353
25.	<i>Maior seruiet minori.</i>	354
27.	<i>Ego sum primogenitus tuus Esau.</i>	343.354
	Exodi.	
32.	<i>Et ait Moses, consecrâstis manus vestras hodie Domino unusquisque in filio & in fratre suo.</i>	148
	Numeri.	
23.	<i>Non est Deus quasi homo ut mentiatur.</i>	351
ibid.	<i>Nec est ut filius hominis mutetur.</i>	352
	Deuteronomij.	
12.	<i>Quod prapio tibi hoc tantum facito Domino; nec addas nec mi- nuas.</i>	365.384
17.	<i>Venies ad Sacerdotes Lenitici generis, & ad Iudicem qui fuerit illo tempore, &c.</i>	272.365.369.400
ibid.	<i>Qui superbierit, nolens obedire Sacerdoti, morietur homo ille.</i>	383
32.	<i>Et inimici nostri sint Iudices.</i>	42
	Iosue.	
22.	<i>Miserunt ad illos Phinees sacerdotem & decem principes cum eo.</i>	256
		Iudi-

INDEX PRIMVS.

Iudicum.

11. *Hares in domo patris nostri esse non poteris, quia de altera matre natus es.* 347

3. Regum.

8. *Conuersit rex faciem suam & benedixit omni Ecclesia Israël.* 147
 18. *Ait Elias ad populum; Ego remansi Domini Propheta solus.* 148
 19. *Derelictus sum ego solus & quarunt animam meam ut auferant eam.* 148
 22. *Quis decipiet Achab Regem Israël?* 344
 ibid. *Decipies & praualebis: egredere & fac ita.* 344
 ibid. *Ecce dedit Dominus spiritum mendacij in ore omnium Prophetarum.* 344

4. Regum.

20. *Venit Esaias ad Ezechiam, dixitque ei; morieris & non uives.* 343

1. Paralipomenon.

9. *Phinees erat dux eorum coram Domino.* 256

Iudith.

6. *Per totam noctem intra Ecclesiam orauerunt, petentes auxilium à Deo Israël.* 120

Psalmo.

Psalmoreum.

2. *Postula à me & dabo tibi gentes hereditatem tuam.* 133. 181. 183
 13. *Dixit insipiens in corde suo, non est Deus.* 1
 ibid. *Non est qui faciat bonum, non est usque ad unum.* 148
 15. *Nec dabis sanctum tuum videre corruptionem.* 358
 18. *In omnem terram exiuit sonus eorum, &c.* 133. 184
 ibid. *In sale posuit tabernaculum suum.* 140
 ibid. *Lex Domini immaculata conuertens animas.* 46
 ibid. *Præceptum Domini lucidum illuminans oculos.* 97
 ibid. *Iudicia Domini vera iustificata in semetipsa.* 46. 132
 25. *Odini Ecclesiam malignantium & cum impiis non sedebo.* 120
 30. *Proteges eos in tabernaculo tuo à contradictione linguarum.* 140
 36. *Deficientes quemadmodum fumus deficient.* 186
 44. *Lingua mea calamus Scriba velociter scribentis.* 334
 ibid. *Adstitit Regina à dextris tuis in vestitu deaurato circumdata varietate.* 211
 58. *Deus ostendit mihi super inimicos meos, &c.* 42
 67. *Deus noster, Deus saluos faciendi.* 71
 79. *Extendit palmites suos usque ad mare.* 181

INDEX.

86.	<i>Fundamenta eius in montibus sanctis.</i>	136
88.	<i>Conſuebuntur veritatem tuam in Eccleſia Sanctorum.</i>	169
92.	<i>Teſtimonia tua credibilia facta ſunt nimis.</i>	59. 203
93.	<i>Qui docet hominem ſcientiam.</i>	80
103.	<i>Fundavi terram ſuper ſtabilitatem ſuam, non inclinabitur in ſeculum ſeculi.</i>	132. 145
105.	<i>Stetit Phinees & placavit, & ceſſavit quaſſatio.</i>	40
118.	<i>Lucerna pedibus noſtris verbum tuum & lumen ſemitis meis.</i>	97
147.	<i>Emittit eloquium ſuum terra & velociter currit ſermo eius.</i>	334
149.	<i>Laus eius in Eccleſia Sanctorum.</i>	120

Prouerbiorum.

18.	<i>Impius cum in profundum venerit peccatorum contemnit.</i>	57
30.	<i>Omnis ſermo Dei ignitus, clypeus eſt ſperantibus in ſe.</i>	49

Cantica canticorum.

2.	<i>Sicut lilium inter ſpinas, ſic amica mea inter filias.</i>	125
3.	<i>En lectulum Salomonis 60. fortes ambiunt ex fortiſſimis Iſrael.</i>	134
4.	<i>Tota pulchra es amica mea, & non eſt macula in te.</i>	131
ibid.	<i>Hortus concluſus ſoror mea ſponſa.</i>	137
6.	<i>Terribilis ut caſtrorum acies ordinata, &c.</i>	132. 137
ibid.	<i>Vna eſt columba mea perfecta mea.</i>	129

Libri Sapientiæ.

1.	<i>In maleuolam animam non introibit ſapientia.</i>	87
14.	<i>Creatura Dei in odium facta ſunt & in tentationem animabus hominum & in miſcipulam pedibus inſipientium.</i>	111

Libri Eccleſiaſtici.

12.	<i>Verba ſapientum ſicut ſtimuli & quaſi clani in altum deſixi, qua per magiſtrorum conſiliū data ſunt a paſtore vno; iis, fili mi, ne amplius requiras.</i>	423
-----	--	-----

Iſaiæ.

5.	<i>Quid eſt quod debui ultra facere vinea mea & non feci ei?</i>	272
7.	<i>Ece virgo concipiet & pariet filium, & vocabitur nomen eius Emmanuel.</i>	43
9.	<i>Super ſolum David & ſuper regnum eius ſedebit.</i>	134
22.	<i>Dabo clauem domus David ſuper humerū eius & aperiet, &c. 231. 415</i>	
29.	<i>Eris vobis viſio omnium ſicut verba libri ſignati.</i>	96
30.	<i>Non faciet auolare à te ultra Doctorem tuum.</i>	236

PRIMVS.

38.	<i>Dispone domui tuae, quia morieris tu & non viues.</i>	343
ibid.	<i>Ecce ego adiiciam super dies tuos 15. annos.</i>	343
53.	<i>Vniuersos filios tuos doctos à Domino.</i>	79
54.	<i>Quis credidit auditui nostro?</i>	73
59.	<i>Spiritus meus & verba mea nō recedēt de ore tuo. 45. 145. 169. 217. 382</i>	
60.	<i>Aperientur portae tuae ingiter, die ac nocte non claudentur.</i>	141
61.	<i>Dabo opus in veritate & fœdus perpetuum feriam eis.</i>	141
ibid.	<i>Et sciatur in gentibus semen eorum, &c.</i>	45
62.	<i>Super muros tuos Hierusalem constitui custodes.</i>	134

Jeremiæ.

3.	<i>Dabo Pastores & pascunt vos scientia & doctrina.</i>	400
14.	<i>Falsò Prophetæ vaticinantur in nomine meo.</i>	76
17.	<i>Solum gloriæ altitudinis à principio loci sanctificationis nostræ.</i>	160
23.	<i>Nolite audire verba Prophetarum qui prophetant vobis & decipiunt vos.</i>	76
29.	<i>Queritis me & inuenietis, cū quaesieritis me in toto corde vestro.</i>	20
31.	<i>Nō docebit amplius unusquisque proximum suum.</i>	79
36.	<i>Loquebatur ex ore suo quasi legens omnes sermones istos.</i>	334

Ezechielis.

2.	<i>Ecce manus missa ad me, in qua erat liber involutus.</i>	96
13.	<i>Va Prophetis insipientibus qui sequuntur spiritū suū & nihil vident.</i>	76
16.	<i>Dicitis, ait Dominus, cū ego nō sum locutus.</i>	76

Osee.

2.	<i>Desponsabo te mihi in fide vsque in sempiternum.</i>	134. 146
9.	<i>Da eis vuluam sine liberis & vbera arentia.</i>	181

Amos.

5.	<i>Querite me & viuetis.</i>	20
----	----------------------------------	----

Zachariæ.

9.	<i>Circundabo domum ex his qui militant mihi.</i>	134
----	---	-----

Malachiæ.

1.	<i>Offertur nomini meo oblatio munda.</i>	93
2.	<i>Labia sacerdotis custodient scientiam & legē requirent ex ore eius.</i>	75
3.	<i>Erunt mihi in die quam ego facio, in peculium & parcam eis, etc.</i>	25

1. Machabæorum.

12.	<i>Habentes solatio sanctos libros qui sunt in manibus nostris, etc.</i>	49
-----	--	----

INDEX EX NOVO TESTA- MENTO.

Ex Euangelio S. Matthæi.

4.	Scriptum est enim, quia Angelis suis mandavit de te.	78
5.	Beati pauperes spiritu.	53. 54
ibid.	Non potest civitas abscondi supra montem posita.	137. 191
ibid.	Neque accendunt lucernam & ponunt eam sub modio, sed super candela- brum ut luceat omnibus, &c.	97. 140
7.	Attendite à falsis Prophetis, etc. intrinsecus autem sunt lupi rapaces. 62. (76. 113.)	
ibid.	A fructibus eorum cognoscetis eos.	28
ibid.	Admirabantur turba super doctrina eius.	54
9.	Non veni vocare iustos sed peccatores.	348
10.	Nomina Apostolorum hæc sunt: Primus Simon, &c.	252. 261
ibid.	Ecce ego mitto vos sicut oves in medio luporum.	28
ibid.	Non enim estis vos qui loquimini, sed spiritus patris vestri qui loquitur in vobis.	80
ibid.	Quod dico vobis in tenebris, dicite in lumine, & quod in aure auditis, predicate super terra.	365
11.	Renunciate Ioanniquæ audistis & vidistis.	33
12.	Si Satanas Satanam elicit, quomodo stabit regnum eius?	32
13.	Simile est regnum cælorum sægenæ missæ in mare & ex omni genere piscium congreganti.	125
ibid.	Sinite crescere utraq; usque ad messem.	181
15.	Sine causa colunt me docentes doctrinas & mandata hominum.	365
16.	Portæ inferi non prævalebunt adversus eam.	133. 188
ibid.	Vos quem me esse dicitis? Tu es Christus filius Dei, &c.	219
ibid.	Beatus es Simo Bariona. 219. 220. 221. vsq; 241. explicatur totus. 274.	
ibid.	Super te ædificabo Ecclesiam. Tibi dabo claves, etc.	261. 302
ibid.	Vade post me Satana.	274
17.	Vade ad mare & mitte hamum, & eum piscem qui primus ascenderit tolle, & aperto ore eius inuenies statorem.	251
18.	Ubi fuerint duo aut tres congregati in nomine meo, ibi sum in medio eorum.	408
ibid.	Si non audieris eos dic Ecclesia.	124. 142. 411
		ibid.

PRIMVS.

ibid.	Quacunq; alligaueritis super terram, erunt ligata & in cælo, etc. (233. 411.	
ibid.	Si Ecclesiam non audierit, sit tibi sicut Ethnicus & Publicanus.	411
ibid.	Si oculus tuus scandalizat te, erue eum & proiice abs te.	360
ibid.	Domine, quoties peccabit in me frater meus & dimittas ei?	411
22.	Dilige Dominum Deum tuum, etc. & proximum tuum sicut teipsum, etc.	23
23.	Nolite vobis dicere Magistrum in terra, etc.	81
ibid.	Dicunt enim & non faciunt.	306
24.	Surgent Pseudoprophete.	45
ibid.	Ecce hic est Christus, etc.	77. 98. 112. 180. 181
25.	Simile est regnum cælorum decem virginibus.	125. 137
26.	Omnes scandalum passi sunt in illa nocte.	135
ibid.	Videntes Discipuli, &c. ut quid hac perditio?	354
ibid.	Multi falsi testes, etc.	55
ibid.	Hoc est corpus meum.	92. 102
28.	Enntes docete omnes gentes, etc.	62. 237
ibid.	Ego vobiscum sum usque ad consummationem sæculi.	133. 145. 276

Ex Euangelio S. Marci.

1.	Prosecutus est eum Petrus & qui cum eo erant.	253
15.	Ei qui cum eo crucifixi erant, conuitiabantur ei.	354
16.	Qui non crediderit, condemnabitur.	2. 62
ibid.	Domino cooperante & sermonem admirabiliter confirmante.	28
ibid.	Signa eos qui crediderint hac sequentur.	173
ibid.	Prædicate Euangelium omni creatura.	237. 260

Ex Euangelio S. Lucæ.

1.	Quoniam multi conati sunt ordinare narrationem, etc.	382
ibid.	Per os Sanctorum, qui a sæculo sunt Prophetarum eius.	75
ibid.	Dabit ei Dominus sedem David patris sui.	133
ibid.	Vocabitur nomen eius Iesum, ipse enim saluum faciet, etc.	225
5.	Duc in altum.	309
8.	Dixit Petrus, & qui cum illo erant.	253
11.	Qui non est mecum, aduersum me est.	67
ibid.	Nemo accendit lucernam & in abscondito ponit.	98
18.	Putasne filius hominis veniens inueniet fidem in terra?	134. 148
21.	Eritis odio omnibus hominibus propter me.	184

INDEX

22.	Reges gentium dominantur eorum, etc.	241. usque 245
ibid.	Confirma fratres nostros.	261. 274. 302. 309

Ex Euangelio S. Ioannis.

1.	Hic venit in testimonium.	81
ibid.	Tu es Simon filius Iona: tu vocaberis Cephas.	221
ibid.	Illuminat omnem hominem venientem in hunc mundum.	235
4.	Spiritus est Deus.	75
5.	Scrutamini Scripturas.	44
ibid.	Si crederetis Moysi, crederetis utique & mihi.	44
ibid.	Ego testimonium hominum non accipio.	79. 81
6.	Nunquid & vos vultis abire, etc.	253
ibid.	Erunt omnes docibiles Dei.	79
7.	Si quis voluerit eius voluntatem facere, cognoscet de doctrina eius.	79
ibid.	Quis unquam ita locutus est ut ille homo?	53
8.	Quis vestrum potest me arguere de peccato?	55
ibid.	Diabolus ex propriis loquitur.	78
9.	A seculo non est auditum, &c.	31
10.	Ego sum Pastor bonus.	248
ibid.	Pastor qui posuit animam suam pro ouibus.	235
ibid.	Qui aliunde ascendit in ouile ouium fur & latro est.	209
ibid.	Opera quæ ego facio testimonium de me perhibent.	33
ibid.	Oves meæ vocem meam audiunt.	79
13.	Quod facis fac citius.	355
14.	Ut maneat vobiscum in æternum, etc.	276
ibid.	Docebit vos omnem veritatem.	340. 146
ibid.	Rogabo patrem & alium paracletum dabit vobis, etc.	144 bis. 217
15.	Si opera non fecissem, quæ alius nemo facit.	32
16.	Cum venerit ille spiritus veritatis.	79
17.	Pater sanctifica eos in veritate.	145
ibid.	Qui per Apostolorum verbum erant credituri.	136
18.	Palam mundo locutus sum.	365
20.	Quorum remisistis peccata, remittentur eis.	260. 233
21.	Simon Ioannis diligis me plus his?	245. 261. 274. 302
ibid.	Alius cinget te & ducet quò non vis.	274
ibid.	Sunt & alia multa quæ fecit Iesus, quæ si scribantur per singula, nec ipsum arbitror mundum capere posse, qui scribendi sunt, libros.	374

EX

P R I M V S.

Ex Actis Apostolorum.

1.	<i>Eritis mihi testes in Hierusalem.</i>	81
ibid.	<i>Exurgens in medio fratrum, Petrus.</i>	254
ibid.	<i>Oportet ex his viris qui nobiscum sunt, unum eligere.</i>	257
ibid.	<i>Locutus de regno Dei.</i>	374
2.	<i>Stans Petrus cum undecim lenauit vocem suam.</i>	253. 254
4.	<i>Erat multiudinis credentium cor unum & anima una.</i>	129
8.	<i>Puissime intelligis qua legisti quomodo possum? &c.</i>	97
9.	<i>Ingressus Paulus Synagogas predicabat Iesum.</i>	259
10.	<i>Vidi vas quoddam descendens velut linteum magnum, &c. in quo erant omnia quadrupedia.</i>	254. 259
15.	<i>Vos enim scitis, quoniam ab antiquis diebus Deus in nobis per os meum elegit audire gentes verbum, &c.</i>	254. 257. 259. 309. 430
ibid.	<i>Ego indico, &c.</i>	256. 257
20.	<i>Beatius est dare quam accipere.</i>	374
ibid.	<i>Attendite vobis & uniuerso regi.</i>	124

Ex Epistola ad Romanos.

1.	<i>Fides vestra per uniuersum mundum annuntiatur.</i>	191
ibid.	<i>Segregatus in Euangelium Dei.</i>	44
3.	<i>Deus verax, omnis autem homo mendax.</i>	351
4.	<i>Ideo ex fide, ut secundum gratiam firma sit promissio.</i>	90
6.	<i>Gratia autem Deo, quod fuistis serui peccati.</i>	73
7.	<i>Habitat in me peccatum.</i>	89
8.	<i>Nihil damnationis est iis, &c.</i>	90
ibid.	<i>Nos primitias spiritus habentes.</i>	136
9.	<i>Non omnes qui ex Israël sunt, ij sunt Israëlita.</i>	354
10.	<i>Fides ex auditu.</i>	72. 74
ibid.	<i>Sed non omnes obediunt Euangelio.</i>	73
11.	<i>O altitudo sapientie & scientie Dei.</i>	85
ibid.	<i>Septem hominum milia, qui non curuauerunt genu ante Baal.</i>	148
15.	<i>Quaecumq; scripta sunt, ad nostram doctrinam scripta sunt.</i>	49
ibid.	<i>Euangelium Dei ut fiat oblatio gentium accepta.</i>	93
16.	<i>Obseruetis eos, qui dissensiones prater doctrinam quam vos didicistis, faciunt.</i>	62

Ex 1. ad Corinthios.

1.	<i>Videte, fratres, vocationem vestram.</i>	29
		ibid.

I N D E X

ibid.	<i>Vocat in societatem Iesu Christi Filij sui.</i>	124
2.	<i>Non indicavi me scire aliquid inter vos, nisi Christum, &c.</i>	390
ibid.	<i>Sermo meus non in persuasibilibus humana sapientia verbis.</i>	30
ibid.	<i>Stultitia enim est illi doctrina fidei, & non potest intelligere.</i>	71. 116
ibid.	<i>Animalis homo non percipit ea qua sunt spiritus.</i>	71
3.	<i>Templum sanctum quod estis vos.</i>	131. 137
ibid.	<i>Dei edificatio estis.</i>	137. 223
ibid.	<i>Fundamentum, &c. quod est Christus Iesus.</i>	136. 154. 233. 235. 236
ibid.	<i>Mundi sapientia stultitia est.</i>	71
ibid.	<i>Neg, qui plantat aliquid est, neg, qui rigat.</i>	79. 80
4.	<i>Nihil mihi sum conscius, &c.</i>	90
ibid.	<i>Qui nos iudicat Dominus est, nolite ante tempus iudicare.</i>	91
6.	<i>Abluti estis, sanctificati estis.</i>	89
9.	<i>Qui spiritualia seminant, etiam temporalia metunt.</i>	243
10.	<i>Petra autem erat Christus.</i>	132
ibid.	<i>Unus panis & unum corpus multi sumus.</i>	129
11.	<i>Oportet hereses esse, ut qui probati sunt, &c.</i>	45. 72. 148. 191
ibid.	<i>Laudo vos, quod sicut tradidi vobis precepta mea tenetis, &c. caetera cum venero disponam.</i>	124. 373. 394
12.	<i>Sicut in uno corpore multa membra sunt, nec eundem actum habent.</i>	137
ibid.	<i>Nunquid omnes sunt oculi?</i>	150
ibid.	<i>Divisiones gratiarum sunt, & divisiones operationum, & divisiones administrationum.</i>	210
ibid.	<i>Viam excellentiorem, &c.</i>	212

Ex 2. ad Corinthios.

3.	<i>Velamen usque in hodiernum diem cum legitur Moyses est positum, &c.</i>	96
5.	<i>Eum qui non noverat peccatum, pro nobis peccatum fecit.</i>	90
10.	<i>Non secundum carnem militamus. Arma militia nostra, &c.</i>	29
11.	<i>Spiritum Satanae, qui se in Angelum lucis transfigurat.</i>	76

Ex Epistola ad Galatas.

1.	<i>Siquis evangelizaverit prater id quod accepistis, anathema sit.</i>	63.
	73. 258. 328.	
2.	<i>Mihi autem qui videbantur esse aliquid, nihil contulerunt, &c.</i>	256
ibid.	<i>Contuli cum illis Evangelium quod prae dico in gentibus.</i>	259.

3. Quia

P R I M V S.

3. *Quis vos fascinauit non obedire veritati?* 73
5. *Manifesta sunt opera carnis, &c. secta.* 63
6. *In Christo Iesu neque circumciso aliquid valet, neque praputium, sed noua creatura.* 380
- ibid. *Quicumque hanc regulam secuti fuerint, pax super illos & misericordia.* 380

Ex Epistola ad Ephesios.

2. *Superadificati super fundamentum Apostolorum & Prophetarū.* 136
4. *Una fides, unum baptisma.* 62
- ibid. *Solliciti seruare unitatem spiritus.* 129
- ibid. *Alios verò Pastores & Doctores in adificationem corporis Christi.* 75.
(150. 212. 223. 400.
- ibid. *Ad consummationem Sanctorum donec occurramus, &c.* 134. 238
- ibid. *Compactum, connexum per omnem iuncturam subministrationis.* 138
- ibid. *Ut non circumferamur omni vento doctrine.* 147. 169
5. *Eratis enim aliquando tenebra, nunc autem lux in Domino.* 25
- ibid. *Exhibebit sibi Ecclesiam gloriosam non habentem maculam.* 132

Ad Philippenses.

3. *Idipsum sapiens, in eadem permanebis regula.* 62
7. *Unanimes in charitate idipsum sentientes.* 129

Ad Colossenses.

1. *Ut exhibeamus omnem hominem perfectum in Christo.* 212
2. *Theauri sapientie & scientia.* 236

Ex 2. ad Thessalonicenses.

2. *Mysterium iniquitatis iam operatur.* 189
- ibid. *Cuius est aduentus secundum operationes Satana in omni virtute & signis & prodigiis.* 36
- ibid. *Stare & tenere Traditiones quas accepistis sine per epistolam sine per sermonem.* 373. 394

Ex 1. ad Timotheum.

2. *Dedit redemptionem pro omnibus.* 235
3. *Columnam atq; firmamentum veritatis.* 144. 169. 313
4. *Spiritus manifestè dicit, quia in nouissimis temporibus discedent quidam à fide.* 45
6. *O Timothee, depositum custodi.* 373
- ibid.

I N D E X

ibid. Formam habet sanorum verborum, quæ à me audisti, bonum depositum custodi. 373. 390

2. ad Timotheum.

2. Quæ audisti à me per multos testes, hæc commenda fidelibus. 373. 390

ibid. In magna domo non sunt solum vasa aurea & argentea. 125

3. Omnis Scriptura diuinitus inspirata utilis est ad docendum, &c. ut perfectus sis homo Dei. 49. 109. 333. 353. 364

4. Lucas mecum est. 344

ibid. Penulam quam reliqui Troade apud Carpum, veniens asser tecum. 344

Ad Titum.

1. Dilecto filio suo Tito secundum communem fidem. 135

ibid. Episcopum amplecti oportet sermonem fidelem, quoniam sunt multi inobedientes. 63. 150

3. Hæreticum hominem post unam aut alteram admonitionem denuntia. 63. 150

ibid. Cum sit proprio iudicio condemnatus. 419

Ad Hebræos.

2. Signis & prodigiis Deus testatus est doctrinam. 208

3. Christus in domo sua, quæ domus sumus nos. 137

4. Pontifex qui penetrauit cælos. 235

5. Facti estis quibus lacte opus est. 246

6. Volens Deus abundantius ostendere pollicitationis bædibus, &c. interposuit insurandum, &c. 352

8. Tabernaculum quod fixit Dominus non homo. 137

9. Introiuit per sanguinem suum in sancta, æterna redemptione inuenta. 235

11. Sine fide impossibile est placere Deo. 1. 62. 149. 309

ibid. Accedentem ad Deum oportet credere, quia est. 20

ibid. Fides est argumentum rerum non apparentium. 72. 154. 350

ibid. Fide Abraham obtulit Isaac Deo, &c. 353. 354

13. Doctrinis variis & peregrinis nolite abduci. 63

ibid. Mementote Præpositorum vestrorum, qui vobis locuti sunt verbum. 74. 418

Ex Epistola S. Iacobi.

1. Si quis indiget sapientia, postulet à Deo. 79

3. Quæ de sursum est sapientia, primum quidem pudica est. 54

I. D. Pe-

P R I M V S.

Ex 1. D. Petri.

- | | | |
|----|---|-----|
| 2. | <i>Gentem sanctam, populum acquisitionis.</i> | 132 |
| 4. | <i>Sufficit prateritum tempus ad voluntatem Gentium consummandam, &c.</i> | 25 |
| 5. | <i>Pascite qui in vobis est gregem providentes non coactè, &c. 142. 245. (249. 251.</i> | |

Ex 2. D. Petri.

- | | | |
|-------|--|--------------|
| 1. | <i>Omnis prophetia Scriptura propria interpretatione non fit.</i> | 114 |
| ibid. | <i>Spiritu Dei inspiratos locutos esse sanctos Dei homines.</i> | 353 |
| ibid. | <i>Cui bene facitis attendentes, tanquam lucerna lucenti in caliginoso loco.</i> | 97 |
| 2. | <i>Erunt in vobis Magistri mendaces, qui introducent sectas perditionis.</i> | 63 |
| 3. | <i>Quae indocti homines & instabiles, sicut & ceteras Scripturas, depravant, &c.</i> | 94. 113. 381 |

Ex 1. D. Ioannis.

- | | | |
|-------|---|---------|
| 2. | <i>Ex nobis exierunt, sed non fuerunt ex nobis.</i> | 67. 150 |
| ibid. | <i>Non necesse habetis, ut vos aliquis doceat.</i> | 79 |
| ibid. | <i>Unctio ipsius docet vos de omnibus.</i> | 80 |
| 4. | <i>Nolite omni spiritui credere, sed probate spiritus si ex Deo sint.</i> | 416 |
| 5. | <i>Hic est verus Deus.</i> | 105 |
| ibid. | <i>Qui credit in Filium Dei, habet testimonium Dei in se.</i> | 79 |

Ex 2. D. Ioannis.

- | | | |
|-------|--|-----|
| ¶ 10. | <i>Si quis venit ad vos, & hanc doctrinam non affert.</i> | 63 |
| ¶ 12. | <i>Plura habens vobis scribere, nolui per chartam & atramentum, spero enim me futurum apud vos, & ore ad os loqui.</i> | 374 |

Ex Apocalypsi B. Ioan. Apostoli.

- | | | |
|-----|---|--------|
| 2. | <i>Neque nonit aliquis, nisi qui accipit.</i> | 24 |
| 3. | <i>Sanctus verus qui habet clavem David, qui aperit & nemo claudit.</i> | 231 |
| 17. | <i>Siquidem aqua multe populi multi sunt.</i> | 254 |
| 21. | <i>Murus civitatis habens fundamenta duodecim.</i> | 136 33 |

INDEX
RERVM PRAECIPVA-
RVM, QVAE IN HOC LIBRO
CONTINENTVR.

ANALYSIS FIDEI
CATHOLICAE

Qua ratione & methodo in hoc libro instituta sit, indi-
catur in praefatione ad Lectorem.

A.

Apostoli.



V. & qualis eorum di-
gnitas Apostolica fue-
rit. Pagina 237. In qui-
bus rebus fuerint om-
nes pares, & in quibus
item Diuus Petrus reli-

quis fuerit superior. 237. 238. 239. Quā
admirabiliter mundum Christo sub-
diderint. 28. Non omnes tempore
passionis Christi fidem abiectis-
se. 134. 135. Quamobrem literas suas quan-
doque addiderint, cū aliquos ad in-
formandos de doctrina absentes mit-
tebant. 378. Deuissse illos dum super-
stites erant, vel voce vel scripto docere
quoscunq; poterant. 375. & 379. Quo-
modo fuerint Ecclesiae fundamenta,
236.

*Auctoritas seu Regula, ex qua peti
debeat vera sententia Christia-
na doctrina.*

Aliquam omnino talem auctoritatem
existere, quae ad omnes quaestiones fi-
dei definiendas sufficiat. 70. vsque ad
73. Eam non esse purē diuinā. 74.
75. 76. Neque purē humanā. 70. vsq;
ad 75. Sed humanā diuinitus inspi-
ratā. 78. Vigere eam perpetuē in
Ecclesia praesentem. 83. & sequentib.

Proinde non nisi in vera Christi Ec-
clesia quaeri debere. 118. Eam Diuo
Petro à Christo tributam esse. 219. &
sequentibus. Item Diui Petri succef-
soribus Romanis Pontificibus. 270.
& sequentibus. Debere omnes huic
auctoritati acquiescere. 308. & sequē-
tibus.

Diuus Augustinus.

Cur fidem Christianam susceperit. 15.
Quid etiam in illa eum retinuerit. 15.
181. 199. Quasi propria manu Veere-
tis Concilij Tridentini subscripsit. 18.
Quid de obscuritate Scripturae sen-
serit. 85. 86. 87. 88. 100. Quo sensu
dixerit alicubi in Scriptura planissi-
mē tradi, quod alibi in ea dicitur ob-
scure. 102. Item, clarē in Scriptura
reperiri, quae ad fidem & mores ne-
cessaria sunt. 100. Item Ecclesiam esse
demonstrandam per Scripturas. 176.
Item Petrum in persona Ecclesiae cla-
ues acceperit. 241. Non definiisse v-
trum Petrus à Christo dictus fuerit
petra. 226. 228. Quomodo inter lib.
Canonicos putauerit esse distinguen-
dum. 338. Aliam longē catechizan-
di rationem tradidisse, quā secun-
dum Sectarios usurpari debeat. 160.

C.

INDEX SECVNDVS.

C.

Christus.

QUA ratione conciliauerit auctoritatem doctrinae suae. 51. 53. & sequentibus. Diuinitas eius quo argumento persuaderi possit. 54. 55. Quatenus indiguerit & non indiguerit humano testimonio ad persuadendum suam doctrinam. 81. Non contriuit caput serpentis, si vera est sententia Sectariorum. 50. Est singulare fundamentum Ecclesiae. 235. 236. Neque id obstat, quod minus etiam Petrus fundamentum fuerit. ibidem.

Christiani.

Maximè illos suorum maiorum auctoritate ad credendum moueri debere. 15 & 16. Non sibi commodum vllum temporale olim in credendo proponere potuisse. 16. Et quibus nominibus per ludibrium ab Ethnicis olim appellabantur. ibidem. Vnde ipsi habeant libros sacros veteris Testamenti. 368. 369.

Concilia.

QUAE illorum sit ratio & varietas. 399. & 400. Nullum Concilium esse infallibile sine Romani Pontificis confirmatione, illa autè accedente, quoduis esse infallibile. 400. & sequentibus. Non esse in illis quaerenda suffragia Laicorum. 400. Vtrum Patres in Concilio definiat, ut Iudices, & qualinam auctoritate. 409. 410. Quznam Concilia Apostolicæ sedis auctoritate confirmata sint. 405. 406. Omnia Concilia vniuersalia legitima, per sedem Apostolicam confirmata fuisse. 401. 402.

Concilium Nicanum.

Decreuit, ut Concilia præter Romani Pontificis sententiam non celebrarentur. Item ut ad eum liceret vndique appellare. 278. & sequentibus.

Asseritur Romane Ecclesiae primatus in eius Canone VI. sicut is in Concilio Chalcedonensi recitatur. 281. Nec obstat quod ex eodem Canone Sectarij opponunt. ibid. Plures eius Concilij Canones interuixisse. 278. 279. Ideoque non mirum si Canones illos de auctoritate Ecclesiae Romanae Africani Episcopi, in quibusdā ad se missis exemplaribus non repererint. ibid.

Concilium Tridentinum.

Non posse illius sententiam reiici sine nota hæresis, ostenditur euidenter contra examen Kemaitij. 416. & sequ.

Consensus Fidelium.

Quomodo in definitionibus fidei ratio etiam illius sit habenda. 426. 427. Quomodo item modo possit de illo constare. ibid.

D. Cyprianus.

Asseruisse manifestè D. Petri primum, ostenditur contra Sectarios. 239. 240. Idem principium Analysis fidei, quod in hoc libro asseritur, à Cypriano constitui. 433. 434.

Claves Regni caelorum.

QUAE illarum sit vis & ratio. 229. & 230. Esse in Scriptura symbolum potestatis. 231. Eas solum Petro promissas & datas fuisse, reliquis autem Apostolis quosdam illarum usus concessos. 229. & sequentibus. Et cur dicatur Petrus illas accepisse in persona Ecclesiae. 248.

D.

Deus.

DEVM esse, eiq; esse seruendum, conscientia ipsa admonet. 1. Non deserre inquirentes se. 19. & 20. Abundè prospicere hominibus. 71. Persuadere ipsum principaliter humanis mentibus fidem. 11. 79. & sequen. Non tamen docere homines ordinari per

seipsum. 74. vsq; ad 78. Necessè alicuius ponderis, quæ ex Scripturâ Sectariorum quibusdam contra obiciuntur. 79. vsque ad 82. Non posse vlllo modo perse vel per alium fallere. 349. vsque ad 353. Explicantur quidâ Scripturæ loci, quibus videri possent aliqui ex instinctu Dei falsum dixisse aut sensisse. 343. 344. 353. 354. 355. 356. Item redditur propria ratio, cur quosdam peculiariter excæcæte, & in errorem mittere Deus dicatur. 356.

Doctores.

Sunt diuinitus dati ad Ecclesiæ conseruationem & defensionem. 134. Est illorum auctoritas & successio continua consideranda in Ecclesiæ ordine. 137. Antecellunt longè auctoritate in docendo falsarum aliarum religionum Doctoribus. 15. & 16. Quamuis singuli aut etiam aliqui errare possint, non ramen omnes. 147. & 422. Sunt in Ecclesia instar oculorum : ac proinde non omnibus competit illorum functio. 136. & 156. In eorum etiam numero esse ponendos Scholasticos Doctores. 424. Nec posse etiam errare, omnes Doctores qui vno aliquo tempore in Ecclesia superstites sunt. 423. Omnes autem Doctores esse, quinam reputari debeant. 147.

Doctrina Christiana.

Quomodo in vniuersum sit probanda. 11. & sequentibus. Ex quinque potissimum locis argumenta duci, quibus veteres Patres ad eam probationem vsi sunt. 14. Exponuntur & confirmantur ordine eiusmodi veterum argumenta. 15. & sequentibus. neque tamen eiusmodi argumentis fides nostra propriè & principaliter diuina reuelatione nititur. 11. 12. 13. Sunt tamè illa argumenta nobis quædam motiua ad credendum. Ibidem. Iisdem au-

tem argumentis probari Sectariorum reuera à Christiana doctrina defecisse. 17. & deinceps.

E.

Ecclesia.

Quid sit, & quàm latè illius ratio pateat. 120. & seq. Variam illius posse originem assignari iuxta varias eius acceptiones. 121. 122. Varias esse illius partes seu gradus, & quinam ad vnumquemque illorum pertineant. 123. 124. 125. Errores tres circa Ecclesiæ formam vitandos. 125. vsque ad 128.

Ecclesia proprietates.

Quod ad rem attinet, patum interesse, quomodo numerentur, & posse ad octo capita reuocari. 128. 129. Estigitur Ecclesia Vna. 129. & seq. Sancta. 131. & seq. Catholica. 133. & seq. Apostolica. 136. Rectè ordinata. 137. Visibilis 138. & seq. Indefectibilis à veritate. 144. & seq. Vnicum perfrugium salutis. 149. Quarum Ecclesiæ prærogatiuarum, quæ sit vis & ratio, locis citatis sigillatim explicatur. Maximè autem notandum, quo sensu dicatur Vna. 130. Item, visibilis. 138. 139. Vbi, quisnam propriè sit status controuersæ de claritate Ecclesiæ indicatur. Itè ratio ostenditur, qua Sectariorum argutæ & cauillationes omnes contra claritatem Ecclesiæ, facillè repelli possint. 143. 144.

Ecclesia Nota.

Qualis sit Sectariorum tergiversatio, in questione de vera Ecclesia dignoscenda. 150. & seq. Notæ quas illi assignant, euidenter refutantur. 151. & seq. Oportere veras Notas Ecclesiæ esse quædam illius accidentia notiora secundum nos, quàm ipsam rationem essentialem Ecclesiæ. 171. & seq. Huiusmodi Notas Ecclesiæ pro vario & eiusdem Ecclesiæ statu,

statu, variari aliqua ex parte potuisse. 172. & seq. Posteaquam Ecclesia per orbē diffusa fuit Notas illius esse prioris sex proprietates ex illis octo supra numeratis, idque confirmari ex Scriptura. 174 & seq.

Ecclesia Romana.

Hanc solam esse verā Christi Ecclesiam, fuisse demonstratur, ex legitimis Ecclesie Notis. 176. vsque ad 215. Confutari omnibus cauillationibus Sectariorum.

Ecclesia vera, hoc est, Romana, auctoritas.

Illius munus esse proponere fidelibus, quæ sunt credenda ex fide, atque aded determinare etiam qui libri sint canonici. 68. 315. & seq. Neque propterea tamen Ecclesiam esse regulam ipsius Scripturæ; sed nobis illam quidem diuinitus pro regula esse propositam, ut libros sacros certò discernamus. 340. Errare illam non posse. 144. vsque ad 148. Esse etiam indicem Apostolicarum traditionum. 397. Neque hic obstare, quod alioqui ipsa Ecclesia in iudicio fidei Scripturis & traditionibus tanquam regulis quibusdam niti debeat. 339. 340. & 397. Explicatur item illa quaestio, quam de comparatione auctoritatis Scripturæ & Ecclesie nonnulli mouerunt. 341. 342. Auctoritas Ecclesie, & Romani Pontificis & Conciliorum, quomodo re ipsa sit vna & eadem. 404 405.

Ecclesia Hierarchia & ordo.

Eminere in differentia variorum vitæ statuum & officiorum. 210. Descriptio brevis totius eius auctoritatis & ordinis Hierarchici. Ibidem. Hierarchicum ordinem, itemque vitæ status tripartitò diuidi. Ibidem & 211. Quis totius ordinis Hierarchici finis sit. 212.

Editio librorum sacrorum.

Explicatur & defenditur Concilij Tridentini Decretum de editione vulgarata. 346. & seq.

F.

Fides.

Quæ sit eius ratio, & vnde concipiatur. 72. Diuinæ reuelationi ut fundamentum suo innititur. 11. & seq. Fulciunt tamen alii argumentis tanquam motibus credendi. Ibidem. Duplicem animi motum in eo qui credit esse discernendum, & vtrumque sua quadam ratione niti. 11. 12. 13. Cur tam facile sit errare in rebus fidei. 72. Duo ab humana ratione de fide cogitari. 11. In corrupta ex omni parte fidem requiri, nec posse vnumquemque secundum quamlibet fidem saluari. 64. & seq. Nec retineri fundamentum fidei, nisi fides integra retineatur. 154. Christianam fidem cum obedientia quadam coniunctam esse oportere. 71. 73. Multa quæ scripta non sunt, credi oportere. 105. & seq. & 367. & seq. Necessarium ad salutem esse ut aliquid credatur, duobus modis intelligi posse. 99. Quam ob causam iustum censeri debeat præceptum credendi. Vide supra. *Auctoritas seu Regula fidei.*

G.

Gregorius Magnus.

Quo sensu scripserit: Antichristi præcursores esse, qui se Episcopum vniuersalem appellare audeat. 306. 307. Item Episcopum Ecclesie Romanæ, vniuersalem alioqui Episcopum esse, disertis verbis ab ipso asseri. Ibidem.

H.

Hæresis.

Cur oporteat in Ecclesia quandoque oriri hæreses. 71. Semper in Ecclesia notatas fuisse, ac notari posse exortet hæreses. 194. & 192.

Hæretici.

Quis propriè sit hæreticus. 67. 318. Tenent Scripturam solū ad speciem. 49. Illius etiam claros locos corrumpunt. 112. Carent veritate. 178. Commune

INDEX

illis est à Traditionibus ad solas Scripturas prouocare, 364. Iam olim solitos fuisse suos errores fucare Euangelij nomine. 46. Illorum criminationibus aduersus Rom. Pontificem quomodo respondendū sit, 305. 306. Non sunt membra Ecclesiae, & tamen iuste ab illa puniuntur. 123. 124. Illorum institutum paucis verbis describitur ex Tertulliano. 184. Iudicium eius congregationis, quæ ante excitatam ab illis controuerſiam pro vera Ecclesia ab omnibus habebatur, satis semper fuisse, ut meritò pro hæreticis haberentur: vnde conuincitur, Sectarios huius temporis planè hæreticos esse. 32. & 53. Vide infra. *Sectarij.*

I.

Imperatores.

ROMANORVM. Pontificum primariam in Ecclesia auctoritatem agnouisse & protestatos esse, etiam ante Phocam, a quo Caluinus & alij Sectarij nugantur, Romanum Põtificem habere primatum, 287.

Judei.

Calamitates quas patiuntur omninò esse pœnam eius peccati quod in Christum commiserunt 39 & 40. Ipse etiam vel inuitos nostram fidem testificari. 42. Quatenus etiam debuerint Traditiones nò scriptas recipere. 369. 370. Item quasnam Traditiones non oportuerit ipsos recipere. 374. 372.

L.

Libri sacri.

QUINAM sint libri Canonici, 335. & seq. Non illis contineri omnia fidei dogmata, neque idecirò scriptos esse, ut in illis omnia comprehenderentur. 373. vsque ad 381. vbi responderetur objectionibus Sectariorum.

M.

Martyres.

Ab illorum constãtia veritatè Christianæ fidei rectè probari. 19 & seq. Nec potuisse illos Ethnicos aut iam posse Se-

ctarios ex hoc loco pro disciplinis suis argumentum ducere. 21 & seq.

Miracula.

DIUINITUS ad confirmationem Christi doctrinæ fuisse facta, 31. 32. Et vnde id colligi possit, 33. 34. Item iure exprobrari Sectariis, quòd ipsi nullis miraculis probent doctrinam suam. 37. 207. Et quàm illi ridiculè ipsa miracula Apostolorum ad doctrinam suam refertui vclint. 208. 209. Falsa miracula à veris, quomodo discernenda sint, 35. 36. Quo sensu D. Paulus scripserit Antichristi aduentum in omni virtute fore, ibid. Quare etiam Christus significàrit in caussa religionis nò esse fidendum signis & miraculis.

P.

Patres.

QUATENVS quotundam scripta sint approbata ab Ecclesia. 319. Ex vno Augustinò intelligi posse, non nisi Sectarios Patrum veterum auctoritate. 17. 18. 19. Explicantur illorum quædam loca, quibus videntur significare omnes Apostolos fuisse æquales. 233. 239. 240. Item alia quædam, ex quibus Sectarij confirmare contendunt, ex sola Scriptura esse argumentandum. 395. 396. Et alia passim alibi. Afferuntur etiam illorù locupletissima testimonia, tum pro aliis fidei principiis, quæ in hac Analyſi passim confirmantur, tum maxime pro D. Petri & Rom. Pontificis primatu parte VII. & VIII. Itemq; pro Traditionum auctoritate. 391. & seq. Vide etiam *Doctores & Augustinum*, &c.

D. Paulus.

Petiit approbationem doctrinæ suæ à D. Petro, 258. & cur id fecerit, sententiâ Patrum. 259. Fuisse D. Petro inferiorem, 258. Quomodo illi in gentibus, & Petro in circuncisione Euangelium commissum fuerit, 259. Quod Petrus reprehenderit nequaquam esse argumento Petrum non habuisse inter Apostolos primatum, 260.

D. Pe-

S E C V N D V S.

D. Petrus.

Fuisse petram dictū à Christo super quam ædificaretur Ecclesia, multis argumētis & testimoniis probatur. 223. 224. & seq. Agnitum etiam illius principatum fuisse reliquis Apostolis. 255. Cur non ipse elegerit Diaconos. 257. Cur ex aliorum etiā consensu controuersiam de obseruatione legalium definiri voluerit. 257. Ipsius curæ fuisse etiā commissos reliquos Apostolos. 259. Neque magnopere oportuisse tamē ut in illos vteretur imperio & auctoritate. 256.

D. Petri primatus.

Qua ratione probetur. 217. Confirmatur ex variis Euangelij locis adiuncta interpretatione Patrum. 219. vsque ad 260. Item peculiari quadam ex verbis Christi argumentandi forma. 260. & seq. argumento ducto à Monarchiæ ratione. 263. & seq. Item testimonio omnis antiquitatis. 267. & seq. Quibus locis etiam respondetur ad ea, quæ contra eiusmodi probationem obijciunt Sectarii.

D. Petri Successor.

Aliquos fuisse futuros D. Petri Successores in cura Ecclesiæ vniuersali probatur. 1. ex Ecclesiæ consensu. 270. 2. ex forma Christi verborū ad D. Petrum. 271. 3. ex sine eorundem verborum, ac institutionis Christi. 271. 272. 4. exemplo veteris synagoga. 272. Confutantur Sectariorum cauillationes contrariæ. 273. 274.

Pontifex Romanus.

Esse ipsum D. Petri successorem ostenditur. 275. vsq. ad 308. Nec tamen idem propriè esse D. Petro succedere, & à Christo accipere eandem auctoritatem, quam habuit D. Petrus, licet hæc duo, quod ad rem attinet, sint coniuncta, & rectè posterius ex priori concludi. 275. Esse autem hanc questionem de successione, controuersiam facti, quæ proinde testimoniis omnium ætatum rectè definitur. 277. Prose-

runtur igitur ea testimonia locupletissima. 277. vsq. ad 288. Neque iure tantum Ecclesiastico, sed etiam diuino Pontificem Romanum D. Petro succedere. 291. 292. 293. Electionem tamen illius modumque eligendi, Ecclesiæ ipsi competere. 275. 276. Varios fuisse modos eligendi in Ecclesia Romanos Pont. in D. Petri successores. 297. 298. Esse reuera legitimum Pontificem eum, qui in D. Petri locum electus est, quatenus possit esse etiam certum de fide. 301. 302. 304. 305.

Pontificis Romani primatus.

Quid nomine huius primatus intelligatur, & quomodo idè primatus probari debeat. 218. 219. Concluditur ex tribus pronuntiatibus quæ ordine confirmantur. 219. vsq. ad 308. Vbi Sectariorum contrariæ cauillationes suo quæque loco refutantur. Debere ab omnibus recipi quidquid Romanus Pontifex per eam auctoritatē determinat. 308. & seq. Toties illum per eam auctoritatem determinare, quoties in controuersia fidei ad alteram partem obligare vult vniuersam Ecclesiam. 211. 212. Nec posse illum in definiendo errare. Ibidem. Respondetur obiectionibus septem contrariis. 312. vsque ad 332. Infallibiliter etiam ab eo religiones approbari & canonizari Sanctos. 213. & seq. Discutitur illorum sententia qui Pontificem errare posse dixerūt. 320. & seq. Aliquid interesse, vtrum Pontifex definiat controuersiam ante præiudicatā manifestè in Ecclesia, aut non ita præiudicatā. 321. Qua ratione rectè dici possit, Pontificis auctoritatē in rebus tantum necessariis esse infallibilē: & quomodo vna quadam ratione omnia quæ ille determinat, sint necessaria. 322. 323. Variis modis diuinitus impediri posse Pontificem ne errorem definiat, neque id fore miraculum. 324. 325. Explicantur casus decem, in quibus obijciuntur diuersos Pontifices errasse. 326. & seq.

Quem.

Quem nam modum à Pōtifice seruari oporteat in definiendo. 325. 326. 331. 332. Et quæ velut regulæ ab eo consuli debeant. Ibidem. De quibus regulis sigillatim deinceps agitur. 333. vsq; ad 427. Debere illum alios etiam rerum diuinarum peritos cōsulare. 428. Possē etiam infallibiliter definire sine consensu Collegij Cardinalium. 428. 429. Semper fuisse in Ecclesia iudicem controuersiarum fidei, ex ipsa etiam Ecclesiæ praxi perpetua ostendi. 430. (431.)

Prophetica prædictiones.

Qua forma ex illis pro veritate Christianæ doctrinæ sit argumentandum. 43. Quomodo ex eo etiam loco doctrina Sectariorum possit redargui. 45. 46. Prædictiones eiusmodi non omnes eiusdem rationis esse, indeque fieri, ut quædam non compleantur. 355.

R.

Regula fidei.

Non modò vniuersam doctrinam fidei, sed etiam quamlibet sui partem posse dici suo modo credendi regulam. 380. Vbi ostēditur Sectarios contra D. Paulum disputare, cū colligunt Scripturam solam sufficere, quia est fidei canon & regula. Vide etiam suprā. *Auroris.*

Religio Christiana.

Ipsam solam esse fide prudentū dignam, omnes autem sectas cum ea pugnantes, esse incredibiles. 59. Admirabiliter eorum animos mutari qui ex illius præscripto incipiunt viuere. 24. 25. Et inde etiam maximè cōvinci posse Sectas omnes longissimè hodie abesse à religione Christiana. 26. Vide suprā. *Doctrina Christiana.*

S.

Schisma.

SCHISMA quod fuit in Ecclesia à tempore Urbani VI. vsq; ad tempus Concilij Constanti. nihil obstare legitimæ

successioni subsequentiū Pontificum. 296. 297. 298. Nam & alia plura schismata fuisse prius in Ecclesia, quibus semper occurri potuit. Ibidem.

Scriptor Canonicus.

Quomodo se Scriptores Can. habuerint in sacra doctrina litteris mandanda. 334-335. Fuisse in eare singulari quadā ratione motos à Spiritu sancto, longè secus quàm ab eodem Spir. S. Pontifex moueretur in definiendo, quāuis & hic etiam definiat infallibiliter. 335

Scriptura sacra.

Quæ sit eius ratio & cur verbum Dei dicatur. 333. 334. Quibus libri cōtineantur. 335. & seq. Esse reliquis omnibus Scripturis antiquiorem. 50. Infallibilem omnino esse illius auctoritatem. 340. 341. 345. & seq. Nihil in ea contineri, quod non sit scriptum instinctu Spiritus S. 356. 357. Quæ sit illius eū Ecclesia comparatio. 341. Obscuram esse, & quo sensu id asseratur ab Orthodoxis. 85. & seq. Et quidem etiam in iis locis ex quibus hæreticos oportet redargui. 100. Quàm multa ad illius rectam intelligentiam requirantur. 86. & seq. Locorum collationem non penitus difficultatem intelligendi Scripturam remouere, sed plerumque augere potius, & ipsos Sectarios magis irritare. Quod & ratione & exemplis ostenditur. 88. & seq. Illum esse certissimum Scripturæ sensum, quem Ecclesia proponit. 357. Possē ad illius intelligentiam innare documenta sex, quæ in specie hietraduntur. 358. 359. 360. Et tamen quosdam esse Scripturæ locos ita difficiles, ut vix vlla regula ad eorū intelligentiam satis esse queat, ut Aug. etiam affirmavit. 93. 94. Possē autem vna quadam ratione plerosq; Scripturæ locos dici claros: alia tamen ratione omnes serè esse difficiles & obscuros ac ex ea re variis Patrū de Scriptura sententias commodè posse intelligi. 101. 102. Explicatur quo sensu Aug. (sicut & alij etiam veteres) significant per-

perspicue tradi in Scripturis ea quæ sunt necessaria ad salutem. 99. 100. Confirmatur etiam Scripturarum difficultas ex ipsius Scripturis, Sectariorum cauillationibus refutatis. 94. & seq. Neque ob stare quod Scriptura alioquæ lucerna & lumere esse dicitur, & quomodo hæc quæ frustra obiciunt Sectarij intelligi debeant. 97. & seq. Porro neq; omnia quæ uecessariò dendi debent, contineri in Scriptura. 105. & seq. 367. & seq. vsque ad 384. quibus locis responderetur etiam ad obiectiones Sectariorum. Facillimè illam ab hætericis adulterari, etiam in locis qui alioquæ sunt recti. 111. 112. 113. His igitur & aliis quibusdā argumentis fusè probatur, Scripturam solam non esse sufficientem iudicæ controuersiarum fidei. 84. & seq. Neque idcirco tamen Scripturam sacram (sicut Sectarij calumniantur) vel reprehendi, vel accusari, quin imò ipsorum Sectariorum proprium hoc esse erimen. 102. vsque ad 105. Scripturæ veteris Testamenti quæ fuerint causæ. 386. 387. Quare etiam doctrina noui Testamenti scripta sit. 374. & seq. Quo sensu diuinitus prohibitum fuerit Scripturæ aliquid addere. 384.

Sectarij.

Non videri eos aliquid firma fide credere, si consequenter ratiocinentur. 10. Destitui maiorum testimonio & auctoritate. 17. 18. 19. Nec niti testimonio antiquorum Martyrum, quorum etiam sententias Orthodoxas palam reprehendere non erubescunt. 22. 23. 24. Quales sint illorum doctrinæ fractus, ipsi etiam testantibus. 26. 27. 28. Esse Pseudoapostolos. 30. Quænam in Scripturis extent de illorum doctrina prophetiæ. 45. Impiam illam & impuram esse. 47. Et qui tamen fiat, quod non sit communiter recepta, cum pruriar alioquæ auribus & carni. 48. Esse eam à Diuo Iacobo paucis verbis de-

scriptam. 54. Quàm vanè iacent doctrinam suam omnium esse antiquissimam, eamq; ex ipso vsque Paradiso deducant. 50. 51. Et tamen ipsos alias satis testari se nouasse doctrinam. 213. Quomodo ex forma à Tertulliano præscripta eiusmodi nouitas doctrinæ redarguatur. 124. Aut falsam fuisse Christi prophetiam de futuris hætericis, aut Sectarios nunc hætericos esse. 51. 52. Non posse illos confidere, se habere certam fidem de Christo. 55. Neminem posse illis prudenter assentiri. 157. vsque ad 159. & 167. 168. 203. vsque ad 207. Quale sit illorum doctrinæ fundamentum, in quo omnes impiè consentiunt. 153. 154. Nec tamè eum consensum ipsis ob stare, quod minùs se vicissim hæreses damnent. 155. Renouasse illos planè veterum hætericorum errores. 185. Eiusdem auctoritatis iudicio, & eodem modo illos iam condemnari, quo veteres omnes hæterici in Ecclesia condemnati & scripti fuerunt. 51. 430. & 431.

Sectarij quidam nominati.

Antonij Sadeelis redarguitur in scitia. 160. 164. 171. 173. 188. 191. Caluini cauillationes. 106. 108. 109. 165. 266. 267. 273. 274. 287. Centuriatorum impudentia aduersus sanctos Martyres. 22. 23. 24. Quomodo laborauerint isti potius pro nobis. 196. 197. Kemnitius confutatur. 95. 337. 368. & seq. vsque ad 371. Item 372. 373. 378. 380. 386. 392. 393. 394. 416. & seq. Lutherus, quomodo conscientie stimulis initio repugnauerit. 57. Desperabat de iis discipulis, qui studebant lectioni veterum Patrum. 18. Confutantur passim illius sicut & aliorum Sectariorum argumenta.

T.

Traditiones.

Quæ illarum sit ratio & differentia, 361. & seq. Omnes Traditiones etiam
Mm præci-

INDEX SECVNDVS.

præcticas spectare ratione quadam ad
fidem. 363. Controuersiz de Tradi-
tionibus quis propriè sit status. Ibid.
Omnibus hæreticis fuisse commune
illas auersari. 364. Sed ex iisdem prin-
cipiis probantur, quibus ad eorum
oppugnationem perperam abutûtur
Sectarij. vide 364. vique ad 396. Re-
ad in primis Traditionem aliorû do-
gmatum Ecclesiæ probari ex eo, quod
ipsi libri sacri ab eadem Ecclesia cer-
tissimè traditi sunt. 367. & seq. vide
etiam. 105. & seq. Non posse vllô mo-
do probari, quod Sectarij perperam
contendunt omnia dogmata hîdei i-
pso Scripturarum canone fuisse com-
prehensa. 374. & seq. Quin imò con-
trarium ex ipsis Scripturis constare.
373. 374. Item etiam ex testimoniis

Patrum. 391. & seq. Necesse timen-
dû fore vt doctrina Traditionibus eu-
stodira corrumpatur. 390. 391. Vete-
rem tamen Traditionem ipsam per se
sine præfenti aliqua auctoritate Ec-
clesiæ non esse sufficientem iudicem
omnium quæ possunt esse, controuer-
siarum fidei, probatur breuiter tri-
bus argumentis. 117. Quænam au-
tem legitime sint Traditiones ex ali-
qua quatuor Regularû posse cogno-
sci. 397. & seq.

V.

Verbum Dei.

QVARE sit de verbo DEI Orthodoxa do-
ctrina. 381. Vide etiam *Scriptura.*



POSTRE-

POSTREMVS INDEX ARGVMENTORVM, EX QVIBVS EVIDENTIVS INTELLIGI POTEST, LON- GISSIME A VERA RELIGIONE SECTARIOS OMNES aberrare: quorum argumentorum tantùm capita breuiter hîc notantur, indicatis locis, quibus (vt series & ra- tio institutæ Analysis ferebat) ipsa argu- menta tractata sunt.

1. *Quia principium doctrina Sectariorum quod in primis in con-
temptu auctoritatis Ecclesiæ Romanæ consistit, facillè homines de-
ducit ad Ethnicismum: Vt breuiter ostenditur* Pag. 10
2. *Quia ex iisdem argumentis, quibus veritas generatim Christiana
doctrina olim à sanctis Patribus probata est, planè conuincitur, do-
ctrinam Sectariorum quicunque fidei Ecclesiæ Romanæ repugnant,
non esse reuera Christianam. 15. vsque ad 60. Vbi peculiariter. 52.
formula quadam argumenti notanda est, quæ euidentissimè demon-
stratur, Sectarios esse ex eorum hæreticorum numero, quos Chri-
stus prædixit fuisse futuros.*
3. *Quia qui scētis addiētī sunt facillè in eam opinionē (ex desperatione
quadam inuenienda veritatis) inducuntur, vt sibi persuaideant
quemlibet in sua fide posse salutem consequi. Quod, quàm falsum sit,
ostenditur.* 61. vsq. ad 69
4. *Quia veram fidē ex aliqua auctoritate humana inspirata diuinitus
quæ ad determinandas omnes controuersias accommodatissima sit,
necessariò oportet cum quadam in assentiendo obedientia addisce-
re, &c. vt ostenditur. 70. vsque ad 82. A tali autem aliqua au-
thoritate Sectarios fidem non discere, cum solam Scripturam sequi
volunt, ostenditur deinde euidentissimè.* 84. vsque ad 118.
5. *Quia collatione Scripturarum, quæ vna maximè niti Sectarij vo-
lunt, facillimè hæretici omnes abutuntur ad errorem: ipsaq. potius
auget plerunque quæstionis difficultatem.* 88. vsque ad 94.

I N D E X

6. *Quia Scriptura lumen non ibi ubi ipsa Scriptura illuminat sed in tenebris ingenij sui tanquam sub modio quarunt.* 97. & 98.
7. *Quia secundum illorum doctrinam, qua ponunt, solâ Scripturâ esse nitendum, multa non possent, neq; deberent credi, quæ diuinitus reuelata & certissima sunt, nec tamen continentur in Scriptura. 105. vsq; ad 110. Quod argumentum fusiùs etiam postea confirmatur & defenditur.* 372. vsq; ad 381
8. *Quia cum ex sola Scriptura verâ fidem discendam esse contendunt, perinde est ac si vellent ab ipso per se Deo sine ullo humano ministerio esse discendam, ex quo tandem sequitur, non eos reuera à Scriptura fidem discere, sed ex ingenio suo proprio vanam fidem comminisci.* 116. vide etiam. 114. 115.
9. *Quia cum aiunt, Ecclesiam suam fuisse aliquando inuisibilem, ea re coguntur agnoscere Ecclesiam suam non esse veram Ecclesiam Christi.* 138. vsque ad 144.
10. *Quia omnes Sectarij in questione de vera Ecclesia (ne appareat, eos hereticos planè esse & à vera Ecclesia defecisse) callidè tergiversantur: neque ostendunt hominibus veras & idoneas notas ad Ecclesiam veram internoscendam, ut salutem in ea consequi possint.* 149. vsque ad 171.
11. *Quia facillimum est cuius prudenti homini, licet eruditus non sit, formula quadam ratiocinandi breuissima (qua ponitur. 158.) euidenter concludere, se esse deceptum à Sectariis.*
12. *Quia cum aliqui concedant Sectarij, Ecclesia vera auctoritatem valere in fidei questionibus: ita tamen de Ecclesia ratiocinantur, ut euidentissimum sit, non posse, secundum illorum doctrinam, in ulla fidei questione interponi auctoritatem vera Ecclesia.* 168. vsque ad 170.
13. *Quia insania quoddã Sectariorum est (D. Augustino iudice) Scriptura sententiam nolle ab illa eadem auctoritate discere à qua ipsam etiam Scripturam accipere oportet. 107. & 108. Quod argumentum rursus. 367. vsq; ad 372. tractatur: ibiq; Sectariorum canilla.*

T E R T I V S.

uillationes refelluntur, quibus illi ab eo se argumento expedire frustra nituntur.

14. *Quia certissimum est, nullius cætus Sectariorum (quantumuis actu in doctrina consentientis) fidem censerī ac dici posse VNA M como- do quo fides vera & Christiana in Scripturis VNA dicitur. 130. 131. & 177. vsque ad 180.*
15. *Quia planè extra veram Christi Ecclesiam sunt omnes Sectarij, ut euidenter ostenditur ex legitimis Ecclesia notis, qua nulli cæ- tui Sectariorum, sed soli Ecclesia Romana conueniunt. 167. vsq; ad 215.*
16. *Quia veterum hæreticorum errores Sectarij renouârunt. 185. & 186.*
17. *Quia prorsus incredibile est, quod Ecclesia Romana ab Apostoli- ca doctrina (sicut Sectarij pratendunt) aliquando defecerit. 187. vsque ad 197.*
18. *Quia euidentissimum est, nullo modo Sectarios habere vocatio- nem diuinam. 202. vsq; ad 209*
19. *Quia quiuis etiam indoctus potest, forma quadam ratiocinatio- nis adhibita, euidenter intelligere, non se posse prudenter Sectariis potius quàm Catholicis hoc tempore assentiri. 205. vsq; ad 207*
20. *Quia certissimum est, à Sectariis fuisse traditam nouam doctri- nam, non autem veterem restitutam. 213. vsq; ad 215*
21. *Quia, Diuo Petro & Romanis Pontificibus tanquam illius succes- soribus, à Christo tributam esse supremam in Ecclesia auctorida- tem infallibiliter definiendi quæstiones fidei, atq; adeò hæreticas esse Sectariorum opiniones per eam auctoritatem damnatas; cer- tissimum ex historia Euangelica & testimonio totius antiquita- tis est, si quidquam aliud omnino in religione est certum: ut per- spicue & ordine explicatur, probatur, & defenditur. 216. vsque ad 333.*
22. *Quia idipsum maxime quoq; euidenter confirmatur, peculiari quadam forma argumentandi, qua ad eam rem vsurpatur. 260.*

INDEX TERTIVS.

- vsq. ad 263. Qua forma argumenti similiter accommodari potest ad modum & verba, quibus Romanorum Pontificum auctoritatem omnis antiquitas (ut locis citatis ostenditur) testata est.*
23. *Quia ex iisdem argumentis, quibus Sectarij contendunt, nullas esse Traditiones Apostolicas non scriptas, quibus certò niti possint, definitiones fidei (per quas illi euidenter damnantur) contrà potius, tales esse aliquas Traditiones conuincitur. 364. vsque ad 398.*
24. *Quia vel nulli unquam verinominis heretici fuerunt aut futuri sunt, vel Sectarij iam eo maxime nomine heretici sunt, quòd definitioni atq. sententia Tridentini Concilij repugnandum esse arbitrantur: ut euidentissimè demonstratur aduersus vanos ac impios Kemnitij & aliorum Sectariorum prae-textus. 418. vsque ad 421.*
25. *Quia eiusdem auctoritatis iudicio de haeresi condemnati sunt, à qua omnes quotquot unquam fuerunt heretici, sunt condemnati, nempe sententia Apostolica sedis Romana. 430. 431.*

F I N I S.



ERRATA HOC MODO CORRIGENDA SVNT.

POST epistolam dedicatorem in carmine de huius libri argumento, versu 39. lege: claramq; faciem. Pagina 12. v. 25. fidem. p. 14. v. 3. locis proferri. p. 18 v. 28. tūm. p. 19. v. 6. in margine, sanctam, pro Apostolica. p. 21. v. 5. & p. 38 v. 14. & 16. in marg. homil. p. 25 v. 3. in marg. 1. Pet. 4. p. 27. v. 4. vitam. & v. 18. conqueritur. p. 32. v. 13. opera Christi. p. 41. v. 13. in marg. epist. 3. p. 45. v. 2. dicere. p. 64. v. 26 propius. p. 79. v. 20. veritates & in marg. v. 1. Ioan. 6. p. 80. v. 6. in marg. Psal. 93. p. 84 v. 17. sententiam. p. 93. v. 8. in marg. Malach. 1. p. 110. v. 27. hominum. p. 113. v. 11. in marg. 2. Pet. 3. & p. 125. v. 4. Matth. 25. p. 129 v. 20. vnitate. p. 133. v. 12. in marg. Psalm. 18. p. 136 v. 15. in marg. Psal. 86. p. 168. v. vlt. & 1. sequentis pag. redundant illa verba: vbi nulla de controuersis talis cētusest. p. 180. v. 5. in marg. Ecclesiam. p. 190 v. 3. sola fidei virtute. p. 204. v. 10 nos. p. 226. v. 29. Ecclesia. p. 230. v. 13. abundantiore. p. 233. v. 9. in marg. Apocal. 21. & p. 235. v. 20. cap. 21. p. 243. v. 20. vnusquisq; p. 256. v. vlt. in marg. 1. Paral. 9. p. 259. v. 18 capite decimo. p. 265. v. 26. toti & v. 17. defuisse. p. 267. v. 10. in marg. anniuers. & v. 12. V I I I. probatur. p. 269 v. 10. Damasus. & in marg. v. 27 Hispania. p. 278. v. penult. Canonibus, & in marg. v. 26 Rescripto. p. 290. v. 4. decedenti. p. 298 v. 7 & 8 in marg. Acta Concilij Basiliensis. p. 306. v. 12. in marg. oppugnare. p. 341. v. 19. adde verbum: Respiciamus p. 346. v. 25. Canoniam. p. 351. v. 7. viam. p. 364. v. 2. sine. p. 368. v. 6. in marg. ita lege: Responso ad Sectariorū cauillationem, & præsertim Kemnitij: & p. 383. v. 3. & 4. dele: Parte V. probat. 2. In Scripturarum Indice ex lib. Numeri, v. 2. lege, vt mutetur. Ex lib. 5 ap. v. 1. lege, Sapientia.

Cetera prudens Lector facile corriget.

